

北京圖書館 編

北京圖書館藏珍本
年譜
叢刊

40

DUXIU.COM

北京圖書館出版社


□ 北京圖書館 編

北京圖書館藏珍本
年譜叢刊

北京圖書館出版社



第 40 册



第四十冊目錄


雙槐公年譜	一
秦襄毅公自訂年譜	二九
編次陳白沙先生年譜	一一九
胡文敬公年譜	六七三

序

史漢有儒林傳無道學傳自宋史始分儒林道學爲二而理學則宋儒極盛循吏則漢儒稱最焉裕芬末學膚陋鑽研漢宋未窺厓浚竊慕明儒雙槐粵洲泰泉三先生之治績行誼學術遠追劉漢近沿趙宋而雙槐治績儼漢之循吏粵洲行誼泰泉學術躋宋之道學三先生實皆根柢儒林故世德家風於茲弗墜晚近政學奇變蜩螗沸羹罕有溯儒宗而崇理學者鄙人杜門謝絕久矣丙午冬日良友日坡明經以其喆嗣慈溪茂才所輯黃氏家乘續編見盼備覽三先生出處大節仰其授受

淵源純正博大足以軼漢宋而拯末流尤敬日坡喬梓
食舊德之名氏足以承先哲而啟後昆也是烏可以不
誌後學南海楊裕芬謹序

六世祖雙槐公像



八世祖文裕公像

八世祖文裕公像

卷五

三



先三鄉賢年譜

裔孫映奎命男佛頤恭輯

雙槐公年譜

先雙槐公諱瑜字廷美號友琴晚更號雙槐老人
學者稱雙槐先生在先相傳爲蜀漢將軍忠之裔
唐未有驚者隱居有奇操石晉徵拜諫議大夫值
亂乃徙江西筠州裔孫漢卿爲宋度支員外郎五
傳至郡馬迪功郎重載重載生朝奉郎楚州監稅
雍雍生元西臺侍御憲昭以直諫謫南海踰嶺卒
子從簡始子身入廣居南海西濠是爲始遷祖以

衛鄉閭功明太祖拜宣慰司副使次子教徙居疊
溶生溫德僑寓東莞溫德生源遠公泗卽雙槐公
父再徙居香山遂為著籍

明宣宗宣德元年丙午

正月六日公生母伍太孺人感赤馬入室之祥故命

公小字馬兒

二年丁未二歲

三年戊申三歲

四年己酉四歲

五年庚戌五歲

公幼有矩矱，穎角嶄然，不隨羣兒戲。弱壯游里塾，適童生屬對，曰：黃楮題朱字，方指授采色門。類各俯思，未就公應聲代之曰：青梅點白鹽，語甚卓犖。近似調羹師，大奇之。源遠公因遣就學，授以孝經論語諸書。過目成誦，每謂所親曰：光裕我家者，必此兒也。

六年辛亥六歲

七年壬子七歲

八年癸丑八歲

九年甲寅九歲

十年乙卯十歲

英宗正統元年丙辰十一歲

二年丁巳十二歲

六月十二日伍太孺人卒公哀慕逾恆繼母李太孺人鞠養之既長敬奉如親母

三年戊午十三歲

四年己未十四歲

五年庚申十五歲

六年辛酉十六歲

七年壬戌十七歲

八年癸亥十八歲

九年甲子十九歲

十年乙丑二十歲

公既冠授尙書窮晝夜手口不懈源遠公恐其成疾
輒禁止之公得侍講林環講義乃竊誦默識大得其
旨適提調甄收俊髦遂入邑庠爲弟子員英標特異
流輩未之知也獨同邑李君智見而推許焉因納交
莫逆後遂妻以女弟時番禺東井陳宣之先生政以
五經教授於粵城公卒業其門學益進講習之暇則
修堂祠營居室凡櫝主之制祭祀之儀冠昏喪葬必
倣文公家禮行之源遠公義方之教素嚴公事之惟

謹應門總務咸得其歡心每朔望晨起謁家廟公必
豫備盥粥以俟晚有疾旦夕侍側藥餌飲食必親嘗
而後進如是者歷十有四年未嘗怠也

十一年丙寅二十一歲

十二年丁卯二十二歲

十三年戊辰二十三歲

十四年己巳二十四歲

公聘妣李孺人孺人本邑大欖鄉人父英妙當黃蕭
養亂時爲其黨所害孺人易服逃匿事定後與兄智
間關求父尸葬焉時年十七源遠公聞其貞且以其

兄智與公交好聘焉 時盜李千戶攻邑城源遠公
適在外公躬詣家廟啟神櫝抱主避之他皆不顧城
門閉者三月寇去源遠公歸煮粥以賑鄉民有流離
者出金贖之公與有力焉

景帝景泰元年庚午二十五歲

六月十二日源遠公卒公踊泣幾絕水漿不入口者
累日殯斂送終之節凡當時搢紳之所不能行者務
盡其曲折冒荆莽以求兆原日行數百里兩足漬血
不自知也是歲十一月二十一日合葬源遠公伍太
孺人於本邑壽星塘之原黎修撰淳爲撰墓誌銘

二年辛未二十六歲

三年壬申二十七歲

四年癸酉二十八歲

按公娶妣李孺人疑在是年

五年甲戌二十九歲

六年乙亥三十歲

七年丙子三十一歲

公自親沒後益自振勵學七月與同舍生鄭賢李濬

自石岐登舟赴省試九月揭曉公中式五十七名燕

鹿鳴日慘然泣下眾驚問之公拭淚曰余永感久矣

父母能教我而不及見我成名此所以悲也語次益
獻欵同列咸爲之感歎是歲公始輯錄歲鈔

英宗天順元年丁丑三十二歲

公計偕北上李孺人從焉

至江西水暴至亟走岸岸
斗峻舟子請援孺人叱曰

吾溺尚可援卽汚我蔽面登岸無
懼態鄰舟嘖嘖稱之曰女中師也公抵京試禮部登

乙榜辭不就遂游太學與天下士講肄爲文章必援
經術證時務人盡遜謂弗如也六月會內閣學士薛
公瑄致仕歸公往謁送之因與論繼善成性及相近
之義大相契合

二年戊寅三十三歲

公在太學好為詩南京僉都督張公通見而大重之
都督詞翰傑出嘗為公作坊牌扁及友琴堂大字他
如太宰王公朝侍郎薛公遠學士李公賢邱公濬皆
極器重焉李公欲延入館閣公辭不就作七誘以明

志後唐君允傳刻之
文裕公為書於後

三年己卯三十四歲

四年庚辰三十五歲

五年辛巳三十六歲

按公歲鈔自言有告往南監重經鄱陽湖之事年月
無可攷姑識於此

六年壬午三十七歲

七年癸未三十八歲

是歲公再會試不第 會天變求言公抗疏言六事

以斥中官遠倡優為說凡數千言

按香山縣志載公應詔六事疏一卷

忤權貴議削公仕籍賴王太宰翱薛侍郎遠掾之得

免繇是譽曰章

按公歲鈔云予在太學上疏言正身正家六事禮部奉旨本無他意楊興

濟伯善必欲文致予罪以問王忠肅公翱公徐曰皇上光復之初乃首罪一監生耶善潔而止

八年甲申三十九歲

公厯事戶部薛侍郎遠延公長安西邸以淑其子禮

為上賓薛公每謂公曰向使禮部說行子固今之陳

東也然宇宙內事當視為性分子其勉之

憲宗成化元年乙酉四十歲

十一月子畿生于京師

二年丙戌四十一歲

三年丁亥四十二歲

四年戊子四十三歲

公歷事戶部日久以材幹聞會御史缺員吏部疏舉
八人以公為首一夕有俞姓者夤緣戚畹易公疏中
名得之或使公進賄公笑曰關節求進吾不為也

五年己丑四十四歲

會兩廣兵興朝旨不限士之貫籍惟其賢能則授以

牧民之任公遂得授惠州府長樂縣知縣廣惠爲鄰

郡公曰吾鄉人涖鄉人先化而後政之

按舊譜引長樂志稱公於

成化四年十二月到任附識俟考

六年庚寅四十五歲

公初視篆見邑學卑隘首捐俸三十石爲之倡遷建於城東南四閱月而經營告成政暇則至學與師生講論經史亶亶不倦邑俗素稱狡獪公至乃闢田里以阜其俗與禮義以化其心上承下御動中肯綮凡避盜流離他境者聞公治聲還以數千計戶口旣滋增置二里而益庶丁糧旣盛增蓋二倉而益富宿蠹

藏奸披抉殆盡郡守吳公繹思尤加禮重侍御龔公
晟號嚴峻奴待諸令獨雅敬公始聞能名卽加褒獎
尋上其績於朝

七年辛卯四十六歲

初邑多淫邪每秋冬之交則覲儼載道云驅瘴疫公
禁止之風遂革吳郡守使勘興甯嫡庶爭產公導以
義卒感泣相讓吳公稱爲至誠不可及尤憐獄囚每
朔望必解桎梏櫛沐飲食之莫不感泣顙祝偶因公
久出歸未抵城獄囚聞之歡聲如雷

八年壬辰四十七歲

時豪民黃新殺人上司以其無屍欲出之公禱於神
忽有蚱蜢折左股入硯池而斃因謂新曰汝折其左
股沈黑水塘中人告我矣新驚服遂得屍未幾僉事
蕭倉錄囚至惠受新賂欲以爲疑獄公堅持之新遂
棄市按粵洲公先妣曠記云先考任長樂時以張方
伯提去先妣請曰勿倉卒當理會印信文書乃
以先考命庫吏收領縣印及陰陽醫學諸印凡六顆
而自收其鑰又取案卷箱匣以鐵鎖連環鎖之先考
遂行後仇民黃新欲帥人行劫其謀中
沮經歷黎獻聞之以爲丈夫有不如也有藩一官墨
索賄不予假事辱之歎曰吾倔强可終制耶遂乞歸
耆民張老叔等百餘人攀留之不可龔侍御以已登
薦剡留之亦不可公攜家歸至黃土嶺忽甲而持戈

者數百奄至公歎曰行囊甚空盜胡為來至則涕洟

羅拜各出所有為贍公堅卻之因肩公輿護送過嶺

而去蓋向所化盜盧公林也

盧為縣劇盜聚山為亂吏莫敢問公計召之盧

日黃公召我何敢避死遂造庭下公勞之因令其政行與之更始盧感泣卒為良民云

公去後

邑人為立生祠於學前直街繼公為令者使庠生魏

鳳等求繪公容以歸

九年癸巳四十八歲

公既致仕歸徙家會城番山下手植槐二構亭其中

自稱雙槐老人曰子若孫能更植其一則吾志畢矣

公雖優游田里恆以不及致身廊廟為歉

按公後又遷居承宣

里卽今雙門底
泰泉舊里第也

十年甲午四十九歲

十二月二日次子廣生

十一年乙未五十歲

公自編文集爲十卷是歲仲冬廣東按察司僉事營
道趙公宏爲撰序

十二年丙申五十一歲

十三年丁酉五十二歲

十四年戊戌五十三歲

十五年己亥五十四歲

黃氏家傳寶冊年譜

十六年庚子五十五歲

是歲子畿補郡庠生

十七年辛丑五十六歲

十八年壬寅五十七歲

十九年癸卯五十八歲

二十年甲辰五十九歲

是歲六月總督尙書余公子俊上言邊務以車戰爲
守邊簡易之法公識其詳於歲鈔且賦二詩志喜

二十一年乙巳六十歲

二十二年丙午六十一歲

二十三年丁未六十二歲

孝宗弘治元年戊申六十三歲

二年己酉六十四歲

三年庚戌六十五歲

十一月孫佐生

四年辛亥六十六歲

五年壬子六十七歲

公覓壽藏於白雲山之麓

有攜輒來售者上有篆曰景定辛酉預備輒尋有售

碗碟盤盂者色黝潤若饒磁詢所由來曰得諸劉王象公以景定乃宋年號辨其非南漢物遂識於歲鈔

六年癸丑六十八歲

七年甲寅六十九歲

三月公自香南省稼回至白沙訪陳公甫先生相見
大笑講話竟日各賦一詩而別公詩云吟弄不知春
已算滿天風月玉臺巾蓋許以與點之意白沙詩云
與話平生燈火事羞看白髮滿烏巾以公老猶耽六
籍故云爾

八年乙卯七十歲

二月公輯錄歲鈔成書十卷凡二百二十篇公定名

雙槐歲鈔自為序

按文裕公書目錄後云先大父挈家游宦十五年於外乃返會城以

老故見聞甚富然必參伍研覈始成是編比佐竊祿留院堂東一鉅櫃扁鑰如新因據而補之洪武中科

第及永樂中吉
士姓名是也

九年丙辰七十一歲

十年丁巳七十二歲

公嘗置朱子語類及唐音杜詩於卧所晨興讀語類
以析名理暮則詠詩數章而寢是歲三月二十二日
預知游期晨起猶洒掃庭內哦萬里銘旌詩其夜問
僕黃阿三曰三更乎已而報曰三更矣遂端坐翛然
而逝逝之日童穉皆哭失聲公同年興國同知番禺
謝公廷舉爲撰行狀十二月丙申子畿奉公柩葬於
會城北景泰坑聚龍岡之原公同年雲南按察使副

使南海陳公騏為撰墓誌嘉靖三年刑部尙書莆林

公俊為撰墓表後崇祀惠州名宦郡邑鄉賢

按文裕公泰泉集卷四十四有題懷景流芳卷後
蓋公據家藏往贖付嫡長子在中輯為此卷以述
雙槐公平生言行者也惜
今已散佚無从稽攷矣

秦襄毅公小像



常空身寒那多拳門之火根固能排巨浪之春
其泣職也惟勵精以幹蠱其存心也惟瘴惡而
除兇舉旗驅儉狃於天北請劍逐豺狼於廣東
是以宿望老成荷

帝心之簡在而英風義烈流芳譽於無窮也邪

右金陵倪岳贊

爾貌雖翁爾識則童任拙為巧處困猶通膽小
而盛則知懼福薄而貴乃守窮政無異能惟馭
吏以省事戰無奇策皆因人而成功夫何茂著
才猷曾見褒於

天語而素秉公直又簡在乎

帝稟聖名過其實於道積弱願學焉遂事終日蛇呼老矣其節夫之空空

宣德元年時先祖任廣平府肥鄉縣學教諭予考

悅妣朱氏隨任予於是年十月二十九日亥時

生於官廨妣朱氏於是夜夢雷雨大作見二物

蜿蜒攀窓內窺頭角如麟目光如電回而驚覺

分襁

宣德二年至三年予生三歲猶未能言五年六年

猶隨任

宣德七年先祖解官隨同回家予已七歲矣貌雖

若騃而陰有其志每見上官經過心竊自謂待

年長亦當如此見書便愛有紙便寫無紙則畫

沙為字人頗竒之

宣德八年九年十年正統元年猶在祖家黃堆店
任予年八九至十一歲時頑惰不做營生父兄
皆不悅

正統一年予年十二是年祖考故有從兄名經者
克弟子負學成亦於是年故本學教官姓孔名
昭者與予祖曾為同僚謂予仲父福曰爾以詩
禮名家何故不令子孫讀書仲父福歸與先考
商議欲遣予入學先考曰父祖世享官祿今為
子孫者當與

朝廷應辦糧差以圖補報若更遣子入學影射門
戶是重得罪於天也况此子頑惰豈成材人乎
仲父曰以是意達之教官曰令兄如此存心有

天理人也子孫必當貴顯是年十月間仲父曰
孔先生誕辰命予攜盒往賀孔指予問此誰家
子仲父對曰此即所謂頑惰者時在坐又有孫
忠先生者善風鑿熟視良久乃曰此兒骨相大
貴後送讀書仲父歸語先考猶執前議仲父於
是年十二月二十四日強遣入學初讀孝經小
學

正統三年予年十三讀大學中庸

正統四年予年十四讀論語孟子

正統五年予年十五四書已讀過以家傳初習書
經是年目教官去任予曰缺乏供給棄學回家

正統六年予年十六歲猶家居曰同學長友牛居

中鄉舉予聞之哭而不食者二日惟恨不得讀書先考雖憫予之志但時值凶荒姑欲少待

正統七年予年十七歲新除教諭河南鄆城人姓沈名翰者見予筆跡而異之問是何人所書或以予對沈曰此子何往或告以棄學之故沈曰可惜適見所書文章二三十篇不落一字此必有以入之資遂謀諸縣尹攝予復學沈先生憐予貧予免其束脩仍令改讀所業詩經表伯教諭張文鐸先生曰予改經面責予曰舅家書經連我四輩矣汝何為背祖改經予曰小姪還要連五經通讀伯曰有志有志予感沈先生教愛發奮刻苦每日散學同學都在大街搖擺予獨

從僻巷中撿書且讀且行及到家置書案上口
喫飯眼看書夜間竊學為文未幾為同窓所覺
倡言某不識羞學做文章予任其詆笑益加勉
進嘗見沈先生但飲酒後諸生有犯學規皆蒙
寬恕予謂此事可法是年四月間予曰枵腹沉
困就在本學帝君廟前槐樹下睡卧時將一更
夢一官人衣冠俊偉與予藥水一椀視之水面
光浮星月飲之而覺自是讀書日進

正統八年予年十八歲沈先生每月考試同學百
餘人皆謬取予為第一以致同學嫉妬陽則謗
言陰則謀害時姑夫濟寧閻景聲名達人也恐
予驕惰極言訓戒你在這小處頗為超群若到

郡省叢林中只怕數不着你了若是自足豈能有成勉之勉之予服膺勿忘

正統九年予年十九歲例當開科沈先生欲令看場為老生所梗

正統十年予二十一年予二十一俱在學沈以予學將有成益加策勵鄉人多為相攸予以未遂其志皆辭之

正統十二年予年二十二四月始聘同學老友劉彥昭女是年開科時本學分兩齋予隸東齋其西齋訓導南通州戴瑾險妬人也知予必中乃語西齋諸生云若秦某中我西齋不中你回來都打一白以致隸西齋者皆啓謀心欲使不得

赴試無釁可指乃誣予毀罵學官事上兗州府
累及於父叔兄與隸西齋者繫獄事白赴試沿
路隸西齋者又陰謀不善得同齋霍時舉漏言
予明行早宿幸得達省揭曉予叨中二十三名
而西齋無一中者予得捷回鄉親皆勸畢姻予
志有在而不肯從是年十二月赴京往年舉人
先賂縣官然後乃得厚贖時縣丞滄州呂熊曰
予無賂又陰聽戴瑾主使賓興盤纏比往年十
一不及一予自知命合受貧不為干託

正統十三年予年二十三會試中一榜不願就職
入監讀書時孤身凡飲食皆館人代炊雖貧苦
無聊而講讀不輟一日有陳助教曰罵同班舉

人趙章乃詐言陳助教罵我衆人予將辯之適有同年東平州舉人梁廷賓竊語之曰國學不是你尚氣處休信人攬撥予深聽其言

正統十四年予年二十四是年八月放依親予猶在京讀書時已停月糧貧窶尤甚每月裁節止用銀六錢以易薪米僅得延命而已

景泰元年予年二十五是年四月方回原籍以縣官慢儒予一見罷就回黃堆社閉門讀書竟不復見十二月赴京自備及稱貸盤纏止得銀七兩行至濟寧間姑夫又謂予曰山東雖僥倖亦是短中取長今到京又與天下英才角藝若不入中進士徒讀了一場書勉之予拜辭北去是月

二十七日過德州時三寒河凍新在西岸旅宿
夜夢河開予入河致魚見深淵下一龍奮躍而
起予甚恐不得已平攀龍背身騎龍項又見河
邊一人強來爭奪龍項一變龍騰龍就飛起少
刻予在山頂高處正其龍與爭騎者不知何往
景泰二年予年二十六會試主考江侍即欲定
為第一曰三車爭論不以兵匪為詩經第一卷
予為第二卷殿試中三甲第人聞之皆喜且戲
曰予中進士莫非用錢買乎是年三月間議送
都察院余言同刑八月奏

非回家尋姻闈始六就在巨縣守空三
知予性偏等類推王守仁人今
京卿相在尚

謙和似你這等傲氣便做箇驛官也擠出來了
姑夫千言萬語皆如對病之藥此特記其一
爾予勉為克治以至終身是年十月二十五日
迎劉氏成婚

景泰二年予年二十七是年四月回京九月十三
日考中送吏部除南京山西道御史閏九月初
三日在地方適寓生長男畊十月到任兄同僚
有罵杖屬為賤者予報為諫止或問其故予
曰彼廉者而加此污名固人心所不服雖令其
而以此名則人將安於無恥矣

景泰四年予年三十八為御史雖奉職然亦
惡太甚曰請守備中軍都督

予同十三道劾奏奉

旨趙倫不必拏問降指揮同知柳州衛帶俸差操

景泰五年予年二十九是年南京通政司叅議丁

澄總督糧儲懷姦弄法予同十三道劾奏就將
丁澄拏送南京刑部問擬追奪

勅書發落是年司牧局內官傅鎖兒侵欺錢糧被本

局軍人劉晏保等告發予勘實叅奏其詞略云
傅鎖兒隨帶母妻男婦等人六十餘衆私養馬
牛猪羊等畜八百餘多以致侵用料豆一萬餘
石細草二萬餘包其寄頓於鄰局軍民李煥等
二十一家見在豆二萬石草一萬包又欲待價
轉賣與人以圖取利肥己似此大肆侵盜法所

難容奉

旨拿送南京都察院問擬監守自盜斬罪覆奏奉

旨傳鎖兒依律便決了着南京內官內使看樣再不
必覆奏此後權豪斂手予鋤治益銳同僚句容
張仲書永新劉叔榮祥符岳文璣皆勸予少露
鋒鏗予曰勢不容已三人又言如此恐有後悔
予曰御史自我得之自我捐之何悔之有

景泰六年予年三十是年五月南京大理寺少卿
廖莊回建言大怫

上意同僚御史與廖有隙者欲乘機劾之予謂廖之
素行固公論所不容但彼曰建言禍在不測今
若劾之廖固不知其死所予輩亦恐有迎合之

議由是事得寤八月妻劉夫人故九月南京戶部尚書沈翼被本部主事李永寧許奏違法事情內止一事聽從囑託改撥倉糧是實南京戶部二道議欲彈劾予以沈素行公廡雖有小過尤當掩覆為

朝廷愛惜人材共事亦寢十月間曰

朝廷差太監四員來南直隸採辦翠毛魚枕等物予以歲數人貧同十三道奏奉

聖旨這御史每說的是救災恤患不得不這等行就將太監取回小民雖蒙其福而內臣皆結為鱗目而中傷降為湖廣沅陵縣北容縣縣丞特都堂軒公雖上章為予分辯本官中不出同僚

皆為予抱不平乃謂予曰且下何以處此官乎
予曰事上結下素位而行神節守廉誓死不敗
然予亦知其無可奈何安之若命同僚雖許其
寵辱不驚亦有疑其事出勉爾臨行契友黃經
憲贈詩云驄馬群中獨妙齡
夙成別處志澄清
霜蹄暫蹶名尤顯
士論無虧去亦榮
夙設教
施利器
相如還見返
連城孤忠耿耿宜珍重
微
詔終歸萬里明
贈者多茲其一
爾黃經
憲名錫
鎮江人

景泰七年予年三十一正月間始建北容於解內
構茅屋三間題其扁曰安通軒幸得路邊亭簡
予曰讀五經諸史以益未能迨日將夕泛舟江

許以漁釣為樂又於軒前題寫左云處困而亨
右云有言不信常自警省鄉人以予謫官來唁
先考皆云不幸先考云諸親以為不幸我則以
為大幸也易云童牛之牯此子性劣自幼失教
我之過也今幸遭此頓挫漸得調馴庶免僨轅
而破犁矣或者天將庸王於成乎予寄詩與南
臺諸友云幾磴烟村傍水涯驛亭喜得遠繁華
閑穿洞口尋鐘乳悶向江頭看蓼花葛粉熟時
堪代飯釣船到處卽為家洪喬賢矣非知命咄
咄書空祗自嗟其友皆曰彼適意山水若將終
身不意年少性剛乃能如此皆和以慰之黃經
憲詩云吏隱湘江樂未涯絕勝冠蓋走京華閑

依碧樹聽啼鳥靜對清樽數落花道在不妨淹
草莽時來終見顯邦家高懷最是人難及處變
何曾一怨嗟一日適與會溪巡檢王克明相逢
詢其鄉貫玉乃徐州沛縣人叙話間王恐予不
安乃勸云以足下年妙才高非久於人下者惟
當始終一節順處以待之若有不安徒為自累
予聞而重之

景泰八年予年三十二猶在北容徜徉山水是年
四月間辰州府守謂予曰今

朝廷求賢凡屈在下僚者許省郡薦舉足下無憂
也彼為此言其意欲致予請求予以事虧直道
竟不往彼亦寢其事是年

上皇復辟改元天順八月間調陞保定府雄縣知縣
至是乃知升沉有命彼狂道求人者徒為夫已
然尋為御史時量福不能容人且志在躡進自
謂取高官如拾芥由此一降器量漸宏去就漸
輕識趨漸明雖一時謫官而得終身受用天未
為無意也先儒謂貧賤憂戚庸玉汝於成者豈
我欺哉時王巡檢公先年已卒於任聞其有女
且賢予追感規教之言遂令媒妁聘為繼室予
就同回原籍十月二十日服滿迎娶成婚
天順二年予年三十三是年五月初一日予到雄
縣管事以有司職在敬神恤民御吏而民以財
為命乃為義省浮費雖民應出辦者亦多措置

於須知手本內查出未納供用顏料三十七起
計用銀四百餘兩予以民貧賦重欲待收成而
上司逼催急於星火不得已勸借富民辦納取
完予謂既名勸借若不給還是失信也又不忍
害民日夜計慮詢知本縣慶豐等處湖泊多產
蒲草七月間令聽候夫輪班採打起倩民船載
去直沽賣錢俱陪還訖雄縣稅課例聽本縣支
銷以給官吏師生俸錢前官曰受巡攔賄賂按
月課程止勾俸錢餘皆巡攔侵用予量為減稅
商旅雲集而來每月收錢三四萬除扣勾俸錢
外其餘封記令幕官收掌遇祭祀鄉飲科貢及
工部坐沙顏料估支買辦事完民多不知至於

事神務極誠潔凡行事惟任理而不任情治民
惟用絜矩二字御史惟用易大畜豮豕之牙一
爻至於刑罰一以欽恤為主時有一幕官乃奸
胥也心在貪賂以予作梗尋隙無由回兵部行
下收議和錢買馬彼私自喜曰好了好了意以
事有可誣也予乃立規分置二簿凡遇收支於
簿內前開錢數後列官銜令各官於姓下親寫
一知字又凡動支馬價先令佐貳首領同行頭
估計過然後呈稟予乃從公量減及將庫門鎖
鑰專令幕官收掌其人計窮乃復嘆曰別無路
了縣有政群首惡鄧廣以其健訟前官皆束手
聽其所為予到任被害者告發拘繫邑人皆謂

使鄧廣生得出獄必不利於縣官予曰好生惡
死人心所同彼罪不至死而致之死是豈為民
父母之道乎但坐以本等罪名使彼果能陷予
重不過罷職而已若害彼性命保我前程決不
忍為也鄧乃生出遂感化為良民頑潑者各隨
情犯輕重懲治期於改化而後已或飲酒後以
沈者先生為法民有違犯輕者即時放免重者
省缺次日發落由是部民愛之如父母鄰境之
人鷄犬不寧而雉縣宴然無事里甲舊有分頭
錢每年上戶思銀二十餘兩予在雉十一箇月
分文不用三次禱雨皆不崇朝而降是年忠國
公石言令人來討雉縣南壇舊基許予為知府

予不從人皆尤予不通曾未一載石亨事敗出其門者皆坐嚴譴人始知予有定見也

天順三年予年三十四有京差捕獵內臣侵漁害民予執法禁革彼乃誣予抗拒

朝廷奏繫御史獄時

天威震怒禍在不測幸而雄民詣

關奏保及擊登聞鼓前後代訴者五千餘人

天意方回然猶調除陝西延安府葭州府谷縣順路回家是年九月初七日生第二男旬十一月到任予敬神恤民御史如在雄縣緣府谷乃極邊戎馬之地內臣擠予於此意欲陷之死也予未到時遠賊虜年侵擾民不安生為縣官者惴惴

焉朝不保暮及予在任戍鼓不鳴民出境外一
百里任意耕獵且又事簡民淳予日與將官講
說兵法計料虜情此外不過溫習舊書而已然
亦不敢鄙夷其民脩學廟以興文教築城堡以
巖邊防

天順四年予年三十五五年予年三十六六年予
三十七七年予三十八俱在府谷管事時或下
鄉戴白之民頂香斗跪迎道旁亦有請留飲食
者予與部民情猶父子亦不拒却民愈親愛里
甲公用錢每人一年上戶不過二錢告旱十一
次隨禱隨雨惟二次遲五七日

天順八年予年三十九是年八月巡撫都御史羅

山徐公廷璋行部時葭州缺知州本州并屬縣
人民連名具狀保予堪任知州事聞

上可其奏是年十月葭州到任管事予敬神恤民御
吏皆准前法釋寃濫寃租賦五七日不用鞭朴
同僚退有後言曰若此行事葭州錢糧何時可
了予聞而笑之是年十一月冬至僚屬賀節佐
倅舉杯相告曰太守誠為寬厚長者但不打人
恐錢糧難辦予反訐之曰某曾聞本州官打人
常至二三百棍有諸皆曰有之予曰既如此緣
何拖欠稅糧彼皆無言可答予曰本州負稅事
有所由正當徵收時月吏書兵隸投拖催糧惟
專求取民既納賂得有所挾因而遷延遲誤是

豈獨民之罪哉况此時年荒民飢若再加刑催徵非死則逃爾予自有處置不以累諸公也時在坐致仕官數輩皆為泣下出而語諸人曰吾郡何幸得此好官也至是予到葭州未兩月而府谷以虜情告急已十八次矣予之得天幸者如此

成化元年予年四十是年二月初十日告諭官吏里老齋沐欲以十三日祈雨俄有父老百餘人詣治告曰本州邊地苦寒每年直到三月盡西月初纔有雨若此時祈雨徒為勞心予曰天道焉可知也至期行香焚檄十五十六十七連雨三日四郊遍沾民心大悅予乃發倉賑貸

民子種通借牛具三月二十間禾苗芄芄予知
民有盼望乃攝其負租戶長詢其負者皆下門
也勸令本戶上門量為攤納民皆喜曰官府十
來自不動鞭杖我民何敢不輸納乎由是爭先
趨事舊糧皆完四月間麥苗將黃予乃選羣公
當老人催徵佐倅曰不遂私皆曰往年州官催
糧尚不肯納如今但用老人不知這糧幾時催
得起予曰設或誤事罪在知州五月十五日催
完發運六月初三日告繳通關佐倅皆服其能
在葭七箇月里甲公用每人止用銀六分禱雨
四次多不過一二日六雨如注葭州山高土薄
三日無雨則苗稿矣予或承上司差遣出境公

幹民以為憂偶聞將回則皆喜曰雨來也時徐公廷璋曰事去任王忠肅公掌吏部意欲以予代之兵部馬尚書昂以越格沮止又有巡撫延綏都堂盧公祥欲薦予為僉事議未行而巡撫陝西都堂項公忠以秦州人民健訟適年糧草不完謂予才堪治繁奏調秦州盧都堂與葭民連章保留不允是年八月十八日予離葭州九月初二日達賊犯葭州逼近城北三里地名第一峯是又一天幸也項與二司雖喜保准但以秦州難治恐予不勝其任是年九月初九日道經西安回叅見項都堂謂予曰秦人難治皆以刁民作梗尔到有放刁者便打死申來予不應

項問其故予曰刁民人皆可惡所惡不同上司
於刁民則惡其害人州縣官於刁民則惡其害
已今州縣官才幹者欲除刁民以彰能聲貪污
者欲除刁民以遂私意但患御之無道爾苟御
之有道刁民將化為良民若將刁民打死反使
貪官得計云項笑而不言又詣按察司叅見時憲
長李俊素見薊愛重留飲間李云秦州人最刁未
免勞心坐問又有憲副郭紀云他處放刁告賍
官秦州放刁告廉官李云反常可怪也即予而
問其故予始辭以不知固問之予曰此等廉官
恐非真廉官李云只是不貪便罷何必又論真
與不真予曰有等官員本心要貪回為刁民所

制不遂貪心乃逞毒心主事搜求民有犯者動輒置之死地貪官固不足道但既受人財有事猶肯將就廉潔自務欲害人性命所以刁民不告貪官而告廉官由此故也李樹掌大喜曰足下處心如此何惡及秦州之不治乎是年十月到任敬神恤民御史皆律前法州人大悅秦俗強悍前官勾攝民動差一二十人予但寄票民皆依期而來或有拒頑不來者始令甲首勾取到時將所論事剖斷明白然後量力罰差自是號令風行不復敢有違者本州敗群之民名強政者曰被害入告發予拘問坐以雜犯死罪告者曰猶有本犯妻女未蒙拘來予曰狀內雖有妻女

止是干連之人况律有明條婦人犯罪罪坐本
夫尔必欲使我拘取到官辱彼妻孥喪彼廉耻
尔固得以快其仇心其不累我之風化乎強出
而語人曰太守真父母也由是同類刁民皆感
化為良民予皆以良民待之亦不追咎既往拖
欠三年糧草未一年皆完盜賊與健訟者斂跡
秦安縣民陳經秦州衛軍高榮各曰按察司鄭
副使枉問死罪奏訴冤枉刑部行陝西布政司
委鞏昌府温通判勘問温畏鄭副使乃依成案
回達二人又奏行布政司委予勘問温密告予
曰寧苦他莫苦我若要與他辯惹得鄭副使怪
了便有禍來予意古人於應死者尚與求生今

二人罪不至死而坐以死其如天理何予寧受
禍不忍枉人也即與辯明二報准擬由是二人
得生鄭副使聞之語人曰我問的囚他敢辯出
去好官好官然亦可見鄭公不以私情而廢公
道也項公聞之喜曰秦州今得人矣遂有意薦
用二次禱雨不過一二日之間沛然沾足里甲
公用錢上戶一年不過銀二錢秦州有囉哩戶
乃回回之別種也漢人嫌其非類不與通婚姻
彼乃自相嫁娶有以兄弟而娶姊妹者有以姑
姨而配姪甥者最為可醜予訪得鄰邑清水秦
安等縣亦有囉哩乃移文各縣知會使彼處囉
哩與秦州囉哩有男女者共為婚姻彼乃喜曰

吾輩今得免為狗彘矣秦俗尚鬼每年清明官舍軍民各辦花山喪儀費用不下二四千兩臨期於城壕內拾取死囚骨殖棺斂令俊秀子弟裝扮諸色優戲又令丐者斬衣哭踊如送親喪皆言若不如是則癘鬼降禍予以為非嚴為禁止民猶退有後言予復諭之曰掩骼之事固亦仁者所為但收而瘞之不使暴露於天地間可也今尔民遇節棄祖墳而不拜掃却妄費財物誦事癘鬼豈不信邪而虧孝乎使癘鬼果能為禍予願以身當之由是民皆感悟此風遂息秦州每年徵運邊糧前任官吏畏避上司比較預申虛文云已收完差部運老人某或大戶某等

領前赴原定倉分去訖却乃從緩催徵多不
半部運者留難二三年遇例將納過之數截
通關此非部運者之罪也有一險惡上司因怪
秦民放刁查出部運六十餘人誣以侵用之罪
繫獄受刑卸冤待死予為申救發回本州羈管
仍將欠糧人戶審實各令採辦土產山貨仍令
各人管領送納不久皆完被誣者皆得全活
負欠者亦不傷財前項上司不得逞讎反謂予
為姑息噫予豈煦煦婦人之仁哉又巡撫甘州
都御史徐公廷璋發下戰車式樣仰本州依式
成造八百輛每輛估定價銀十兩不許多科予
恐害民乃召車匠八十八人每人撥與夫二名於

附近南山內採堅韌五角木每匠十輛約以匠
戶全免邊糧人夫皆免一半准作顧直人皆樂
從三箇月工完

成化二年予年四十一是年八月十八日生第三
男嘆十一月二十一日聞母喪奔回秦州人具
本赴京及陝西巡撫巡按二司奏保奪情以新
例不允到家未久土達滿四作耗秦州大被驚
擾是又一天幸也

成化三年予年四十二成化四年予年四十三猶
守制三年間室空四壁幸得諸親相助強延至
服闋起復到京而秦人已進三本保挽矣吏部
以秦州見有知州不准秦州人日哭於東拱辰

門吏部不得已將見任者奏調別州仍授予秦州郭定襄伯贈行詩云早登金榜列儒紳誰不爭先睹鳳麟曾以霜威消瘴癘還將和氣布陽春廟堂正擬徵黃霸父老俄聞借寇恂不獨兒童騎竹待郊原草木亦忻忻

成化五年予年四十四是年八月十五日出京秦人聞予復任皆舉首加額惟郭判官嗔怒盡將保者家屬拘禁且言只他是好官予聞之一笑而已是年十一月到任管事敬神恤民御史俱准舊

成化六年予年四十五五月間郭判官回放僱運軍糧盜出米十二石寄在伊馬夫家州人以郭

判官與予曾有違言唆令民人李韶赴州口告予言這糧是我多派出的以備不敷如何說是他偷來乃與設為筭出多餘之數令郭判官移文本州將糧還倉訖其人畢竟無詞州人皆服其量十月十五日吏部差王府舍人李玉賚馬陞鞏昌府知府十一月二十七日鞏昌到任敬神恤民御史俱准前法但於所屬州縣以六事課殿最而行勸懲祈雪一次翌日約降七分不能沾足

成化七年予年四十六政令纔行屬民翹首望治是年三月初十日聞父喪十四日生第四男琬予奔喪回家僅三月達賊攻圍鞏昌民被屠掠

又是一天幸也

成化八年予年四十七成化九年予年四十八是年十月服闋吏部差人送西安府文憑到家予奉檄西行十二月二十四日西安府到任管事治民御史事神皆准前法但西安府附郭三司百責攸萃予勵精勒慎所屬官吏習成頑慢予督之以嚴事無廢墜然自前至今凡遇飲酒雖有非理相干全不介意蓋習與性成矣

成化十年予年四十九是年八月十一日秦畊生一子名學易時馬都堂以西安城內地大人繁柴米騰貴照依便宜事例案行布按二司并西安府咸長二縣各官名下馬夫按月貼洪崇表

予意昔任州縣雖馬夫果菜猶不曾受况柴米
乎且予恐違衆誑言受之矣翌日周又堅叩其故予
與周素相契厚乃言馬夫柴米且莫問受與不
受只論當受不當受周曰既有巡撫明文有何
不當受予曰雖有巡撫明文若事發巡按處彼
但知有法律而不知有便宜也周猶不以為然
未幾理問所楊案牘被馬夫告發巡按問斷為
民去訖周始以予言為然是年十月馬都堂案
驗定擬馬夫貼備大朝官馬草料銀三十兩予
不忍損民止令共出銀九兩回還仍剩四兩二
錢退與各人分領訖

成化十一年予年五十歲是年正月朝覲吏部謬
推予為天下知府第一正月二十七日陞陝西
右叅政奉

勅總督糧儲兼理屯種予巡行督徵不憚勞苦兼理
別事如脩饒家等處城堡俱在極邊又以巡撫
丁都堂奏准饋運糧料草束三百餘萬予謂賊
未見侵而民已受害今沿邊糧料猶勾一年支
用姑為停運如果賊來然後行之未晚旣而賊
竟不來民亦免運

成化十二年予年五十一猶任叅政

成化十三年予年五十二猶任叅政回征西番予
督運糧儲時巡撫余都堂令予領兵三千分攻

栗林簇四月十七日晚行至地名三十里店彼處有閔王廟予焚香禱告云西番與予輩固有華夷之分然稟氣受形亦皆人類使此賊積惡慘烈天恩曾誅聖神默助使我一戰而勝倘賊惡不除聖神使彼知覺遁藏予願無功而還若妄言食功神其禍之禱畢又行夜將四鼓距本簇十八里山險無路予與軍士緣木裹毡而下前登一山僅四里林箐泥淖尤為難行自卯至巳始達山巔又步行十餘里始迫賊巢時天大霧咫尺莫辨人皆以為神助予分兵三正三奇勒陣以待聲震山谷賊始知軍到少刻霧收彼乃出陣予下令放火箭以焚室廬布傍牌以遮

矢石齊力向前賊敗就陣斬首五十餘顆生擒三十餘人幼小男女不在此數軍旋獻捷陞俸一級事竣回司自愧伴食省堂曾無少補浩然有歸志不意是年八月十八日

欽陞都察院右僉都御史提督鴈門等關兵備兼巡撫山西九月到地方予以都御史責在揚清激濁除害安民彼布按二司濫設馬夫皂隸習以為常予嚴為禁革都指揮周瑛操行不謹右布政張賓姦貪不法予皆劾退操練軍馬創築利民神池二堡墻厚五丈高二丈九尺皆可保障百年重建代州文廟皆用翠琉璃瓦蓋太原府城樓損壞年久予易舊為新人不告勞而工

就緒凡王府平口一應無名索倩並皆停罷
成化十四年予年五十三是年訪得平陽五州民
兵二萬丁名為脩守鴈門關十八隘口其實皆
與鎮守官納錢以一人十兩為率并支費月糧
一年不下銀二十餘萬兩以致民力困耗邊備
廢弛予為奏放各回本處操守另起近邊代
等五州縣人夫三千名分為三班代工一班一
千一月人各做工十日其代嶧等處一應雜辦
却令平陽等處代辦近邊者雖不免用力然以
其分番不妨生理腹裏者雖不免用錢然比之
往年費用十已減其七八民兩便之脩完鴈門
關十八隘口大口四處墻厚十丈小口十一處

牆厚六丈並高三丈甃以磚石

成化十五年予年五十四是年修偏頭關邊塹一百七十餘里石甃本關城二面時或曰公回山西旱而必雨人皆異之

成化十六年予年五十五猶巡撫山西有分守都指揮文玉謀報達賊三十餘騎近邊往來支欲出勦予以貪功啓釁不可而止時閭閻姑夫曰來任所見予行事喜曰你如今別是一樣人了予曰此皆姑夫教誨之力也其年又以王府軍校害人汾潞二州尤甚予為奏請

勅書禁制分封潞州者頗知忌憚惟汾州終不悛改予皆量其罪而處以法曰囚犯在監疫死支玉

恨予沮其前謀乃密與王交通誣予故勘逮繫
於獄予志在與民除害略無怨尤山西軍民赴
京代訴者前後一萬餘人繼而勘官覆奏

朝 廷惡王容姦妄奏王與將軍共十二位九位革
減祿米三位降為庶人生事軍校皆打一百發
克邊軍予復職十月十七日都察院到任十一
月二十日三年考滿調予巡撫河南是年十二
月二十七日到地方汾州人以予為民除害立
祠於文廟之旁予自任御史至知府叅政皆冀
得到河南以報沈先生之忌終不如願至此乃
得巡撫河南藩府三司皆畏法斂蹤予不動聲
色而地方宴然

成化十七年予年五十六是年三月十一日親到
鄆城沈先生墳上祭掃就與先生豎立坊牌是
月十八日奉

勅調予巡撫宣府蓋宣府乃北門重鎮簡在慎選故
也臨行河南軍民挽留者哭聲震野四月十七
日便道過家祭祖五月十八日北行六月初六
日到宣府予以巡邊憲臣責在撫軍禦寇是月
初七日萬全右衛以邊情告急于與總兵官周
玉領軍一萬飛馳策應賊見官軍即退周欲出
追予以賊不戰而退必有姦謀遂整軍而還次
日諜報賊有伏兵二萬餘騎在野狐嶺外深谷
中使其出追適墮其計至此然後乃知昔年調

府谷料度虜情天意誠有在也

成化十八年予年五十七猶在宣府城南有羊河
冬月人皆病涉予脩石橋十五空以便往來城
中原無鐘樓予措置甃檀高臺一座上起三簷
樓一座鑄銅鍾一萬二千斤創蓋行臺衙門一
所為正堂廊房解宇共一百餘間又築墩臺三
十餘座備慮周密或問邊人兇頑何以制之予
曰處邊人當取其驍勇敢戰恕其兇頑無知蓋
惟其兇頑故能戰使軍皆能戰戰而必勝則夷
虜畏而地方安矣所重在此故或有小過不可
盡法也是年

欽賜誥命追贈先考為僉都御史先妣為恭人妻劉

氏贈恭人王氏封恭人

成化十九年予年五十八是年七月總兵副總兵遊擊皆調去大同截殺予獨領軍五千在柴溝堡防守謀報達賊三十餘騎圍渡口堡予訪得堡內人畜不多今乃被圍此必賊欲分掠懷安故設此策以綴我軍使不救勅予是夜差乖覺夜不收潛到渡口堡見得賊已全圍而去就將堡內人畜拘入柴溝予領前哨官星趨懷安次日晚在長良山遇賊約有四千予令官軍下馬各持短兵勒陣以待賊不敢戰迨夜各收隊下營予乘夜分設疑兵四處每處給與三砲依蔽山林約至天明聽大營砲響接救就與柴溝

塵天明與賊交鋒至辰時勝負未決連放三砲
四處隨即接放俄而灰塵漲天賊驚走追斬首
級一十七顆奪獲達馬二百二十一疋獻捷陞
左僉都御史加賞銀二十兩表裏四件後至
樹屯戰斬獲賊級五顆奪獲達馬五十四疋捷
報又賜

勅書獎勵征進十一次惟前二次遇賊雖不大勝然
我軍一矢不遺其九次賊見軍來即退予在宣
府三年半相知者以予久滯邊方又見他巡撫
陞擢迅速勸予由捷徑以進予笑而不應蓋知
有命存焉

成化二十年予年五十九是年六月初五日第三

子曠病故十一月二十一日

欽陞戶部右侍郎十二月十四日到任予以戶部責
在養民時值山西陝西河南飢荒人民相食予
為替棄調度賑濟日不暇給一日壽光劉閣老
邀予與尹天官以同鄉會劉曰謬稱予之政聲
詢其施設予曰某未嘗無過但能知己之過某
本無所長但知用人之長尹曰此宰相之度也
是年梁廷賓以副使丁憂服滿到京予於尹天
官處極力薦之尹雖不從梁以予為德回來相
謝予曰所以薦吾兄者以報四十年前監中規
教之言也

成化二十一年予年六十猶在戶部是年德府奏

討濟寧州南旺湖山東省臣勘奏令本府自備
船隻採取菱藕魚鰕之類予以近湖千萬家皆
賴此湖養贍若許王府則軍民不得入矣乃為
覆奏奉

聖旨既礙運河罷

成化二十二年予年六十一是年三月妻王恭人
故五月內冰人親識林英以鄰居留守後衛指
揮楊弘遠處子最賢且聞其家女適人者夫死
永不再醮予欲求聘令林妻郭氏通言其家慎
於相攸郭雖頻往但云以待延至七月十五日
郭再往求始許之已納聘財是月內兵部尚書
余子俊建言天下軍衛每百戶有司每里長各

徵措置糧二千石予謂今各處奏報災傷雖賑濟猶不聊生若再勸徵軍民不死則逃爾時閣老萬安乃余尚書之姻家也曰與辯論萬安力主余之說為是予堅執不從事聞于

上乃主予之說為是由是萬深仇之曰泰山震搖萬安與法官李汝首通謀要黜退山東人為京官者以應此緣以嗾六科十三道劾予奔競求陞時十三道知予素行不肯論列乃令御史史德往返與六科辯說六科云非不知公道有在但老萬權傾滿朝今切齒於秦若弗其意彼必惡怒於我輩也以此章遂上吏部擬降雲南叅政萬安乃改廣西蓋祖秦州崖州之故智也

士論喧囂皆為予抱不平交游來唁者但長吁而已皆畏萬先生不敢言予聞命卽令郭氏與楊家語以停婚之故楊堅執前議不從卜八月二十三日迎娶二十五日領憑二十六日遂行本部十三司官送出都門臨別予語蜀人劉卽中曰相煩足下為我謝萬先生餘皆回惟馮陳二郎中以里閭之故又送至深溝寺馮曰鄉尊為萬先生讎害何乃反致謝乎予曰升沉命也今日雖被他害向後還有得他力處二郎中皆不喻其意大抵萬之見怒為與親家報仇予之得罪為與蒼生造福以天理斷之萬必不久於朝萬去予必起矣

成化二十三年予年六十二正月廣西到任予以
年老失途况藩佐事簡不過御杯為樂而已曰
自述懷云休嗟飄泊在天邊且趁時光度眼前
地秀那同凡世界官閑真是散神仙春嬌花鳥
牽吟興曉厭松風聒醉眠踈懶竟能成底事幾
回猶羨聽朝宣廣西二司并郡縣官下馬夫遊
年買馬喚系前任巡撫定擬馬夫十家每年共
出銀六十兩相沿年久五月桂林羅知府送馬
夫銀六十兩予仍令領回聽候取用七月間委
予進表乃移文本司行仰桂林府將前項馬夫
銀兩徑發全州買料造船撐駕赴京回日仍充
官用本司轉呈巡按處准擬九月造完十月

此行初意事畢回家不復仕矣

弘治元年予年六十三是年正月初九日行至棗
昌聞陞福建左布政閏正月二十七日到京二
月初七日陞左副都御史總督漕運兼巡撫鳳
陽等處地方三月二十日順路到家祭祖并外
祖朱原信妻父劉彥昭二十五日起程二十九
日過沛縣祭繼妻父王克明四月初十日到淮
安往年漕運官軍通同借債日而侵分總其事
者為之分攤別衛代償以致奸貪得計而借者
愈多予革其弊借者始少八月間督運到京劉
尚書爰謁予於客邸劉曰宿州守萬本與萬先
生非一家也予曰鈞意恐予以萬先生之故而

廷仇於萬本且萬本儘是好官就是萬先生子
姪猶當扶持况非一家乎劉曰大人君子其量
有如是夫是年十二月二十四日四子晚故

弘治二年予年六十四是年三月初六日陞右都

御史奉

勅總督兩廣軍務兼理巡撫命到卽行十一日到瓜
洲弟南京太僕卿崇寄書且言聞說兩廣事繁
又自都指揮而下聽兄專殺權重如此在兄處
之必有其道予回書曰事繁當以無事處之權
重當以無權處之如斯而已然自弘治元年至
二年一年而官三轉是萬先生屈之乃所以伸
之非得其力而何六月初十日到地方奉

勅審辯兩廣重囚內一百六十九名事可矜疑奏奉
旨准辯俱得不死又為廣民裁省不經動以萬計雖
得罪於權門不恤也八月二十四日以總兵官
安遠侯柳景貪殘不法交通外夷予指實劾奏
其詞云柳景侵收官鹽餘價逼取指揮等官徐
政等銀共二萬三千餘兩及令軍人吳興富等
以硫黃硝磺載去交趾易買胡椒蘇木受要叛
逆土官岑欽金銀見有柳景回謝私書為証又
以千戶余剛潘郁上班日無見面錢俱被挾仇
打死恣貪狼如豺狼視人命如蝼蟻十二月初
八日

朝廷差人將柳景取回勘問軍民尚賈歡聲如雷

或謂予曰柳景根深勢大恐被反誣予謂若與
兩廣除此豺狼就罷職固所願也十二月十五
日予領軍征叛逆土官岑欽

弘治三年予年六十五是年正月初十日軍到南
寧府是月二十八日到慕化驛督軍前進時岑
欽三處屯兵備戰一處鷓鴣泉口一處弓腰一
處舊田州予料彼在鷓鴣泉者必是精兵欲令
當先以挫我軍又以此地十分險隘探知賊兵
仍在口南寬平處予亟命叅將康永按察使臨
魯等先奪其險彼猶跳梁遂鼓進漢達官軍一
戰而賊兵大敗斬首二千餘顆鷓鴣泉旣勝
竹之勢成矣其在弓腰舊田州者皆望風

進至田州府岑欽已逃往泗城州土官知州岑

應處窩避旣而柳景果誣言醜詆

朝廷恐予疑沮有誤前功又降

勅書慰獎且謂予明於知人審於料敵又以春瘴將
發令予回軍予以旣得克復田州而岑欽又逃
往別境乃就班師以待再舉凡六上章大略以
岑欽岑應雄據邊方勢如敵國所當勦除以振
威令

朝廷意在綏柔俱不允俞田州府夷民以予有克
復之功立祠以報之是年海南黎賊作亂予命
叅將姚英副使陳英領兵勦殺生擒斬首三千
餘名顯奏捷訖又以廣東龍水後山等處流賊

土賊生發往年征進妄殺貪功予令軍前聽調
致仕教諭高主通往來撫化實令躡者道路以
備行兵

弘治四年予年六十六予將用兵預差知府林泮
與高主通取勘後山鄉村分別淑慝畫圖貼說
仍發旗牌每處僉十餘人守旗指示軍兵不許
侵犯是年正月二十四日啓行督令按察使陶
魯等先征瀧水生擒斬首一千七百餘名顛三
月移軍征後山予以後山皆吾人但御之無道
遂至弄兵乃為出榜購募不分軍民盜賊但能
捕獲有名首賊一人者軍民賞銀一百兩賊盜
與免本罪一體給賞不匝月首賊原有二十四

名俱擒送官問決訖其有拒敵官軍者就陣
擒斬二千四百餘名顛怨家各將賊屍鬻分烹
而食之皆謂自來用兵不似今番殺的分明五
月初二日賊平奏捷訖予回至廣東會三司議
以為盜賊固已勦滅當為經久之策以馭制之
大抵廣東賊多以其山林深阻流移群聚乃委
布政劉大夏僉事袁慶祥知府黃瑋同知張吉
相度民居各築城堡甃以磚石民居既定乃取
勘堡內戶丁勇健者籍為鄉兵使自相護守俊
秀者遣入社學使習讀詩書又嚴設禁防不許
窩藏流民交通徭僮及散居草澤前項工程十
纔完其四五予又欲征廣西古田五月初七日

離廣東初十日行至封川縣遇

朝廷差錦衣百戶范瑄行提與柳景對理廣東布政司送與范瑄銀七百兩范云都堂老大人清白如此瑄若受之寧無愧於心乎卒不受南北兩京科道奏乞免提不准廣東官民挽留無計作蒼梧惜別詩卷以餞之又為立碑頌功時柳景係託勲感營救者甚多既而其家連遭回祿之災人皆知為天厭其惡救者頗為沮悞七月十八日行至滄州以予例該引奏具本大畧云臣初到兩廣見得柳景已將地方壞到極處時亦知柳景根深勢大言之必不利於身家臣不容於不言者以

朝廷之地方重於臣之身家也其未又云臣與柳景論其名分彼固閥閱之世臣臣亦風憲之大臣也論其情犯彼乃為害於地方臣則為地方除害者也

朝廷於柳景則移文行取於臣則差人行提法之所施已有不同古人云人主如堂群臣如陛蓋以喻君臣之同體也今臣來自嶺南械繫萬里及今到京於例又該引奏

御前拿送法司問理此固法所當然亦由臣之自取但此諸柳景之事似若情輕而法重揆以古人之喻將恐毀陛以及堂似非示天下之公而

重

朝廷之體也如蒙伏望

聖恩免其引奏徑送法司問理應得罪名或克軍為
民甘當順受臣固不敢欺心強辯忍耻受刑以
圖僥倖於萬一也奏奉

欽依其日徑送刑部八月十六日多官覆奏奉

聖旨是柳景貪殘不法侵索贓物數多又挾私打死
二命論罪本當寘於重法但念他祖有功饒他
死着戴方頭巾閑住奏紘奏事亦有不實不必
運炭着致仕去欽此十七日謝

恩十八日陞辭遂行知已者意皆為予不平予云漢
武帝之時田蚡灌夫曲直已明然灌夫坐以族
誅而田蚡爵寵如故今柳景削爵而予致仕此

朝廷公道大明而予幸出望外也聞者是之廣東
後山人以予平定地方立祠于太平寺通前三
處立祠予以事干禁典已行罷毀九月十四日
到家四十三年身羈樊籠一旦得脫何其樂哉
十月間祭祖并外祖朱原信妻父劉彥昭時闈
姑夫已故予感舊恩欲報無及不過墳前一祭
而已嗚呼生我者父母教我者姑夫豈敢忘乎
弘治五年予年六十七予經理家政親屬有婚姻
死葬不能舉者相助以畢其事又倣蜀人王承
事故事豐年糴谷荒年平糶以濟困窮行間正
月十四日吏部差辦事官賈咨備兩京科道保
薦陞南京戶部尚書予以年老無為具本令

秦曄赴京告辭不淮三月間衍聖公保秦曄為
宣廟管勾予於三月初七日祭祖告辭初十日
南行十五日過沛縣祭繼妻父王克明二十七
日南京到任管事凡所施為務從寬簡上下稱
其得大臣體同僚或有論及司屬賢否予以賢
者未可輕許否者未可輕絕所謂賢者或珉其
中而玉其素若輕許之則我將受其欺矣所謂
否者亦未必無一長可取若遽絕之則人將沮
其志矣考其行久當自知予曰幼時失學及
其老也一竅不通乃思孟子治病求艾之說於
是折節讀書手不釋卷相厚者或云晚矣無從
勞苦為也予曰學無止法孔子年及七十猶曰

加我數年卒以學易衛武公年九十有五猶加
進脩使孔子武公壽至千百年必不肯一日而
廢學也況其下者乎或問處同僚之道予曰凡
處同僚有三等為長官者待僚佐如弟兄使僚
佐賢者知所愛慕貪者自耻所為此其上也又
有閔防有法使政不出於多門僚佐欲貪不得
此其次也或有倚廡欺貪動至叱罵相待如仇
風斯下矣或又問僚佐有奸險兇暴者何以處
之予曰彼奸險而我惟平易彼兇暴而我惟靜
默如斯而已

弘治六年予年六十八通前共轄三年赴京考滿

吏部以先任右都御史致仕後任尚書有例不

該轉考奏奉

欽依仍令回任順路到家祭祖日被黃河為患乃擇里而處以谷亭距祖塋不遠遂移家焉

弘治七年予年六十九四月內進

表赴京六月十四日進城十六日朝

見賜酒飯七月初三日朝賀初七日

賜宴賞十七日

陛辭又賜酒飯及路費鈔遂行八月初十日順路到

家祭祖十八日起程九月初一日到南京管事

予以先曾祖任廣東雷州府知府舊有祠堂在

城內豈第坊兵藜廢毀予在兩廣時府衛申請

重脩予恐其獻諂不曾准行是年有相識後府

周歷廣榮陞中霄郡予摹會祖遺像付周託
以其事周到任未久病故屬續時諭令海康縣
知縣林彥脩建祠塑像又於祠外買地六十畝
以爲祭田林知縣以事竣報來予又以大明一
統志所載會祖政蹟抄寄廣東按察使李士寶
撰文勒石樹諸祠前以垂永久

弘治八年予年七十是年八月間考滿九月間到
京進本致仕欽奉

聖旨卿年雖老精力尚健宜勉盡職務以副委任不
允辭退欽此又進本乞照例將第二子秦甸送
監讀書以圖補報奉

聖旨秦甸准送監讀書欽此十月十八日謝

恩就送旬入監

陛辭遂行十一月初七日順路到家祭祖十一日起

程十二月初一日南京到任

弘治九年予年七十一是年

欽賜誥命祖考懋考悅皆贈尚書祖妣韓氏劉氏妣

朱氏妻劉氏王氏皆贈夫人楊氏封夫人三月

二十日聞知吏部推予叅贊南京機務予以年

老才疎且又事有難處寫具致仕奏本行聞

知已黜吏部張尚書矣予謂致仕本若行則人

必以我不得叅贊賭氣告辭不以我為淺乎姑

少待之五月初十日夜二更西鄰失火時西

院火勢熾近予舍已將箱籠弄出街前同鄰

陳鳴讚亦來看顧陳曰事危矣宜以竿揭節而
蘿豎在屋上則風轉向西南此術最驗予曰此
術果驗獨不害及西南人家乎移時風轉西南
予舍幸無恙陳曰一念之仁遂有此應予曰偶
然爾

弘治十年予年七十二巡按御史汪器之以廣東
缺總督都御史薦予云號令嚴明恩威敷著至
今軍民思慕如渴仍要充總督奏奉

聖旨罷欽此五月間又以年老告辭連進二本吏部
奏奉

聖旨秦紘既精力強健不准辭退欽此凡自陳者三
弘治十一年予年七十二是年五月次子甸故予

又乞

恩將孫學書奏奉

欽依送監十月予又告辭奉

聖旨秦紘歷官年久累劾勤勞既以老疾懇辭特允
所請着馳驛還鄉有司月給米二石歲撥人夫
四名應用欽此然自予到南京親見別部尚書
致仕者五人止得馳驛回家惟予叨此

厚恩人皆榮之南都僚友作詩軸餞送江許是年回
到原籍祭祖以谷亭為家杜門謝客作詩以自
娛云許國何嘗敢愛身鐵衣重整幾番新羞貪
棧豆甘求退怕累兒孫願受貧賜玦三為嚴
客沉湘兩度丹生人幸今留得形骸在薄莫

臨歲增春

弘治十二年予七十四九月初六日長孫學易生
一子乳名異孫喜而作詩云乞得身閑樂有餘
長孫闕里又懸孤未堪温嶠夸英物顛與榮公
作小徒酒澤只期傳乃後童牛須用牯諸初眼
前言屏肖頰戲宰相焉能溷老夫時歲歉民貧
單縣強盜慙四糾率夥伴一百二十餘人夜欲
入劫到宅後不覺肉顫心驚自行分散後回事
發乃自說出前情

弘治十三年予年七十五二月又有名小千予者
糾聚七十餘徒要來行劫夜至後門外忽見數
十人長丈餘往來房上亦自驚散後在魚臺亭

發亦自說出自念歷官將五十年株守清白今
賊自言如此乃是神鬼默相使其然也六月內
避暑南園作詩云祝融趣我過南園此處幽深
遠市園鶯奏笙歌如勸酒花搖錦綺似承顏涼
颯解暑秋堪借靜色留人晚未還羸得怡神成
老健相逢盡道地行仙

弘治十四年予七十六閏七月初六日長孫學易
又生一子名愛孫是年給事中張宣御史馬炳
然郝鑑石玠皆以邊務方殷各上章薦予總制
軍務奉

聖旨罷欽此七月內刑部郎中潘輔亦薦予與吳珉
等四人吏部通類覆奏奉

聖旨秦絳待有相應員缺起用吳珉等罷欽此親厚者皆謂予曰若取赴京便去或取巡邊便辭予曰謀一生不揀便益今胡寇猾夏上厯

聖憂正臣子効命之日若在京不過安享富貴而已

是年十一月初六日節該欽奉

勅書改戶部尚書兼都察院左副都御史總制陝西固原等處地方軍務云朕以爾耆宿舊臣威望素著今特起用爾須盡展壯猷一新號令奮揚威武鎮壓邊疆凡鎮巡等官悉聽節制軍馬錢糧賞罰等項俱許便宜處置官軍有不用命者即以軍法處治欽此謝

恩本云臣由進士初任監察御史歷官南京戶部尚

書告回致仕驗伏田里間弘治十四年十一月初六日節該欽奉

勅書改為戶部尚書兼都察院左副都御史總制陝西固原等處軍務欽此伏念臣才識雖無所長然於去就亦審所處當

命下之初本欲辭避但念食祿四十八年曾無少補及告致仕又承

恩典帶祿回家况今胡虜犯邊上厓

聖慮正臣子効命之秋此時若欲安於退休其自為計得矣是乃知有其身而不知有其

君可謂忠乎食焉而避其難可謂義乎犯此二大忤隨此臣始雖欲辭而終則不敢辭也荷茲

六恩本當親謝但聞聲息緊急誠恐徃復遷延除起
程前去及差魯橋遞運所大使劉俊詣

闕代謝外具本是月二十日西行作詩以別親友云

一第登庸五十年幾番黜逐幾超遷達官固守
寒儒節文吏常無大將權倦鳥歸來方斂翼回
鸞召起復巡邊從今再展孫吳策百二山河保
萬全七月二十四日到固原

弘治十五年壬午年七十七正月間曰陝西甘涼等
處官軍連年備禦財力困窮告乞休息鎮守
西武安侯鄭英稟議以為賊猶在套若准放二
誠恐遇警缺人予曰賊雖在套此時草枯馬瘦
必不來也遂即放回既而賊果不來存省錢糧

不知紀極予以備邊須在戰守兼舉乃推廣古制另造兵車制度精巧計出萬全又將以北通賊總路創脩豫望城石破口雙峯臺三城分兵防禦野處軍民又脩寨堡安插使皆險固可依進而益南又將金帛碎火龍溝席山溝海子口麻張墜大浪口送送口俱用石甃為墻鐵裹為門門分兵扼護使賊無路而入是年四月和曰又節該欽奉

勅諭併命總制陝西廷綏寧夏甘肅等處軍務欽此具本乞辭三邊仍等固靖奏奉

聖旨卿宿望老成練達務特命總制三邊宜盡心經略以副委任所辭不允兵部知道欽此督併

三邊并腹壤自本年三月起至八月止共修城
堡崖窩閑隘一萬四千一百九十處剷過山崖
三千七百餘里又以固原雖名重鎮人煙荒涼
城池湫隘予謂安內乃能攘外理財可以聚人
固逸北花馬池產鹽其利最厚但法禁疎略私
鹽盛行予乃展築固原外城立四所鹽店各路
巡禁私鹽不匝月間商旅雲集居人始有營生
荒涼者變為繁盛又奏討鹽十萬引每引得銀
五錢歲得銀五萬兩以助邊買馬又於豫野城
丈量出地十萬餘頃召人承種歲收子粒五十
萬石以供邊儲

弘治十六年壬午年七十八本年二月邊方少寧因

奏乞致仕畧云向者胡虜侵掠邊方上履

聖慮臣不自知其年老無為應命而起到邊仰仗

天威胡虜遠遁又天假強健二年間得以乘隙經營

前項邊防臣去任後使巡撫官若肯留心邊事

依臣所擬委官相沿巡視不廢防守陝西八府

永保無虞今臣老病侵尋目暗神昏不堪任事

自度死期不遠已遣成櫛櫛擬待放歸之日載

以隨行倘若卒於道路得有所殮藏臣命危如

此歸心不得不迫切也伏望

聖恩憐臣垂死之年乞得生還鄉里啓手足於正寢

塵骸骨於先塋臣於九原戴天恩又向極耶奉

聖旨卿宿望舊臣練達事精力未衰委任方切

盡心職務不允所辭欽此至十一月延總兵官
張安呈稱大同開報達賊要搶陝西等處予於
要處命分兵設險以待至十二月二十九日傳
報達賊大衆俱在黃河北岸先令一千餘騎進
套不久尋復出套竟不入穀知有備故也民間
紛議有欲為予立生祠者予聞之進而諭曰人
臣事君雖功盖天下亦職分之當為况予何功
甚勿為此以累予再三力阻乃止因作詩以寄
單父諸老詩云分袂琴臺已數秋夢魂時復向
東遊別來有信勞君憶欲會無由重我憂追感
昔年同會老可憐今日半歸休流光更衍十餘
載我輩爭知在也不

弘治十七年予年七十九督令各邊守臣將固原
延綏寧夏甘肅等處邊塹砦堡俱各脩完繪圖

奏

上遂題舉保官員整飭邊備事臣訪得靖虜衛指揮
陳善謀勇可取公廉有為又能體恤下情練達
邊務臣老矣今欲乞

恩休致須用陳善方可責成若使仍以指揮行事
恐難率人如蒙乞

勅兵部計議今日當為之急務全老臣垂死之餘
忠合無將陳善量陞陝西都司就與請

勅一道令本官兼管整飭固原蘭靖環慶一帶邊
防然固原寧夏賀蘭山設備已完惟中衛與廣

武營地名石空寺沙土踈鬆脩過邊牆不得經
久三處亦合本官帶管倘蒙

俞允委用本官則關隘得以相沿而不廢地方可
永保以無虞矣本年四月又告致仕奉

聖旨卿以耆德宿望方膺總制重托宜勉加調攝盡
心邊務以副眷懷所辭不允欽此五月以修邊
事成奉

勅獎勵加陞太子少保本年六月准吏部咨為缺
官事備奉

聖旨取予回部管事予以邊備恐未盡飭又時令秋
冬具本奏乞暫留在邊以備虜寇九月初五日

又准吏部咨前事欽奉

聖旨國計重任以卿耆德宿望衆所推服特茲

簡命况彼處邊情稍寧免設總制宜上緊赴京供職所辭不允欽此彼時予病未痊扶病應

命上京固原等處官民男女號泣動地皆云秦公來予始得帖席今又捨我而去柰何柰何亦有遠道送者予以理諭之本年十月二十五日行至地名衛輝府前疾轉篤具本奏乞回籍調治奉

聖旨卿以剛直之氣博達之才向以胡虜犯邊起卿於家而壯猷克展遠徼用寧又以國計之重特召還朝豈惟資偉識以濟時艱亦欲假耆德以鎮雅俗而卿屢陳求退不得已俯從所請特賜

馳驛還鄉命有司月給米四石歲撥夫八名應
用卿既回籍勉進藥餌願養天和以需

國家不時起委欽此一面具本稱謝一面回家調
治本年十一月到原籍單縣病始大愈即至黃
堆先塋祭掃既而會宗族燕親舊話飲闊懷不
久仍還谷亭鎮

大謝修官府住居于時本府并魚單官俱來請予回
單縣或本府魚臺另脩宅第予曰自我雷州府
祖清白傳家逮予四世平生取與天地神人所
共鑒者也雖婦人小子孰不知一囊之如洗也
一時惜予叨列大臣者遂寢其請焉

治十八年予年八十幸得耳目聰明身體強健

動則觀玩靜則吟咏間嘗訓子孫曰予家自來
耕讀爾等會讀書者他日做官要清廉代予以
補君恩不會讀書者亦務本等營生甚勿玷予
清白家風因作秦氏家訓二十六條以為子孫
後世法諸年誼暨予同宦游寮友時寄以詩翰
予無不賡和應卷者予同榜濬縣王威寧伯以
四時吟示予予讀訖即援筆而和之曰流行節
序本無私萬物生輝和藻詩細嚼梅花冰片片
無邊光景有誰知節遇春春天好池邊鎖綠楊
海上芊瑤草流鶯聲轉簧乳燕喧何惱滿園桃
李咲風晴四海蒼生同日老節遇夏夏天長劍
影樓臺靜重陰感閣涼梅子林間熟薔薇滿院

香沼上觀蓮忻錦鯉琴中指操怒蝶娘節遇秋
秋思苦子美頰成詩孔明勤講武俊秀起函塵
英雄揮劍舞雖然今古不能齊其實乾坤誰可
補節過冬冬甚寒霜花凝潦水雪粉傳岩山萬
里封侯爵三邊守禦關天際無心雲出岫日夕
倦力鳥知還嗟哉元亨利貞乃天道之常乎游
闕苑翫冰壺有美玉待賈沽化龍猶有張華劍
煉藥須尋殿冶爐倚倚菜竹稱君子鬱鬱蒼松
讚大夫運籌須做黃公畧治法猶宗大禹謨不
謁侯門與相府不誇紫綬與金符只將仁義行
天下袖裏經綸達道途青史書中褒姓字凌煙
閣上著勳圖蕩蕩堯天何必笑報本常懷六尺

孤是年六月予獲足疾姻戚并予族人及子孫
勸予迎鑿予曰念予蒞官五十五年歷任一十
九處自揣無壞毫髮天理功在

朝廷澤及生民且壽至八旬人所難得者予兼有
之迎鑿欲何為也遂令設宴於堂姻戚咸在子
姓滿前相歡盡日予曰爾等勿妄處待予正而
斃焉可也

嘉靖十七年秋九月吉日

陝西平涼府推官孫男秦學書頓首謹拜

隆慶三年冬十一月奉祀生員曾孫秦秉淳續刊
天啓元年奉祀秦極年男奉祀秦傳元彙較
秦襄毅公年譜終

秦亦素敦教公事功氣節為成弘間一代名臣
國史詳之矣若其詩則世未有亦者法華謗
取載如扁甚有風調雨順而川名家果之遙遠
而公樂天亦命之學之可也又果如北宮驛寄南
臺諸僚友云幾處煙村傍水涯
兼閑穿洞日尋莊乳閣向江
時堪代飯釣船引水即為
出書空燕自嗟此例數篇皆
是時在京邸值陳氏孺人百日
誦經而宮女又天苦我痛哉

余嘗論白沙子之學蓋於攻苦中得之當其未居
春陽臺也日夜讀書稍倦至以水沃其足可謂
勤矣及其探索日久靜坐春陽臺上豁然貫通
斯亦讀書攻苦之効也乃或歸功於靜今夫人
有善飲酒者數舉巨觥逾時不休則常醺然
若忘天地之為大古今之為久者而稱曰此醉之
樂也不知其為酒之功豈非授其終而忘其始

歟白沙子靜中著出端倪亦若是已矣今讀其
集分年求之用功之次第尚可見惜當時編輯
未及此遂令後人罕有能窺其學者己亥歲
余与阮君竹潭同於纂新會縣志繼之及之竹潭
題余言乃出所著白沙年譜相示且以副本留余
所曰幸暇時為我訂之余數年未有以報去年
冬其弟紫蒲訪余於柳波廬廬曰竹潭死矣

將以其遺書付子民今白沙年譜定成子可無二
乎余謂此譜攷正殆石玉事最確而詩文以年
相從於以見白沙子為學次第尤先得我心爰
書昔日與竹潭論者於其為端竹潭之學亦從
攷苦中求者而性猶外礙自守雖貧終不肖
報刺于人黃刺史宜宜儒矣也好讀書嘗著韓
昌黎年譜攷證令新會時歛寬竹潭一見終

不可致其詩文曲曲峭折如其為人

咸豐二年夏五月勉士弟留釗撰并書



自序

扶輿崢嶸清淑之氣蚴蟉凝蓄歷千百年鍾靈而為
賢聖磊落而為偉人是豈偶然哉故其顯晦存亡世運之
幸不幸係焉坡公云其生也有自來其逝也有所為噫
是孰使之然哉 榕 崇溯前明中葉薛胡王蔡与白沙諸
先生皆於孔門各有其所獨得後學門戶之爭徒分畛域
又嘗怪前世好譽毀先賢者如蕭金昭輩如狂夫酌客




毒罟尋仇君子觀其意氣器浮固已覘其中藏所養
呼使後之人孰從而信之嗚呼觀於海者難為水遊於
聖人之門者難為言後生子未能六規樊循序又安能
測其玄奧之所藏哉是叩槃以喻狀悠々毀譽翼翼怪
彼哆哆為白沙先生者明中葉履道南海既計偕京
師名輩揄揚賢徒撰杖令譽承流遂傾動天下其南
遍也一時公卿賢士與夫畊田樵牧仰挹德容覲聆言論

丰采莫不咨嗟傾慕感歎禮於先生之廬此豈非盛
德之溢於中者深而至誠之形於外者不可掩哉先生乞終養
疏其孝思純以篤其綿情深以執事故其敬於文也誠
動天人鬼神感泣至夫送世鄉廷實三序其喪猶淡石
如行水之流水妙理無窮水月騰波文瀾生焉瑟琴合
和節奏成焉鏗然之聲淵然之色琅然之韻攫
醜而往之情風淨瑋然高風鉤訕然金石以鳴是故道

以實之文以載之其洞微觀妙非深契乎聖道神化
弋鳥飛魚躍之趣時行物生之理者莫能與於斯宗文憲
曰浩乎至大至剛而吾藉之以生者非氣耶氣必養
之而後道明道明而後氣充氣充而後文雄文雄而
後道配乎配經甘泉子曰十二篇季而暮夕四百三十峯晴
雲讀先生之文者益於是乎求之欲唐去哲人往矣銀湖紫
水綠護黃雲曠水殘山荒涼冷落迄于今二百四十餘年矣鄉

里孤愚誦先生遺編如聆馨欬如聞酣歌依稀英靈白
與其燕用漁侶笑語翱翔神游於江門水月東風花柳之
間予小子雖幸同鄉里弗克躬逢其盛緬焉以唏邈焉
以企今敬次年譜以業考幸獲粗成平昔向往之志庶幾
云酬抑又幸也為之臨風翹慕東望天樓咫尺天際睽
焉歎歎者久之

道光廿三年閏七月己亥後學竹潭阮榕齡著



編定白沙年譜

總目

序

例引

徵引書目

欽定明史藝文志

欽定四庫全書提要

欽定明史儒林傳

行狀

眞像

白沙村圖

世次

年譜卷一

年譜卷二

編定白沙年譜

例引

一自來年譜必兼時事蓋寓知人論世之意先生平素所
晉接者多當世名儒寒士及賢公卿其詩文或及時事
時人故附注其間以備叅觀

一譜中所引他書及本集先他書次本集文又次詩然皆
取其年月往來與先生行止相當者節取一二語非敢
擅爲割截不過取爲引證歲月云爾

一凡引白沙集但曰本集不贅白沙二字所以別于他書

也稱白沙先生亦但曰先生

一譜中詩文與某贈某或官或字本不畫一今依白沙集原目俾易考校允則謹節數字

一各史志載某官某年任甲乙殊年者甚多如明史朱英傳云成化十年巡撫甘肅明年冬總督兩廣通鑑輯覽作十一年十月阮通志職官作十二年蓋自始移文至聞詔後又在道途三五月乃至廣東故凡各傳志年殊甲乙者皆以此也

一本集諸詩本非編年是以不知其年者十之八七然其

中亦多是編年者以其未嘗標明是以不敢斷決是某
年也如辛丑元旦試筆隔十二首卽中秋示江右二生

律俱七蓋二生之來本在成化十七年又其他各體春秋

亦多有次序者十之八七此可驗其隨年隨錄矣然亦

有年代舛錯者如彈子磯以下二十三首絕七皆赴召時

詩乃編次宏治元年以後又旌表至詩亦列入宏治十

二三年以此類推是爲後來續入明矣

一先生凡四入京師皆有詩文可考今集中有壬午京城

除夕一首壬午爲天順六年是時先生正在春陽臺考書

思德亭碑曰昔壬午之冬寇忽大至城下此吾與父兄

所共見也

云云

可證非壬午在京師除夕矣若云是成化

十八年在京師作午字乃寅字之誤則是年除夕方過

江西將至南京亦有本集可按

按詩內有燕城覺歲除之語決非南京

蓋

先生偶書古詩不知者誤以為先生詩遂羸入之耳

一張詡所作先生行狀最詳但惜其體例頗自矛盾凡文

字中每姓下加某字者略有四例一是自稱二是避人

諱與己家諱三是原未詳其名四是嫌揚人之短今先

生行狀中如祭酒某先生同省人也知縣某頗貪此以

其字概之以避嫌可也若云提舉某作懷沙亭御史某
倣林逋故事致月米尙書彭某卒若此類者宜揚人之
善明書其名於官銜字號之下令讀者知其何人夫彭
尙書卽彭公韶上文已明書其名至下文又自亂前例
又云聞羅某張某之訃夫羅某卽一峯下文又云弔羅
一峯如使有兩羅兩張焉知弔者爲甲乎爲乙乎今考
各書皆補注其名俾易考核且於先生高曾等字忽名
忽號皆未畫一故晰其舛者於此

一按康熙四十九年庚寅何蒲澗九疇刻白沙集序云近

年板寢磨滅嘗見墨跡有未載於原集者疇竭其綿力
搜得未刻者序四首記二首題跋二首書百又五十八
首各體詩五十五首合刻而更鐫之

云榕

按何公補舊

集之缺多至如此其用心可謂勤矣迨乾隆三十六年
庚寅陳家碧玉樓本乃從何家本抄刻然間有倒置者
有誤刪原文并小注及年月者又并何公原序刪之似
於何公往昔搜補之勤付之湮沒溯厥本原情理未協
今榕于陳家刪何本者悉爲補入謹列其源委於此俾
後之人不忘權輿之功

一譜中所引悉本所見原書初稿原分卷數今以譜內小注甚多故悉刪去僅注明於叢考大字之上若爲他書所引者則曰某書引某書一從阮通志之例庶免剽竊販稗之誚昔宋衛正叔湜禮記後序云他人著書惟恐不出於己予之此編惟恐不出於人敢希前哲蓋恐沒前人苦心故也噫此誠後世人著書之良軌也

一先生遺事佚聞見於前明集部說部者甚多榕下里寒士戢影圭厓限於地窘於資無由購借故所引證者僅

此禱昧寡儔譌漏綦多尙希博雅君子再補正之

一陳交甫夫遇所次先生年譜寥寥僅十翻除湖山雅興賦

和楊詩外僅千餘字其中書先生之歲者僅六年乞終

養疏僅載十六字而湖山賦又全載皆輕重失宜此實

隨意暫書未成年譜也今榕是譜蓋竊續其未竟之緒

云爾

白沙年譜門人考白沙叢考

徵引書目

欽定大清一統志

白沙子全集

康熙四十九年何九疇本

欽定明史

白沙子全集

乾隆三十五年碧玉樓本

欽定綱目三編

白沙語錄

楊起元

欽定淵鑿類函

人譜

劉宗周

欽定書畫譜

白沙年譜門人

陳遇夫

欽定四庫全書提要

陸稼書年譜

葉光酉

新會志

康熙二十九年賈維英

雜聞源流錄

張夏

新會志

乾隆五年
王植

明儒學案

黃宗羲

明史彙

王鴻緒

新會草志

道光元年

先進遺風

耿定向

東都事略

王偁

新會志

道光二十年
林星章

楚寶

周聖楷原本
鄧顯鶴增輯

歷代帝王年表續編

阮福

廣東通志

雍正九年
郝玉麟

萬姓統譜

凌迪知

江南通志

趙宏恩

廣東通志

道光二年
阮元

文筭彙氏

傅作興

蘇州府志

廣州人物傳

黃佐

世烈錄

陶鳳儀

浙江通志

嵇曾筠

廣州府志

張嗣衍

廣東新語

今種

江西志

白璜

南海志

魏綰

廣東文獻

羅學鵬

湖北通志

吳熊光

南海志

潘尙楫

粵東名儒言行錄

鄧淳

湖南通志

馬慧裕

番禺志

檀萃

氏姓譜

蕭智

福州府志

徐景熹

順德志

胡定

稗史彙編

王圻
唐樞

延平府志

劉繼善

香山志

祝淮

明貢舉考

黃崇簡

廣西通志

吉慶

東莞志

周天成

題名碑錄

李周望

石阡府志

羅文

新寧志

王暘

圖繪寶鑑續編

韓昂

增廣輿記

陸伯陽
蔡九霞

肇慶府志

屠英

畫史會要

朱謀聖

分省人物考

過庭訓

高要志

夏修恕

書畫史

劉璋

廣州鄉賢傳

潘楫元

開平志

王文驥

天水冰山錄

周石林

雁山文集

吳應達

鶴山志

吳應達

粵東金石略

翁方綱

性理會通

鍾人傑

嘉應州志

王之正

書畫緣

沈長

續廣事類賦

王鳳階

佛山志

李待問初編陳炎宗續吳榮光重修

畫史彙編

彭蘊琛

震澤長語

王鏊

白藤胡氏家乘

豫章漫鈔

陸深

龍山鄉志

溫汝能

沖鶴潘氏族譜

金臺紀聞

陸深

嶺海名勝記

郭棐初輯陳蘭芝續

鶴山易氏家譜

松牕寤言

崔銑

荷塘容氏族譜

雙槐歲鈔

黃榆

西樵遊覽記

劉子秀按此記阮通志誤作薛觀齊撰

潮連潘氏族譜

風月堂雜識

潮連宋氏族譜

蓉塘紀聞

化州志 楊芬

天河譚氏族譜

抱璞簡記 俱姜南

曲阜志 潘相

新昌鄧氏族譜

南窗閒筆

遺愁集 張貴勝

潭壑鍾氏族譜

丹鉛總錄 楊慎

續太平廣記 許自昌

凌溪張氏族譜

鳳洲筆記 王世貞

隴蜀餘聞 王士正

小岡梁氏家乘

藝苑卮言

王世貞

皇華紀聞

王士正

麻園周氏世譜

野獲編

沈德符

池北偶談

王士正

朱子全集

賓退錄

趙善政

五山志林

羅天尺

南野集

陳士鵠

半舫齋偶輯

夏之蓉

秫坡集

黎貞

月鹿堂集

張師繹

楚庭稗珠

檀萃

瓊臺會編

邱濬

鴻橋堂集

胡方

嶺海賸

林暉

鬱洲集

梁備

賞雨茅屋詩集

曾煥

辛丑銷夏錄 吳榮光

三一詩集 唐壁

柳南詩草 莫雲漢

各處碑刻

甘泉集 湛若水

謝山存稿 陳吾德

廣東文選 今種

洄詞 崔銑

司勳集 羅虞臣

列朝詩集 錢謙益

陽明全書 俞璘編

明詩別裁 沈德潛

廣東詩粹 梁善長

泰泉集 黃佐

西清詩話 蔡條

粵東詩海 溫汝能

涓厓集 霍韜

麓堂詩話 李東陽

岡州遺稿

顧嗣協

楊園集

張履祥

國朝詩人徵略

張維屏

西河集

毛奇齡

古今詩話

盧衍仁

石洞文集

葉春及

鮎琦亭集

全祖望

明詩綜

朱彝尊

太函剩墨

汪道昆

五朝詩選

黃登

厓山志

黃淳

欽定明史

藝文志
集類

白沙子八卷文集二十二卷遺

欽定四庫全書提要

卷一百
七十

白沙集九卷

江西巡
採進本



明陳獻章撰獻章字公甫新會人正統丁卯舉人以

薦授翰林院檢討追諡文恭事蹟具明史儒林列傳

是集為其門人湛若水校定萬厯閒何熊祥重刊之

凡文四卷詩五卷行狀志表附於後史稱獻章之學

以靜為主其敎學者但令端坐澄心於靜中養出端

倪頗近於禪至今毀譽參半其詩文偶然有會或高

妙不可思議偶爾率意或麤野不可嚮邇至於毀譽

亦參半王世貞集中有書白沙集後曰公甫詩不入
法文不入體又皆不入題而其妙處有超出法與體
與題之外者可謂兼盡其短長蓋以高明絕異之姿
而又加以靜悟之功如宗門老衲空諸障翳心鏡虛
明隨處圓通辨才無礙有時俚詞鄙語衝口而談有
時妙義微言應機而發其見於文章者亦仍如其學
問而已雖未可謂之正宗要未可謂非豪傑之士也

欽定明史儒林列傳

陳獻章字公甫新會人正統十二年鄉試再上禮部
不第從吳與弼講學居半載歸讀書窮日夜不輟築
春陽臺靜坐其中數年無戶外跡久之復游太學祭
酒邢讓試楊時此日不再得詩一篇驚曰龜山不如
也颺言於朝以爲真儒復出由是名震京師給事賀
欽聽其議論卽日抗疏解官執弟子禮事獻章獻章
旣歸四方學者日進廣東布政使彭韶總督朱英交
薦召之京師令就試吏部屢辭疾不赴疏乞終養授

翰林檢討以歸知南安知府張弼疑其拜官與吳與
彌不同對曰吳先生以布衣爲石亨所薦故不受職
而求觀祕書冀在開悟主上耳時宰不悟先命受職
然後觀書殊戾先生意遂決去獻章聽選國子生何
敢僞辭釣虛譽自是屢薦卒不起獻章之學以靜爲
主其教學者但令端坐澄心於靜中養出端倪或勸
之著述不答嘗自言曰吾年二十七始從吳聘君學
於古聖賢之書無所不講然未知入處比歸白沙專
求用力之方亦卒未有得於是舍繁求約靜坐久之

然後吾心之體隱然呈露日用應酬隨吾所欲如馬
之銜勒也其學灑然獨得論者謂有鳶飛魚躍之樂
而蘭谿姜麟至比之活孟子云獻章儀幹修偉右按右
真像作左作左頰有七黑子母年二十四守節獻章事之至孝
母有念輒心動即歸宏治十三年卒年七十三萬厯

初從祀 孔廟追諡文恭

按今碧玉樓本白沙集卷首亦云明史儒林列傳起語併陳子其文三倍於此與此傳迥殊疑舊明史定未定藁本也然史例當併名不當併子或後人妄改也

白沙先生行狀

从碧玉樓本

後學阮榕齡補注

榕按碧玉本原從何家本錄出今以此行狀校勘碧玉本刪去何本凡六七段其有斷不可刪者如左臉有七黑子又前夕一段是已今從何本補入又按狀中本同一人或書某字或書其名前後矛盾已辨詳例引今補注其名於某字之下其何年何官未詳年譜者注之惟當諱者不注疑者缺之

先生諱獻章字公甫姓陳氏系出太邱先世仕宋自南雄

遷新會

按此十字何本無

高祖判鄉曾祖東源祖永盛號渭川少

戇不省世事好讀老氏書嘗慕陳希夷之為人父琮號樂

芸居士讀書能一目數行下善詩年二十七卒卒之一月

而先生生母太夫人林氏年二十有四守節教育之祖居

都會邨至先生始徙居白沙邨白沙邨在廣東新會縣二

十里

按當作東十里

後天下人重先生之道不敢斥其名字侮曰

白沙先生以宣德三年戊申十月二十有一日生於都會

邨先是有望氣者言黃雲紫水之間當有異人生黃雲紫

水者新會山川也又有占象者言中星見浙閩分視古河

洛百粵爲鄒魯符昔賢所說及先生生身長八尺目光如

星左臉有七黑子如北斗狀音吐清圓嘗戴方山巾逍遙

林下望之若神仙中人也自幼警悟絕人讀書一覽輒記

嘗夢拊石琴其音泠泠然有偉人笑謂曰八音中惟石音
難諧今諧若是子異日得道乎因別號石齋既老自謂石
翁少讀宋匡崖山諸臣死節事輒掩卷流涕歎曰嗟夫大
丈夫行已當如是也弱冠充邑庠生其師某者見其所爲
文異之曰陳生非常人也世網不足以羈之明年丁卯中
鄉試第九人錄經義一篇戊辰辛未兩赴禮闈俱下第聞
江右吳聘君康齋先生講伊洛之學於臨川遂棄其學從
之遊時年二十有七也康齋性嚴毅來學者絕不與語先
令治田獨待先生有異朝夕與之講究受業歸講學之暇

時與門徒於曠野習射禮未幾流言四起以爲聚兵眾皆
爲先生危先生獨處之超然時翰林院侍讀學士錢溥謫
知順德縣雅重先生遺書勸按書下當有勸字先生亟起毋重貽

太夫人憂先生以爲然遂復遊太學祭酒邢讓一日試先
生和楊龜山此日不再得詩大驚曰龜山不如也明日颺
言於朝以爲真儒復出由是名振京師一時名士如羅倫
章懋莊景賀欽輩皆樂從之遊欽時爲給事中間先生議
論歎曰至性不顯寶藏猶霾世卽用我而我奚以爲用卽
日抗疏解官去旣出太學厯事吏部文選司先生日捧案

牘與羣吏雜立廳下朝往夕返不少怠郎中等官皆勉令
休對曰某分當然也識者謂其抱負之大而克勤小物如
此得孔子爲委吏乘田之意侍郎尹某聞而賢之遣子從
學先生力辭凡六七往竟不納成化己丑禮闈復下第有
神見夢於人曰陳先生卷爲人投之水矣其後二十年御史
鄺某文聞之禮部尙書某從吏云其所爲也先是先生寓
神樂觀科道諸公往來請益無虛日旣而某被科道劾疑
出先生故特惡之深且曰彼戴秀才頭巾爾動人若是脫
居要路當何如耶揭曉編修某時爲同考試官主書經房

索落卷不可得欲上章自劾冀根究不果時京師有會元
未必如劉戩及第何人似獻章之謠以及輿夫販卒莫不
嘖嘖俯屈曰可惜先生不中時卽有人夢曰經綸不屬陳
先生矣羣公往慰先生大笑莊景進曰他人戚戚太低先
生大笑太高二者過不及先生領之其居神樂觀也北方
麤鄙者數人約曰必共往因折之及見先生神樂觀忸然
氣沮口噤各不能發一語反致羞而退因語人曰果異人
不可狎也今右布政使周某孟中時同遊太學所藏古人墨
蹟夢踰拱璧先生因借閱經旬不還某數取先生笑曰試

君爾君得非所謂玩物喪志者乎某遂有所警發南歸杜
門卻掃潛心大業道價嚮天下四方學者日益眾往來東
西兩藩部使以及藩王島夷宣慰無不致禮於先生之廬
先生曰飲食供賓客了不知其囊之罄也自朝至夕與門
人賓友講學論天下古今事亶亶不少厭翌日精神如故
雖少壯者自以爲莫及也江右藩臬左布政陳煒等修復
白鹿洞書院成以山長書幣走生員劉希孟等聘先生爲
十三郡士者師先生報書謝不往壬寅廣東左布政使彭
韶上書略曰國以仁賢爲寶臣才德不及獻章萬萬猶叨

厚祿顧於獻章醇儒乃未見收用誠恐國家坐失爲賢之
寶疏聞憲宗皇帝可其奏部書下有司以禮勸駕先生以
母老并久病辭時巡撫右都御史朱英懼先生終不起也
具題薦末云臣已趨某就道矣且告之故曰先生萬一遲
遲其行則予爲誑君矣先生不得已遂起至京師朝廷用
故事敕吏部考試會病不果赴上疏略曰臣母以貧賤蚤
寡俯仰無聊殷憂成疾老而彌劇使臣遠客異鄉臣母之
憂臣日甚愈憂愈病愈病愈憂憂病相仍理難長久臣又
以病軀憂老母年未暮而氣已衰心欲爲而力不逮夫內

無攻心之疾則外不見從事之難上有至仁之君則下必

從本集補

多曲全之士願乞養病終養疏上憲宗皇帝親閱者

再三明日授翰林檢討俾親終疾愈仍來供職蓋異數也

先生以表謝不辭學士李某東陽贈別詩云只有報恩心未

老更無辭表意全真蓋實錄也祭酒某先生同省人也素

忌先生重名及至京師使人邀先生主其家已而先生儻

居慶壽寺某寓之後因修述陰令所比誣先生學士某張元

正見之不平為削去歸經南安知府張某彌問出處對曰

康齋以布衣為石亨所薦所以不受職而求觀祕書者冀

得悟主也惜乎當時宰相不悟以爲實然言之上令受職
然後觀書殊戾康齋意遂去某以聽選監生薦又疏陳始
終願仕故不敢僞辭以釣虛名或受或不受各有攸宜爾
彌唯唯暨歸歲有薦辟先生皆援詔不行初應詔而起也
道出羊城所至觀者如堵至擁馬不得行歸之日五色慶
雲遶其第經日始散宏治庚申給事中吳世忠以先生及
尙書王某恕侍郎劉某大學士張某元祭酒謝某鐸等八
人同薦與二三儒臣入內閣柄用上方敕吏部查勘命將
及門而先生歿矣是年二月十日也享年七十有三歿前

數日蚤具朝服朝冠令子弟扶掖焚香北面五拜三叩首
曰吾辭吾君復作一詩曰託仙終被謗託佛豈多修弄艇
滄溟月聞歌碧玉樓曰吾以此辭世歿之日頂出白氣貫
天勃勃如蒸竟日乃息前一夕五鼓鄰人聞車馬駢闐異
之急出見一人若王者狀儀節甚都出先生廬而去以為
大官及旦詢之無有也先配張氏生子二人曰景雲歲貢
生作小詩得唐人體裁曰景陽充邑庠生先生卒女二
人壻黃彥民指揮倪麟後改譚某按皇甫湜作韓文公墓志言初壻李漢繼壻樊
宗懿范文正公子婦亦再嫁夫堯舜之子不肖神聖猶不能化之況婦女輩耶孫男三人曰田曰

皇少王普行狀

七

晚皆庠生曰豸尚幼繼室羅無出先是知縣左某濬以醫

來先生病已亟矣門人進曰藥不可為也先生曰飲一七

盡朋友之情飲已作詩遣之沒後一月提學僉事宋某端

移文當道請入祀鄉賢祠都御史鄧某廷疏乞恩典草已

具尋奉御史費某□疏乞不拘常例贈官諭祭不報是年

七月二十有一日葬於圭峰之麓辛向之原遠近會葬者

幾千人左布政使周某孟贈白金三十星助葬誅之以辭

刻石於墓三府暨藩臬諸公門人親友遠近相續設奠致

賻殆無虛日嗚呼生榮死哀吾於先生見之矣先生少負

氣節每出少挫歸輒對伯兄泣不食房婢偶露體告太夫人必黜之乃已迨晚年涵養深至不可測孝弟出於天性事太夫人甚謹太夫人非先生在側輒不食食且不甘先生在外太夫人有念輒心動亟歸果然母愛子慕惟日不足太夫人頗信浮屠法及病命以佛事禱先生從之御史王某鼎按分省人物曰此見先生變通處也北行時不能別太夫人欲傲徐仲車故事伯兄不可曰吾弟爲人子吾獨不爲人子兄弟泣爭義感行路太夫人卒從伯兄之請太夫人歿以六十八年從本集補之孤子居九十一年從本集補之

母喪哭擗食素一如先王之禮太夫人老耄康強如壯先
生以古稀年顧多病常慮一旦身先朝露不能送太夫人
終故自太夫人七十年之後每夕具衣冠秉燭焚香露禱
於天曰願某後母死後喪太夫人服闋絕不衣錦繡曰向
者爲親娛耳通判顧某叔龍曩見先生束木帶解所束玳瑁
帶贈至是反之一念衡山靡閒朝夕曰自今以往未死之
年皆贅也事伯兄如父坐必隅坐雖迹處山林其憂君憂
國之心視諸食祿者殆有甚焉憲宗之升遐也哀詔至先
生如喪考妣故其詩曰三旬白布裹烏紗六載君恩許臥

家溪上不曾攜酒去空教明月管梅花知言者讀之當知
先生之心無日不在天下國家也爲人豁達大度不見小
利未第時鄰人有侵其屋地者欲威之以力揚言於眾曰
陳氏子異日出我必辱於途及見不覺自失先生曰尺寸
地吾當爲若讓其人慚而去又有侵其田者處亦如之後
復有盜葬其祖墓者先生曰此義不共戴天也彼不卽悛
吾卽訟之官吾敢沽虛名失大義哉盜葬者聞之果悛巡
撫湖廣都御史謝某綬按湖南通志謝綬樂安人宏治中巡撫正荆藩之不法者遺先
生壽木甚美一日其交厚陳某者卒遺言必得木如先生

者其子以告先生卽以畀之林良者以畫名天下嘗專意

作一圖為先生壽惠州同知林某仲璧按阮通志林仲璧莆田人成化朝惠州同

知又按本集王徐墓志銘云

惠州別駕林君仲璧乞銘於予至閱之愛甚亦卽畀之無

吝色知縣趙某瑩按新會王志趙瑩宏治二年任知縣以贓去頗著貪聲懼先生

遇當道露其事遺白金數錠為太夫人壽先生不得已受

之戒家人勿啓後某以贓去官先生追而還之其人感泣

提舉汪某榆慕先生甚在海北特作懷沙亭以寓仰止亦

數以白金為先生壽其卒於官也先生盡封還以為賻參

政伍某希淵按阮通志伍希淵安福人宏治二年任參政僉事戴某中輩以次各

遺白金欲新先生居卻不可乃營小廬山書屋以處四方

學者初年甚窶嘗貸粟於鄉人僉事陶魯知之遺田若干

頃晚年按察使李白洲士實倣富鄭公故事破數百金買園

一區於羊城先生皆卻不受封券至三四往返御史熊達

按原本誤作鴻達之達倣洛陽故事欲建道德坊於白沙以風士類

先生力止不可乃議創樓於江滸為往來嘉賓盍簪之所

榜曰嘉會先生曰斯可矣都御史鄧某廷瓚倣林逋故事檄

有司月支米一石歲致人夫二名先生卻之以詩曰孤山

鶴啄孤山月不要諸司費俸錢行人左某輔詳宏治七年出

使外夷以其師某□意致白金三十星先生亦卻之大夫
人兄弟之子某廣幼無依先生教育之成人至割田廬以
樹其家嘗買婢得邑人尹氏女既而知之歎曰良家子也
命內人撫育之如己女及笄擇壻嫁之友人莊景病遺書
求先生門人知醫范規者規貧不能赴先生卽備行纏服
食津遣與人交無死生炎涼之別都御史朱某英柩歸桂
陽爲文遣子不遠數千里設奠尙書彭某韶御史袁某道
經歷張某徽輩之沒也亦然其聞羅某倫袁某張某之訃
也皆設位哭爲之總服三月參政胡榮爲提學僉事時雅

重先生嘗選生員有異質者，十餘人往受業。今學士梁儲

參政李祥輩與焉。其後榮遭憂，先生特弔其母喪於新喻。

及吳康齋墓於崇仁，羅一峯墓於永豐，訪莊定山於江浦。按

上四事上京順道也。其論治道以正風俗，成人材為急務。知縣丁積

之初，知新會縣也。出其鄉人給事中董某。按字

集有與董子仁書。書為介，求執弟子禮。先生百凡啓迪，以致四禮

大行。民愛之如父母。及卒於官，先生綜理其後事如已事後

民立祠於白沙。先生記之。其始終成就皆先生之力也。顧

某叔龍為同知，知德慶州。卒事遭不測。先生毅然任其事。曰

少正行狀

朋友之責也後聞其子至乃已李承箕裹糧自嘉魚數千里從學白沙凡二年先生服食行纏待如子弟復築楚雲臺以居之榜聯云有月嚴光瀨無金郭隗臺其欲來天下之善如此學士王某聞而歎之盛稱先生見黃公釣臺記門人林某非林光也按此始有志於學後為貧累先生欲成之謀田於肇慶同知張某吉以某不歸乃不果迎先哲宋丞相崔菊坡像為文祭於家隅坐瞻仰若子弟之於師者廣州志陳獻章傳奉先師孔子於碧玉樓有行必告程順節婦鍾氏禮子也孀居二十七年貧甚先生嘉其節表之以詩復歲時遺以綾布君

子謂先生使其大得志表先德舉賢才當不遺餘力也匡

山大忠祠慈元廟之建與夫祀典之舉也皆發議於先生

與副使陶某魯右布政劉某大僉事徐某禮
禮餘姚人宏治

九年任共成之大忠祠成太夫人夢金冠三人從甲士數

百謝於門慈元廟之未建也先生夢一女人后飾立於大

忠祠之上曰請先生啓之後十年建廟即其所也故先生

弔慈元廟詩有依稀猶作夢魂通之句先生精神嘗與神

明通居外海陳某謙宅有異人來見語祕不傳臨歿夢與

濂溪兩崖答歌於衡山之五峰皆紀之以詩北歸時泊舟

江滸夜半有人呼急起未幾水至溺死人畜無算因得免
先生德氣睟面益背無貴賤老少莫不起敬給事中賀欽
執弟子拜跪禮至躬爲捧硯研墨旣別肖先生小像懸於
別室出告反面有大事必白羅某倫改官南京修撰先生
謂日子未可以去乎某卽曰解官去壬寅別都御史朱英
於蒼梧也英豫約束隨參官埃先生至掖之從甬道出入
先生力辭不能英曰古之聖帝明王尊賢之禮有膝行式
車者況區區乎中貴某□謁先生廬至江滸卻肩輿走數
百步入京師時經南安知府張某弼倣曹參師蓋公禮以

待先生道出淮陽總戎平江伯陳某銳往復差官具人船

護送極禮意之隆暮年欲卜築衡嶽都御史沈某暉南通志湖

沈暉孝宗朝湖南巡撫創屋士人等割田以待左布政周某孟甫下

車即謁先生於白沙欲請先生入省南面坐受拜咨問以

風一方以先生病不果嘗經山鄉熱甚思生菜值山岷植

者良少前此貴客重價求之弗獲先生至山岷羣來獻之京

師走家童市靴於肆工人問自先生亟易以佳者其至誠

能動往往如是先生之始為學也激厲奮發之功多得之

康齋自臨川歸足跡不至城府朱某英時為參議造門求

見卒避不見閉戶讀書窮盡天下古今典籍旁及釋老稗
官小說徹夜不寢少困則以水沃其足久之乃歎曰夫學
貴自得也自得之然後博之以典籍則典籍之言我之言
也否則典籍自典籍而我自我也遂築臺曰春陽日靜坐
其中足不出闕外者數年故其答某張元正問學詩曰古人
棄糟粕糟粕非真傳眇哉一勺水積累成大川亦有非積
累源泉自涓涓至無有至動至近至神焉發用茲不窮緘
藏極淵泉吾能握其機何必窺陳編學患不用心用心滋
牽纏本虛形乃實立本貴自然戒慎與恐懼斯言未云偏

後儒不省事差失毫釐閒寄語了心人素琴本無絃久之
又歎曰夫道無動靜也得之者動亦定靜亦定無將迎無
內外苟欲靜卽非靜矣於是隨動隨靜施其功故其示門
人張某按卽詡
自謂詩曰知暮則知朝西風漲暮潮千秋一何
短瞬息一何遙有物萬象閒不隨萬象凋舉目如見之何
必窮扶搖又曰登高未必高老腳且平步平步人不疑東
西任四顧豈無見在心何必擬諸古異體骨月親有生皆
我與失之萬里途得之咫尺許得失在斯須誰能別來去
明日立秋來人方思處暑又曰兩腳著地此何關白雲與

爾同去還正當海闊天高處不離區區跬步閒

廿八字
本集缺蓋

其學初本周子主靜程子靜坐之說以立其基其自得之
效則有合乎見大心泰之說故凡富貴功利得喪死生舉
不足以動其心者其後造詣日深則已進乎顏氏之卓爾
雖欲從之末由也已地位而駸駸乎孔子毋意必固我氣
象矣其學有本原進有次第的然可據如此迨其晚年超
悟極於高遠則又非他人所能窺測言語所能形容者矣
其始懼學者障於言語事爲之末也故恆訓之曰去耳目
支離之用全虛圓不測之神其後懼學者淪於虛無宗滅

之偏也故又恆訓之曰不離乎日用而見鳶飛魚躍之妙
門人各隨其見聞執以爲則天下之人又各隨其見聞執
以爲侑果足以知先生之道也哉故其詩曰千年無鮑叔
一懶有柴桑蓋亦嘆天下之莫我知也所恃天下之大千
百世之遠其心同其理同必有知言者誦其詩讀其書當
有以知其人卓卓哉孔氏道脈之正傳而伊洛之學蓋不
足道也是故見諸日用雖與百姓同也至於不言而信不
怒而威聞風者興起沐化者心服蓋有莫知其爲之者使
得大用於世綏來動和之效庶幾乎先生嘗以道之顯晦

在人而不在言語也遂絕意著述故其詩曰他年倘遂投

閒計只對青山不著書

按此詩先生赴召留別諸友七律明儒學案以為李世卿作非也

莫笑老傭無著述真儒不是鄭康成

按此和子長七律

有勸之者

對曰伏羲數畫耳況畫前又有易乎君子曰先生著述可

謂富矣自一言演之可萬言自萬言斂之可無言今其詩

文不下萬餘首獨非著述乎其為文也主理而輔之以氣

雖不拘拘於古人繩尺故自有大過人者其為詩也則功

專而入神品有古人所未到者矣蓋得李杜之製作而兼

周邵之情思妙不容言故其詩曰子美詩中聖堯夫更別

傳後來操翰者二妙少能兼今蒼梧山東皆梓行其集惜乎未全也至於揮翰如其詩能作古今數家字山居筆或不給至束茅代之晚年專用自成一家時呼爲茅筆字好事者踵爲之故其詩曰茅君頗用事入手侷神工又曰茅龍飛出右軍窩皆指茅筆也天下人得其片紙隻字藏爲家寶康齋之壻某口貧不能自振造白沙求書數十幅歸小坡每一幅易白金數星

按康齋壻胡全見成化十六年譜胡壻來白沙本集缺載或

康齋不僅一壻也

庚申朝廷遣官使交南交南人購先生字每一幅易絹數疋時從人僅攜一二幅恨不能多也先生教人

隨其資品高下學力淺深而高下之循循善誘其不悟者
不强也至於浮屠羽士商農僕賤來謁者先生悉傾意接
之故天下被其化者甚眾南畿僧太虛知名當世亦以其
學求正於先生先生復書以逝者如斯夫不舍晝夜告之
曰我以此證也先是先生道南畿見太虛告以念老母太
虛爲朝夕聖前祝願至先生歸相見乃已其篤信如此嗚
呼若先生者君子謂周子之後一人而已者非耶某也無
似自成化辛丑見我先生於白沙我先生卽以國士待其
後受教多而辱愛厚臨沒具書促至白沙寄以斯文告門

人羅冕曰吾道吾付吾某矣示以詩曰往古來今幾聖賢
都從心上契心傳孟子聰明還孟子如今且莫信人言又
曰萬丈祝融何處山三年碧玉夢相關多少畫工傳不去
都沒賢今畫幅寬又曰病久惟聽命詩成不浪傳門前花
十丈玉井正開蓮數椽剛到地一棟正橫天不忌吾道在
萬萬歲相連因執某手曰出宇宙者子也旣而曰孔子之
道至矣願無畫蛇添足又曰用斯行舍斯藏子其勉之吾
言止是矣嗚呼言猶在耳不肖某斗筲之器何修何爲而
後可以少副我先生負託之重乎先生沒後門人聚議以

湛雨爲行狀李承箕爲墓誌銘梁儲爲傳而墓表則屬之
某也湛之爲行狀也倉卒事多未備按今甘泉集無白沙行狀某竊懼
久而湮晦無傳暇日因重補葺以爲天下後世君子告且
備異日史氏采錄焉

宏治十四年歲在辛酉閏七月甲申門人承直郎戶部主
事張詡謹狀

陳文恭公像



自卜三尊像

三

像贊

於維先生炳靈南粵浮邱之峯桂海之碣靜中端倪作
聖真訣獨契本心超然融徹靈鳥神龍不可繫縲終老
江門完璧無缺方漢徐孺擬宋康節丹青睟圖冰壺秋
月庶士傾風萬流仰哲矧伊鄉彥不虔對越宜其動靜
與俱行邁攜挈也西蜀右布政使後學豫章李遷謹撰

道光十年十月十二日榕至白沙謁先生祠先生
裔孫廩生邦瞻干仰出先生真像大小凡三幀風度凝
遠如冰瑩秋月張子行狀云如神仙中人猶莫罄形容
也甘泉云一十二萬年雪月四百三十峯晴雲庶幾乎
先生左腮有七黑子兩眉界有彎紋微連不斷上有羅
殿撰洪先題墨所謂長空大海流風猶足繫乎綱維者

也今何家本所
繪乃全弗類

目少三尊像贊


三


--	--	--	--	--

三言

三

白
沙
村
圖







龍潭東南至沙白村八里

由潭所出者皆龍名

明圓庄

山庄

山東山汛

梅林

黃梅道

都會東白沙里

金榜

九龍橋



白少丰普 村圖

三四

世次
先世自南
雄徒新會

先生世澤詩云世澤由來遠何年播廣東吾廬依外
海分派自南雄又云骨肉危相保干戈晚益窮存亾

一絲髮端為謝蒼穹

高祖

有道

曾祖

濤

祖

朝昌

父

琮

字世興號

字澄本號

字永盛號

字懷瑾號

判鄉娶湯

東源娶葉

渭川娶呂

樂芸娶林

氏

氏

氏自外海

氏

遷都會又

自都會遷

白沙

琮

獻文

字公載號古愚祀忠孝祠

景鐘

早卒

景星

景侯

按古愚公家譜公尙有子今居邑城是其裔

獻章

字公甫號石齋晚號石翁娶張氏生二子二女繼娶羅氏無出

景雲

字仲采號睡鄉歲貢娶梁氏

景暘

字仲平號奉時邑庠娶范氏按行狀云先生孫晚田多疑景暘子

晚

字時用號楚卿又號蘭臺歲貢娶易氏

田

字子明號本廨娶譚氏

白沙全言

三

按本集附錄嘉靖十一年五月湛甘泉粵秀山白沙書院記云陳氏孫新會儒學生畚改廣府學而幫其廩以守之 又霍渭厓集有贈白沙孫陳畚詩曰東風飪木犀鶴鳴阿田右 按先生繼室羅氏既無出生卒亦莫考先生與番禺李德孚書曰別紙稱清門羅某何敢不從異日資送來白沙凡一聘之費大率不過十金但如來教則太俗而惡無文故以釵與幣易之而侑以羊酒不審以爲何如 按此書當作於成化六七年 又與鄭文吉書章之內兄羅經水母灣人金成之義王翁也內兄存日窘甚棄其居第還車陂死無子遺二妾女一居孀一在其室今欲取來白沙倘遇船便先令金成走車陂取至廣搭附來白沙極感極感

編次陳白沙先生年譜卷一

新會後學阮榕齡竹潭編

宣宗宣德三年戊申冬十月二十一日 白沙先生生於

新會都會邨

祖處士渭川公年五十三 祖母呂氏年五十四

父處士樂芸公年二十七 母林氏年二十四

兄名獻文字公載號古愚年五歲俱尙存

是年九月 日樂芸公卒年二十七 公諱琮字懷瑾

十載長吟語多奇麗張詡撰白沙先生行狀陳琮詩有異質髻齡能文喜歌吟尤究心理學身體力行毅然

以明道淑人爲已任先輩多以遠大期之質羸善病廣
州鄉賢傳 崇正十六年巡撫御史四川柳寅東等題
請崇祀郡邑鄉賢
白沙本集附錄

時 月新會右都御史魯能生 邱文莊集魯
公神道碑

宣德四年己酉 先生年二歲

宣德五年庚戌 先生年三歲

宣德六年辛亥 先生年四歲

宣德七年壬子 先生年五歲

宣德八年癸丑 先生年六歲

宣德九年甲寅 先生年七歲

宣德十年乙卯 先生年八歲

時正月帝崩太子祁鎮卽位

英宗正統元年丙辰 先生年九歲

本集乞終養疏方臣幼時無歲不病至於九歲以乳代
哺非母之仁臣委溝壑久矣

正統二年丁巳 先生年十歲

正統三年戊午 先生年十一歲

正統四年己未 先生年十二歲

正統五年庚申 先生年十三歲

正統六年辛酉 先生年十四歲

正統七年壬戌 先生年十五歲

正統八年癸亥 先生年十六歲

正統九年甲子 先生年十七歲 母年四十

正統十年乙丑 先生年十八歲

正統十一年丙寅 先生年十九歲

時五月二十六日祖母呂氏卒年七十二 白沙家譜
母性端重不妄言笑

正統十二年丁卯 先生年二十歲

弱冠充邑庠生其師某見其文曰陳生非常人也行狀

九月中鄉試第九

正統十三年戊辰 先生年二十一歲

入京赴春闈 四月中副榜進士告入國子監讀書正統

十三年總裁侍郎高穀
侍講甘寧明貢舉攷略

正統十四年己巳 先生年二十二歲

時八月十六日帝北狩 九月帝弟郕王即位

時十二月初五日祖父渭川公卒年七十四 家譜公

二日卒正統十四年十二月初五日年七十四而先生

世賴堂銘云我祖渭川七十八年漢陰抱囊是多四年
矣疑八字乃四字之誤

景帝景泰元年庚午 先生年二十三歲

時八月英宗歸京師入居南宮

景泰二年辛未 先生年二十四歲

時七月門人梁儲生

本集乞終養疏景泰二年會試下第

景泰三年壬申 先生年二十五歲

時二月十九日長子景雲生

景泰四年癸酉 先生年二十六歲

景泰五年甲戌 先生年二十七歲 母年五十

時以陶魯爲新會縣丞

八月陳生中戊辰乙榜進士篤漆雕之信復淹吾館每誦鯉庭之永隔感孟機之多違聞者動心焉家僮之返

予爲大書孝思題其白沙之堂又曰伯氏朝夕爲我申

其說於定省之餘亦足稍慰倚閭之況云

吳康齋與彌題孝思堂記

陳白沙自廣東來學晨光纔辨先生手自簸穀白沙未起先生大聲曰秀才若爲懶惰卽他日何從到伊川門

下何從到孟子門下

明儒學案吳康齋條

白沙之於吳聘君也

爲之執役數月而不敢請益其後賀黃門於白沙亦然

廣東新語

予少時聞白沙先生學於吳康齋先生吳先生

無講說使先生劬地植蔬編籬吳先生或作字先生研

墨或客至則令接茶如是者數月而歸竟無所得於吳

先生也

楊起元白沙語錄序 按以上三條與行狀迥異當以張狀為有據楊云無講說尤與先生自

述語顯然相背

本集與趙提學書僕年二十七始發憤從吳

聘君學其於古聖賢垂訓之書無所不講然未知入處

書蓮塘冊後予與婁克貞同事吳徵君予以景泰甲

戌游小坡與克貞先後至

按一統志陳獻章從吳與弼游在正統間誤

書

玉枕詩話後東海平日自謂具隻眼能辨千古人物而

近遺康齋何也予年二十七遊小坡聞其論學由濂洛

關閩以上達洙泗尊師道勇擔荷不屈不撓如立千仞

之壁蓋一代人豪也

按吳與弼字子傅世稱康齋先生

然向慕天順元年徵赴闕又云其門人最著者胡居仁

陳獻章婁諒次日胡九韶謝復鄭侂婁諒字克貞上

饒人少有志絕學聞吳與弼在臨川往從之一日與弼

治地召諒往視云學者須親切務諒素豪邁由此折節

雖掃除之事必身親之王守仁少

時亦嘗受業於諒俱明史儒林傳

景泰六年乙亥 先生年二十八歲

先生之學激勵奮發之功多得之康齋自臨川歸足不

至城市朱英時為參議造廬求見卒避不見閉戶讀書

益窮古今典籍徹夜不寢少困則以水沃其足久之乃

歎曰夫學貴自得也自得之然後博之以載籍遂築臺

名曰春陽靜坐其中足不出閫者數年行狀按朱英

景泰初為廣東右參議過家省母橐中惟賜金十兩抵

任撫凋瘵流亾立均徭法十歲一更民皆稱便天順十

年巡撫甘肅冬總督兩廣明史本傳本集與趙提學書僕從吳聘君學

比歸白沙杜門不出專求所以用力之方既無師友指

引惟日靠書冊尋之忘寢食如是者累年而卒未得也

謂此心此理未有脗合也於是舍繁求約惟在靜坐然

後此心之體隱然呈露日用應酬惟吾所欲如馬之銜

勒體認物理稽諸聖訓如水之有源委也於是渙然自信曰作聖之功其在此乎 龍岡書院記予少無師友

學不得其方汨沒於聲利支離於牝糠者久之年幾三十始盡棄舉業從吳聘君游然後益歎迷途未遠取向

所汨沒者洗之以長風蕩之以大波坐小廬山十餘年

足不踰於閩 與劍水黃琥交嘗宿其家

予曩從吳聘君遊往來劍水嘗宿其家 詳宏治九年 從學吳聘君後習靜春

按本集肇府城隍廟記云

陽臺十載 湛若水撰改葬白沙先生墓碑

景泰七年丙子 先生年二十九歲

先生初築春陽臺日坐其中用功或過幾致心病後悟其非且曰戒慎與恐懼斯言未云偏後儒不省事差失毫釐閒蓋驗其弊而廢也

明儒學案
白沙條

坐春陽臺家人

穴壁饋殮

雜閩源
流錄

景泰八年丁丑 先生年三十歲

時正月英宗復位改元天順二月景帝崩

英宗天順二年戊寅 先生年三十一歲

時五月徵處士吳與弼為左諭德

天順三年己卯 先生年三十二歲

天順四年庚辰 先生年三十三歲

天順五年辛巳 先生年三十四歲

天順六年壬午 先生年三十五歲

時本集輔城記是年廣西寇大至新會城下劫掠居民

縣丞陶魯方捍盜他邑聞報馳歸慟哭率父兄子弟討

賊築輔城以禦之 書思德亭碑後昔壬午之冬寇忽

大至此吾與父兄所共見也 按陶魯字自強成子鬱林人以父廕為新會丞天順

中遷知縣累官至湖廣布政兼廣東按察副使領嶺西道兩廣倚之如長城 欽定大清一統志

天順七年癸未 先生年三十六歲

時新會縣丞陶魯陞知縣

時原配張氏卒

按成化八年繼娶羅氏請期啓云始者曠十年而莫遇又先室墓志云卒葬孔

家山疑張氏卒於是年詳成化廿三年

天順八年甲申 先生年三十七歲 母年六十

時正月帝崩太子見深卽位

時六月十六日禮部侍郎薛瑄卒

年七十六按先生諡文清長於白沙三

十九年明儒學案次文清於白沙之後非也

本集詩 初秋夜五律二首

自我不出戶歲星今十週按以上十年皆在春陽

臺

憲宗成化元年乙酉 先生年三十八歲

時冬新會知縣陶魯從總督韓雍破大藤峽賊

成化二年丙戌 先生年三十九歲

時永豐羅倫及第第一 五月貶修撰羅倫為福建市

舟羅倫字彝正永豐人成化丙戌廷對第一授修撰會

者李文達奪情疏奏落職泉州府船司明年召還復修

事門人上海陳肅來從學 陳肅與陳子讀書國子

事門人增城湛若水生 監因師事之門人錄

講學之暇時與門徒習射禮流言四起以為聚兵眾皆

為先生危先生處之超然時學士錢溥謫知順德縣雅
重先生勸亟起母詒太夫人憂先生以為然遂復遊太
學祭酒邢讓試先生和楊龜山此日不再得詩大驚曰
龜山不如也明日颺言於朝以為真儒復出一時名士
如羅倫章懋莊景賀欽輩皆樂從之遊欽執弟子拜跪

禮至躬為捧硯研墨

行狀 邢讓字遜之成化二年遷國子祭酒明史本傳 莊先生諱

景字孔暘號木齋江浦人成化丙戌進士與之交者皆一時名儒如陳白沙先生羅一峰其尤也湛若水定山

先生墓志

周蕙門人薛敬之渭南人從蕙游雞鳴候門啓

輒灑掃設席跪而講教憲宗初以歲貢入國學與同舍

陳獻章竝有盛名

明史儒林傳

本集湖山雅趣賦丙戌秋

余策杖自南海循庾嶺而北涉彭蠡過匡廬之下復取

道蕭山沂桐江艤舟望天台峰入杭觀西湖又云容有

張璪者聞余言拂衣而起擊節而歌 乞終養疏國子

監撥送吏部文選清吏司厯事 先生日捧案牘與羣

吏雜立廳下朝往夕返不少怠郎中等官皆勉令休對

曰某分當然也侍郎尹某聞而賢之遣子從學先生力

辭凡六七往竟不納行狀 侍郎尹旻賢之遣子從學力辭本集引明史儒林傳

本集詩

和楊龜山此日不再得韻

五古全錄能飢謀菽稷冒寒思植桑

少年負奇氣萬丈磨青蒼夢寐見古人慨然悲流光吾
道有宗主千秋朱紫陽說經不離口示我入德方義利
分兩途析之極毫芒聖賢信匪難要在用心臧善端日
培養庶免物欲戕道德乃膏腴文辭固批糠俯仰天地
閒此身何昂藏胡能追軼駕但能漱餘芳持此木鑽柔
其如磐石剛中夜攬衣起沈吟獨秀皇聖途萬里餘髮
短心苦長及此歲未暮驅車適康莊行遠必自邇育德
貴含章爾來十六載滅迹聲利場閉門事探討蛻俗如
驅羊隱几一室內兀兀同坐忘那知顛沛中此志竟莫
強辟如濟巨川中道奪我航顧茲一身小所繫乃綱常
樞紐在方寸操舍決存亡胡為謾役役
斷喪良可傷願言各努力大海終回狂

成化三年丁亥 先生年四十歲

時是年春先生南歸章懋贈詩有美羅浮仙金聲玉爲

文祥贈詩白沙先生年四十屹然砥柱中流立謝
詩見本集附錄 謝文祥耒陽人天性峭直與羅倫莊

景善授御史數上封事直氣動臺端
大清一統志
謝文祥謫南陵縣丞劉大夏陳獻章俱壯其節贈之詩
氏姓譜

時傳本
事
二月召羅倫還復為修撰改南京居二年引疾歸明

時傳本
事
十二月杖謫編修章懋黃仲昭檢討莊景
懋蘭谿人

成化丙戌會試第一授修撰與同官黃仲昭莊景諫上
元燈火杖闕下後講學楓木庵學者稱曰楓木先生

成化四年戊子 先生年四十一歲

時傳本
事
是年先生復入京師

本集詩
九月送吳廷介歸開化七絕
序戊子秋開化
吳廷介縣博校

白少平普卷一

文於我省念太夫人初度之辰在十月十八日撒棘之後趨歸爲壽詩以送之

成化五年己丑 先生年四十二歲

時 門人東莞林光會試下第

時 八月下刑部郎中彭韶於獄

時 十月十七日吳與弼先生卒
年七十九 明儒學案

時 十一月起復韓雍總督兩廣

己丑禮闈復下第有神見夢於人曰陳先生卷爲人投之水矣先是先生寓神樂觀科道諸公往來請益無虛日旣而某科道被劾疑出先生故惡之深且曰彼戴秀

才頭巾爾動人若是脫居要路當何如耶揭曉編修某
時爲同考官索落卷不可得欲上章自劾冀根究不果
時京師有會元未必如劉戩及第何人似獻章之謠羣
公往慰之先生大笑莊景曰他人戚戚太低先生大笑

太高其居神樂觀也北土麤鄙者數人約曰必共往困

折之及見先生口噤不發一語行狀劉戩字景元安

二萬姓成化己丑今布政周孟中時同遊太學行狀

本集乞終養疏成化五年復會試下第按先生凡三上

七上春跋張聲遠康齋真蹟成化己丑三月行李出

官誤

京是日次析木之店以示東吳張聲遠鏌一見驚絕聞閱

之竟日不瞬以手撫弄以口吟哦某憐之割一紙按析

今京畿屬大興縣鏌詳門人攷五月二十一日至南京見羅倫二

十四日羅倫有送白沙先生詩序本集告羅一峰墓文

生於南畿盍簪之懽忘形爾汝既三宿而後去羅文毅公倫指切時事忤旨落職未幾商文毅相召復原官

尋改南京聞白沙先生緒論慕之以疾辭歸先進遺風跋康齋真蹟已丑六月

過清江以手書問先師尚無恙也按清江縣屬江西臨江府秋歸

自京師南歸杜門卻掃潛心大業四方學者日益眾

往來東西兩藩部使以及藩王島夷宣慰無不致禮於

先生之廬

狀行

復趙提學書僕自己丑得病五六年間

自汗時發母氏加老是以不出門則凡責僕以不仕者
遂不可解 與張憲副廷學書僕自己丑得病以來人
事十廢八九齒髮都耗精力寢衰而老母羸康諸兒女
婚嫁漸次可畢 與陳剩夫書穹壤百年極欠一會某
自春來得厥疾一臥至今武夷之游遂成虛語

成化六年庚寅 先生年四十三歲

陳音字師召莆田人天順末進士成化六年三月以災
異陳時政言致仕尚書李秉在籍修撰羅倫編修張元

正新會舉人陳獻章皆當世人望宜召還秉等而置陳

獻章臺諫忤旨切責

明史本傳

本集夢記三月二十七日

碧玉樓午睡夢出貞節門外大水一老人抱衣浣於前

歌曰法好人莫傳衣好人莫穿

按夢記凡二條第一條云庚寅秋第二條加一

又字別起一行云三月若同是庚寅則當以三月為上條秋為下條今春秋倒置豈既庚寅秋作而後追錄前

三月之夢耶抑同是夢記而三月一條非是年所作耶

尋樂齋記五年伍光宇

始構亭於南山之巖明年復於吾第之左結草屋三間

夢記庚寅秋距予自京師歸適一載是夕天氣稍涼

予讀易白沙之東房臥夢與應魁殿元克恭同行 秋

誅潘季亨詩序季亨之交於予十六載意篤而業不光

一旦棄我而死不塞望矣吾所以不能不為之慟而深

憾於平日也卒於成化庚寅年三十六屬續之秋適林

緝熙自寶安來覽予詩而哀故亦同作書孔高州平

賊詩卷後太守今進秩憲副使孔鏞長洲人成化六年按察副使阮通志

九月作李文溪集序十二月作東曉序何子隱南海人更名潛榜

其居曰東曉按何潛南海志缺載予邑西南四十里

萌頭蔣山有阮公蘭亭墓碑有曰君為外兄弟誼不可

辭是何與阮為戚屬文凡二百五十餘字惜殘缺者已

七十許字末署庚寅十二月既望盧江何潛書蘭亭榕

七世祖也東曉事莫攷僅見先生此序及此

碑耳書法秀勁高妙碑詳新會林志金石

秋門人張鍊書來求跋康齋先生真蹟 與祝主簿書

未拜一顧之勤此貺疊至皇恐皇恐閣下以至公待民

使一邑受賜則惠之所及廣矣 祝鐸浙江宣平人新會林志

本集詩 伍光宇卜築白沙為讀書之所七絕二首

吳邨弔莊節婦墓五律二首

成化七年辛卯 先生年四十四歲

時 十月十八日伍雲卒

二月代兄作聘啓

按啓內云尊親家鄭處士疑即鄭文吉也

本集送李山

人詩序成化辛卯春永豐李立武過白沙訪予 與胡

僉憲提學書李山人至蒙賜相山骨髓等書承諭欲來

新會予久臥衡茅未欲進拜則有其說布衣鄙儒謬爲

王公大人所愛恐不自重以爲門下辱胡榮新喻人成化七年任按察

司僉事提學阮通志與庠中諸友書春初承諸君枉顧屬有哀

事又云按察胡先生過白沙青燈敝舊又云請君方急

於秋試與伍光宇書賤軀百病交攻近過胡按察教

以心馭氣之術試效立驗但應接事煩工夫不精今自

五月一日爲始以家事權屬老母借尋樂齋靜居百日

有驗卽奉還也九月作綠圍伍氏族譜序辛卯首夏

光字疾大作九月予往視之坐甫定便語云還我族譜
序吾無憾焉耳退見其季父絢伯兄裕咸申之曰絢等
未有請也惟先生之於雲也實望之寧獨夢一言且使
聞之病亦尋起 伍光字君於白沙築臺曰尋樂自庚
寅冬至明年首夏凡四月日在尋樂卒年四十七 作
尋樂齋記 按記云明年而光字死是齋建於伍生前而記作於伍死後 送張方伯
詩跋 張瑄江浦人成化四年任布政使阮通志 十二月代兄作請期啓凡
篇

成化八年壬辰 先生年四十五歲

時九月三十日餘姚王守仁生

時娶繼室羅氏

正月二日作奠伍光宇文命子景雲往南山代之 本
集代兄與李宗書文啓猥蒙不鄙弱弟某遂室家之願
實吾子之惠某以序次當爲主人不得詣吾子躬專請
也倘吾子不憚劬於路而以歸羅氏于於白沙某也則
願吾子之終賜愛焉 與僉憲胡提學書野人有婦亦
以代井臼之勞而已明日昧爽以此婦見祠畢事卽趨
行臺拜謝 二月豐城友人某以吳康齋先生訃至

康按

齋先生實卒於成化五年冬至是始聞訃也

襍詩序予辛卯九月以來絕

不作詩今年四月予病小愈扶杖出門俯仰上下欣慨於心師友代凋知己悠邈不可爲懷積旬得詩若干此外又有聞蛙聞鶻示跛奴詰李翁送西賓等詩晦日序之用示兒子 六月戊寅作告伍光宇文 月爲外兄何經作處素記 十二月作番禺何廷矩母周氏墓志銘

本集詩 壬辰九日圭峰作七律

成化九年癸巳 先生年四十六歲

成化十年甲午 先生年四十七歲 母年七十 太夫人 老耄康

强如壯先生顧常多病常慮一旦身先朝露不能送終故自太夫人七十以後每夕具衣冠秉燭焚香露禱於

天曰願某後母死行狀

時三月罷兩廣總督韓雍 據帝王年表 明 史本傳作九年

時秋漳州布衣陳真晟卒 按明史儒林傳真晟卒於成化十年明儒學案亦云十年

年六十四

時九月門人南海陳庸番禺張詡順德梁儲樂昌鄧球

同領鄉薦

本集與吳惠州繹思書僕生嶺左四十有七年 吳繹思 莆田人

成化中守惠州涖政果斷增修諸邑學宮眾務咸舉通志與韓知縣書執事前在

敝邑日月不多未究所蘊去之順德雖云異治固尚在

此邦之內韓昇浙江秀水人成化八年任凡一年新會志按順德志職官缺昇名或署事也

本集詩 代簡答羅一峰殿元五古臺城一揮袂忽忽星週五

十二月題馬默齋壁七古

成化十一年乙未 先生年四十八歲

時以曹偉知新會縣曹偉湖廣京山人監生成化十一年任新會林志

時十月以朱英總督兩廣通鑑

蕭子鵬聞康齋講道往師之康齋沒以陳白沙得康齋

之傳卒業於門別歸贈詩云玉峽蕭郎海上來海邊雲

氣擁樓臺峽中亦有樓臺擁始信蕭郎海上回

萬姓統譜

蕭子鵬字宜冲新淦人按九曜石有成化乙未秋新淦蕭子鵬六言草書粵東金石錄

本集與

羅一峰書大忠祠碑皎皎烈烈見先生之心矣諸生蒙

薰炙歸來又是一番人物多荷多荷三峰敍竝諸作實

有意思 作容處士墓志銘 與陳秉常書秉常不春

試永豐之使不在吳璉秉常幸圖之一見羅殿元亦不

枉了 與胡提學書奉別忽已踰年昨生員易彬送到

羅明仲林蒙庵邱蘇州書知先生安佳某近以人事過

煩自汗時發閉齋偃臥絕去應酬下車之始即欲遣人
上問尋聞往梧州昨晚小兒自羊城回乃知先生自梧
州還聞中陳剩夫者先生所知不幸去年秋閒死矣舊

歲莆田舉人林體英來訪白沙與語兩月比歸亦能激

昂自進

按南海志金石略成化八年十一月胡榮書濂溪書院記曰天順癸未予提學來廣云云先生

與胡公此書今以明史陳真晟傳攷之故入是年豈成化十一年胡公尚在廣東耶

與張東白

內翰書比者婁克貞教諭亦有書來僕既未接其人不可遽有往復陳布衣竟不及面而卒可歎

張元正字廷祥官禮部左

侍郎兼學士交陳選羅倫陳獻章皆以道學相規萬姓統譜

補詩 夏贈陳秉常容彥昭易德元使永豐謁羅一峰

夜發白沙口席影江門月洋洋一峰倫望望何時接男
兒亦何事料理經世業千載曲江祠中間可停楫 按

詩見鶴山縣志本集缺載

成化十二年丙申 先生年四十九歲

時 事 月門人番禺何澣來從學

時 事 以朱英總督兩廣 阮通志職官表

時 事 六月十二日長子景雲婦梁氏卒 年二十一

本集復趙提學第一書奉到董給事書其中傳道盛德
不少置僕私心喜甚以為此來當得一見非子仁僕無

以知執事然以子仁之言又未嘗不追恨於京游之日

也又云都憲公

按謂朱公英

雖未見顏色然仰之十餘年矣

比聞下車以來德政之布沛若時雨

按阮通志趙瑤晉江人成化十二年

任提學僉事本傳云教有根本士習丕變攷之本集有陪趙提學厓山詩又厓山志有趙瑤詩

作恩

平學記

本集詩 夢觀化書六字壁閒曰造物一場變化五古

問我年幾何 春秋四十九

成化十三年丁酉 先生年五十歲

時 厓山大忠祠成

按新會王志編年成化五年建大忠祠於厓山又攷羅倫大忠祠記後云

成化十三年丁酉五月己酉新會知縣曹自偉立石疑創於五
年立石於十三年也按白沙陳獻章倡議立大忠祠始
成母林夫人夢金冠三人從甲士數百謝於門又白沙
求大忠祠碑於石工其人宿祠下夢神指之曰跌在是
往求之果得跌若夙成者因作詩紀之崖山志

時九月門人新會周京領鄉薦

時建貞節坊儒士陳琮妻林氏獻章母也年二十四孀居貞節亭內外姑呂氏性端重不妄言笑

家人奉若神明林事之二十餘年未嘗一見怒色成化十三年詔旌其門阮通志

本集書思德亭碑後成化八年夏陶公由吾邑長進秩

僉憲六年考滿如京諸父兄攜思德碑請文以贈按世烈錄

成化十二年閏十二月二十六日敕陶魯為按察副使蓋敕在十二年十二月進京在十三年也送

羅養明還江右序永豐羅養明丁酉春承一峰先生命

來白沙一峰賢者也而養明其愛弟與語連日夜忘倦

律詩二首以贈 與張憲副廷學書京師一別逮今六

年 張誥字汝欽華亭人成化丁酉陞廣東按察副使阮通志

本集詩 登陶魯壯哉亭五律 自注宏治元年閏正月閱丁酉舊橐以遺守祠

者 三贈文都七律 小住江門五十年 承張方伯報旌表家

慈書至五律 示建貞節亭役者七絕 病中寫懷寄

李九淵五古 五十始云衰三四謝春冬

成化十四年戊戌 先生年五十一歲

時四月門人順德梁儲會試第一南海李祥同榜

時九月二十四日修撰羅倫卒年四十八
明儒學案

成化十五年己亥 先生年五十二歲

時□月以丁積知新會縣丁積字彥誠號三江漁樵江西寧都人成化十四年進士

授新會知縣至卽師事
陳獻章明史循吏傳

時四月二十日處士東莞林彥愈卒年六十五門人林光之父

陳白沙書勇敢祠記按察副使陶魯撰記成化十五年

己亥十月望日知縣丁積指揮倪麟立石太學生邑人

陳獻章書丹粵東金石略 本集復趙提學書一峰死僕哭

之慟以爲自今而後不復有如一峰者 冬作吳川縣
城記經始於成化戊戌之秋越明年始完父老遣生員
李凌雲走白沙謁文記之時江梅始花予與二三友登
碧玉樓望厓山慈元廟新成與大忠祠相映顧謂凌雲
曰是公按謂陶公魯與今都御史東山劉先生之所作也

十二月作林彥愈墓志銘

本集詩

和梅侍御見寄五古

故人子羅子仙鶴歸華表

輓竹齋

七絕

屋裏沾裳羅一峰門前又報竹齋翁

羅一峰輓詞七律三首

贈

馬龍如湖南奠羅一峰先生五古


去歲秋在季文星墮西江又送子出門

去日極
 秋天長
 補詩
 登厓山觀奇石
 長年碑讀洗殘潮
 不知亾國恨只看石口口口白沙陳獻章成化
 己亥年口月口日按石刻在厓山三忠祠本集缺

白沙年譜卷一終


姻弟方庭植石琴參

胞弟阮非齡紫蒲校



編次陳白沙先生年譜卷二

新會後學阮榕齡竹潭



成化十六年庚子 先生年五十三歲

時事 四月縣民謀亂知縣丁積指揮倪麟擒誅之

新會王志

時事 七月二十二日孫畹生

景雲子

本集為陶公魯作電白儒學記以成化己亥三月始事
越明年八月釋菜乃具書幣遣其屬蔡鍾英如白沙請
子書

本集詩

庚子元旦五律

題應憲副真率卷七絕

春風

回首黃巖會醉插花枝少一人
應欽浙江黃巖
人成化十六年任按察司副使凡一年阮通志

庚子歲九月中於西田獲早稻七古

成化十七年辛丑 先生年五十四歲

時春門人番禺張詡來從學

丁丑彥誠來尹古岡三年為樓於治之北始於成化辛

丑三月踰兩月落成石齋先生名曰游心樓賦五韻予

過白沙丁尹來拜求為記
林光游書敬義碑
新會又

書敬義二字碑字逕一尺五寸成化辛丑
夏五月知縣丁積命工立石粵東金石略
本集送容

一之如永豐詩序丁侯景仰一峰羅先生於既沒乃以

容貫充祭使云當自永豐東走金陵謁木齋莊先生於

江浦

按一之與范用能同往

復江右藩憲諸公書七月二十四

日僕方困暑閉齋獨臥而李劉二生適至書幣交陳輝

映茅宇諸公希世偉人也復名書院希世偉事僕生於

海濱今五十四年矣未始聞於天下有如是之事於乎

盛哉 贈李劉二生還江右詩序成化十七年江西按

察使恥菴陳先生乃謀於提督學校憲副鍾公僉事冷

菴陳公大參祁公慨然以作新斯文爲己任謂予於考

亭之學亦私淑諸人者宜領敎事乃具書幣遣李士達

劉希孟如白沙以請外則東白張先生廣東大方伯彭
公按察使閔公吉水袁德純各以書遺予李生劉生俱
東白門人也畱且彌月予既返諸公幣爲詩以別之是
日憲副陶公過白沙邑長丁侯鄉諸士友各賦詩以贈

陳煒號恥菴閩縣人在江西平反疑獄具有實蹟

欽定四庫書提要

陳琦字粹之按察江西禔躬刻苦

行部以乾糶自隨所至飲水而已廣輿記

祁順字致

和東莞人使朝鮮金伎之奉一切靡卻互詳門人攷

張元正見成化十一年閔珪烏程人成化十六年

任按察使

袁道字德純吉水人成化年任巡按御史

復彭方伯書去冬林別駕過白沙得執事手書繼又聞
諸人執事以賤名污薦尺天官以執事之言爲重亟賜

允行近者蒙遣守合降臨衡宇書幣輝煌太守執舉宣
於庭曰是大方伯彭公使其歸徵幣也聞命兢惶罔知
攸措執事當世豪傑也吾黨以執事爲模範斯文以執
事爲司命執事之舉動不可輕也僕本麋鹿之性全無
抱負好事相傳類多失實矧今自汗又作俛仰或過衣
裳盡濕此亦郡守所目擊伏惟察僕之志而弗強焉幸
甚

彭韶字鳳儀莆田人成化十四年官廣東左布政後
薦陳獻章於朝十八年調貴州布政父老涕泣有追
送數百里外者總督朱英贈詩云獨有羊城臨發處
西風臥轍鳥聲酸終刑部尚書諡惠安參阮通志

與朱都憲第一書□月十八日遣使降臨欲勸僕出仕

耳非直勸之且加責焉掇科登仕固僕之素志抱病違
時非僕之得已僕自染病六七年來每遇疾作徧身自
汗或連數月不止而母氏年益高是以未能出門耳又
云辰下哭一姪婦故言無文采

按此書本集
倒置第二

會總督

朱公英於梧州 與朱都憲第二書頃者獲拜執事於
蒼梧十餘年間執事之心不忘乎僕僕之始至執事間
以出處僕未敢率爾執事又益之以薦進之說且令回
自決之僕若負苴避席而不敢言慙也退而思之又大
慙也明日具以情告且言其不可當是時也執事亦見

僕之顏色乎始者僕欲見執事於蒼梧凡三復計之而後果行誠以執事之賢固所願識然自二三十年所守進退之節一旦由此而變亦不能不少踟躇也况諭之以薦進之說乎執事又以韓退之之事見助退之雖賢不及孟子孟子不肯枉尺直尋退之以書干宰執僕固不敢舍孟而學韓也

本集詩

辛丑元旦七律

分外不加毫末事意中常滿十分春 又除卻東風花鳥

句更將何事答鴻鈞

游心樓爲丁縣尹作七律

重贈張詡七

律 次韻陳冷菴僉憲見寄七絕三首

五十四年居海濱偷將水月洗

心 塵 中秋夜示江右李劉二生七律 木犀開時江右

李士達劉希孟已去容貫范規江浦未還有獨賞之歎

七絕 別意七絕 九月先子忌日七絕 五十四年天頗定諸孫羅

列拜成行 曉過金洲七律 行人拍手笑天公 十月江湖未朔風 望鼎湖山

七絕 小湘峽食嘉魚 兩山斷處小湘峽 十月嘉魚出 水鮮引滿阿儂生日酒 微吟空

記屬牛年 小湘峽在高 要縣西二十里 肇慶府志 悅城五律 舟航乘夜發 雲日入冬晴

自三洲還至祿步邨 夜過三洲巖讀濂溪題名示諸

生 三洲巖聞虎 以上俱 七絕 寄題三洲巖五古 和尚

石五律 按肇慶府志 流寓陳獻章字白沙 曾游康州 愛其形勝 多有題咏 志稱字白沙 誤德慶州

在唐宋時
為康州

蒼梧寄陳庸時館潯州七絕

題林良為

朱都憲寫春曉圖七絕

林良字以善南海人為藩司奏差畫翎毛有巧思布政使陳金

假人名畫良顧指摘金欲撻之良自陳其能
試使臨寫驚以為神自此騰譽南海縣志

經坡亭

七絕

坡亭在縣東北五里鶴山縣志

問厚郭胡父子起居於其鄉

人蘇某

序云胡君名全先師康齋先生女夫也其子曰寧壽景泰甲戌予游小坡與君父子同處先生之門

時寧壽方七歲工於筆硯今二十又七年矣居鄰厚郭一雞飛桂樹於今大幾圍老憶舊時燈火伴青山何處

望霏微按此序碧玉樓本缺今從何氏本補入

附錄雙鳳石七絕二首

自注

族子冕以詩來索題按此詩非作於過肇慶時故附錄之

成化十八年壬寅 先生年五十五歲

時春大旱知縣丁積於圭峰絕頂禱雨三次雨足乃止

本集丁知

縣行狀

時以陳選為廣東右布政司

詳後二十年

時餘姚王守仁如京師

成化十八年先生十一歲祖竹軒攜先生如京師明年就塾師

於邸中陽

明年譜

時是年秋應薦入京

白沙書游心樓記記是林光緝熙撰而先生書之成化

十八年壬寅二月也

粵東金石略

壬寅廣東左布政彭韶

上疏略曰國家以仁賢為寶臣才德不及獻章萬萬猶

叨厚祿顧於獻章醇儒乃未見收用誠恐國家坐失爲
賢之寶疏聞憲宗皇帝可其奏部書下有司以禮勸駕
先生以母老久病辭時巡撫右都御史朱英懼先生終
不起也具題薦末云臣已趣某就道矣且告之故曰萬
一遲遲其行則予爲誑君矣先生不得已遂起行白
沙出處自有深意閣下列薦於朝此實好賢之篤也然
使白沙起而任事得毋如魏桓之言乎志有不行安知
不有閔仲叔之恨乎天下之寶當爲天下惜之正不必
強之出也不識吾兄以爲何如

何喬新與彭韶書
新南城人仕終刑部尙

書性剛介筮仕即誓不營私不阿權貴不以愛憎為賞罰守其誓終身不渝諡文肅廣輿記 按明史明詩綜

題名碑錄俱作江西廣昌人

彭從吾首薦朱柳陽再薦不揆小子

默致力於其間

林俊祭白沙祠文 林俊字待用莆田人成化十四年進士除刑部主事進員

外郎世宗即位起工部尚書改刑部歷事四朝抗疏敢諫以禮進退始終一節明史本傳 巡撫朱

都憲英與方伯彭鳳儀韶薦白沙陳公甫於朝部檄至

彭公作序送行曰聖人之道體用具而已孔子論士以

行已有恥使命不辱為先修孝弟謹言行者次之大學

言明德而必及新民中庸語率性而必及修道西銘父

乾母坤乃至民胞物與蓋合內外該本末之事未嘗偏

主獨勝以是而學既成矣人不知吾囂囂若將終身焉
苟知而求我則起而從之推所有以及物以經濟顯揚
爲務未嘗狹視斯世而曰是何足與言仁義亦未嘗厚
誣吾民而曰轉漸澆訛也於是遂膺君命陳力就列不
出位不曠官若遭時行志則傳說武侯伊川魯齋其人
攝正義於中天振斯民於來裔其烈亦盛矣或事與時
違則見幾而作而亦不忍歸曲於上下以求吾譽焉夫
用心至於如是非德充學盛量洪識遠豈能爲此大全
之學哉新會陳公甫先生隱學三十年餘矣巡撫大臣

賢之薦所司勸駕先生徐白其母忻然命之行噫此斯
文正氣之一幾茲行其必有合哉一時注想何異神明
先生其必有以處之矣韶忝相知於其行也贈以詩曰
大道本無外此學奚支離人已彼此間本末一貫之是
以古人心包偏無遐遺卷舒初不滯動止在隨時白沙
陳夫子抱道真絕奇林間三十載於學無不窺術周才
亦足知崇禮愈卑珠玉雖固闕山水自含輝聲名滿四
海薦牘遂交馳一朝徵書至八十慈顏嬉有司勸就道
束書敢遲遲積誠動天聽納牖契神機治化淳以洽轉

移良在茲及彭公疏梁芳有弟擾鄉有旨調貴州公甫
書贈言曰忘我而我大不求勝物而物莫能撓孟子云
我善養吾浩然之氣山林朝市一也死生常變一也富
貴貧賤夷狄患難一也而無以動其心是名曰自得自
得者不累於外不累於耳目不累於一切鳶飛魚躍在
我知此者謂之善不知此者雖學無益也二公之意蓋
以體用交相勸勉者如此雙槐歲鈔白沙爲彭韶朱英薦
於朝當時以隨牒待之而縣至於取腳色故有詩曰蕭
蕭白髮映春漪腳色年年白不知滿眼江山難具報只

將年月載公移就程時別英英以出入甬道禮之門人
李輔詩云會向江門弄釣絲海風吹浪潑蓑衣忽驚天
子黃麻詔打破先生白鷺磯蓋譏之也至都宰相待之
殊薄白沙悔之因讀林和靖詩云廟堂不坐周公旦何

處山林有鹿麋遂歸

楚庭稗珠 政既共薦之

按當時朱總督彭布

方以師禮奉先生而先生避之安敢有縣取腳色之事
默齋偶未考白沙集及各史志故妄為是言耳至於讀
和靖詩不知何據而以為在赴召時在京
作也李輔詩亦未可附會為譏師不恭也

壬寅別朱

都御史於蒼梧也英豫約束隨參官俟先生至掖之從
甬道出入先生力辭英曰自古聖帝明王尊賢之禮有

膝行式車者况區區乎

行狀

成化壬寅九月陳獻章公

甫應召赴京道過南安太守張汝弼欲用曹參禮蓋公

故事款留於周程吟風弄月臺上以受陳不可曰當不

俟駕矣今方度嶺又值積雨褻弗亟辦容與數日耳張

不能强

新會林志雜錄引玉枕詩話

北行時不能別太夫人欲仿

徐仲車故事伯兄不可曰吾弟為人子吾獨不為人子

耶兄弟泣爭義感行路

行狀

徐積字仲車少孤事母孝鄉人勉之就舉遂偕母之京

師東都事畧卓行傳

初應詔而起也道出羊城觀者如堵至擁

馬不得行

行狀

白沙初應聘至廣州由城南至藩臺觀

者數千萬人圖其貌者以百數十計廣東新語訪何子有

於羊城味月亭記予被徵過郡通名於子有之廬再會總督朱公英於梧

州遍考本集先生凡兩次見朱總督於蒼梧一在成化十七冬者以小湘峽生朝諸詩為據一在十八年秋

者以行狀王寅別朱都御史及蒼梧歸煩暑為災及大水水悶諸詩為據也本集禱雨祭

五方神文 禱雨告各神文 禱雨文以上三首俱代丁知縣作

書潘季亨墓志銘成化十八年夏五月同邑陳獻章公

甫撰並書據墓志石刻作朱夫人墓志昔者吾嘗見公於

蒼梧服食不踰常人語予曰吾在於得已雖一錢惜之

不以病民吾入其室神爽頓清按夫人即朱公英配與朱都憲

第三書去年秋自汗纔息因得謁執事於蒼梧比歸途
冒風舊病尋發至今年七月初寒熱交攻必欲驅此羸
軀行於風波萬一不虞雖悔何益 與張廷實第一書
蒼梧歸人事益冗煩暑爲災行期尙在後八月也都憲
有意催促緝熙廷實只在明年春夏間行耳俟面旣
書玉枕山詩話後成化壬寅九月二十八日新會陳獻
章在南安橫浦驛讀東海先生玉枕詩話秉燭書此蘇
君卷中 十月過永豐有告羅一峯墓文 十一月過
永豐有祭先師康齋墓文 十二月作恩平儒學記成

化十八年壬寅冬十二月古岡陳獻章公甫為縣令甫

田翁儼撰

粵東金石畧

作新遷電白儒學記

按記云己亥三月始成明

年八月舍菜又云韓君來守是邦乃具幣遣其屬蔡鍾英如白沙請予題下注云成化壬寅十二月作考壬寅赴召當十二月時已在江門將至南京蓋具幣來請在庚子間而電白恩平二學記皆作於途間也

本集詩

立春日呈丁縣尹七律

浮生五十五回逢

元夕七

律 禱雨呈丁知縣七律 丁侯約遊圭峯齋次以病

不果七律 聞方伯彭公上薦剡二首五律 舟經西

樵七律

卻望蒼梧在何處東籬今負菊花叢

至陳冕家五律

金洲石

五律

金洲別陳冕七絕

木棉花下進舟遲

古椰寄周京五

律入水魚龍喜 古柳道中有懷七絕 水悶七律本集

缺 過端硯坑七古 大水浮舟至七星巖頂題其上

七絕 別蒼梧席間呈謝大參段都闈七古蒼梧城中三日雨曉

坐肩輿辭兩府 謝瑀字叔和閩清人官廣東布政以廉能著阮通志 出肇慶懷馬元

真七絕細雨秋江看木棉 羚羊峽尾七星前 留別諸友四首七律自注時赴

召 示兒六首七絕吾觀日夜傷離別爭得肝腸冷落 五十年來如夢覺臨岐更出

示兒 石門次林緝熙韻二首七律與君傾蓋定前年 來往青山十五年

老我自知難用世勞君相送過貪泉 孤舟昔繫飛來寺 寺白首重來十四秋 按先生有世卿寄示經飛來寺

和予壬寅秋舊律詩復用前韻答之其詩用秋牛休由 韻與次緝熙第二首同韻蓋赴召時緝熙送先生北行

取道石門後
別緝熙詩也

濛裏驛呈送行諸友

相隨征路二旬餘
笑指前山別老夫

按濛裏驛在英德

南雄讀羅一峯書院記

度嶺

千尋松下
看流水十

八年中
度嶺人

橫浦橋

隔河騎馬是何人
下馬問訊張東海

濂溪臺七絕

金鰲閣七絕

次韻張東海七律

南安贈龍溪李知

縣七律

玉枕山前
逢使君

夜書南安店壁六言絕

千里紅塵
倦客幾年

白髮
衰翁

玉枕山和南安太守張汝弼

一枕秋橫碧玉新
金鰲閣上見嶙峋

使君得此元無用
賣與江門打睡人

白沙應召道出
非欲尼其行白沙

南安太守張汝弼頗以白沙出山為非
欲尼其行白沙

不可白沙製玉臺巾詩與汝弼頗相譏諷
白沙作玉枕山詩汝弼復之曰客囊羞澁客衣單那有黃金買此山
多少高人眠不著雞鳴催入紫宸班白沙跋之日東海
石齋大家不睡笑殺陳圖南也列朝詩集按先生苦

心屢辭薦書之故已瀆詳於與朱彭二公之書其後朱公復恐先生終不起告先生曰某已具疏未云臣已促其就道矣萬一先生遲遲其行則予為誑君矣先生遂起乃東海以出山為非且欲尼其行烏有東海觀面石交猶不諒當日不得已情勢如此且行李已至南安遲遲誑君之語東海何不聞焉此等迂闊妄撰乃錢牧齋偽言也

題雲嶺

路傍指點一峯墳一老西巖坐白雲也 蓋是唐人詩境界干林紅葉訪徵君

題劉主事挽册

里中新有一峯墳

贈劉進夫還永豐兼寄羅

養明楊榮夫羅清極湖西諸友二首七絕

淦州銀燭照離情畫舫行

人一月程 按此詩當在新淦作 蓋過永豐即新淦也清極一峯子

過康齋墓七律

與豐城知縣王本儉七絕

劍水相從梅始花 劍水在豐城縣

按 宿

迴龍寺

酒醒迴龍欲二更迢迢秋漏徹江城何須不理 東湖梓徐孺亭前月自明 按迴龍寺在南昌

白少正尊卷二

三

府城東湖在府東南 按又有迴龍寺夜坐五律乃昔年入京詩非壬寅作詳見本集書玉枕詩話後

成化十九年癸卯 先生年五十六歲

時按察副使陶魯入京 按世烈錄張弼送憲副公入京詩云此去金臺試回首平胡自

有霍嫖姚自注蓋寫借寇之心耳陳白沙在京為我同較量

時九月門人新會黃佐領鄉薦

十九年正月白沙先生入京過定山相留越月送於揚

州 湛若水莊定山墓志

往年白沙過予定山論及心學先生不

以予言為謬亦不以予言為是而謂予曰此吾緝熙林

光在清湖者之所得也而子亦有是哉

明儒學案引莊定山要語

正月□日會婁謙於白馬菴

婁謙字克讓上饒人督兩畿陝西學政躬行實踐士

類風動時汪直擅威福謙絕不與通廣輿記

道出淮陽總戎平江伯陳銳

具人船往護極禮意之隆

行狀平江侯瑄曾孫銳成化初自兩廣移鎮淮陽十四

年章數十上明史陳瑄傳

三月三十日到京先生初聘到京時公

卿大夫曰造其門數百咸謂聖人復出

嶺南名勝白沙鈞臺記注

章楓山謂予曰白沙應聘來京師予在大理往候而問

學焉白沙云我無以教人但令學者看與點一章予云

以此教人善矣但朱子云專理會與點意思恐入於禪

白沙云彼一時也此一時也朱子時人多流於異學故

以此救之今人溺於利祿之學深矣必知此意然後有

進步處耳予聞其言恍若有悟明儒學案夏尚樸浴沂亭記陳白

沙徵到京吏部尚書問曰貴省官如何曰與天下省官

同請獨坐卽坐無辭此儘樸實有所養明儒學案引涇野語錄

林司寇俊筮仕刑曹陳白沙薦至京公曰與講學有得

楊園集近古錄成化癸卯陳白沙至京與瓊山邱公談不合

人謂公沮之不得畱用時猶未入閣也安有沮之之事

乎雙槐歲鈔本集瑞鵲卷序成化十九年予薦徵入京過

江浦訪孔暘莊先生先生送予揚州偕行至六合縣經

宿而去當是時周君文化令六合有聲

互詳宏治三年

書蓮

塘書屋冊後成化十九年正月予訪友莊定山於江浦提學南畿侍御上饒婁克讓來會予白馬菴浹辰而別侍御之兄克貞與予同事吳聘君子來京師見克貞之子進士性及其門人中書蔣世欽因與往還無何侍御官滿來朝予臥病慶壽寺之數人者無日不在坐師友蟬聯臭味相似亦一時勝會也侍御示予蓮塘圖云

三月二十三日與鍾百福書近來濟寧會潘留鶴先生益知吳錦衣之爲人矣百福在江湖多交好人李承恩

日夕當見前在平江辱知待之厚皆百福所賜舍姪未
至姑少俟灣上數日後方入城去就既定五六月間或

再與百福會淮上又幸也寓張家灣鄉末陳某再拜

廣東

鍾狂客名禧甚有詩名能書淮安平江伯陳公銳辟居
幕下成化壬寅嘗過杭友人召游西湖寄之詩鍾和曰
湖光山色最宜秋君不來招也去游已辦蜀州千丈錦
為誰今日盡纏頭萬頃西湖水貼天芙蓉楊柳亂秋烟
湖邊為問山多少每箇峯頭住一年芙蓉塘紀聞按先
生讀世卿蓋卿挽五羊鍾狂客卷末云萬里平江能送
我十年燈火夢淮陽自注平江伯陳公嘗致狂客於幕
下鍾禧字百福順德龍江鄉人與李承箕友善及卒
承箕挽焉白沙亦倚而和之順德縣志又按廣東詩
海張詡有送鍾狂客應薦北行七古一首七律二首考
阮通志及順德志俱缺應薦事潘琴字舜絃景寧人
邃經博史天順丁丑進士歷興化知府乞休作招鶴詩

寓意家居攻學齒德隱然為東南望卒年九十浙江通志引招蒼彙紀按先生有與潘舜絃書本集未附潘琴別先送李世卿序宏治元年世卿訪予於白沙一生詩

見語合意先是五六年予會都憲公之子承恩於北京

承恩世卿從弟也按都憲名田世卿叔父書自題大塘書屋詩

後予既書克讓蓮塘圖後蔣世欽繼以大塘書屋之請

予賦五言近體一章謝恩疏八月二十六日具本陳

情乞還養母兼理舊疾乞終養疏臣於成化十九年

三月三十日到京朝見吏部乃以久勞道路舊疾復作

至五月二十五日蒙吏部題奉聖旨考試了量擬職事

臣時方在牀褥未能就試卽令姪陳景星赴通政司轉行本部暫令調治七月十六日赴部聽試立步艱難因續具狀再延旬日耳鳴痰壅視昔所染無慮數倍眾目所睹不敢自誣又於八月二十二日得男陳景暘書報臣母別臣以來憂念成疾寒熱迭作痰氣交攻待臣南歸以日爲歲臣病中得此魂神飛喪仰思君命俯念親情展轉鬱結終夜不寐臣之愚迷實不知所以自處也臣自幼讀書雖不甚解然於君臣之義知之久矣伏惟我國家教育生成之恩陛下甄陶收采不遺卑賤之德

至深且厚於此而不速就以圖報稱於萬一非其情有甚不得已者孰敢驚虛名飾虛讓趨進卻於日月之下以冒雷霆之威哉臣所以一領鄉試三試禮部承部檄而就道聞君命而驚心者正以此也緣臣父陳琮年二十七而棄養臣母二十四而寡居臣遺腹之子也方臣幼時無歲不病至於九歲以乳代哺非母之仁臣委於溝壑久矣臣生五十六年臣母七十有九視臣之衰如在襁褓天下母子之愛雖一未有如臣憂母之至念臣之深者也臣於母恩無以爲報而臣母以守節應例

爲有司所白己蒙聖恩表厥宅里是臣以母氏之故荷
陛下之深恩厚德又出於尋常萬萬者也顧臣母以貧
賤早寡俯仰無聊殷憂成疾老而彌劇使臣遠客異鄉
臣母之憂臣日甚愈憂愈病愈憂愈病相仍理難
長久臣又以病軀憂老母年未暮而氣已衰心有爲而
力不逮雖欲效分寸於旦夕豈復有所措哉臣所以日
夜憂憊欲處而未能者又以此也夫內無攻心之疾則
外不見從事之難上有至仁之君則下必多曲成之士
惟陛下以大孝化天下以至誠體萬物海宇之內無匹

夫匹婦不獲其所者則臣之微亦豈敢終有所避而不
自盡哉伏望聖明察臣初年願仕之心憫臣久病思親
不能自己之念乞敕吏部放臣暫歸田里日就醫藥奉
侍老母以窮餘年俟母養獲終臣病全愈仍前赴部以
聽待用則臣母子未死之年皆陛下所賜臣感恩益深
圖報益切雖死於道路無所復辭矣臣干冒天威無任
皇恐戰栗之至 疏上憲宗皇帝親閱者再三 九月
初四日奉旨陳獻章與做翰林檢討去親終疾愈仍來
供職 先生時在牀褥不能行動乃遣姪景星具謝恩

疏於鴻臚寺遂南歸

謝恩疏

授翰林檢討先生表謝不

辭學士李某贈別詩云只有報恩心未老更無辭表意

全真

行狀

按先生懷故友張兼素云萬里長安看我病夜關兩馬出攜鐙如今只有西涯在宿草江邊

露滿塋是時兼素亦在京李某即西涯李東陽

公膺薦時當國者不及李南

陽令公就試吏部

應詔錄引徵吾錄按李賢南陽人

成化十九年廣

東舉人陳獻章被薦授翰林檢討而聽其歸典禮大減

矣

明史選舉志

舉人陳獻章布政彭韶總督朱英交章薦

乞以禮聘吏部尙書尹旻謂獻章向聽選京師非隱士

比安用聘檄召至京令試吏部獻章稱疾不試乞歸奉

母乃授檢討自是屢薦不起

御撰通鑑綱目 按此檄實尹某報昔年遣子

從學先生力辭夙怨也

事詳行狀

九日與張兼素同飲慶壽寺

見本集菊

節後五律自注

與鍾百福書今日行李著舟以某百戶未至

不得發專此馳問來否河流將凍歸心如火此使還即

發舟矣十九夜溲縣舟中秉燭簡上與鍾百福書長

路相思如共堂席林緝熙張廷實近過淮想共抵掌一

笑前有拙稿并雙履留於總戎所清規為榮賤疾未平

勉從紙筆

按番禺縣志張詡傳癸卯赴春官明年成進士故知此書南歸過淮陽更寄陳總戎後所

寄也

癸卯白沙先生南還復送之龍江關

湛若水撰莊定山墓志

龍江關在南京城明史地理志

魯公墓志予歸自京師未抵家前一

夕夢見魯公真化為嬰孺先是夢數人為嬰孺者輒死未幾公病遂不起

本集詩 和婁侍御七絕 白馬菴聯句二首五律

贈江通判明朝別駕過金壇暫到茅山亦不難 過潮縣風大作取舟中

酒飲之七絕 補詩 出潞河來往西風析木津歸舟明月又隨身君看烏帽

白頭客合是東西南北人浮世升沈雖有定鴻鈞賦予不為貧卻憐病骨長如舊叨負清朝翰苑臣上疏寧非罪綸音更敢違平生只願仕今日暫須歸溪艇眠紗帽巖花落綵衣細論朝野事九五正龍飛聖主隆大孝微臣表下情深慙不報德有詔許歸寧野日明霜戟河風動羽旌此時心一寸飛入九重城 至直

沽 玉臺居士領朝衣乞得寧親海上歸到眼碧波還漾
漾迎潮白馬故飛飛何嘗宇宙無通塞到耳江山省

是非今夜直沽須一斗北來多負網魚肥 按 直沽
直沽在北京天津府時先生由運糧船南歸

逢周京 病者宜休壯者行老夫長揖謝周生停船沽酒
日初下燒燭賦詩潮欲平豈有文章供世用不

君須記造物由來也忌名 乞恩南歸先寄諸鄉友候
雷門戶得身輕華山有語

我於曹溪者 諸君來訪曹溪洞臆月扁舟我亦還白帽
影連江上水清猿聲斷峽中山公能少為

煙霞住我豈不如鷗鷺閒枕中收得淮南記更與南
山長老看 按阮通志曹溪在韶州府南六十里

南歸先寄馬默齋并諸鄉舊二首七律 寄懷故里十

首 按此十二首見 漉酒巾 取彼頭上巾漉酒無乃卑
本集故不錄 但求當日醉不管後生疑

哀情萬里隔志士千古期 舟中次麥岐韻 麻衣穿破
無人知此意只有東林師 不沽塵海

白少丰譜 卷二

上支離一野人本為聖朝無棄物偶逢儒席得稱珍紅
蕞綠浪橫孤艇白雨黃牛廢一春卻媿南山髯長老閉
關深坐一蒲新癸卯十月二十六日獻章書於桃源舟
中按桃源屬懷安府此卷白沙先生墨蹟紙高九
寸長九尺九寸有石齋白文殘印卷後有翁方綱蔡
之定黎民表諸題跋南海吳榮光辛丑銷夏錄卷五

成化二十年甲辰 先生年五十七歲 母年八十

時事 三月十二日餘干布衣胡居仁卒 年五十一 明儒學案

時事 四月門人番禺張詡舉進士東莞林光乙榜

時事 六月召朱英為右都御史 明史七 卿表

時事 十月下刑部員外郎林俊都督經歷張黻於獄尋釋

之並謫官

本集永慕堂記成化甲辰江陰李君昆以侍御史清理
軍伍於兩廣始過白沙進拜老母於堂 七月與張廷

實第二書丁縣主回得手書知抵家甫一月某夙疾在

躬舊臆來寒熱交攻腹中作瀉過金陵會詣定山否平

湖典教想已履任老病匏繫能一過白沙否渴望渴望

按林光中乙榜授平湖教諭

與廷實書雲谷老人李孔修非吾廷

實吾安知吾郡有二賢哉

本集詩 春中四絕

龍溪不賞去年花今歲春光喜在
家 按春中詩本集原與夢長髯

詩相接
故附入

夢長髯道士以一囊貯羅浮遺子二首七絕

夢長髯道士示范規三首 夢崔清獻坐牀上李忠

簡在牀下予參其間二首 朱侍御將還京過白沙言

別朝天驄馬乘春去
高步彤墀珮陸離侍御再過白沙出示同寅周先

生送行詩因附其韻以上七首
俱七律家兄往東向村收早

稻登舟後雷雨大作章侍貞節堂至夜分以為憂是年

甲辰家兄年六十一矣未嘗有如意之求 聞緝熙授

平湖掌教二首按詩原二首今
本集存一首聞廷實謝病歸寄之

俱七律正是黑頭堪入仕初登黃甲最知名癸卯制府
檄有司速赴春官明年登進士即乞歸番禺縣

志張
詡傳

成化二十一年乙巳 先生年五十八歲

時事 張兼素救林俊下獄貶石州尋改師宗州 乙巳正月元旦星變

王公恕為吏部尚書言俊黷忠直上悟復原職南京用而黷已卒於家矣雙槐歲鈔 按明史王恕傳成化二

十年改南京兵部尚書時林俊下獄恕言俊不當罪是救俊乃在兵部時歲鈔吏字誤至為吏部尚書乃在孝

宗即位以後矣

時事 七月右都御史朱英卒 明史七卿表 朱英總督兩廣不以家累自隨惟一老蒼

頭而已比卒廣人莫不哀悼 陳獻章為之服總郝通志

時事 八月初七日甘肅巡撫魯能卒 年五十八 邱文莊集魯公神道碑

陳白沙次浴日亭韻詩在蘇書碑陰草書成化乙巳夏

四月望後翰林國史檢討古岡病夫陳獻章書後有湛

文簡跋

粵東金石略

閏四月為陳方伯作道學傳序養其

在我者勿以聞見亂之去耳目支離之用全虛圓不測

之神 □月作丁氏族譜序邑長丁彥誠宰縣於茲六

年矣 九日答丁縣長書公遇節補會亦可笑也惠來

鵝酒與馬默齋喫了必有佳作奉呈今日為誠菴先生

制服畧無好况公他日補會亦為公補詩也

本集詩 寄張兼素七律

歸家遠涉長江水信息初通五嶺雲此日山林聊共病幾

時風月許平分 按兼素謫師 宗州尋卒於家風月堂雜識一

浴日亭次東坡韻

扶胥口書事借浴日亭韻

早春約我扶胥口今日進舟黃木灣又明朝去覓南川

子與話平生水石間

宿欖山書屋

別欖山

羅浮山色眼中來老子心情不易裁

俱七律

按欖山在東莞

城東三十里林南川光居此

館廷實進士於白沙社

兼呈丁明府

歲次今年正屬蛇

廷實偕丁明府游圭峯雨中

奉寄次韻鄉人送酒

廷實歸贈瑞香花次韻

律俱七

林緝熙縣博張進士廷實何孝子子完先後見訪既

而緝熙往平湖廷實歸五羊子完返博羅四絕

江門昨夜把春

酒滿船明月唱陽關

又

輓總督朱公二首七律

十年

長髯遺我一囊山持節嶺西東奏疏金門月幾封

按

八月題畫王大

姥像壽家慈八十一七律 次韻張廷實謝病後約游

羅浮見寄二首七律 卻憶平湖林縣博 仙山從我竟何由 次韻張東所

見寄七絕 九月九日寄丁明府五律 如何丁明府 不肯共重陽

菊節後五日丁明府攜酒來飲白沙補會詩三首五律

對菊五首七絕 廬阜長官歸未得 看花還共去年人 原注丁縣長告子謝病不果行 精

魄當年楚水濱 天涯聞訃忽沾巾 西風吹醒蒲 團夢獨對黃花憶 故人原注朱都憲誠菴先生 晨起

將出尋梅四首七律 田父許畱今日醉 梅花不記去年詩

成化二十二年丙午 先生年五十九歲

時 二月十七日古愚公獻文卒 年六十三家譜 公事親孝謹

時二月二十六日新會知縣丁積卒年四十一 按與廷實書丁長官前

月二十六日卒寡婦孤兒甚可憫也
三月二十一日書是知公卒於二月

時九月門人新會黃在領鄉薦

事 □□ 初七日次孫机生次子景陽婦范氏出 孫机

机悔因以名之

時以袁道為廣東巡按御史袁道字德純成化壬辰進士為太平令民立祠祀之

改宜興擢御史巡按廣東臧吏學風去吉水志袁道卒於龍川白沙陳獻章作詩哭之稱為真御史阮通志

時九月逮廣東布政陳選卒於道按中官韋眷誣選朋比貪墨詔逮選及番

禹令高瑤選至南昌
卒詳 御撰綱目

吳邨里弔莊烈婦墓邑人陳獻章二詩寧都丁積一詩

後有成化二十二年丙午春正月乙亥守墓人古岡容

貫識皆白沙行書

粵東金石略 按此碑現存邑城西門外雷霆山莊烈婦墓前

本

集味月亭序成化丙午正月五羊何子有載酒過白沙

對月共飲延緣數夕告予曩夢乞一言以歸予口占一

絕 祭丁知縣文 七月代容珪作丁知縣行狀

按本集丙

戊作戊乃午字之誤

與廷實書近得林子逢書頗得平湖履任

消息緝熙此出固不得已終欠打算聞去秋九月已在

告此直圖歸計耳秉常想已就道承寄手疏賻帛謹已

拜領周文都如省託渠訪雲谷老隱竟以疾弗果 與

廷實書簡一通奉方伯陳先生帛一端簡一通寄高尹

煩便達之勿示人爲感 與陳方伯書聞行李將入京

弗獲躬送豈勝媿戀賢人屈伸在道公所存憂樂安能

奪之惟萬萬自重

吾廣方伯陳克菴淡泊無異韋布每食飯一盂韭數根或雞子半枚而已

聽訟不事刑朴民化其德皆不忍欺雙槐歲鈔

與廷實書章因起倒傷諸疾

乘之自汗耳鳴得七月五日斷制平湖去就亦未敢率

爾別紙報袁德純來按治陳邦伯死於道路使人動念

袁侍御會一會否此公能納善言最不易得 與廷實

書子長病小愈會見之否數旬來手足不仁每中夜起坐卜者謂必至大雪前後病乃可平寶安道白日殺人

民澤還增江龔志明亦還潮地方多虞朋友各散萬一

不免避寇之行奈何送丁一桂詩作就付來登卷九月

十三日按民澤從學詳宏治七年此云民澤者疑初見江門未從學也或此書作於宏治八年送丁詩

另是一條或採入集者誤合為一也作曾封公墓志銘 十二月初八

日作祭誠菴先生文遣子景雲往代之自稱門人陳某云與寶安諸友

書章齒髮日變於舊亾兄屬續之初老母哭之欲絕積

憂之餘面目俱腫又云子逢別紙具得平湖履任之詳

諸君其亟椽欖山之室南川之歸無日矣景暘今秋不免隨俗應試非得已也家貧不能日給無可干仰於人一也祖母年高氣衰悼往憂來希得一解可以慰解二也是兒賦分已定責以越常之事必不能堪三也期服不得科試程子據禮言之可以望於賢者而不律眾人也

按南川林光之號

與林郡博書亾兄不幸早世十月在殯

後此尙二十日始克就窆積痛成疾主考閩藩令譽藹然可賀可賀能早晚一過白沙否耶老孺人之旁計未能猝離而平湖之旆亦難久畱景雲如桂陽未返張僉

憲日夕至學景暘惟科試是急諸姪營葬事往候無人
惟加照 與廷實書緝熙還家滿三月無一耗問茶園
商云縣博治行李入京早晚舟至江門遂別果爾否耶
向者五羊得廷實報大喜連賦數詩緝熙倘有稅駕則
拙作反爲之累

本集詩

讀張進士輓丁明府七律

六年官守斃諸難
七月孤兒護一棺

四月二十七日五鼓失腳仆地衰年久病氣弱無力之
驗也爲詩自悼二首五律 次韻秋興感事錄寄東所
四首五律 次秋興韻寄東所兼呈雲谷五律 得林

子逢書感平湖事賦此次前韻二首五律 讀緝熙近

詩時緝熙典文衡閩中欲便道還家數夕前嘗夢見之

五古 悼林琰七律 聞道平湖歸漸近相逢空有淚沾巾 贈丁一桂五

律 有廟旌遺愛無金歸故鄉南風催返棹西望欲沾裳按本集丁知縣行狀長子名芳生於公卒後五月

一桂或 僉憲莆陽李公自海南征黎過白沙七絕 按

是芳字 通志莆田人任僉事者二人李元鎮成化二十二年任李德美宏治五年任俱進士按二十三年與廷實云袁

暴卒昨見李僉憲 誠菴朱公歸葬郴陽適憲長陶公 云當是元鎮也

遣生員陳諫偕景雲往祭其墓並以公意作詩贈之二

首七律 憲副翁公以占城國王自海南來省過白沙

索和李黃門諸公韻七律

忽聞海上夷王過又把新聞續舊談 成化二十年諭占

城來詣廣東受封明史占城國傳翁晏侯官人成化二十二年任按察副使阮通志

成化二十三年丁未 先生年六十歲

時事 三月門人浙江張鏌姜麟舉進士

時事 七月十六日孫机殤 志孫机壙春夏間疫作里兒十

歸風雨暴至數日不止療弗及遂絕

時事 給事中林廷玉奉命來新會賜葬右都御史魯能 科吏

給事中閩人林粹夫廷玉父芝司訓導信宜母沒雷葬焉及父遷韓府紀善占籍平涼遂領陝西解首連第進士以葬魯能都憲使吾廣因趨信宜訪母墓哭祭之欲負骨歸陳白沙止之有不與皇華共載還之句乃圖山

形而去雙槐歲鈔 按先生明云尋母墓久而弗得何
得云負骨歸白沙止之且既得母骨必當負歸君與親
一也若云止之殊不近情理蓋誤會先生詩意也 又
按新會林志金石有祭魯能碑云成化二十三年皇帝
命有司為營葬域所
云有司即林廷玉也

時 八月帝崩 憲宗之升遐也哀詔至先生如喪考妣故
事 八月帝崩 詩曰三旬白布裹烏紗六載君恩許臥家

溪上不曾攜酒去空 九月太子祐檣即位 孝宗嗣位
教明月管梅花行狀 文祥即上

封事謫咸寧丞工部主事莆田林沂請召文祥湯鼎納
夏崇文言且召陳獻章謝鐸等率為吉直所沮明史李

文祥傳

廣陵張幹臣貞生口世祖徽成化時仕經歷嘗救林見
素得罪與白沙交善予從學士處見白沙送別手蹟云

草閣春風忽兩人坐臨江水看江雲尋常肺腑詩中寫
六十頭顱鏡裏分落絮風驚還著樹行人日出又離羣
布帆遠下南京道望斷梅關不見君張氏以理學直諫

為家學其淵源有自矣

池北偶談

熙至用寄兼素先生韻寫懷第

二首也兼素張敞字

與廷實書袁侍御暴卒於龍川其蹟可駭

張兼素一病遂不起昨見李僉憲

按名元鎮

云此訃得之朱

茂恭侍御當是的耗也哭而為之總踰月乃已德純先
生竟止於此挽詩並兼素輓不可不作四月二十七日夜
起索衣遭跌傷面近著大頭蝦說云云

按明史林俊傳張敞吉水人歷

知涪州宿州宏治中俊蒙顯擢而黻老不用王恕爲之請特予誥命考雙槐歲鈔張公當卒於成化二十年今按先生之詩當卒於二十三年以前蓋張卒在二十年而先生以路遠未及知如康齋先生耳明史云宏治中黻老不用誤也 祭袁侍御文兼素之訃繼此亦聞海內知己

存者幾人

秋作朱惟慶墓志銘

按惟慶太保英之弟

與廷實

書朱守節誠菴猶子近來白沙又某不幸喪小孫机哭之連日比聞長樂盜起羅浮之游不知又在何時舍姪送守節行過五羊想當一會近來敝邑夜寇甚於前日有殺盡一家十餘口者矣意欲遷省城求一地奉老母適得白洲口信亦惓惓以此爲言

按李士實字白洲新建人成化二十三年

任按察副使阮通志

與廷實書林進士尋母久而弗得為作二

絕 先室張氏墓志岡脈旁起推車嶺正南面積水池

作已丙向者吾室張氏藏也張氏卒葬孔家山二十五

年為今成化之末年十二月甲申其子景雲景暘始易

棺衾奉遷於此翰林國史檢討陳獻章志按此碑本集缺載今補入

本集詩 候緝熙七律 次韻張廷實舟中寫興七律

白沙先生 寄張兼素七律 緝熙至用寄兼素先生

韻寫懷七律 代簡答黃大理仲昭尺簡豈堪頻問訊

餘生可試屠龍技 代簡答林蒙菴用前韻人非為己
畢嫁纔消鬻犬錢

與先生似有緣六十懇辭兵部祿尋常亦
欠酒家錢 林雍官兵部郎中福建通志 袁侍御訃

至二首七絕 袁侍御挽詩二首七律 留朱甘節七

律 按甘節 惟慶子 中秋與朱甘節白沙賞月兼寄其從子玳

七律 讀林進士信宜祭母墓文二首七絕 非關旅殯 無尋處不

與皇華 共載還 題林進士繼母陳氏挽卷七絕 樂歲呈楊

尹七絕 長官願似丁明府甲首終年不到衙 揚如 福建松溪人成化二十三年任新會王志

題健齋費子充殿元號七絕 費宏字子充鉛山人成化 丁未進士官大學士諡文

憲明 詩綜

孝宗宏治元年戊申 先生年六十一歲

時四月門人嘉魚李承箕來從學

築楚雲臺

李承箕裏糧自

嘉魚來從學凡二年先生服食行纏待如子弟復築楚雲臺以居之榜聯云有月嚴光瀨無金郭隗臺行狀

時以林泮知廣州府

凡十年按郝通志名宦以泮為宏治元年進士誤考福州府志泮

成化壬辰進士自南京

大理寺正遷廣州知府

時以吳廷舉知順德縣

姜洪廣德人拜御史孝宗即位言王恕王竑才德高茂

張元正陳獻章章懋學有淵源

曹璘襄陽人孝宗嗣

位疏請王恕為內閣擢陳獻章等於左右

俱明史稿

宏治

改元閣臣薦起陝西參議檄未至母死疏辭陳四事謂

聖學當求真儒陳獻章大可用

毛西河集
賀欽傳

十月先生

今年兩見戊申蓋六十又一矣前中秋時太夫人進壽

八十有四箕嘗再拜為禮先生喜形於色今孟冬二十

有一日先生初度拜跪成禮而退

李世卿壽先生
六十一詩序

本

集與廷實書世卿來白沙過秋方還嘉魚能一來會否

耶 復世卿書圭峯山靈相候已久與諸鄉老龍興寺

相對孰與置於圭峯為快也 處士陳君墓志銘予游

匡山東淵請執杖屨以從凡所紀述令一一錄之朝夕

侍我側 與朱甘節書去秋別去不知何日至桂陽世

卿首夏來訪尚畱白沙與之語甘節真知人哉俊圭

詳門

人考鄧球字俊圭

擬冬春會白沙貫札可付來也

作李處士

墓志銘

按處士名阜字元春世卿父

與陶方伯書頃聞夫人之葬

已後時諸兒姪偶穴於人事不得隨執紼之後媿罪媿

罪承命修本邑志成將刻板乞一經目定之

按世烈錄楊淑人墓

表宏治元年戊申十月十九日葬於番禺南蛇坑

與廷實書惠來薑酒可賀

世俗好檢點人不仕無義違親非孝行矣勿貽尊翁戚

戚也 與廷實書好子不育傷如之何近得林待用書

朝廷用薦者起取潘時用報如此世矧近往南山未還

白沙承欲一會此念自好比日同李憲副往李邨看山

中暑腹滿連日不能食以菜豆粥解之乃得通

宏治元年用薦

擢雲南副使

明史林俊傳

送李世卿還嘉魚序宏治元年戊申夏

四月湖廣嘉魚李承箕世卿自其鄉裏糧南望大庾嶺

沿途歌吟入南海訪予白沙一見語合意先是五六年

予會都憲公之子承恩於北京承恩世卿從弟也示予

以世卿之文出入經史跌宕縱橫筆端滾滾不竭來數

千言沛然出之若不爲勢利所拘者予時未識世卿而

知世卿抱負有大於人既不怙於心亦時於詩焉發之

或聞論當世士有文章必問曰如李世卿否然又意世

卿少年凌邁高遠則有之至

按有之之下當有至字或鈔刻者譌漏

優游

自足無外慕嗒乎若忘在身忘身忘事忘事在家忘家在天下忘天下世卿未必能與我合孰知世卿有意於來耶自首夏至白沙至今凡七閱月中間受長官聘修邑志於大雲山五十餘日餘皆在白沙朝夕與論名理凡天地間耳目所聞見古今上下載籍所存無所不語所未語者此心通塞往來之機生生化化之妙非見聞所及將以待世卿深思而自得之非豈有愛於言也時

時呼酒與世卿投壺共飲必期於醉醉則賦詩或世卿
倡子和之或予倡而世卿和之積凡百餘篇其言皆本
於性情之真非有意於世俗之贊毀至是世卿以太夫
人在堂辭去欲畱不可爲古詩十三首別之諸友相繼
有言世卿歸以所聞於予者質諸伯氏茂卿登大厓山
吟弄赤壁之風月子所未言者世卿終當自得之世卿
之或出或處顯晦用舍則繫於所遇非予所能知也予
老且病行將採藥於羅浮四百三十二峯以畢吾願世
卿能復索我於飛雲之上否耶序以送之 與廷實書

曩辱佳章並賀儀媿感世卿行時諸友追餞不及奉簡

冬作處士陳君墓志銘

詳門人考
陳東淵

本集詩 元旦試筆七律

六載虛叨供奉恩白頭吾亦
兩朝臣閭閻擊壤今宏治簡

冊編年
又戊申

閏正月書登陶會壯哉亭以遺守祠者五律

次韻李子長抵江門

送子長還五羊

此日江山初
見子向來風

月更因誰春波浩蕩舟
難繫曉樹啼鶯枕欲敲

寄廷實用前韻

約諸友游

圭峯文都報子病不果行

與廷實游圭峯別後奉寄

且申厓山之約二首

寄文都曝日臺

次韻顧通守

顧叔龍莆田人宏治元年任
廣州通判凡三年阮通志

畱世卿飲用前韻

次

世卿雨中韻 與世卿閒談兼呈李憲副九首 月下

懷世卿時在南山 寄世卿玉臺四首 記旱用前韻

一之夜歸楚雲臺失足墜溝諸生拽出之子聞大笑

與世卿各賦詩唁之

以上俱
七律

偕一之世卿詣楚雲臺

七絕 楚雲臺呈世卿 江邨晚望寄世卿圭峯 寄

吳明府 同世卿游玉臺五律 游圭峯同世卿 九

日李鴻兄弟攜酒從予登小廬峯寄世卿圭峯 書所

見寄世卿圭峯 廷實屢約游厓山不遂世卿在數千

里不期而同次舊韻寄廷實 代陳汝岳謝世卿撰玩琴

軒記七律 得鄧俊圭書 與世卿同游厓山七古

生日答吳獻臣五律 後甲惟元祀 浮生又五寒 六十一自壽二首

七律 孤子今來六十一 慈親已過入旬三 世卿赴順德吳明府之召五

日不返詩以促之二首七律 臨安太守鍾宣美將赴

任過白沙言別出莊定山詩次韻二首七律 按宣美原 姓陳名晟

詳蔽 送薑酒七絕 贈世卿六首五古 送世卿還

嘉魚五首五古 和世卿畱別韻二首七律 圖新書

舍懷世卿時別半月 月上齋垣白 疎梅共主賓 次韻寄廷實五律

題南浦送別圖為蔣方伯 按郝通志蔣雲漢四川巴 縣人進士宏治元年任布

政左
參政

答石阡太守祁致程七絕

世卿寄經飛來寺

和予壬寅秋詩復韻答之七律

得世卿南安書七律

心知別去干回折
詩長從來一格工

宏治二年己酉 先生年六十二歲

時事 貶鄒智為石城吏目

時事 遷劉大夏為廣東右布政

時事 九月門人順德梁景行梁貞奎新會譚以賢博羅何

宇新同領鄉薦

本集次姜仁夫留別九首七絕序宏治己酉春姜仁夫

進士使貴州還過白沙八日次韻爲別明日仁夫至潮
連寨隸回得三絕和之仁夫蘭谿人從學章先生德懋
吾二十年舊好故詩兩及之 與順德吳明府書頃辱
書適姜仁夫在坐不卽裁答去歲世卿亦以後進之才
稱足下念昔蒼梧之會幾於失君 送張進士廷實還
京序鄉後進吾與之游者五羊張詡廷實廷實二字補始
舉進士觀政吏部稽勳尋以疾請歸五羊五羊大省地
廷實所居戶外如市漠然莫知也自始歸至今六年間
歲一至白沙吾與之語終日而忘疲城中人非造廷實

家不得見廷實而疑其簡實不然也蓋廷實之學以自然爲宗以忘己爲大以無欲爲王卽心觀妙以揆聖人之用其觀於天地日月晦明山川流峙四時所以運行萬物所以化生無非在我之極而思握其樞機端其銜綏行乎日用事物之中以與之無窮然則廷實固甚有異於人也非簡於人以爲異也若廷實清虛高邁不苟同於世也又何憂其不能審於仕止進退語默之概乎道也茲當聖天子登寶位之明年思得天下之賢而用之而廷實之病適愈太守公命之仕廷實不得以未

信辭於家庭於是卜日告行於白沙畱二十餘日去歲
之冬李世卿別予還嘉魚贈以古詩十三首其卒章云
上上崑崙峯諸山萬幾重望望滄溟波百川大幾何卑
高人揣料小大窮多少不如兩置之直於了處了世卿
豪於文者也予猶望其深於道以爲之本廷實至京師
見世卿重爲我告之廷實所以自期廷實其自信自養
以達諸用他人莫能與也 與廷實書承示楊柳曲情
蹙辭盡幾不可讀樂莫樂兮新相知悲莫悲兮生別離
沿途遇便風得一字爲慰近來做鄉東西盜劫連夜白

石譚蘭雪一家遭害馬默齋輩剝牀可畏眼中惟倪舜
祥可委捕盜又云仁夫會間多為申覆

按倪舜祥名麟先生第二女夫

與李西涯學士書相別六七年不通音問於京師自

周文都南歸後先生之音問遂絕世卿自去年首夏至

白沙臆月然後歸早晚入京衰病百狀問之可知張進

士行附此 與戴憲副書恭聞拜憲副之命引領台階

不知微疴之在體小廬岡書屋近完四方士來游白沙

者於此處之是亦執事之賜也

戴中新淦人宏治二年任按察副使阮通志

周氏族譜序少參公宏治己酉始至白沙

周宏德清人宏治元

年任右參

政阮通志

與廷實書廷實守道無求於人攜十數口

在路日飯米一斗何以給之子長在館中已半月梁貢

士告行草草奉此不能悉不能悉別詩奉懷 與廷實

書助金已領西山之遺孟水難消况若是重耶黃涪翁

謂旋渦中佛不能救落水羅漢今廷實行萬里費皆已

出非旋渦中佛歎感恨感恨別後奉懷不置小詩見意

經西華飛來必有佳作幸垂示

本集詩 贈張進士入京八首七絕

序別後膝痛甚於前日本無詩際獨

念吾與廷實不可無一言以別為八絕句命童子容憑錄於序文之下 按此序本集缺從何氏本補入五羊

不出獨何心萬里行囊又一琴難寫別離今日意江門
春水不如深津頭日暮思夫君別意那堪更遣聞芳樹
鳥啼山雨過柴門空閉一溪雲玉臺居士玉臺眠碧
海三山病枕前君欲有爲休問我白頭世事已茫然

次韻鄒汝愚陽江道中見寄七律 何宇新赴南京來

白沙告別云此行且復見定山時秋已盡矣以詩送之

二首七絕 得廷實書 用韻寄潘時用 用韻寄姜

仁夫 用韻寄緝熙平湖 用韻效寒山 四郊多竊盜
村裏夜支更

寄饒平邱明府 何處思君獨舉杯江門薄暮釣船回
風吹不盡寒蓑月影過松梢十丈來

邱天祐莆田人宏治二年進士令饒
平廉能著於時尋丁外艱郝通志

宏治三年庚戌 先生年六十三歲

時以秦紘總督兩廣

阮通志職官表

時四月門人吳川林廷獻舉進士

時以劉大夏為廣東右布政

明史

本集二月壽張撫州六十一詩序兩山謝郡歸今年六

十有一矣兩山之子詡也從予游限於官守不得奉卮

酒為壽宏治庚戌二月初吉白沙陳某書

張璜出知撫州又知漳州

題瑞鵲卷七絕序成化十九年子

入京是時周君文化令六合有聲後八年周君以御史

按吾廣過寒舍舉莊先生昔賦瑞鵲詩俾予和之

周南縉雲

人宏治初巡按
廣東明史本傳

夏作襄陽府先聖廟記庚戌夏侍御

史襄陽曹君璘訪子玉臺山中 與廷實書兩山先生

舊賜使人饋白沙索書生日詩尋以附子長轉達不知

兩山之疾已革蓋屬續前一二日也廷實以何日聞訃

匍匐南歸溽暑在途哀毒何如 秋作程鄉社學記自注

宏治庚戌秋為永豐劉彬作按彬號肅菴永豐人進士為程鄉令事恤民隱端士習在任九年省約如寒素

時嘉應志 劉彬初與羅倫同師友倫告之曰科名文詞皆淨洗一意聖賢彬曰一峯故人今墓木拱矣吾敢

負一峯乎白沙先生曰別駕自審 十一月朔作祭容去就何與一峯也分省人物攷

彥禮文遺子景雲 往代之

本集詩 有懷世卿四首五古 贈曹侍御璘七律

周侍御文化將訪白沙阻風連日詩以迓之三首七絕

程鄉學生鍾宏求社學記贈之七律 贈鄒處士還

合州二首七絕

按處士智之父詳諸友攷此詩當在智未卒之前

贈余進士

行簡別七律

余敬字行簡書廬村人新會王志今開平縣人阮通志

次韻子長

至白沙

邀馬元真

再和示子長

與子長談詩忽

聞有談方伯劉先生德政者 候元真不至用前韻

宏治四年辛亥 先生年六十四歲

時 五月二十七日教諭婁諒卒

年七十明儒學案

時九月以彭韶為刑部尙書

時十月石城吏目鄒智卒於順德年二十六 鄒汝愚

畱館坡山其同年吳獻臣尹順德令邑民李煥於古樓

邨建亭居之扁曰謫仙辛亥卒白沙陳公甫追次汝愚

詩曰遷客一亭遺海濱當時誰號謫仙人花

汀柳市無疆界盡是乾坤一樣春雙槐歲鈔

時逮兩廣總督秦紘赴詔獄張吉字克修 歷肇慶同知

相孚辛亥都御史秦紘為柳總兵所誣逮詔獄吉

上疏代辨得白人服其勇轉梧州知府郝通志

時十一月以邱濬為文淵閣大學士

本集四月復陶廉憲求平後山碑書使至辱手書當道

諸公欲以平後山碑文見委為之僕竊怪執事之知僕

猶未至也。今天下能文章富經術者可謂盛矣。若僕者素無文采，強顏爲之，徒爲有識所哂。謹復。又書興師

弭患動中機會爲可喜也。後山禍機久伏，使謹於微則無今日之役。今首惡旣誅，暫停搜捕之師，宜慎玉石之辨。於疑似不決者，寧詘法以信恩。此則天地好生之仁。子孫享無疆之慶，執事固有之。與葛侍御書頃者，廉

憲陶公惠書稱執事以平後山碑委僕爲之。

葛萱高郵人宏治間

任巡按御史阮通志

與劉方伯書餘寇未殄，先生得毋爲百姓

戚戚耶？曹匪石抵家病卽愈，匪石徵藥石記已託鄒汝

愚具稿早晚錄上 慈元廟記宏治辛亥十月今戶部

侍郎前廣東右布政劉公大夏行部至邑與予泛舟厓

門弔慈元廟故址始議立祠於大忠之上 十二月作

望雲圖詩序

按王公名未詳序云公山西人奉命來南海幾年頃乘廣海之舟經新會吏民親公

如親賢大夫忘乎公之為貴也

本集詩 弔鄒汝愚四首七律

孤兒四月初離乳夫子風流儘蓋棺

候

方伯劉先生四首七絕

按此題有三首在卷九一首在卷十蓋同一題而誤分者

陪劉先生往厓山舟中作七律

東山至厓議立慈元

廟因感昔夢成詩呈東山七律

張克修別駕梧州守

來別白沙二首五絕

贈君欲何言笑把梅花折
先生在嶺外訪白沙問學白沙以 古城

詩示之滄溟幾萬里山泉未盈尺到海觀會同乾坤誰
眼碧先生不契也明儒學案 按肇慶府志職官張吉為
同知在成化末年而宦績傳引獻徵錄云吉餘干人孝
廟初轉肇慶同知考本集與張太守克修書有制中不
他及之語是宏治八九年間張尚守梧州自同
知遷守梧州傳不明言何年故附疑於此

宏治五年壬子 先生年六十五歲

時事 以閔珪為兩廣總督 凡三年

時事 九月門人順德黃澤領鄉薦第一番禹陳護陳昊元

新會黃元增城湛若水潮陽趙日新同榜

本集賀陶廉憲陞任書秋暑既退陳都閩道白沙言當

道薦執事想朝廷命下班次必崇章寄名於石英德石
形奇者能致數片志願足矣 與廷實書李子長懷集
之行未免內顧之憂能照之否

本集詩 聞黃澤發解七絕 送子長往懷集取道謁

張梧州二首五絕

宏治六年癸丑 先生年六十六歲

時事 四月門人順德黃澤舉進士新會李翰乙榜第一

時事 七月刑部尙書彭韶罷 明史七
卿表

時事 張秋河決以劉大夏爲副都御史治之

本集三月作羅倫傳 癸丑端午書漫筆後據石 七

月作程鄉儒學記 夕陽齋詩序少參任君莅吾省間

過白沙任穀橫州人宏治六年任右參議郝通志 九月作增城劉氏祠堂

記

本集詩 聞東山頌都憲之命寄之七絕 永豐劉景

惠持亾友羅一峯事狀來白沙道其翁程鄉宰肅菴願

友之意贈以是詩 予欲為一峯傳而患無所本其子

梁撰狀託肅菴子景惠至白沙予將為傳用前韻 贈

潘上舍漢用前韻律俱七 次韻顧別駕寄彭司寇二首

七律

序別駕顧勉菴聞彭從吾先生致仕還莆賦詩賀之謂僕受知於先生不可無言因和之 按別駕

名叔龍詳諸友考

雨後示劉宗信林時嘉二首五絕

贈閔

督還陞秋官二首五絕

贈羅梁還程鄉五首七絕

客一

三句住玉臺梅花正傍釣臺開

蓬島烟霞圖贈羅定直七絕

自注一峯子

補詩

遇雨詩序易菊主偕其姪壻楊和從子庸信宿

白沙遇雨偶憶莊定山與予於白馬菴夜雨聯句云公

來天閣雨天共主人情菊主感歎再三誦之予因舊韻

以復

襟裾猶耐冷紅紫半抽晴我不辭為主公無厭絮羹旋吟詩遣興直以酒陶情何可廢行樂春秋七

十更老脚莫浪出東君不放晴青山倚鳩杖白飯下魚羹耕鑿無餘論烟霞杳去情偶持一觴酒畱客話深更

衡門來好客久病快新晴子美雲安酒東坡骨董羹江山成永嘯今古莫畱情勸飲多狂句陶箋寫率更人心殊覺夕白日此陰晴義激中流柱名哀眾口羹既為一身計癡擁萬年情坐久籠山雨寒雲濕未更宏治癸丑春正月二十日石翁書於白沙貞節堂 按此詩並序本集不載茲從張厓山丈總章會見真蹟鈔以示榕者

宏治七年甲寅 先生年六十七歲 每年九十

時 二月門人增城湛若水來從學 甲寅二月往學於江門語之曰此學非全

放下終難湊泊遂焚原給會試部檄獨居一室洪垣湛甘泉墓志銘 記吾初游江門時在楚雲臺夢一老人

曰爾在山中坐百日便有意思後以問先師曰恐生病乃知先師不欲人靜坐也甘泉語錄 甘泉初至白沙

齋三日而後求教舉於鄉即焚路引從白沙行為紹介既得旨乃出廣東新語 湛若水見白沙景行為紹介

順德志梁景行傳 按洪垣甘泉墓志云甘泉以宏治甲寅來學是下距先生卒時僅七年耳又甘泉集云二十

七舉於鄉其業猶夫人也自聞學於君子舍舉業而涵養者十有三年是自言涵養者十三年非從白沙十三年也計自宏治六年舍舉業至十八年會試適符十三年涵養之數矣又按從學之年方二十九歲而沈椒園廷芳粵秀示諸生詩云九十甘泉翁亦在弟子行此尤失考也

時 七月莊景奉旨行取九月入京 湛若水莊定山墓志銘

時 嘉會樓成 冬慈元廟成 祠之未建也先生夢一女后飾立於大忠祠上請曰

先生啓之後十年建廟即其所也故先生慈元廟詩有依稀猶作夢魂通之句行狀

宏治甲寅六月巡按廣東御史熊公成章謀創樓為盍

簪之地檄通判顧文來卜地數月告成 張詡嘉會樓記

南京

地震御史宗彝等言韶喬新強珍謝鐸陳獻章章懋彭

程俱宜召用不報

明史彭韶傳

按明史五行志

宏治七年是歲兩京並地震

本集與顧別駕止建嘉會樓書今日之事欲為名教樹
 無窮風聲而姑託始於僕以為之名百餘年間嶺海之
 內未聞有如今日之盛者也顧僕何人濫竽斯會不勝
 媿悚之至愚以今地方多虞民苦力役寸土尺木不無
 勞費顧執事復按治之命苟可已之不但舒民之力而
 負且乘之譏亦且不及老朽以貽玷諸賢尤見相愛之
 至也 六月作肇慶府城隍廟記 為郡守黃琥
作並書石 九月
 與左行人廷弼書秋且盡矣拉何山人駕扁舟出扶胥

口東望羅浮飄然自適覺某之匏繫於病為可厭也按

名碑左輔江西進賢人成化十七年進士廷弼與輔名相應疑卽是人 十月跋清獻崔

公劍閣詩曩夢拜公坐我於牀與語平生仕止久遠仰

視公顏可親因請公手書公欣然命具紙筆嗚呼古今

幽明一理感而通之其夢也耶其非夢也耶今書遺其

後七世孫同壽云 與蒙知縣書蒙惠蒼梧人宏治十

年知新興縣巡行阡陌以勸農為急暇則訓勉諸生士民懷之郝通志按郝通志職官作宏治十年考肇慶府志鍾鯨任新興六年調去故府志官績與職官表作七年十字誤也

本集詩 左行人寄倭金酒琰醉答七絕六十七同春又過茅柴不

管注
倭金

劉景仁自雷州別二親還永豐過白沙七絕

按景

仁父名彬為程鄉知縣其為雷州同知郝通志不注何年以嘉應志名宦傳考之其去程鄉任當在宏治元年景仁自雷州歸本集原與六十七年春又過詩相接故附於此

次顧別駕宿碧玉樓

韻五首七絕

序宏治七年六月侍御熊公欲創樓於白沙水湄為往來之地始謀於郡主林先生

遂盡聞於藩憲諸公別駕來相地宿碧玉樓 熊達南 昌人宏治年任巡按御史阮通志 按達字成章蓋取不成章不達之義 諸本多作達字誤

嘉會樓上梁和顧別駕 用別駕

韻答熊侍御七律

宏治八年乙卯 先生年六十八歲

時

二月大學士邱濬卒

年七十六

李東陽入內閣

時二月十六日先生母林太夫人卒年九十一與賀

月十六日
老母傾背

時三月莊景陞南京吏部驗封司郎中八月到任十二

月病中風湛若水撰莊定山墓志銘

時致仕刑部尚書彭韶卒年六十六

時陶魯奉敕往安南過江門

時九月門人番禺林高領鄉薦第一新會陳紹裘同榜

本集作奠邱閣老文 答周廉憲疏謹以四月八日奉

柩藏於屋後小廬山 與李孔修書子長乳瘡當一場

重病今脫然矣聞之慰喜先妣三月而葬禮也 與廷
實書亾妣小廬山兆在碧玉樓後遣人買藤縣木建墳
前小屋爲祭所立墓田令人守之 與沈都憲書今年
春中老母棄背承示晦翁南軒詩令作跋尙貸以日月
庶幾除服未死之年附姓名於二先生之後幸孰大矣

與湛民澤書 卷次溽暑不可處近遷碧玉樓西正南
開牕戶又爲東南風攬不得睡附錢五十煩爲買小竹
簾橫二尺 答黎明府書 鄰封野人茲以先妣塋未封
親屈明府舟從白沙

黎燃新喻人舉人宏治三年
任香山縣凡十年郝通志

答

蘇僉憲書 亾妣見背力疾襄事忽於七月盡日中風左手足不仁寸步不能自致秋云莫矣媿如之何 與姜仁夫書 近得緝熙書報仁夫出理淮上今年老母傾背毀瘠與死無異 與羅冕書 得五月十九日手書云云 與陶廉憲書 邇者先妣塋封始畢閣下有事西陲辰下將過江門莫遂謁見之私渴心東馳 與林時表書 時表代而父奉太夫人几筵何得舍朝夕奠來應試老朽聞之竟日不樂比發去兗州訃否適得尊翁濟寧四月望日書發來手書進退不能無遺憾矣 與陳秉常

書辱書見勉勿斷酒肉扶衰養軀真情苦語足紉拳拳
到京見定山先生潘時用姜主事問我以是告見劉都
憲告慈元廟成因以先母訃告 與太守張克修書

首時官

梧州

與賀克恭書今年老母傾背與死爲鄰比得
惠書又得賢郎北京書里中舉子赴春官附此 與賀

諮書得生書讀未畢亟召犬子來讀何生之言似乃翁
也昔在長安日過乃翁坐生時方毀齒能知兩翁意坐
則置生膝前摩生頂與乃翁語恨生不生南海又恨夙
病支離不能一見容止里生陳紹裘行託告區區

賀士
諮白

沙稱之日老眼
識鳳雛廣輿記

與金方伯書比聞有巡撫江西之命

已令犬子候行

金澤宏治七年任布政阮通志

與黃舉人書克仁久

在制中老病不堪走弔自杪秋感冒痿痺半年未嘗一

近筆硯希顏兄近會亦不數音耗聞然

按新會王志黃元宏治五年舉

人克仁與元名字相應希顏名佐成化十九年舉人疑即克仁之族人故並及之

與湛民澤

書久居於危嘗兩遭不測幾陷虎口不得已為謁銓之

行非出處本意也

按即習射事詳成化二年

故人朱少保李閣老潘

待詔往往寄聲以不能離此邦為懼然則百年之遇宜

未有如今日所恨子孫世家於越老朽亦欲為後人立

此基緒目今要建祠修墓正恐小祥在轉瞬間若更因循大祥至矣吾事不了安知其終不汨沒於塵土耶

本集詩 病中寫懷二首七律 八年春部書復至顧

別駕以兩司之命來勸駕用舊寫懷韻答之二首七律

得終殘喘畱將母直擬孤城死報君

彭司寇挽詞二首

宏治九年丙辰 先生年六十九歲

時以鄧廷瓚總督兩廣

時順德知縣吳廷舉去任遷成都同知民數百艘送之

多泣下者

時八月郎中莊景致仕丙辰八月二十日告歸定山故

事是孤臣託疾時此是定山最高處江門
漁父卻能知湛若水莊定山墓志銘

本集與金都憲書傲居與嘉會樓相邇當道東西行部

往來過此某得以扶病見之誠嘉會也金澤字玉潤鄞縣人陞廣東布

政百廢俱興無何韻寇陸梁命澤為右都御史巡撫江西氏姓譜與鄺知縣兄弟書

丁明府遺愛在邑邑人欲為廟以報之今卜地白沙里

社前與嘉會樓相望按各縣府志無鄺姓為廣州知縣者考書中語意當是本邑人肇慶

府志鄺文天順三年新會舉人知宜春縣鄺姓今隸開平與陶方伯書比聞在師

中能坐馬矣幸甚幸甚李世卿久在館中恐要知不多

及與林郡博書得書具審太夫人以正月六日耐竹齋府君之墓是月三日章亦奉遷先考墓於小廬山與先妣同處來喻知孔不知毛此翁明年滿七十寧有七十老人發狂著書與故舊作炒也世鄉自嘉魚來與民澤游羅浮殆一月矣

按甘泉集初游羅浮記丙辰春與世鄉游羅浮

老朽亦欲

遠去爲終老計此間民日爲盜地方多虞白洲爲卜地於省城今委餘齡於喧囂恐不能成其美歲首嘉會樓成白洲遣人走定山求記與張太守克修書數月無蒼梧之耗不意夫人化去廟記轉達願勉菴世鄉囑筆

申懇又邇者修建祠宇墓亭已各有緒實賴仁者廣濟
之力漫筆示世鄉民澤昨夕樓上聞雨聲睡不著因
檢會鄉里平時還往人十匹七八年及七十者才一二
與湛民澤書章久處危地以老母在堂不自由耳近
遣人往衡山問彼田里風俗倘今日之圖可遂老腳一
登祝融峯不復下矣五月五日與廷寶書頃者李別
駕長源云定山三月內已告養病六月歸定山五月六
日碧玉樓書又書世卿日望來會渠過洪都已得東
白復起消息非虛傳也五月七日巡按丁內外何艱乞

報何時起程 答陳宗湯書六月十日書作字太奇老
眼不識服周讀之告我耳邛侍御還閩過白沙畱語竟
日一時交游東顛西覆民澤可期遠到西望衡山神爽
飛去自去秋感疾迄今未堪舉踵 與鄧督府書某不
見執事五十年矣引領蒼梧衰病無由自致在制無由
造謝 與李白洲書北門園池待明年服闋采藥羅浮
訪醫南岳歸拜賜未晚也顧別駕送契來若委人承管
則未也 與莫知縣書封川近地老病不出在制中久
稽裁答茲顧別駕使來具悉宦況諺云過後思君子方

在新會時百姓未以明府之去留為欣戚去之封川懷

之不置安知今日封川之民不如昔日之新會乎莫扞廣西

宣化人宏治九年任封川知縣阮通志 莫扞宏治六年任新會新會王志 按郝阮二志俱云成化年在誤

與黃太守書即日命下拜端守黃公參政病夫聞之

喜連日 與湛民澤書吳明府事未白尙可少留 與

吳明府書梁生至辱書具被誣事已釋甚慰除順德知縣上官屬

修中貴人生祠廷舉不可中官怒執下獄按之不得間 慙而止為縣十年好薛瑄胡居仁學尊事陳獻章明史

吳廷舉傳 與左知縣書世卿將還武昌吳別駕人回具審

明府與顧勉菴候送之勤左濬寧德人舉人宏治八年知高要縣廉明惠愛遷惠州

通判士民攀臥至不得行宦囊泊如也高要循良
以濬稱最肇慶府志陳獻章為詩贈之阮通志

與

曹知縣書執事去新會二十年矣日侍貞節堂言昔者

土木具舉堂成而執事解官堂存而老母下世俯仰今

昔情如之何世卿還嘉魚奉候不多及

互詳成化十三年

與

順德楊明府書東白平生故人也明府出其門不待傾

蓋而知其人矣制中不多及

楊顯進賢人舉人宏治九年知順德縣順德志

與邛侍御書宋先生旦夕臨敝邑將必見之公以井渫

之才治之廣右幸甚比與世卿期至南岳世卿今行矣

道路其有藉哉

宋端儀莆田人宏治九年任僉事阮通志

與薤定山書辱

賻贈爲感承諭比年手足作秋風痺今專託范生往視

太虛近往來石洞否范名規詳門人考復陶方伯改題墓石

書 答祁方伯書 妣不幸傾背在乙卯二月十六日

懼弗克襄事百凡拘忌一切埽去塋封麤訖重勞慰及

執事望重始以一鄉言之如是者幾人非但閩里之光

而已祁順宏治八年福建布政尋轉江西布政阮通志與王樂用僉憲書

本集詩 次世卿韻再至白沙七絕 茂卿評事惠扇

次韻七絕按茂卿世卿兄進士承芳也次韻劉少參嘉會樓二首

七律按郝通志劉信南溪人宏治九年進士任參議嘗卽其人答鄧督府七律自注

督府檄有司月支米石人夫辭之

次韻李憲副留別七律 待黃太

守見訪時當考績入京七律

黃琥字瑩之豐城人宏治元年任肇慶府知府己酉

引疾解職民走當道乞雷不得擢參政肇慶府志

次韻吳明府二首七律

題黃公釣臺五律

李承箕築釣臺於黃公山下

世卿將歸二首

延緣

過殘夏滿意泛瀟湘還山非早計舉棹是秋涼

贈世卿三首五律

寄鄧俊

圭 韶州西去是衡山楚客舟從嶺左還欲語祝融天上事思君迢遞見君難自注予與世卿約游羅浮衡山

云侯世卿歸途過樂昌更與俊圭期定今不果矣

壽月溪翁為順德主簿張

如玘七律

張如玘武寧人宏治八年任主簿順德志

得廷實報定山歸隱

憶東白仲照五首七絕

贈劉別駕蕭蒼解官歸永豐

三首七絕 九日嘉會樓登高四首 楚雲臺觀民澤

所栽菊 寄民澤時民澤還五羊未返 野菊吟寄子

長再次 寄小園岡書屋和民澤 以上俱五律 答陽江柯

明府 柯昌黃巖人宏治九年任陽江縣操履清約決獄明允表章張太傅祠陳獻章作詩賀之阮通志引

浙江通志

宏治十年丁巳 先生年七十歲

時 二月丁林太夫人服闋 喪太夫人服闋絕不衣錦 繡日向者為親娛耳行狀

本集作速句丁知縣廟疏 春作丁知縣廟記侯卒之

十有二年邑人立廟於白沙祀之 跋沈氏所藏考亭

真蹟

按與沈都憲書云庶幾除服未死之年
附姓名於二先生之後詳宏治八年

五月書

忍字贊

按今石刻云宏治丁巳夏五月石翁書

與廷實書林郡博何日

歸五羊不畱一字耶船司昨遣吳瑞卿攜雲窩圖至白

沙衡山之興勃然矣未審開春能便行否民澤近無一

耗廷實過白沙一話為慰 又書衡山之行吾其可已

耶報帖即寄緝熙五月十八日書於碧玉樓雨中 與

林郡博書萬里之行無可為贈某七十病翁理不久生

安知今日之言非永訣耶定山問我亦以是告之

艱起補嚴州

林光丁丙

教授阮通志

與李孔修書衡山之行無日矣今未發

者候俊圭至白沙耳 與鄧僉憲書賢郎過白沙兼致

西涯閣老之意 鄧卿瀘州人宏治十年任按察僉事阮通志 與黃大參書

始者履任枉棹白沙獲聞仕止之言不謂脫銜如是速

也病臥山樓未審何日就道 詳上九年黃太守 十月二十一

日祭先妣林夫人文 冬作韶州風采樓記宏治十年春

韶守錢君鏞作風采樓 按本集注作己已誤當作丁巳又按粵東金石畧十二月作

復林大參書勉齋別駕平生故人倏爾傾逝 按林大參未詳

此書當在宏治十年以後考宏治九年先生與莫知縣扞書尙有顧別駕使來之語故耳 十一月

與廷實書仁夫別去怱怱一月念之不置久當奈何特

遣景元往問行李兼送仁夫之行

本集詩 答張梧州書中議世卿定山熊御史薦剡所

及四首七絕

買舟南嶽去尋醫
七十今年病不支

張廷舉送薑酒至七

絕

七十謬為人所尊
直從西棗到東墩

宏治十一年戊午 先生年七十一歲

時

八月十四日三廣公陶魯卒

年六十五

時

九月門人新會梁大廈領鄉薦

海北汪廷貞慕白沙甚作懷沙亭以想像之

分省人物
考按

通志江榆全州舉人阮通志沿滄通志俱作江海北提
舉不注何年考本集與何本及人物考作汪洋之汪

戊午邁疾彌留弗興

港若水撰改
葬白沙墓碑

三月作重修梧

州府學記

與湛民澤書章去秋感疾今尙未平廷實

近多長進但憂其甚銳耳子長病且愈日高音耗亦無

黃中

按中疑卽門
人考之黃忠

納婦館中惟一之與服周教諸孫耳

海北汪提舉向慕亦切作懷沙亭於海上民澤在鄉安

否戊午二月初二石翁在碧玉樓力疾書 與汪提舉

書人自南海回稱足下事功之偉阮從事至益聞所未

聞李世卿期我於朱陵沈督府書來問行張東所已辦

杖履隨我今疾勢尙未可動 慰王侍御疏日月不居

春復夏矣不審自罹荼毒氣力何如某久病無由奔慰

戊午夏月日朔

王哲吳江人宏治十年出按廣東時劇賊陳光等劫新會東莞哲旬日平之以

丁外艱歸民泣追送之分省人物考

復孫清戎書大抵年逾七十宿疾

在躬百凡不可牽勉 奠汪海北文江門秋月廬阜晴

嵐海北二年朝諷夕談如飲醇酒無日不酣 與廷實

書汪海北在東海徵糧三日卒廷介誠可人但會別恩

恩不能盡所言矣

按廷介蓋卽汪楡但人物考作廷貞此稍異耳 提舉汪某慕先生特甚

數以白金爲先生壽其卒於官也先生盡封還以爲購行狀

與劉東山書先生還

東山山靈輒喜章近有衡山之約

題端陽李太守甘

霖重應卷

李騰芳長沙人舉人宏治十年任肇慶知府肇慶府志

閏十一月二

十七日祭陶方伯文

按世烈錄

本集詩

蔣韶州書至代柬答之五古

相別何悠悠梅花十寒整

蔣韶州世欽挽詩二首七絕

按郝通志蔣世欽上饒人宏治十一年任韶州知府

凡一年卒於署中

互詳成化十九年

次韻送海北使阮刊七絕

春日溪邊送阮

郎落花半

落流水香

謝伯琦得孫送薑酒至七絕

七十一年雲水中半江老

隱舊

知儂 邸報劉亞卿以今年十月得請還東山七律

喜聞劉亞卿得還東山七絕

贈楊中七絕

欲報封君無一事

自注順德縣楊明

府子詳上九年

宏治十二年己未 先生年七十二歲

時南海倫文敘會試殿試皆第一 庸門徒多以科第顯

陳庸傳按庸

詳門人考

時四月火飾寇大同命平江伯陳銳為靖虜將軍

時門人順德趙善鳴來從學

時九月二十九日郎中莊景卒 年六十三天

啓初諡文節

重修太傅張公祠碑宏治己未白沙陳公獻章貽陽江

令柯君昌書始建祠於縣西門隅 泰泉集張 本集夏

太傅祠碑

書慈元廟記宏治己未夏予病小愈未堪筆硯以有督

府鄧先生之命念慈元落落東山作祠之意久未聞於
天下力疾書之 與廷實書久病未脫體蒙鄧先生數
年知待之厚昨承督府見寄高作病中次韻一首近見
邸報京師戒嚴正求才之時東山爲天下屬望不見起
取以爲疑故未聯及之 與任明府書昨蒙枉顧覺英
邁之氣出於人上異時當爲賢宰有聞於天下新寧之
民抑何幸歟以新作之邑遇新除之吏亦可賀也
任鎮
甄寧人監生宏治十二年任新寧縣
福建
新寧縣宏治十一年置俱阮通志
秋與易贊書頌
歲東白徵入京師比歸遺予書曰在山遠志出山小草

此言出處不可不慎也東白官翰林未四十致仕天下
慕其早退以此宋之錢若水可也等而上之識者尙未
知處東白於何處信乎君子立世始終一致不離乎道
足以追配古今無媿誠難也余嘗以觀古今人凡有愛
必先自愛其身然後可以推己及物易曰安土敦仁故
能愛否則未見其能愛也雖然君子立身之大節出處
進退之大防亦不可不聞也君愛菊以菊主卷索題余
念君之志不在利聊相爲言之宏治己未秋陳獻章

此按

書本集缺載
从鶴山志補

左布政周孟中甫下車卽謁先生於白

沙欲請先生入省南面坐受拜咨問以風一方以先生

病不果

行狀 周孟中廬陵人宏治十二年任布政郝通志

本集詩

漫筆五律

行年七十二七十一非

力疾書慈元廟碑

七古

北牕一卷羲皇前青鑑碧玉眠三年久病江湖落日前嗚呼此意誰與言

憶平江詩

七絕

序昔過淮南平江總戎禮遇甚至都閫王公厥配陳氏於總戎戚也一日過白沙道舊平江今為天下兵馬元帥相去萬里無由幸會然於公之舊德未嘗忘也因賦託候達之詩云不見平江十七秋

坐碧玉樓三首五律

造次中秋過商量九日來

宏治十三年庚申 先生年七十三歲

庚申朝廷遣官使交南交南人購先生字每幅易絹數

匹時從人僅攜一二幅恨不能多也

行狀

公

謂陶公魯

卒越

三年予總制兩粵巡歷至新會與白沙陳子謁公祠弔

望厓山爲之揮淚陳子爲書於碑

劉大夏三廣公祠記

二月初十日 先生卒年七十三

宏治庚申給事中吳世忠以先生及尙書王某

按名恕

侍

郎劉某

按名健

祭酒謝某

按名鐸

等八人同薦命將及門而

先生歿矣是年二月十日也享年七十有三歿之前數

日早具朝服朝冠令子弟焚香北面五拜三叩首曰吾

辭吾君作詩曰託仙終被謫託佛豈多修弄艇滄溟月

聞歌碧玉樓曰吾以此辭世夢與濂溪雨厓答歌於衡山之五峯皆紀以詩臨歿具書促某

按卽張
謂自謂

至白沙寄

以斯文告門人羅冕曰吾道付某矣執某手曰出宇宙者子也子其勉之歿之日頂出白氣貫天勃勃如蒸竟日乃息前一夕五鼓鄰人聞車馬駢闐之聲急出見一人若王者狀儀節甚都出先生廬而去以爲大官至及旦詢之無有也先配張氏生二子曰景雲歲貢曰景暘邑庠先生卒女二壻黃彥民指揮倪麟孫三曰田曰畹皆庠生曰彥尙幼繼室羅無出先是知縣左某

按本
集贈

陸醫士左明府遣來五律云分付一杯茗剛
勞幾日程疑宏治九年之高要知縣左濬

以醫來先

生病已亟矣門人進曰藥不可為也先生曰飲一匕盡

朋友之情作詩遣之歿後一月僉事宋某

按名端儀

移文當

道請祀鄉賢御史鄧某

按名延瓚

疏乞恩典草已具尋卒御

史費某

按名未詳

疏乞不拘常例贈官諭祭不報是年七月

二十一日葬圭峯之麓遠近會葬者幾千人

行狀吳世忠字懋

貞金谿人官至僉都御史

謝鐸字鳴治

浙江太平人

宏治間擢禮部侍郎管祭酒事俱明史

王恕字宗貫

三原人孝宗時官至吏部尚書

劉健字希

賢洛陽人官至大學士俱

大清一統志

庚申方

伯周公孟中葬之圭峯越二十一年正德辛巳肩子景

雲謀及門人梁生景行湛生若水輩乃以十一月十二

日改葬阜帽峯下

湛若水撰改葬白沙先生墓志

三月初八日門人

湛若水奠先生文嗚呼孰謂不可傳之妙不可傳之蘊

今已不可得而復傳而傳之者復幾何人堂堂元氣逝

將與大化而常奔一十二萬年雪月四百三十二峯晴

雲是猶庶幾乎先生之真萬古長存

節錄湛甘泉集

白沙終

先生曰道義之師成我者與生我者等為之齊衰之服

廬墓三年不入室如喪父

甘泉集附錄羅洪先撰甘泉先生墓表

李世

卿三至白沙始居一月繼也一歲又繼則二歲矣

廣東新語

世鄉往見白沙者四

明儒學案 榕九世伯祖雪島與族祖伯載嘗從白沙先生之

門伯載公嘗修族譜世鄉為序後署宏治庚申八月初五日按此則世鄉三至白沙信矣雪島翁從游詳潭溪家譜及李竹所鸞阮氏祭田記嘻得此序與記適符三至之証亦奇緣也按番禺縣志有李鸞傳

萬曆二年甲戌詔建白沙家祠特賜額聯並祭文肖像祠

中賜額曰崇正堂聯曰道傳孔孟三千載學紹程朱第

一支復命翰林院撰文以祭曰恭惟先生五嶺秀靈潛

心理學宗濂洛之主靜弄月吟風接洙泗之心源鳶飛

魚躍孝友出處昭在當時懿範嘉言垂於後世洵一代

醇修足為儒林矜式者也朝廷童道致祭於祠靈明不昧

庶其來歆

萬曆十三年乙酉詔以翰林院檢討陳獻章從祀

孔子廟庭先是嘉靖中言者請進薛文清瑄從祀孔廟隆慶初言者又欲竝王文成守仁陳檢討獻章祀之卒莫定至是臺臣詹仕講與王學會復以爲言下館閣議儒臣李廷機曰學之祀孔子何也謂其道爲萬世師也孔廟之有從祀何也謂其羽翼孔子之道也諸生誦法孔子者眾矣然或獨得稱羽翼者何也謂其徹乎道也國朝理學浸淫追宋而上之漢唐弗論也則愚以爲三人者

與有力焉國初固多才然而挺然任聖道者寡矣自河
津薛公起而引聖道爲己任卮言細行必準古遺訓而
繩之蓋自是天下學道者四起爭自濯磨以承聖範豈
謂盡出河津哉要之默自河津啓之也然而士知惇質
行已矣於心猶未有解也自新會陳公謂學必有源靜
而反觀此心之體得其自然而不假人力以爲至樂具
是矣其於世之榮名若遺也蓋自是天下學道者浸知
厭支離而反求諸心豈謂盡出新會哉要之默自新會
啓之也然以其初知反本真也則猶隱然與應感二之

也自會稽王公於百難萬變中豁然有悟於學之妙機以爲天下之道原自吾本心而足也於是揭人心本然之明以爲標使人不離日用而造先天之秘不出自治而握經世之樞及其隨所施而屢建大勛則亦由學之約而達也蓋自是天下學道者浸知顯微之無間體用之一源騁然有中乎道之窾卻豈謂盡出會稽哉要之默自會稽啓之也愚故以爲此三人者皆所謂羽翼孔子之道者也今河津旣儼然列於孔廟矣則進新會會稽而三之夫豈曰不宜世之撓其祀者故多端諸卑卑

謾說勿論也高者則謂專求性命之精使人忽躬行而廢多識此亦未深究夫先生之學者夫兩先生以爲心鏡之不明安取躬行之中否而修之是故而求諸心也正所以爲制行之權也學而求諸心則殫見洽聞皆所以啓聖天之聰遺其心而惟聞見之求雖盡天下之物而識之無當耳今考新會之論曰識見要超卓踐履要篤實會稽則曰人須在事上磨鍊做工夫乃有益彼卻何嘗忽躬行也新會之論曰以我而觀書隨處得益會稽則曰以蓄其德爲心則多識前言往行孰非蓄德之

事又卻何嘗廢多識也而猥以此爲兩先生生病兩先生有所不受矣比者擯斥諸言理學臣毀其講壇士人噤口結舌今幸廟堂默以理學布諸政抑旣下令弛其禁矣然而人心猶未釋然信也誠以此時附兩先生庶序中儻可以立儒幟而起士風乎愚以爲從祀兩先生則人心當從祀兩先生於今日則時又當云云鄒德溥曰王文成陳白沙二先生之學蓋所謂嚆嚈道真涵泳聖涯一代學士先生之哀然者也文成用世悟道於敷閱體驗之餘白沙高世得道於沈潛靜篤之中故一則曰

致良知一則曰戒慎恐懼曰勿忘勿助曰自然良知之說似創而非也自是孟軻氏無爲不爲無欲不欲之宗旨也彼其歷試險夷躬當盤錯磨礱練習而後有以見夫宇宙之內千變萬化皆出自吾心一點靈明不過致其良知而足也是以獨標以爲教也戒慎恐懼勿忘勿助自然之說似沿而非也自是吾人收心養性集義養氣之節度也彼其用意檢點極力收束強勉刻勵而後有以見夫戒慎之功纔忘纔助俱不是吾心自然本體不過還之自然而足也是以歷舉以爲教也蓋二先生

學皆出於聖賢而非出於胸臆皆得之蹈履而非得之
講談嘗試稽之年譜參之輿評則其立身行己其居官
任事其治家處鄉並無有得而容議者或乃見其一二
門人不厭眾心也而並有感志於文成見其春陽臺中
端默獨坐也而以禪學疑白沙夫自尼聖已不能保其
往與其退而靜之爲禪將所謂未發之中者非耶愚以
爲二先生之學並不背乎聖人而二先生之祀各有補
於世教祀文成以勸夫縉紳者使人知用世之爲學不
必藏而後可以修祀白沙以勸夫遺逸者使人知不用

之亦爲學不必仕而後可以顯蓋以宋代區區而祀於
黌宮者尙若干人我明二百餘年人文之盛視宋何如
哉而僅僅一河東也進二先生而祀之其誰曰不可而
議者紛紛續又奉命禮部會同九卿科道廷議歸一部
議又請獨祀布衣胡居仁少師大學士申時行乃具疏
上言皇上重道崇儒德意屢下深切著明如此今該部
覆議乃請獨祀布衣胡居仁臣等切以爲未盡也彼詆
訾王守仁陳獻章者除所謂僞學霸儒原未知守仁不
足深辯其謂各自立門戶者必離經叛聖如老佛莊列

之徒而後可若守仁言致知出於大學言良知本於孟子獻章言主靜沿於宋儒周頤程顥皆祖述經訓羽翼聖真豈其自規一門戶耶事理浩繁茫無下手必於其中提示切要以啓關鑰在宋儒已然故其爲教曰仁曰敬亦各有主獨守仁獻章爲有門戶哉其謂禪家宗旨者必外倫理遺世務而後可今孝友如獻章出處如獻章而謂之禪可乎氣節如守仁文章如守仁功業如守仁而謂之禪可乎其謂無功聖門者豈必著述而後謂功耶蓋孔子嘗刪述六經矣然又曰子欲無言曰吾無

行而不與二三子門人顏淵最稱好學矣然又曰於吾
言無所不說曰退而省其私亦足以發夫聖賢於道有
以身心發明者比於以言發明其功尤大也其謂崇王
則廢朱者不知道固互相發明並行而不悖蓋在宋時
朱與陸辯盛氣相攻兩家弟子有如仇隙今竝祀學宮
朱氏之學昔既不以陸廢今獨以王廢乎大抵近世儒
者衮衣博帶以爲容而究其實用往往病於拘曲而無
所建樹博物洽聞以爲學而究其實得往往狃於見聞
而無所體驗習俗之沈錮久矣今誠祀守仁獻章一以

明眞儒之有用而不安於拘曲一以明實學之自得而
不專於見聞斯於聖化豈不大有裨乎若居仁之純心
篤行眾議所歸亦宜竝祀我國家二百餘年理學名臣
先後輩出不減宋朝至於從祀乃止薛瑄一人殊爲闕
典昔人有云眾言淆亂折諸聖伏惟聖明裁斷主持益
此三賢列於薛瑄之次以昭熙代文運之隆制曰可於
是令天下學校皆祀王守仁陳獻章胡居仁位在薛瑄

之下

本集
附錄

詔准從祀

文廟謝表臣陳觀光竊念臣祖陳獻章本以諸生遭逢盛世初由鄉薦繼膺聘書蒙登朝而授官特賜歸以養母甘侍菽水二十餘秋飽歷冰霜一十九載論建樹未報乎先朝優錄之恩語體驗惟得諸在籍陳編之外曰致虛立本學獨得其精微曰自然爲宗教非別創門戶顧微言雖立而同時共業者尙攻其非況大義久湮而見影疑形者孰信其是伏惟皇上秉獨斷之聰明折眾言之淆亂俯俞言官之請嘉納輔臣之章謂有用之眞儒不狃拘曲而自得之實學罔專見聞君相協衷莊誦王


言之大章縫快覩慶逢盛典之成羽翼孔孟者由是從
實踐而不專著述之爲功尊信程朱者由是悟妙契而
益知勦襲之爲陋一洗沈錮之習頓開理學之途詎臣
等二三孫子之榮光實天下億萬儒衿之瞻仰也

本集
附錄

白沙年譜卷二終

姻弟方庭植石琴參

胞弟阮非齡紫蒲校



白沙叢考

目次

生卒

德容

學行

受官

誣語

逸事

詩文

字茅筆

畫訂誤

琴

號

碧玉圖

碧玉說

聘玉辨

讀書臺辨

釣臺考

都會故居

衡山 羅浮 西樵
圭峯 江門墟

講業諸處

諸友考

議祀

本集考誤 考訂與廷
實書次序

嫡裔

語錄訂誤


詩文補遺

各家輯錄

應召錄訂誤

白沙叢考

新會後學阮榕齡竹潭



生卒

廣東新語卷一斗牛與中星明則其地儒道大興中星在正

南又吾粵所宜候者洪武永樂間五星兩聚斗牛占者謂

黃雲紫水間當有異人已而白沙先生出其後成化丙戌

中星明於越之分野而甘泉以是歲生明史天文志洪武十八年二月乙巳

五星并見二十四年十一月歲星合於斗二十五年正月

熒惑歲星合於牛永樂元年五月甲辰五星俱見東方
榕按天道元遠或可知或不可知人事或驗或不驗或占者有精與不精姑附存其說於此

張廷實撰白沙先生行狀宏治庚申二月十日先生頂出
白氣貫天竟日乃息

附錄 洪垣

撰甘泉墓志嘉靖庚申四月二十二日戌時有

星如斗其光燭天其聲如雷舉城皆驚殞於文院卽終

於寢

德容

按先生之德量教化畧見於行狀及門人康處士沛梁孝廉大廈之言茲於各見諸書者隨所

見補人

門人錄姜麟既見先生出謂人曰吾聞人多矣未有如先生者至京師有問之者則稱活孟子云

章

楓山懋嘗曰當時人物以陳白沙為第一流學者做誠未

至動不得人惟白沙動得人本集附錄諸友贈白沙詩華亭郁雲云乾坤一偉人姑蘇

沈鍾云培嶁之中見泰山建

安周源云人物明時第一人

附錄洪垣甘泉墓志會陽明講學於金臺陽明嘆曰吾求

友三十年未見此人按先生左頰有七黑子甘泉兩耳旁各有黑子左七右六此皆師弟

之相同者

金臺紀聞卷友人王瑄字瑩中江浦人與定山莊孔暘同

里嘗往來定山之門為余談白沙陳公甫來訪定山定山

拏舟送之有淮陽按賓退錄作維揚士人素滑稽是日極肆談盡

衽席褻昵事人不堪聞故以是為二老病定山怒不能忍

幾至厲聲色迨明日餘恨猶未已白沙則當其談時若不

聞及其既去若不識其人定山大服之按此條與粵東名臣錄引儼山外集

及趙善政賓退錄皆同金臺紀聞儼山外集皆陸深所著紀聞源本尤有根據故特錄之陸深宏治十八年進士趙

善政萬歷十六年為廣東按察賓退錄蓋稗販於陸者又按此可與大程目中有效心中無波事分先儒雅量等

差

附錄本集與賀黃門書接人不可揀擇殊甚賢愚善惡一切要

包他到得物我兩忘渾然天地氣象方是成就處 又

贈劉蕭二生詩 若無天地量爭得聖胚胎

學行

本集

與羅應魁書

伊川每見人靜坐便嘆其善學此一靜字自

濂溪主靜發源後來程門諸公遞相傳授至於豫章延平

二先生尤專提此教人學者亦以此得力晦菴恐人差入

禪去故少說靜只說敬如伊川晚年之訓此是防微慮遠

之道然在學者須自量度何如若不至為禪所誘仍多靜

方有入處若平生忙者此尤為對症藥也

按先生和龜山詩曰吾道有宗

主千秋朱紫陽說敬不離口示我入德方可與此書互相發明

項喬遷之

白沙集序

觀先生全集先生心術之光大具見矣然

有疑其近禪者喬嘗與三洲李先生論之三洲曰禪儒之

辨惟達天德者能知之否則徒窺言也阮通志項喬永嘉人嘉靖三十年任

左參政

白沙語錄卷下莊定山謂汪文光曰吾聞南海之山名玉臺

者有巨人焉靜而無欲深知所謂潛之道子能不勤萬里

而往問焉當必有說又沈度送馬立夫游嶺南曰陳氏倡

學而游從數千指聲光殷殷摩霄漢天豈虛生此人耶

今士氣凋喪浮華是習名是實非言從行戾意者天其復

彝倫之序假此人以興孔孟之道否而泰邪而正其數亦

當斯時乎

松窗寤言

卷賀醫問

欽篤信淵雅確乎不移亦管幼安之

流教人惟主小學達序矣陳白沙謂其無所見勸讀佛書

豈名教之外猶有別傳乎

按本集與賀黃門書凡十首有云歸去遼陽可取大學西銘求

古人為學次第云云無勸讀佛書之語且考全集亦無勸人讀佛書之文崔文敏此言蓋風聞之正嘉間已忌謗者之

云

半舫齋偶輯

卷四

宋景濂陳白沙錢牧齋古文全引禪說幾

於儒墨不分

按先生之學人疑其涉於禪者固有之矣今白沙集具在曷嘗全引禪說耶若夫仙佛僧

道金丹蒲團先生常借用之此是詩文家比興寓言如漩渦佛不能救落水羅漢老夫衣鉢云云此類尚多若附會

少

目

為禪則古今詞人無人不學仙入禪矣本集答陳秉常

詢儒佛異同詩青天白日日照無垠我影分明傍我身自古

真儒皆闕佛而今怪鬼亦依人蟻蜂自識君臣義豺虎猶

聞父子親賢輩直須窮到底乾坤回首欲傷神按此詩

意其傷心痛絕於禪也至矣崔公夏君蓋未稽全集耳

明史橐儒林傳序學術之分則自陳獻章始至王守仁而別立

宗旨顯與朱氏柄鑿宗獻章者江門之學孤行獨詣教未

宏而弊亦少按江門諸徒誠不及姚江之盛至姚江末流

四庫提要下學堂劄記云蕭企昭至詈陽明為賊何小人無忌憚一至於此

欽定四庫提要卷九十四雷鉉字貫一是編以朱子為宗

然能不爭門戶如云古人心最平孟子謂夷惠隘與不恭

君子不由而又謂其百世之師是也後世如子靜陽明白
沙論學術者必辨之謂其非孔孟程朱之正派也然其砥
節礪行以之鍼砭卑鄙夫不亦百世之師耶其持論持平
較諸講學家爲篤實

文竽彙氏

卷八

白沙曰胡居仁執守甚堅灑落不如莊孔暘

林緝熙氣質甚平果決不如沈真卿惟灑落有壁立萬仞
之志惟果決有真金百鍊之剛擔當斯道惟孔暘真卿

沈按

潛高明各隨所稟惟各有所獨得然過猶不及故曰
剛克柔克因病下藥不可偏勝此評猶是一偏之論

明儒學案

卷二

胡敬齋先生居仁

其言靜中之端倪尤爲學者津梁

斯言也卽白沙所謂靜中養出端倪日用應酬隨其意之所欲宜其同門冥契而先生必欲議白沙爲禪蓋先生近於狷白沙近於狂不必以此而疑彼也

卷五
白沙學案

白有明之學至白沙始入精微其喫緊工夫全在

涵養喜怒未發而非空萬感交集而不動至陽明而後大兩先生之學最爲近不知陽明後來從不說起其故何也薛中離陽明之高弟子也於正德十四年上疏請白沙從祀孔廟是必有以知師門之學問矣羅一峯曰白沙觀天人之微究聖賢之蘊充道以富崇德以貴天下之物可愛

可求漠然無動於其中信斯言也故出其門者多清苦自
立不以富貴爲意其高風之所激遠矣

卷八 呂涇野語錄

黃惟因問白沙在山中十年作何事先生曰用

功不必山林城市也做得昔終南僧用功三十年儘禪定
也有僧曰汝習靜久矣同去長安柳街一行及到見妖麗
之物遂心動一旦廢三十年工夫可見要於繁華波蕩中
學故於動用功佛家謂之消磨吾儒謂之克治

卷十二 王龍谿寬川別語

問白沙與師門

按陽明龍谿之師下同

同異曰白沙

是百原山中流傳亦是孔門別派得其環中以應無窮之

景象也緣世人精神撒撥向外馳求欲返其性情而無從入只得靜中一段行持窺見本來面目以為安身立命根基所謂權法也

與顏冲宇書

我朝禮樂開端是白沙至先師

而大明

卷二十一 王塘南瑞華翹語

王塘

陽明之學悟性以御氣者也白沙之學養

氣以契性者也此二先生所從入之辨

卷二十二

泉長胡

廬山直寄唐仁卿書 夫陽明不語及白沙猶白沙不語及

薛敬軒此在二先生自知之而吾輩未臻其地未可代為之說又代為之爭勝負則鑿矣歷觀其評中似為白沙立

赤幟恐亦非白沙之心也古人之學皆求以復性非欲以
虛見立言相雄長故必從磨鍊身心由壯逮老用多少功
力實有諸已然後敢自信以號於人是之謂言行相顧而
道可明若周子則從無欲以入明道則從識仁以入既成

有得而後出之白沙先生一坐碧玉樓

按當作春陽臺

十二年久

之有得始主張致虛立本之學一毫不徇於聞見彼豈謾

而云哉

按羅念菴洪先與吳疎山書曰白沙致虛之說乃千古獨見又按唐伯元字仁卿潮州澄海人詳

明史儒

林傳

卷二十六

襄文唐

荆川順之答呂沃州白沙靜中養出端倪此語須活看蓋

白沙集考

世人病痛多緣隨波逐浪迷失真源故發此耳若識得無

欲為靜則真源波浪本來無二正不必厭此而求彼也按沃

州名光洵甘泉門人甘泉集有玩交軒記為沃州作也

卷四十二 文選唐曙江門別傳蓋出濂溪堯夫之派然

無媿於誠者也與其明不足也寧誠按郭棐有夢菊集詳後議祀

卷五十八 端文顧涇問本朝之學惟白沙陽明為透悟

陽明不及見白沙而與其高弟張東所湛甘泉相往復白

沙靜中養出端倪陽明見夷處困悟出良知良知似即端

倪何以他日又闕其勿忘勿助曰陽明曰空千古直是不

數白沙故生平並無一語及之至勿忘勿助之闢乃平地
生波白沙曷嘗去卻有事只言勿忘勿助非惟白沙從來
亦無此駭語也

卷五十八

忠憲

高攀龍論辛復元說者謂康齋不及白沙透悟蓋白沙於

性地上窮研極究以臻一旦豁然康齋只是行誼潔修心
境靜樂如享現成家當者然其日漸月摩私欲淨盡原與
豁然者一般按復元名全此因論復元而并及
康齋白沙也 以上俱明儒學案

甘泉文集

卷二十
二語錄

陶魯由新會丞討賊馮撫兩廣聲稱隆

重或質以所能先生曰白沙先生稱其治民如治兵因應

隨機初無定體其治兵也如文士作文奇生筆端無事蹈

襲故能使人畏之卒以取勝按此語見白沙本集書思德亭碑此猶非其

至者其至者乃得之白沙先生言忠信行篤敬蠻貊可行

一語而佩服之按見本集輔城記遂為人所敬慕如此蓋事功可

以才辨而得人必有所本也

廣府志儒林郭元字宗確新會人得蔡虛齋易學之傳嘗曰

學貴守分白沙先生嚴干謁之戒此第一義也從遊甚眾

家無恆產澹如也

震澤長語卷近世有厭朱學之繁樂象山之簡者始於吳

與弼繼以陳公甫公甫每謂今世不當復有著述以文字太多故也至有再燔一番之語其亦有激也

維閩源流錄卷白沙雖尙靜悟喜簡佚而極守規矩厲廉

隅以躬行心得爲務從未敢輕肆一言詆賢侮聖其爲教

能使一時學者倣屣功名富貴以自致於君親之間可狂

可狷必不屑爲鄉愿清風高節何可及也按此錄乃邑荷塘李廣文有芳

錄以寄榕者故忘誌卷數

性理會通卷三十 王或問白沙教人靜中養出端倪何

如先生曰端卽善端之端倪卽天倪之倪人人所自有然

非靜養則不可見宇定泰而天光發此端卽所謂有欄柄
方可循守不然未免茫無所歸

詩人徵畧

青門集

道學之有異同自朱陸始也異同積而爲

門戶自姚江始也夫聖人之道大故曲成而不遺如愚之
同多言之賜師之過商之不及皆得與聞孔子之道後世
諸儒惟不得孔子以爲依歸故紛紛至是耳假令吳康齋
陳白沙王陽明與薛文清胡敬齋諸先生竝游孔門必皆
爲孔子之所許夫諸先生學聖人者也其流雖分其源則
一彼學有非耶吾擇其是而已彼學果非耶吾守吾是而

已奚爭爲

受官

廣東新語

卷九

白沙先生受官而康齋不受一以處士一以
監生也先生每題碑碣必書翰林院簡討官銜蓋不敢忘
君之賜其不出而就職非爲高也以終養也

誣語

甘泉文集

卷七

書

昔先師石翁聞康齋公之弟謗康齋

面斥曰吾二人數千里聞先生高風來從學爾在家庭之
內乃如此以手揮之曰爾再不必說何等英氣同行何潛

在傍默默後竟以放浪縱酒而廢

按此當即先生從學臨川時事又白沙本集

何潛有二一南海人一
新會人未知孰是

又吾在庶吉士時

按當在正德元年

聞梁厚

齋公

按厚齋梁文康公儲初號

道鄉人謗石齋之言

云云

吾怒之述陳遠

峯畫士京師時有鄉人謗石翁者將其人打踢落樓公默

然

按陳遠峯當即新會陳瑞此事與粵大記所載小異詳門人考

野獲編

卷十四

陳白沙在先朝與薛文清同議從祀忽有謗

大瑞李芳廣東人與陳同鄉為之奧主議遂止陳在成化

被召時為邱文莊肆謗亦同鄉也至甲申之得祀言者又

云司禮掌印首璫張宏故產粵中私其里中先達特下俞

旨並祀此祖子產立公孫洩故智也蓋陳死生皆以桑梓

受累

明史宦官傳李芳穆宗朝太監帝初立芳以持正見信任是時諸閹滕祥者導帝為長夜飲芳切諫帝怒

杖八十下獄充南京淨軍

明儒學案

卷五白沙條

尹直瑣綴錄謂先生初至京師潛作十

詩頌太監梁芳芳言於上乃得受職

明史宦官梁芳傳芳憲宗朝內侍貪黷諛

佞勸帝廢太子會泰山震帝懼乃止孝宗立下獄廢死

及請歸出城輒乘轎張蓋列

槩開道無復故態邱文莊採入憲廟實錄謂可謂遺穢青

史薛方山

應旂

憲章錄則謂採入實錄者張東白也按東白

問學之書以義理須到融液操存須到灑落為言

按詳見白沙本

集與張
東白書

又令其門人餽遺先生深相敬慕寄書疑其逃禪

則有之以為有之事闌入史編理之所無也文莊深刻喜

進而惡退一見於定山再見於先生與尹直相去不遠矣

按張廷實先生行狀祭酒某先生同省人也素忌先生名及至京邀先生主其家已而先生傲居慶壽寺某後因修述陰令所比誣先生學士見之不平為削去今考學士某即張東白也先生與東白平素最稱石交見於詩文者故多可稽先生卒之前一年東白寄先生書尚有在山遠志之語語見年譜觀學案此辨益有明證若潛頌太監此等事稍知廉恥者弗為況先生乎

池北偶談

卷十

駱兩溪

文盛

南楚雜談云吳康齋陳白沙卓然

一代人物即有所短亦白璧微瑕而尹直瑣綴錄肆其醜

詆所謂醜正惡直小人而無忌憚耳可見公論自在千古

逸事

皇華紀聞

卷三

三水陸之游白沙之門先生一日晨起謂陸

曰子有喜色對曰某家報至昨舉一子先生欣然援筆命
名曰陽和字藹然復命三名曰陽開陽升陽泰以次字之
後之果連舉四子蓋白沙精河洛數學故前知耳

泰泉集

卷五十四

翰林院待詔衡山文公墓誌予出白沙墨蹟

卽嘆訝久之因曰吾初入學夢一老人告曰他日出處與
獻章同己而命下擢公翰林待詔蓋白沙亦以薦爲檢討

適相類也

續太平廣記

卷六

陳德勝

按白沙本集作德雍

自號龍潭老人耕隱不

仕吳康齋雅重之

淵鑿類函

卷一百九十六
吾學編吳與弼傳

白沙嘗

以周易疑義相質與弼曰過清江可叩龍潭老人白沙往

謁適龍潭雨中蓑笠犁田延至其家與之對榻信宿辨析

疑義白沙嘆服而去龍潭語兒輩曰吳康齋非愛我者

按龍

潭以下十三字從續太平廣記補

本集

與陳德雍書

清江之去白沙幾山幾

水一夕恍然與德雍先生葛巾青藜相值於寶林拍手笑

語坐佛燈前促膝嬉戲若平生不知其在夢也德雍老矣

頗能憶寶林昔日之言否乎

按龍潭曰康齋非愛我者此言似龍潭不求知於人悔為

白沙所物色今按白沙本集有與陳德雍書又七絕詩序云得陳德雍書年九十餘矣猶有願學之志據此則非愛我之言與願學之書似相矛盾或廣記誤也

人譜卷上陳白沙嘗舟行遇盜盡劫同舟財物白沙據舟尾

呼曰我有行李在此可取去盜問為誰荅曰我陳白沙也

盜訝曰小人無知驚動君子舟中人即公友也忍取其財

乎悉還而去

按焦竑玉堂叢話云陳公甫自京師還與族弟同至廣東陽江遇盜云云即同此事而記

有小異耳考自京師歸新會不由陽江蓋陽江非縣名乃地名相同耳

嶺海賸

卷全白沙先生傳

先是彭韶數致書邀往不肯通半刺韶

高其行稱爲活孟子一日屏騶輿從一小僕駕扁舟至江

門訪焉會與二三友人小酌因請韶就席韶隨通姓名作

而揖曰原來藩臺老大人命家童添一菜俎共飲竟日按

傳序陳公煒修白鹿書院謂來聘先生在授檢討之後非

也且傳僅六百餘言於先生行事太畧而鄺曰園評日載

白沙事詳悉無遺僅得此傳嘻陋矣彭布政來白沙

本集與行狀不載林君此傳或有所本錄之以俟考

廣東新語卷九

白沙先生嘗戴玉臺巾扶青玉杖插花帽簷

往來山水之間有詩云惟有白頭谿裏影至今猶戴玉臺

巾

按翁山寄王蒲衣詩自注
白沙巾象玉臺山爲之

又云拄地撐天吾亦有一莖

青玉過眉長又云兩鬢馨香齊插了簪蘭花鬪木犀花又

嘗披藤蓑垂釣云風吹不盡寒蓑月影過松梢十丈來其
風流瀟灑油然自得身在萬物之中而心出萬物之外按
生詩云插花帽簷乃寄興寓言又如黃花簪破小烏巾日
盡千瓢舞破蓑之類與前人之菊花須插滿頭歸皆寄興
常例而遽按以為實事是以詞害意失詩家妙趣矣

詩

麓堂詩話卷全陳白沙詩極有聲韻匡山大忠祠云天王舟

楫浮南海大將旌旗撲北風世亂英雄終死國按本集作

皆死節勝於初稿多矣時來胡虜亦成功身為左袵皆劉豫志復中

原有謝公人眾勝天非一日西湖雲掩岳王宮和者皆不

及餘詩亦有風致但所刻淨稿者未之擇耳

按此詩史筆也通體起結

俱臻絕頂先生為都憲朱公作認真子詩序曰詩之工詩之衰也率吾情盎然出之無適不可有意乎人之贊毀則媚人耳目非詩之教也按此言似主持太過蓋為後人徒以詩獵較浮譽者下針砭耳夫三百篇曷嘗不工讀者勿害意

鳳洲筆記

卷十

公甫襟度瀟灑神情充豫發為詩歌毋論

工拙頗似風雲間瘦語如禪家呵罵擊杖非達摩正法

明詩綜

卷二

王元美云公甫詩湛若水取為詩教妄加箋

釋真日中無珠者固知陳氏之忠臣必將鳴鼓湛生之罪

矣

明儒學案

卷四夏東巖集

甘泉注白沙詩曲為回互若商度

隱語多非白沙之意

明詩綜

靜志居詩話

成化間白沙詩與定山齊稱陳莊體然白

沙雖宗擊壤源出柴桑其言曰論詩當論性情論性情先

論風韻無風韻則無詩矣故所作猶未墮惡道非定山比

也其云百鍊不如莊定山蓋謙詞爾

古今詩話

卷下香泉偶贅

詩以春容大雅淡遠入化為工雄奇其

次也陳白沙詩瀟灑自得似康節先生晨起尋梅云朝

煙細雨

按本集作橫野

犢鳴陂倚

集作索

杖山齋睡起時漁

集作田

父

許畱今日醉梅花不欠去年詩衝寒索笑來何處帶病尋

香出每遲彷彿西湖夢中見水邊籬落忽橫枝

隴蜀餘聞卷一予嘗喜陳白沙詩恰到溪窮處山山枳殼花

楊夢山詩常記任家亭子上連翹花發共銜杯

阮通志順德列女指揮僉事程富妻鍾氏成化間適富未期而

富卒鍾年十七葬夫服闋舅姑憐其無子欲令改嫁鍾哭

誓死孀居四十餘年有司題旌陳獻章弔以詩曰風俗當

年壞一絲直到於今腐爛時欲論千古綱常事除是渠家

節婦知自注鍾狂客女又阮志按語云黃志此即順德

程富妻而白沙云佚其夫名或別一人故仍著於

此榕按白沙未嘗自云佚其夫名阮志又以白沙之咏

程節婦疑以為新會人列入新會列女皆誤也榕慮貞魂

不安故別白於此張子撰先生行狀云程節婦鍾氏孀居
二十七年貧甚先生嘉其節表以詩復歲遺以綾布 狂
客詳成化十

九年年譜

廣東新語

卷十

白沙先生詩往往漏洩道機所謂吾無隱

爾蓋知道者見道不見物不知道者見物不見道道之生
生化化其妙皆在於物物外無道龐弼唐云白沙先生詩
心精於是洩矣然江門景春來便多除卻東風花鳥若無
可答者何耶蓋涵之天衷觸之天和鳴之天籟油油然與
天地皆春非有所作而自不容己者矣吾粵人以詩爲詩
自曲江始以道爲詩自白沙始天道不言四時行百物生

焉往而非詩之妙用此白沙詩之教也

楚庭稗珠擇錄

卷二

黃淳謂白沙至都不見邛文莊爲文莊

所沮而引西山驛晚望

按本集原作西南驛西南驛卽今三水縣西南埠改作西山非也

酴醾將開值雨二詩明白沙之不尤人晚望云晚來細雨

濕詩囊獨上郵亭望大荒南望海旁諸郡淺西來天上一

江長漁歌落日還孤艇樹隔啼鶯背短牆料理憑高非一

事尊前誰與共平章值雨云相看無語只沈吟蓓蕾枝頭

已簇金山雨不來昏晝景東君容有妬春心較量花品終

何益茫昧天機亦自深明日陰晴還未定一尊何急對花

斟味其語未必果爲文莊作也惟南歸時途中寄諸鄉友

詩云荔子不將梨鬪美沙螺休與蠚爭衡則不能無芥蒂

耳

按何急何字未妥且與上何字重蓋可字之誤
又按黃公謂此二詩爲文莊作實附會也

列朝詩集

丙集第四
陳檢討

林俊稱其涵養完粹脫落清洒獨超

造物牢籠之外而寄興於風烟水月之間蓋有舞雩陋巷
之風焉余觀先生爲人志節激昂抱負奇偉慨然有堯舜
君民之志而限於資地困於謠詠輪囷結轆發爲歌詩抑
塞磊落之志旁見側出於筆墨之間

附竹潭
錄續考

白沙先生贈人詩云誰將兒女浪干情春雨來

時草又生夢亦是眞眞亦夢石泉槐火對清明按阮

公廣東通志

雜錄

引柳亭詩話云有士人不得志託夢

於靈山神以石城懷果對清明之句示之莫知所謂
越十年成進士得石城令宿縣界見四山燈火燐然
顧問寺僧以清明祭墓對其字額乃懷果也因成詩
曰眼前兒女莫關情春若來時草又生夢亦是眞眞
亦夢石城懷果對清明

榕

按此詩僅易數字詞意皆

同豈靈神改白沙詩以示士人而傳者遂訛爲士人

詩耶

賈公

英維

新會志於黃雲山下引白沙先生游上游黃

雲山詩而刪上游兩字又詩原曰繫艇顧謂新會之

黃雲山下不可繫艇遂改爲繫馬

榕

考白沙集此詩

之上有游黃雲山示民澤又有黃雲左右關詩又送

民澤詩黃雲山人風韻奇自注黃雲乃民澤所居之

洞也蓋增城上游庄有黃雲山民澤讀書於此賈志

乃誤以爲新會之黃雲山而又妄爲刪改蓋以未嘗

細考之故又先生送李世卿序有登大厓山之語若

以爲新會之厓山豈不謬甚夫一鄉一邑之間地名

人名雷同者多矣况鄰壤乎

先生正月二日雨霰

自注是日雨水節又云後二日雨霰

正月五日雨

霰詩曰北風捲長雲晨光坐來滅映空絮忽飛誰謂

越無雪元氣塞天地萬古常周流閩浙今洛陽吾邦

亦魯鄒星臨雪乃應此語非繆悠

此不知何年當以長歷推之

按

詩先集爲霰是霰在雪之先說文稷雪也埤雅閩俗

謂之米雪所謂稷雪者義蓋如此道光十二年十月

榕泝湘江游桂林所見之魚眼雪與米雪無異吾廣

州雨雪自來罕見後於十五年臘月二十二日寅卯

間雨雪約時許老少皆以爲大奇邑城有老人李聖

厚者

年九十七

亦以爲生平所未覩榕故有粵雪考蓋吾

粵人不識雪每呼冰爲雪遂今古相沿作郡邑志者
每以水之凝冰者爲大雪皆誤也夫李之與梅檀之
與梨猶可云相似乃若冰與雪迥然有上下動靜之
別判然易辨顧混而一之何也以先生此詩可爲吾
廣雨雪之證故志之

先生詩如打乖正坐不堯夫

次汝愚韻

可能筋斗打虛空

早飲如此等句幾與太極圖見大先生帽子高同爲風

雅笑端然此亦讀者未善於持擇耳其佳者固多在

五古其餘各體亦多佳構不能一一標錄其一二佳

者畧附入門人考此外絕句僅錄其尤者於此是亦

舉隅之義也感事人間骨肉薄秋雲一事朝來不忍

聞何處青山封宿草欲將衰淚洒孤墳平生交態

如兄弟此日悲歌聞路人欲寄秋風兩行字九原無

雁獨憐君落落花半落流水香鳴鳩互鳴春日長

美人別我在江浦欲來不來空斷腸此當是懷莊

秋日山河一望仲秋前楓葉初黃水半川路上行人不

歸去北風吹爾過殘年木犀未發益蓮空小女來方
剪綵工不信衰榮是天道覓花無處怨西風

招訟者歸

越王城裏塵隨馬刺史衙前吏喝人此日王孫不歸

去舊游芳草可憐春

古耶道中有懷

翠烟浮隴麥初齊社

樹青青獨鳥啼何處相思不相見木棉花下水門西

春寒

清明天氣如初臘雨腳雲頭枉是春階下荼蘼

開自晚不隨紅紫怨東君

梅花

老樹眠江水嚙之茫

茫水月侵花枝暗香捲入滄溟去不是漁翁那得知

沙籠寒月樹籠烟香徹龍溪水底天斜隔竹林窺

未得更尋西路上漁船 南枝照水忽先開漁父灣

頭有釣臺釣罷歸來溪路暝暗香幾度倩風媒 日

日花邊喚酒船梅花開處酒家眠青山一片無人買

誰與先生辨酒錢 先生詩多及梅花元遺山詩所謂乾坤清氣得來難也金竹胡氏詩

注亦云白沙咏 題袁氏 如歸卷 鳥在蒼岑魚在淵水深林

密保生全秋風莫怨茅茨破白首眠看榻頂天 得蕭文明

寄自作 草書至 束茅十丈掃羅浮高榜飛雲海若愁何處約

君同洗硯月殘霜冷鐵橋秋 即事 照眼春光爛不收

江亭一雨欲成秋道人不是閒鷺蝶肯為陰晴一日

愁

謫仙亭

遷客一亭眠海濱當時誰號謫仙人花汀

柳市無疆界盡是乾坤一樣春

得廷實書

洗竹添花張

戶曹忽拋閒散事煎熬東門春水無人釣又長溪頭

幾尺高

此詩當作於宏治三年

贈宗兄汝學使廣西還

匹馬行行西復

東一鞭騰破雪千重寒梅初放一枝白間破江南無

數紅

此比汝學之清也

按陳經綸字汝學邑城產

灣人成化十九年解元成化二十三年進士纂修成化實錄以採訪事奉使廣西詳

偶得示

江雲

欲變三秋色江雨初交十日秋涼夜一蓑搖艇去滿

身明月大江流

訪山家

清泉煮蕨愛山家夜飲山巖

望月斜澗底白雲畱不住半隨紅雨落天涯

文

明儒學案

卷四十六

蔡虛齋先生

清

極重白沙而以新學小生

自處讀其終養疏謂鈔讀之餘揭蓬一視維北有斗其光

爛然可仰不可近也其敬信可謂至矣

按白沙本集附錄莊景贈先生詩云

鳳凰氣象終干仞
北斗光芒共九州

番禺志

卷十五

劉裕文汀沙人少貧愛讀書其妻陳氏最賢

內助事親稱克孝聰敏知書好白沙集子達成方在抱陳口授白沙此日不再得詩并乞終養疏達成耳熟之人以

為是母是子後以子貴

按此疏勝於李令伯沈初明多矣先生詩文亦以此為最陳氏先以

此訓子可謂知所本能見其大者遠者異矣哉其賢也

字

按字之有年月者已入年譜無年月者附此 茅筆附

甘泉文集

卷二十二 跋何於達 鴻進士藏石翁真蹟

此吾師石翁病革時筆

以付水者也失之於水得之於水於明翁傳子子傳何子

也何子其慎之哉齊人失之楚人得之乃失也齊人失之

齊人得之乃不失也況斯文一脈者哉字書模糊目廢精

存神之所為也黃雲山人謂水也梅月雪月則吾豈敢斬

纏而歸葫蘆無藤矣以江門為歸內我也嗚呼非夫子吾

誰與歸敬書於左方以歸于達于達其珍重之哉

跋周氏家

藏先師石翁初年墨蹟後

此吾師石翁初年墨蹟而周生榮未所藏也

時已得晉人筆意而超然不拘拘於形似善學晉者也今

觀其筆勢如天馬行空而步驟不凡及乎晚年造詣自然

曰熙熙穆穆焉則超聖入神而手筆皆喪矣此與勿忘勿

助之間同一天機俱要人人神會耳因書以歸周氏使知

因書入道以得夫自然之學焉不徒役耳目於翰墨之間

而玩物喪志也

按廣東新語白沙善書後段蓋取此跋而沒原書之名故舍彼錄此

跋李味泉

家藏石翁手帖

此數幅皆白沙先生真蹟也其精神猶感人於千

載之下其首一幅與何廷矩所謂頂門鍼也鍼下而不動
是無生理矣何廷矩其天資悍銳人也予昔見之於番山
當其棄去舉業不就文場有脫屣名利之勢白沙先生亦
高之而推之於聖賢之域然而非其器矣一日與林緝熙
同坐函丈緝熙聞言會意翁喜之好向之語廷矩恫焉謂
翁之於緝熙只多我一名舉耳遂怨翁畔去拜游方頭陀
楊曉爲師翁惡其害教語番禺高知縣瑤逐頭陀廷矩益
生怨故其詩有曰我在樂盈禁錮中言逐其邪師也乃作
詩謗翁名曰存羊錄

按番禺志廷矩傳
著存羊錄十卷

謂翁空頭學問言

徒有頭而無四肢譬有體無用也又謂顏曾冉閔不得聖人之傳而得真傳由求耳黃進士若兩云廷矩所謂專求可功求成取必於知謀之末乃敢大言非古賢哲謂周程張朱宋諸生可誅於是處士橫議之風起此廷矩背師之實也誠孝劉都閩大勲者遂與之拜絕交焉旣而又以地理自雒同門謝天錫苦節甘貧人也然惑於廷矩之言止田十畝易銀三十兩與市地地師云非吉還之廷矩不償此廷矩賣友一也使矩也而稍靈受此頂門之鍼豈至流之至此極哉夫背師賣友之人非聖從邪之學不知者與

受人惑者以其小者信其大者冒置鄉賢祠若遇高明君

子處之又不知當何如記曰惟仁人放流之遊之四夷不

與同中國況可污鄉賢之流哉按番禺志學校何廷矩未嘗入祀鄉賢或後人因甘

泉此言故使背師之人不得與師同牢而血食也子久嫉

之因李味泉以所藏石翁手帖示予首讀規何廷矩一帖

感慨於幽明之際不能不為之掩卷太息因書所聞於後

以歸味泉或待觀風者采焉按明儒學案白沙弟子條下自甘泉以下凡十二人廷矩

其一也蓋黎洲未見此跋也

廣東新語卷十白沙晚年用茅筆奇氣千萬丈削峭槎枒

白沙先生

三

自成一家其縛管作擘窠大書尤奇諸石刻皆親視工爲

之故慈元廟浴日亭莊節婦諸碑粵人以爲寶按本集有贈鐫者何

侃及贈何侃如潮州刻三利溪記俱七律送卷十白沙

喜用茅筆所居圭峯其茅多生石上色白而勁以茅心束

縛爲筆作字多樸野之致白沙嘗稱爲茅君又稱茅龍今

新會倣之多用茅筆按石上何能生茅茅處處有之白沙

之遠屈氏每附會妄語往往類此附錄格致鏡原卷二十七任末削荆爲

筆南史陶宏景以荻爲筆帖于闐以木爲筆按以茅爲

沙始與荆木荻儷諸古而爲四矣

鮑琦亭集

卷三十八 跋慈元廟碑

宋楊太后殉匡山之難至明宏治

中而布政劉公大夏始為廟陳先生獻章始為之碑先生

書法最工其所用為江門茅筆嘗稱為茅龍其書慈元碑

尤加意相傳上石時先生親臨視刻工故毫髮無遺憾此按

言本廣昔予謁祠下搨其碑跋以詩曰高曹向孟皆賢后

尚有芳魂殉落暉一洗簽名臣妾辱虞淵雙抱二龍歸竊

自以為工足附陳先生之碑以傳也

南海潘志

金石

陳白沙忍字贊

在平洲堡 無年月

畫訂誤

白少叢考

三五

野獲編

卷二十八

英雄與聖賢俱非肉眼所能盡識前代名臣

能臨池者多矣鮮有以畫名者本朝陳白沙理學名儒其

詩傳世已如宋廣平之梅花賦乃盤礴之妙與宋元手幾

齊驅信乎非常之人其餘技尙可了數子也

南牕閒筆

忘卷數

白沙善畫梅求之者眾白沙戲題座側曰

馬昔人又來人不解問之白沙曰白畫白畫眾為絕倒

冰山錄

第二卷

陳憲章梅圖二軸

按此是知不足齋瑯本原作憲

欽定書畫譜

卷五十六引畫史會編

陳獻章字公甫號石齋廣東人

隱白沙講性命之學徵授簡討善墨梅

書畫緣

卷三

陳錄字憲章工畫梅陳獻章字公甫善墨梅

按愚於道光十年季冬寓

闕里過訪孔廣文

廣文烈

出其尊人松江太守雩谷

傳櫛

卽隨園集所云雩谷親家者也

所藏諸

畫目錄中有陳憲章梅一幀注云宣德癸丑九月寫予

請一觀廣文曰畫藏吾兄滕縣家中榕曰是年白沙先

生方六歲疑贗本也又數日廣文謂榕曰陳憲章號如

隱會稽人畫梅與王牧之齊名非白沙也且出圖繪寶

鑑續編相視良然蓋獻憲二字同音故諸書或多混用

今明詩別裁於先生名獻混作憲亦一證也榕又誤信

野獲編詩書而二人又頗同時故益相混耳且稽諸先生詩文與夫弟子同儔之記載亦未嘗言及先生善畫梅獻憲之誤也審矣廣文號梅壑父子皆工畫梅 又按游潛夢蕉詩話陳獻章書法得之於心隨意點畫自成一家按游君所云點畫乃言書之點畫非讀去聲而畫史彙編引游君詩話遂以為白沙善畫矣

琴

林

聯桂

見星廬稿

十九集

題書農二友居詩

自注書農官南海時得陳白沙琴刻

龍吟二字

號為韻友

曾賓谷

煥

賞雨茅屋詩集

卷十

橫琴圖為鄭萱坪作江門片石

苔土封

自注白沙石琴遺在江門事見行狀曾方伯乃以為真有石琴在江門蓋與

按先生嘗夢撫石琴

誤本於廣東新語石琴今在江門云也斯真癡人說夢矣

號

碧玉老人黃雲老人

玉臺居士紫水歸人

江門丈人南海病夫

江門漁父

本集

病中

碧玉老人天性直

山斗為羅一峯作

碧玉先生斂衽看

送張進士

玉臺居士玉臺眠

度楚雲臺前橋

江門丈人放腳牢

梧州

江門漁父卻能知

和陳冕

黃雲道人飛兩腳

屈大均寄

王蒲衣

白沙嘗稱紫水歸人

本集

慈元廟碑自署

南海病夫

按張

詩自注延實作白沙祭田記亦署南海病夫毋乃與師號相混

白沙

三

白 沙 碧

表 六 寸


二 寸 直

廣東新語云上銳下豐誤

榕友何孝廉秋梧家匪一
玉與白沙碧玉無異第其
小倍之其表七寸半橫一

玉圖

又六分



寸此少異耳 秋梧又云
 邑孝廉黃舟山亦有此玉
 形狀不殊但色白耳

白少陵考

三

碧玉說

大雲山房續集

武進

暉

敬

子居

右碧玉搨本嘉慶二十年十月辛巳謁陳白沙先生祠登

碧玉樓其裔孫禮所貽也

按禮字聘三庠生

玉以周尺度之厚半

寸表尺二寸首廣三寸二分微羨下射廣四寸剡之去首

二寸強為孔周二寸弱當孔之左右為兩珥橫出五分強

下迤之以放於射玉之質潛確類書稱紺青玉色淡青而

帶黃是也非碧玉碧玉南產倭國

按倭奴國唐改名日本

西產于闐

按五代史四夷錄河源出至于闐分為三東白玉河西綠玉河又西烏玉河皆有玉

皆蒼綠色玉之

澤手近之則津其諸記所稱水玉與謹按周禮玉人大璋

中璋九寸邊璋七寸射四寸厚寸此言璋也黃金勺青金
外朱中此言勺也鼻寸橫四寸有纁此合言璋勺也先鄭
謂鼻爲勺之龍鼻後鄭謂鼻爲勺之龍口若是則駟璋按

禮典瑞注駟讀爲組無勺無龍首經言鼻寸不可通矣古謂紐爲鼻

璋之鼻其以系纁與此玉兩珥各寸如璋之鼻射四寸如
璋厚寸亦如璋當兩珥度之衡亦四寸如璋惟表逾三寸
敬觀淳熙古玉圖尺度多過於古者此玉之表偶異而已
經下文云大璋亦如之諸侯以聘女蓋天子大璋中璋邊
璋皆有勺故以裸諸侯大璋無勺故以聘女此玉蓋古聘

女之大璋也敬前在廣州問碧玉之故有言明憲宗以聘
先生者及至新會考之志乘無其說白沙集碧玉樓諸詩
亦無之先生記夢文在成化三年按夢記在成化六年庚寅此云三年誤已
言臥碧玉樓而憲宗之聘在十九年按召在十八年此云十九誤云聘亦誤
其非聘先生之玉無疑義矣先生詩言玉失而復得其諸
先人之所畱遺與

榕於道光八年曾著聘玉辨矣近從邑城張丈厓山處又
得揮大令碧玉說益明流俗之妄喜大令先得我心也惜
大令考之本集猶未盡
詳今謹附愚辨於後

聘玉辨

白沙村有碧玉樓卽白沙先生舊居也其以碧玉名蓋以
藏碧玉故今邑里之人與夫先生裔孫皆傳爲聘玉不知
勦之者何時名之者何人榕謹按先生本集年月核之定
其必非聘玉者有數端焉乞終養疏云彭韶朱英前後薦
臣吏部移文布政司等衙門促令起程 御撰綱目云彭
韶朱英乞以禮徵聘吏部尙書尹旻謂獻章向聽選京師
非隱士比安用聘檄召至京令就吏部是實召先生而非
聘也明甚況於玉乎其非聘玉者一其次南山賀碧玉樓
成詩云碧玉久亡今復見蓋是玉本先人世寶昔遺而今

得之故以碧玉名樓南山卽光宇也先生光宇行狀云卒以辛卯十月辛卯成化七年也下距應召時尙十二年其非聘玉者二吳川縣城記云是役始於成化戊戌之秋越明年冬始完父老遣生員李凌雲走白沙謁文時江梅始花予登碧玉樓云云是成化十五年已有碧玉樓其非聘玉者三有此一端已非聘玉況復三耶或云煌煌天賜先生居嘗詩文甚衆豈無一字及之以彰君賜此猶膚論耳屈氏廣語亦以爲聘玉蓋未嘗以本集核之故皆耳食沿誤袁太史枚且以爲宣德聘玉則更奇聞袁尙如此又安問

悠悠流俗哉或曰其子孫相傳庸虛耶愚曰子舍本集年
月之足憑而摭拾不根此非愚之所敢知也夫爲人子孫
誰不欲尊榮其宗祖夸耀夫千秋嘻聘與不聘於先生夫
奚損益哉且以無端妄語誣我先賢於先生在天之靈又
奚安焉又集未附錄康熙丁亥雲間張恆詩有云文孫攜
玉邀我觀質潤體潔一圭桓更有綠溶頌大內雙龍交舞
雲靈隸禮賢徵聘荷殊恩豈容冒攘爲匿賴固知神物不
易藏何時完璧歸祠堂君不見延津雙劍終復合萬事如
棋嘆滄桑按詩云圭桓形卽見所藏者是也又有頌大內

雙劍之語似言此碧玉外尙有君賜者爲人攘匿無根之
言支離附會蓋張君雖嘗謁白沙祠實未深究白沙集故
有此繆語誑惑後世不稽者旣疥之石又贅之集未而不
知碧玉老人其齒冷於冥冥也亦已久矣

附按聘與
考徵古人

語或相連而事實迥別如史記儒林傳天子使東帛加
璧迎申公漢書公孫宏等傳贊以蒲輪迎枚生明史吳
與弼傳帝命加東帛遣行人曹隆特行徵聘此聘也漢
書武帝紀舉獨行君子徵召行在此徵也故先生味月
亭記云子被徵過郡瑞鵲序云子薦徵入京皆云
徵不云聘也諸書有作聘先生者皆未細考也

六湖讀書臺辨

白沙先生聘玉之說固已誣妄而猶不止此愚嘗考邑中

前輩多有先生六湖釣臺玉壺讀書臺諸詩而賈王二志

亦不一稽先生集顧漫載之而不知此亦俗傳之浪詞於

本集茫無可據蓋嘗稽諸本集先生有雲潭記一名龍潭先生名曰

聖池其言曰里生周鎬偕其季京謁予白沙子與二子攜酒

飲於西山之麓班荆而坐有雲起綠護屏云云西山者不知

所在意者白沙村西之山與所云麓者其非在於雲潭也

明甚榕嘗遊雲潭凡四矣一由圭峯循雲峯西上復東北

行其路夷矣然所經路有俗名牽綫過脈者路雖正平然

左瞰危峯右窺絕壑徑二尺有咫若是者八七百武稍弗

競悚飛性命於鴻毛一由圭峯南麓而東平行六七里復西北趨之折溪谷間此爲雲潭下流俗名大林洞賈志云洞有鐵佛寺上林寺等古蹟此其左右也又西北上峭徑削屑艱我危趾挫我胸爪喘息汗渙僅乃克達若是者二百許步噫造物若固厄此以危俗客也者白沙之往龍潭也凡七八里必由大林洞路路若邇也顧實巖險雖至尊貴者萬無肩輿理愚聞孝子不登高不臨深寧先生當太夫人在堂又一生多病乃弗顧孱軀判性命入險出險肆業於深山穹谷釣游於水石清冷之淵以爲太夫人憂其

誰信之夫稽之詩文無一字揆之情理無一可準之以事
勢無一合其爲流俗之浪傳也又奚疑乎愚又嘗歷沂潭
之上流乃諸泉自萬山中來委婉平流溪澗間而已求所
謂湖者蓋亦無之蓋六湖玉壺者皆綠護之同音轉聲若
太和巷之轉爲鷄鵝衙耳如彼泉流明明可據者猶且虛
飾若此矧古蹟之莫可憑者乎且古人事蹟必有根據乃
可以信今而傳後故榕於先生俗傳故址非準諸情理根
據詩文不敢妄乙雌黃以汙丹素僞飾前賢古蹟以欺罔
乎後之人

江門釣臺考

白沙先生遺事故蹟世俗不覩本集浪傳臆說如聘玉讀書臺之類亦頗多矣榕已辨之殆無疑義至今愚意介介者尙有釣臺耳蓋以先生素有釣臺詩故也某生鄉里下愚生於先生三百餘年之後若直辨之曰無是舍先生明明之詩而流俗益得嚶嚶焉曰異哉阮氏之好爲辨說也按先生江門釣臺與民澤收管詩云莫道金針不傳與江門風月釣臺深又江門釣臺詩云何處江邊著釣臺梅花詩云漁父灣頭有釣臺曰漁父曰釣臺此皆寓詞故洪君

甘泉墓志云先生曰江門釣臺亦病夫之衣鉢也茲以付
民澤此皆釣臺之所由名也愚以爲釣臺者乃釣磯釣瀨
依於江干可坐可飲者凡爲石者均可名之非必瓦木所
築者非眞當先生時湛子曾築臺也况築春陽楚雲二臺
建碧玉嘉會兩樓營尋樂齋小廬書屋圖新書舍皆見於
詩文及張子行狀亦多有年月可考胡爲釣臺獨無之考
兩村舊譜云宏治五年湛若水從游築釣臺江門從學十
三年此大誤也按甘泉從學在宏治七年二月從游僅六
年有洪氏墓志可稽焉可誣也

互詳年譜考稊坡漁隱序云梁

彥明隱天臺山陽時操竹竿坐釣臺榕訪及臺址梁茂才
南先曰此石臺耳因指視之榕乃始恍然悟曰信夫信夫
先生之釣臺亦此類夫居嘗稽邑令王公樾修復釣臺記
曰余訪白沙子遺蹤知江門故有釣臺淪於荒煙蝕岸間
久矣其裔孫輩規復故蹟可謂肯堂肯構云云是當乾隆五
年以前尙未有臺故云淪於荒煙蝕岸不云瓦桷已頽也
嗟夫坡公有言後生小子束書不觀游談無根呂君伊曰
鄙俚不經貽笑大方噫伏讀諸訓使我忸忸焉閣觚而旁
皇怫怫焉顏赧而儀張謹掎此以諗究古之君子蘄勦之

顧何如也

按朱子文集卷八十四載趙兩峯題嚴公釣臺云宋寔富春山空留千丈危石高出暮雲端此

亦石釣臺
之一證

都會故居

本集

經故居詩

到溪田作圃環堵樹為門老憶先廬在貧知草

座溫三遷時已後二紀恨空存舊事無人話斜陽滿故園

經黃道娘墳誦元人黃子長圓明庄壁詩懷舊游因次其韻

吾廬直北到山隈贏得

兒童竹馬來

齋大父忌作舊居在道娘墳東

道娘墳西近官路朝朝暮

暮行人多世事百年渾不省滿堂賓客竹枝歌

經都會故居

臘月四日促歸裝舴艋衝寒到石塘忽見溪邊舊環堵恨

隨流水繞村長

按都會在白沙西四里許先生於此乃鍾靈故地宜先生每過之時躊躇躑躅不能忘情也考先生自都會遷白沙不知何年先生與黃叔仁父題東溪卷并引云昔予大父渭川府君居此溪上與黃氏故鄰也去之六十年矣閱此卷有感而作按先生卒年七十三著此引作於七十歲則遷白沙之年方十歲若作於七十二三時是年方十二三耳今以此引考之大底多遷在十歲以前也先生年方二十二渭川公方卒是徙白沙者乃渭川

公也行狀云祖居都會至先生始徙白沙誤也或曰祖者高會之通詞也然椿考白沙家譜高會原居外海非都會也 又按移居詩云長揖都會里來趨白沙役乃和陶十二首之二也和陶有庚子九月穫稻詩庚子成化十六年也是時先生年已五十三矣則此詩乃追感移居而和陶必非作於徙白沙之年也明矣

附錄予邑

人傳都會村一里三賢或曰三賢者稊坡白沙黃道娘也或曰象山稊坡白沙也予曰尚有樂芸翁是四賢矣今考道娘墓碑生於宋皇祐元年八月初一日卒於紹興元

年

五月十三日
年八十三

九年葬於故宅之右

云

按此則道娘本

都會人故墓碑云葬故宅之右又先生題叔仁東溪卷

有故鄰之語又先生引元黃

子長

詩子長當亦都會人益

知都會原有黃姓今江門水南村丹井里居人多黃姓

或道娘族人自都會徙居均未可知俗傳丹井是道娘

煉丹處疑誤傳也又聞都會人云象山先生亦都會人

故今道娘墓之山號張山賈志云圓明庄在道娘墓東

紹興九年僧慈載創祀黃道娘其內曰聚寶菴其田嘉

靖十二年知縣張文鳳撥祀白沙

云

子疑庄山以圓明

庄得名蓋庄張音相近也今都會無他姓惟黎族而已
榕嘗儼囑黎君紹南築塵外亭於山麓以存名賢故蹟
亦一邑勝概也道娘墓側多梅林冬月行人過此古香
盈路是築亭於斯也於理趣尤宜 又按稊坡先生之
卒不知何年黎氏族譜亦不載考稊坡集最後作寫真
圖記云乙未孟秋之望乙未永樂十三年也是永樂乙
未稊坡尙存大底稊坡卒僅十年前後而白沙先生生
英賢之接芳躅於存沒比鄰之內俯仰上下數十百年
論世之君子於是有遐思焉

欲往衡山 夢游羅浮 嘗游西樵 圭峯 江門
墟

先生晚年欲終老衡山故服闋後常常念之見於詩文者
多矣新會賈志以欲住衡山爲寓言蓋未之考耳

先生未嘗到羅浮但有臥游夢游約游詩耳蓋先生一世
母子相倚爲命母非先生侍側食不甘寢不安且一生多
病多汗故自五十五六以後見朱公於蒼梧承帝召於京
師自此之外未嘗輕離膝下也迨至六十八歲時太夫人
方卒是時嘗欲住衡山捐除晉接調理孱軀且避讒謗而

老病侵尋應酬益多自此易寒暑而先生卒矣

與陳德雍書云年來

益為虛名所苦應接既多殊妨行樂耳平生只有四百三十二峯念念欲往云云

是以衡山羅浮

常常有志焉而終未逮也故甘泉晚年築書院於衡山承

夙願也 釋一靈羅母黃太君壽序白沙一飲一食不敢

違其孀母即其心之所慕近若羅浮西樵遠如匡廬衡岳

未嘗一至

按先生輓番禺李德孚七律自注云西樵南海山名曩與伍光宇同游後有西樵感舊詩即謂

此也是則曾遊西樵也一靈偶未及考耳

廣東新語

卷三

圭峯在新會地北二里許秀拔玉立其頂四

方名玉臺上有兩瀑布從肘腋間飛出下注百仞白沙詩

弄罷飛泉下玉臺謂此莊定山云吾聞南海之山名玉臺者有巨人靜而無欲深知所謂潛之道者沈石田因作玉

臺圖以寄白沙山上

按本集七絕序云沈石田作玉臺圖題詩其上見寄次韻以復按榕家

藏石田詩集缺題圭峯圖又按圭峯其絕頂處有窪約廣二丈此云其頂四方非也圭峯瀑布自山腋深林中委折而下至山麓石厓懸溜紐匯處下注石池高約二三丈許此云百仞太誕矣大底地理之屬不經親歷大半附會夸張奚獨於圭峯之瀑布

先生江門墟詩云十步一茅椽非村非市塵行人思店飯

過鳥避墟煙日漾紅雲島魚翻黃葉川誰為問津者暮上

趁墟船此詩以本集編次考之大約終於成化十五年前

後觀此則當是時江門之草莽荒落可想今則舶帆麋至
闐闐鱗比迥異疇昔矣

講業諸處

先生生平既負重望於天下當道王公貴人猶想望風采
虛左式廬况井里之人乎先生當日承朋儕撰杖於各鄉
偶爾相從學問淹畱旬日事固有之或云嘗設教河塘者
原屬附會蓋其時諸容昆仲皆從先生游故今容家祠多
先生堂聯爲此也或卽指此爲設教之證則刻舟求劍矣
今古井鄉有學堂嶺鄉人云亦先生曾游地故址猶存

潭溪村後叢林下有望遠樓故址鄉老云樓額白沙設教
時所書榕嘗循山麓埽葉以墨搗之乃隆慶三年無名氏
書俗傳之妄不足信多類此是皆六湖讀書臺之類也

諸友考

按先生諸友之有年可考者已入年譜其無者本集之外見各書者附錄於此

龍瑄

婁

諒

俱江西

方太古

江浙

曹

璘

湖北

劉大夏

湖南

陳真晟

顧叔龍

俱福建

鄒處士

四川

陶魯

廣西

陳晟

梁

經

鄺

宏

鄺

文

俱南海

張

瓚

番禺

康

麟

羅子房

唐

璧

吳瑞卿俱德順方俊周郁俱東莞雲谷廣府

梁伯鴻高要何述開平梁繼灝謝胖

馬廣生容慎容恪俱新會

氏姓譜卷六龍瑄字克溫宜春人家世襲父職遂居南京邀

遊四方與邛仲深羅彝正陳公甫為布衣交重然諾尚風

義朋游有急揮金如土苴江湖間聲稱藉甚曰過金陵不

識龍克溫猶徒行也著作甚富寓荆南築室海子山有鴻

泥集在金陵有燕居集自號半閒東江顧清有半閒居士

傳子寬宏治癸丑進士按克溫與先生交當在成化五年六月時羅彝正適官南京

稗史彙編

卷一百又九國琛集

教諭婁諒上饒人企談道德不屑功

利其為學略傳注而事心融尤嚴出處取與之際乃求切

磋陳白沙莊定山賀醫閻羅一峯胡敬齋陳泉南

按即剩夫家本

泉州張東白書傳面訂日裨益以成深造

廣輿記

卷十

方太古字元素蘭谿人少受業章楓山復走南

海謁陳公甫與沈啓南文徵仲孫太初結詩社號一壺先

生 太函副墨

卷十二方太古傳

母夢一兒乘雲起金華山及舉

太古與夢符能預知人姓名遞呼不爽始壯周遊四方東

出吳會南盡番禺所嚴事者南海陳太史

按即白沙先生

於越王

文成公

附錄 楊園集

近古錄

王文成

守仁

養疴陽明洞與布衣許璋朝

夕取其資益璋上虞人醇質苦行潛心性命之學其於

世味泊如也嘗走南海訪陳白沙先生其友王司輿

按名

文輟陽明之友

以詩送之曰去歲逢黃石今年訪白沙

補明儒學案

許半圭傳

至楚見白沙門人李承箕畱大厓山者三時質疑

問難先生亦不至嶺南而返

按學案許半圭先生傳於訪白沙之下原有至楚至

而返一段是半圭未嘗至白沙楊園於訪白沙之下刪去見李大厓一段是以半圭曾見白沙矣此實誤也蓋

半圭於先生是神交非面交也故補學案一段以訂其誤謹從雲谷剝夫之例附此以備考證

白少陵考

臣

明史稿曹璘傳

璘字廷璋襄陽人成化十四年進士授御史

孝宗卽位疏請王恕爲內閣置陳獻章張元正林俊於左右已出按廣東訪獻章於新會服其言論遂引疾歸居山中讀書三十年不入城市

阮通志獻徵錄

劉大夏傳

陳獻章以道學名一世少許可獨與大

夏善稱之曰劉公愛民如子守身如女毋論於今人中卽古人亦未易得也常乘小艇訪獻章問其學曰予存心之功九致知之功十一

本集

與陳剽夫書

穹壤百年極欠一會某自春來得厥疾一臥

至今武夷之遊遂成虛語比奉手教引領南閩神爽飛去

與胡提學書

陳剩夫不幸死矣其人雖未面然粗聞其學專

教人靜坐此尋向上人也

謹按

大清一統志陳真晟字剩夫漳州府鎮海人四庫

提要剩夫集剩夫家泉州以父隸鎮海衛戍籍遂為漳州人榕考野獲編天順二年常州布衣陳真晟獻程朱不報云云是常字乃譌文也

本集

祭顧勉菴別駕文

於乎昔倅我邦公才獨優往貳端陽實惠

一州通達萬變可期一面止於郡僚督府之薦又云晚節

不虧浩然賦歸進退可觀吾寧不悲

按阮通志職官顧叔龍莆田人宏治元年

任廣州通判凡三年肇慶志職官顧叔龍肇慶同知署德慶州詳宦績及檢宦績無顧傳考張子撰先生行狀云顧

白沙叢考

昌

其為同知知德慶州事遭不測先生毅然力任其事日朋
友之責也聞其子至乃已某即叔龍也考顧為肇慶同知
署德慶時當在宏治四年以後至宏治九年先生與李白
洲書未有顧別駕送契來之語又與張太守克修書轉達
顧勉菴世卿囑筆云云是勉菴之卒在宏治九年以後無
疑矣今通志府志俱缺其傳故附志之幸後之為志傳者
有考云

明史鄒智傳 智謫石城吏目其父來視怒其不以祿養箠之

智泣受責按先生贈鄒處士還合州二絕有云莫灑東風臨別淚春光又滿老萊衣即智之父也

世烈錄卷三劉大夏撰布政使司陶公魯行狀 白沙陳先生倡道東南四方

士多往從焉公為料理開荒鹹田數百畝以為待士之需

參阮通志南海 陳晟字美宣黃竹岐堡人少孤貧番禺鍾

定育爲子天順六年解元成化二年進士既貴復姓終臨

安知府民夷感泣爭護其喪歸妻黃氏鍾之按番禺志作鍾族義

女也登第時尙未娶富室欲妻之不可比黃氏卒作詩哀

之云怪殺天桃勝人世落花猶得再逢春聞者墮淚陳獻

章甚重其爲人稱爲詩人之冠按本集有臨安太守鍾美宣將赴任過白沙言別出

示莊定山所贈本集輓鍾太守美宣二絕之一詩人自古例多貧恨

殺滇南金帶新公與定山貧到老已有陳黃一輩人按此詩則

美宣之廉可知矣民夷感泣有以也

佛山志卷九文苑梁經字用常生而敏異天順壬午鄉薦常與

陳白沙論主敬之學往來辨難白沙亟為首肯總督韓襄

毅征徭寇咨經以兵略寇平全郡丞黎暹修順德志未仕卒

阮通志漳州志 鄺文字載道南海人父宏善詩與陳獻章賡

和淡於勢利二子入官其貧如舊獻章以三代遺老稱之

文成化二年進士歷監察御史按本集有扶南訪黃巖尹鄺載道適來白沙不相值

五古又贈鄺載道之淮陽別駕前御史謫黃巖七絕

又按本集次鄺筠巢韻云此老直於三代見諸郎雖在一

官貧諸郎謂宏子文與才也又次筠巢哭子云八旬老

眼為誰枯又云正坐兩州消息好不遺家訓逐貪夫按此

詩疑哭文也蓋文曾奉命盤查通州又官漳州弟才

官嚴州同知皆稱廉明詳阮通志按筠巢宏號也

附又本集有贈別鄺雲卿五絕按開平志藝文鄺文字

錄雲卿潘村人宜春知縣按雲卿與載道同姓名且

同天順三年舉人阮志云開平之鄺文郝云諺作鄺文泮

參阮通志張瓚傳瓚字德潤號兩山番禺人天順丁丑進士

歷官漳州太守漳民立功德碑瓚筆札精絕白沙閱其蕭

陽邛御史書赤壁賦嘆其醇古詩曰醉中亦有臨池興悵

望名家不敢言又曰人謂張兩山傲張非傲者也子詡別

有傳

阮通志粵大記康麟字文瑞順德人按順德志龍江人景泰甲戌進

士授御史按閩中按順德志廣東詩海俱作按關中出為福建僉事以廉介稱發奸如

神廉介無私剛直見忤陳獻章賦介軒詩按廣東詩粹麟與陳獻章羅倫

友善

阮通志羅司勳集羅子房字宗傑按大成化十六年舉於鄉築

臥愚亭奉母母卒執喪盡禮時古岡陳檢討江浦莊行人

大良李孔修皆與友善

主一詩集卷一缺名主一詩序引嶺南志孝子名璧事母孝時公卿欲薦

之以母老辭與白沙先生契合往來倡和有司同其父豫

竝祀鄉賢 和新會陳獻文見贈并序余潦倒林壑碩人

賢士 共棄不意吾子自古岡惠然肯顧賦以珠玉因

依韻奉荅并致意令弟云詩名老去媿方干林下誰能著

眼看庭草生來根自淺梅花開處雪偏寒情懷只合盟鷗鷺
驚文采那知見孔鸞令弟相逢又何日五雲天上路漫漫

又有和陳公甫見贈韻

按主一璧字也順德平步人詳順德志隱逸唐豫傳

五山志林

卷五

邑同知黎暹云大良吳瑞卿韻士也作園鳳

山之麓石齋題之曰采芳園李世卿爲記石齋跋其後示
出處之詳獻臣吳明府作四言三章味二公詩文瑞卿高
尚不仕而二公以事王侯期之蓋非肥遯者比也 本集

題吳瑞卿采芳園記後

天下未有不本於自然而徒以其智收取顯

名於當年精光射來世者也隨時屈伸與道翱翔固吾儒

事也

與張廷實書

舶司昨遣吳瑞卿攜雲窩圖至白沙衡山

之興勃然矣

按此詩作於宏治十年

阮通志

黃志

方俊字彥卿東莞人無書不讀最喜朱程語錄

與名士新會蔣濬友善景泰四年舉於鄉令藤縣廉能有

聲好面刺人過白沙陳獻章皆受規諫稱為三益

阮通志

金志

周郁字尙文號耿菴東莞人漳州訓導培育漳

士林啓等數十人掇科第十有八九歸里與陳白沙唱和

有龍洲集

阮志案語南海另有一周郁景泰丙子舉人

本集

與廷實書

雲谷老人李孔修非吾廷實安知吾郡有二賢

士哉雲谷已老將不可得見則雲谷之所有者吾安能得

其真耶 又周文都如省訪渠一託雲谷老隱竟以疾弗

果此老自世外亦未易謁也 按此書作於成化二十二年夏 秋興寄東所兼呈雲

隱 谷老 山人無外事白首穉兒同弄水溪堂背爭棋紙局中

盆池秋見月竹院夜呼風觸事成唐句狂歌向碧空

按先生識雲谷子長蓋在成化二十一年以後雲谷與子長俱隱羊城先生視雲谷為先輩故與廷實云見雲

谷丈人考廣府各志及阮通志俱供其傳故附之以補郡志之缺云

肇慶志 舊吳府志 梁伯鴻字仲毛高要人歲貢訓導温州解官

徜徉山水陳公甫寄伯鴻詩明朝擬泛羅浮棹且向西風

訪楫師其推重如此有浮山集

按此詩本集缺載本集有與梁二教伯鴻書

肇慶志

卷十八

何述字宗道開平人

按龍塘人原隸新會

與陳獻章友

善天順壬午科鄉薦第二教授柳州分考江西有以重金

求入穀者述斥之獻章過訪顏其堂曰斯文

按本集訪教諭何宗道一

絕樹隱肩輿行款款花催春鳥開關關蘇公渡口雲連水宗道廬前雨滿山按俗傳蘇東坡謫昌化經此故名考坡公謫海南路由梧藤之間不由新會有東坡斜川集可考此先生偶沿俗譌耳榕訂王公新會志嘗辨之

獻章為文祭之

本集奠何教諭文云載鳴教鐸載典文衡即宗道也

開平志祀鄉賢

新會王志

黃通志

梁繼灝字行素號澹齋濬頭人

按濬俗溝頭即今江

門皋頭也

本集

澹齋先生輓詩序

澹齋稊坡先生門人也吾鄉先達

以文行教後進百餘年間秣坡一人而已秣坡與子連里

第子之生也後不及侍其門弱冠與澹齋之子益遊始拜

澹齋誨予以秣坡事縷縷此豈一日忘其師者耶澹齋以

其學教授羅山之下按羅山疑在臬頭未詳何處子弟有所矜式益之

子執饋於我雲也今為梁氏甥戚也按此序語甚分明黃通志乃影撰云澹齋

嘗以書授白沙陳獻章稱之曰吾邑以文行教後進秣坡一人而已云云殊為混贅

謝胖字伯欽號寬軒城西沙隄人同陳獻章往從學於吳

康齋道學源流錄稱胖與白沙同為道統羽翼云新會草志

新會林志卷六馬廣生字元真潮連人陳獻章之友嘗作均

田法以嗣其兄之無嗣者獻章書之曰與不傷惠慮不失
機馬氏不替其世與又曰凡世以嗜利傷友于之情者觀

此可以少愧矣知縣丁積稱馬氏處家有禮讓之風均田

一事可法於後世 本集重約馬默齋春風擬進赤泥舟

會約看山共此遊落蕊忽過三月半先生能復一來不不

堪老我癡猶在且喜嬌兒病已瘳想得渡頭楊柳樹清陰

閒弄釣魚舟按舟字複韻考何本亦同疑鉤字之誤

參容氏家譜卷容慎字允恭號琴月河塘人性穎悟好學

詩文援筆立就重白沙先生之學命其子璘等往受業嘗

謁白沙歸嘆曰學無真傳文未收斂使吾早遇石翁吾其止於是乎自是往來白沙甚密嘗病白沙問以詩曰阿咸

送米小廬岡問訊高眠尙北牕安得如前好筋力與君馱

醉蹇驢雙按此詩本集缺築小山書屋於西良本集京師初歸苔

月未應忘到手新詩喜欲狂記得尤深於醫惟白沙門中

往請輒就本集與琴月先生書病者馮稅與求療病重為

詩曰回首元關掩白雲百年心事欲云云憑誰寄語陳公

甫為寫邛山碣石文卒年七十按琴月墓碣本集恪字

允敬慎之弟涵養淵純孝慈天生昆仲愛敬篤至好讀耽

白沙表考

吳

志泉石築室東良山下羅一峯先生作靜軒說尤慕白沙
之教遣子珪珽璿璣受業既卒白沙爲墓志

本集有處士容君墓志銘

議祀

明史卷二百七薛侃字尙謙揭陽人性至孝正德十二年進士

卽以侍養歸師王守仁於贛州歸語兄俊俊率羣子姪往
學自是王氏學盛行嶺南嘉靖七年起故官時方議文廟
祀典侃請祀陸九淵陳獻章

二百二魏時亮字工甫南昌人嘉靖三十八年進士隆慶
十二元年進戶科給事中十月請以薛瑄陳獻章王守仁從祀

孔廟

曲阜志

卷二十九

嘉靖八年六月行人司司正薛侃陳闕里孔

廟七事一檢討陳獻章博而能約不離人倫日用而見鳶

魚飛躍之趣雖無著述其論學等書已啟賢聖之局伏乞

將獻章賜諡從祀以彰我皇朝之盛

阮通志

西樵游覽記

郭棐字篤周南海人師湛若水穆宗卽位

疏陳薛瑄陳獻章從祀孔庭

欽定四庫提要

卷九十六大儒學粹

魏時亮編大旨謂孔子之道顏

以敏悟濂溪明道象山白沙陽明則顏子之入道可幾焉

明史本傳稱其官給事中時請薛陳王從祀文廟猶是志

也

卷一百七十
九詹養貞集

詹事講

按題名碑亦作事講白沙集作
仕講 又云時臺臣與仕講議

從祀白沙者

字明甫江西樂安人萬厯丁丑進士直隸提

學御史事講從羅洪先游傳姚江之學陳獻章王守仁從

祀實允事講之請故集中以此疏為冠

月鹿堂集卷四

趙端肅公傳 趙錦字元朴江陵沒召為左都御史孔廟

從祀議起公言白沙陽明二先生當祀甚辨疏入議始定

按通鑑輯略最後議定於萬厯十

二年十月大學士申時行一疏

嫡裔

雁山文集

卷四 府君行述

先府君諱槐炳別字植亭嘉慶辛酉補

新會教諭癸亥學使姚秋農先生飭各教官查先儒嫡裔於是新會陳氏認白沙先生嫡裔者日繼至至以千金爲壽書役皆有賂府君佯諾之間至白沙村有四五人耕於隴者府君勞之因與言白沙公故事且曰公嫡派子孫今何如矣則皆嘆息曰微矣祇阿禮一人讀書耳曰阿禮何如曰貧甚歲以蒙館活耳府君曰聞學使訪先儒嫡裔阿禮胡不陳於學官秀才可得也皆曰固聞之然知無益故不如其已也聞某某者以千金啖學官則旣許之矣府君

笑而去他日召書役飲之酒曰我頗聞白沙公有嫡裔名
禮者果何如矣皆應曰誠然然貧甚歲以蒙館活耳詰旦
陰使召陳禮至年三十許試以文頗有條理命以譜牒呈
果不謬乃以陳禮名復於學使而某某者既失望則牽率
十餘人竝譌爲譜牒呈學使爭辨之學使批其狀曰本院
查訪先儒嫡裔以誌景仰豈白沙子孫遂可邀幸耶案既
發陳禮游於庠

白沙子全集 碧玉樓本 考誤

卷首 張詡像贊 鏡中鼻峴其難也 按七旁从見字書缺

卷一 第一翻 乞終養疏 臣字不當旁書

第十二 送張廷實序 張詡廷實 廷實之下頁當有廷實二字 詳宏治二

年 年 譜

卷二 第十 跋崔公詞 萬里 至家山 此條已見卷八宜刪 蓋古人本無此例

卷三 第三 丁知縣行狀 成化丙戌七月 按丙戌乃成化二年戌字乃午字之誤也

第六 與劉東山書 四十日 按四字疑五字之誤 詳宏治十年年譜

第九 與陶方伯 按陶方伯即三廣公此書與本卷復陶廉憲俱當移本卷七十七翻下蓋同是

白沙子

三

也一人

第二 與黃大參 移本卷六十八翻與黃太守之下

第三 與林時表 按此書自緝熙以下是與緝熙書當入與林郡博書內

第五 與廷實 毋太澤 按澤是擇之誤 誌稱東海 按誌字下當補

稱字

第六 與湛民澤 之山 上誤作山

第六 與袁進士 伏馬 伏乃仗之誤

第七 與汪提舉 按何家本舉字下有宏治戊午月九日作八字

第八 與賀黃門 移上本卷第十二翻與賀黃門

第八 與羅應魁 移本卷三十五翻

卷四 第十 與林郡博

課訪 按以與寶安諸友書考之當是科試二字之誤

第三 與林時表 按自緝熙以下別是一書當移本卷第九翻近連得緝熙一書之上

第三 與金都憲 按金澤為廣東方伯後陞都御史巡撫江西是金方伯即金都憲是卷三

第七 宜移於金都憲之上

第四 蒼蘇僉憲衷 衷

第四 與黎知縣 按此即黎明府燦宜移入卷三黎明府下

第五 祭土地文 六月 按以丁知縣行狀春旱之文考之月疑日之誤

第二 祭陶方伯文 世烈 按世烈錄原作忠烈

日少更考

五三

第二十一 李子高墓志銘 忠簡公英宗 按英字乃理字之誤

第二十七 漁讀墓志 咕嗶 估畢之誤

第三十 馬甘泉墓志銘 衛公 衛乃魏之誤魏公張浚

傳持國會為浚幕賓故云

卷六 第七 疎 當作

第二十二 針灸 乃灸之誤上从久下从火

第三十五 鳴鳴 皆當作鳴呼之鳴

卷七 第三十九 林疎 林字誤詳門人考

第七十六 聞緝熙平湖掌教 按自此詩以下年次多倒錯

卷八

第十五 易柳 乃彬之誤

第十八 釣魚舟 按舟復韻當是鉤字

第十九 扉微 是霏之誤

第十七 坎北 北是北之誤

卷九 第二十一 膏盲 育字之誤上从亡下从月音荒

第三十 平鄉伯 按此即行狀之平江伯陳銳也考明史功臣表本作平江伯作鄉誤

第三十三 林暎 按二字悉誤詳門人考

第三十四 干情 干當作于戈之干

第三十七 早午 疑卓午之誤

白少喪考

三三

第六 贈進士 按何家本此詩題有小序 詳宏治二年年譜

第七 問厚郭 按何家本此詩題下尚有小序 詳成化十六年年譜

卷十 第四 送子長 溟滓 按滓乃滓字之誤 溟滓見莊子在宥篇 又按本卷下五十五

同誤

第十 候方伯劉先生 按此首與卷第七十一 翻同是一題而誤分者

第十四 金鼇閣 自此以下年次多倒錯

第十五 秋江 按江重韻何本原作缸

卷末 第二 贈別目錄 章懋 姚景 二人重見

第六 張恆祭文酸心 按此文俱用真寒等韻不應忽雜入心韻蓋是心酸倒置

考訂與廷實書次序 按本集多半倒錯年月其與廷實書六十三首亦然本集通以又字概之

最易混淆今略定其年次俾易考校其不可考弗錄

第一書 成化八年 時矩條 本集原列第十一 二 成化二十年 丁縣主 原四

三 成化十一年 陳畱 原五 四 成化十二年 緝熙 原六

五 成化十二年 丁長官 原六二 六 成化十二年 承欲 原三

七 成化十二年 近得 原十五 八 成化十二年 寄鈍齋 原五

九 成化十二年 簡一通 原五五 十 成化十二年 章因 原十

十一 成化十三年 袁侍御 原三十二 十二 成化二十三年 曠月 原四

十三 成化十三年 德純 原四四 十四 成化二十三年 恩平 原四

十五 成化未或 近來 原十二
宏治元

十六 宏治 李世卿 原十二
元

十七 宏治 數旬 原九
元

十八 宏治 惠來薑酒 原
元

十九 宏治 好子不育 原四十二
元

二十 宏治 屢辱 原十
元

廿一 宏治 承十日 原四一
元

廿二 宏治 承示楊柳 原
元

廿三 宏治 用人 原四五
元

廿四 宏治 前後 原四
元

廿五 宏治 助金 原五二
元

廿六 宏治 廷實守道 原
元

廿七 宏治 兩山 原五八
元

廿八 宏治 慈元 原四
元

廿九 宏治 近作 原十九
元

三十 宏治 辟之 原八
元

卅一 宏治 屢辱 原六十
元

卅二 宏治 盜走 原第
元

卅三 宏治 省城 原二十七

卅五 疑宏 頃者 原三十九

卅七 宏治 承示 跋語 原四

卅九 宏治 老病 原五一

卅四 宏治 朱侍御 原

卅六 宏治 得定山 原

卅八 宏治 仁夫 原

四十 宏治 久病 原二

自沙書末

五

白沙先生詩文補遺

按補遺詩凡有年月者入年譜無年月者附此

新會後學阮榕齡竹潭編

按張子撰先生行狀云先生詩文不下萬餘首據此是今所存集中者僅十之一二耳

畱菊主飲

按易贊號菊主見門人考以下七首俱見鶴山志

經冬三月不離牀屋角梅花夜夜香舫子藥隨春酒至先生病愈故吾忘直拌酪酏能畱客莫笑蹒跚嬾下堂記得早秋同宿處竹籬煙火白牛岡

題易隱求齋

茅茨清絕有蟾宮水裏嬋娟竹裏風高枕隔牀啼鳥靜小

齋終日白雲蒙江邊好景詩難道世上閒愁酒可通題作
隱求爭未信如君方許學屠龍

贈公學

按易彬字公學見門人考

春城風雨濕詩囊瘦馬朝馳抵路旁
世事偶逢車載鬼書生真有鐵爲腸
清風明月終還我守義懷仁不負郎
行止

非人乃天定孟軻何必罪臧倉

鶴山志云此詩意不可曉白沙集有與陳秉常書云

蒙謗大矣事始末問公學詩當緣此作也

送崑山省試

按李渭字長源號崑山新會鶴山志俱有傳

綠鬢來孤騎清言費一燈極言憐老病無計逐飛騰
鳳鳥

當時至龍門何處登經過五老下問訊白蓮僧

梅下憶長源

香似梅關馬上聞江門晚樹曉氤氳上林本是看花客一
見花開便憶君

訂誤

送李昇之京

見鶴山志雜記
詩見門人考

寄施以政

水上紅霞抹白雲臺旁春色映溪分風光不遣人描畫描
畫何人得似君

讀稊坡集

稊坡集
附錄

少陵詩

會從父老問前因說到才情迴絕倫今日偶然文字外分
明文字一般春直上遼陽訪管寧至今此語聳人聽當
時英邁知何似肯向泥塗險處行筆端寫出自滔滔人
物當爲一世豪欲識胸懷真富有長江萬里湧波濤塵
外亭南我舊居自從卯角慕相如他年倘有東阿肯敬爲
先生特筆書

秋夕偶成明日揭榜

缺月不滿簾南窗聊隱几猶聞戶外春斷續秋風裏犬子
初試筆老妻浪驚起滔滔終夜心四海皆名利

悼容彥昭 俱列朝詩集

淚盡西風草木間
遊雲晴逐蕤歌殘
千秋只有無情月
遍

照松楸處處山

臥愚亭 羅司勛集

何處水邊堪此亭
偶從詩卷挹芳馨
小眠亭上真何意
大夢人間肯未醒
難以智愚分巧拙
儘教描畫付丹青
老夫伏枕廬山下
頭白於今未與名

闕題 今歲道光二十二年大良談君子榮書來云嘗見白沙懷人詩二首是茅筆書今十餘年矣亡心

其姓名紙約長三尺云

浩浩江門水自流懷人獨聽五更秋風飄萬古雲無著月
 上千山夢易幽老去不堪杯酒別詩成不覺始生愁世間
 極樂惟君事一曲琴聲韻欲浮年光想像似浮雲夢冷
 長亭柳色新記得出門時節好自教寒食歲同春煙分玉
 樹花明遠露滿南山草半茵塵路豈能忘此念故來河畔
 理絲綸

闕題

先君夢菊筆記云余藏白沙真跡草書五絕一首
 歸卻云云白沙集未載今此幀尚藏榕家

係紙本行書兩行直四尺
 三寸許橫一尺無年月

歸卻越臺塵坐弄王孫草舞雩日日詩風光元不老

按老字下

迴龍寺夜坐

本集書玉梳
山詩話後

水悶

明詩綜七
律詩佚

問容允恭

容氏家譜
詳諸友考

遇雨

并序
邑人張厓山丈鈔
詳宏治六年年譜

天空海闊賦

新會王志林超字彥昇北到人超正統
鄉薦授北流知縣解組歸陳獻章知其

清白為作天空海闊
賦
按賦文今佚

與易贊書

鶴山志
詳
宏治十二年

西江月

二闕
雙槐歲鈔陳公甫嘗作西江月二
闕張學士元正和韻云云
按詞今佚

與張廷實書

從何家本補

第三十九 立一祠既以表茂宰之賢又以見吾鄉尚德慕義一

唱百和視死如生又孰不咨嗟而嘆羨其美耶且報往可

以勸來此祠立後必有聞義而起者問所由來鄉諸父兄

子弟不忘舊令之德章與有榮矣幸甚幸甚即辰春日布

和工匠畢集其告諸義士及是時慨然念此舉之不易發

誠心而共濟幸無辭曰姑俟來日區區不勝至禱

第四十八

患瘡想亦不為甚害但衰年易感觸事多憂顧又不能忘

情耳渡子回乞示一字以慰憧憧某白

第五十三 改次韻東

所寄興第十首後二句云與儂七尺青團蒲今年換與張

東所因成四句錄去一笑

第五十六

先夫人懿行非外人所

能悉况已奉拙挽又可贅乎餘令小兒口稟章白廷實侍

史

第五十七

歐總戎近寄白造藥酒奉寄一小尊表意一事

欲與吾廷實議他人莫能與也千萬一來二十二曉起碧
玉樓秉燭力疾書恕不謹

白沙集

三

楊氏白沙語錄訂誤

新寧孝廉陳交甫白沙語錄序曰語錄一書乃楊貞復官南禮侍時所刻竊不自忖稍增一二云榕謹按此錄體例

類多舛繆蓋先生當日原無語錄乃楊公取白沙集中刪前汰後全不注明原題漫無端緒名曰語錄是以令後學讀之茫茫然罔溯原旨之所在嘻剝裂若此烏足爲先生重適足爲識者歔歛耳此爲前明隆萬間陋習或託名文懿未可知也今按孝廉所增者亦未分別注明遂使原委凌亂若此夫前哲之爲一書也間有舛漏原祈後學之增

訂嗚呼此錄自萬厯以來至於今二百餘載若存若亡世

徒驚其理學之書故不敢訾訾焉今謹訂其尤舛者如左

按全錄原從本集割湊而出惟錄後自羅一峯以下八條採自他書亦自諱所出

子謂李嘉魚志非不立也

一條 按此條本李處士墓志未段忽突出銘曰有道於此云

云不知者必大疑惑

陳子曰古之榮於進者

一條 按此篇本祭伍光宇文忽云嗚呼光宇其何可忘不知者必

且大怪

李賢遭喪朝廷畱之

一條 按此本羅一峯上疏被謫事其論斷語亦未明言出自何人

子曰省城之遷不決

一條 按此乃與廷實書而起處亦未明言

周鎬

一條 按此篇是雲潭記泛論雲潭以其中有密雲

不雨自我西郊未有可與論易一語入論易條內
又李世卿條有同明相照六句本於自然條有易天地
變化三句共三條偶爾引易尚云猶有瓜葛此外十六

條或論學或談世
事皆未嘗言易也

子謂剩夫死矣

一條 按剩夫原非門
人不當入及門條內

子與羅一峯曰大忠祠碑皎皎烈烈見先生之心矣

一條 按

此二十字亦
八及門條內

按以上諸條皆舉其略耳其中舛者尚多如同一書也

忽有一曰字忽無曰字或用子曰或用陳子曰皆體例

混雜夫先生尊稱陳子可矣混稱子曰與孔子何異哉

此蓋欲推尊先生耳不知適起後人指摘之端以爲近
於僭妄嘗考文中子多有是稱後人以僭聖議之烏可
復效其嘖耶愚意欲儀型先生者自有全集原原委委
奚必取此駢枝割裂之本乎顧亭林先生曰孔門不過
四科宋以下之學者則有五科曰語錄科愚也深有味
乎亭林之言然則爲聖爲賢奚必人人有語錄乎人人
有語錄遂可以爲賢爲聖乎 又按本集附錄東莞衛金
立組白沙要語補序曰白沙要語一編節錄白沙先生
文集中語不滿三十條割裂參錯不知出何人之手於

先生講道所由未見本末愚懼執此以求先生不惟無以見先生反於先生滋惑耳爰採全集補之間附鄙見急爲先生雪誣云爾按此則訂誤斯錄非愚一人之私言也今陳孝廉刊楊此錄實二百四十三條不僅三十大要要語一書又從楊本割湊而出者益不足辨矣

應召錄訂誤

萬厯間邑先輩黃公鳴谷作應召錄既非作史志又非對君上疏之詞乃一起語卽突稱先生名何不恭也其後末篇乃稱石齋此與錄內所引朱疏聖旨及陳氏通紀稱先

生名者義例迴殊也。錄內又云謝恩歸先羅倫送之云云。下接歸經南安張弼問出處云云。按羅之送先生先在成化五年雖錄有先字顧忽雜入羅文與張公語不知者以為同時送之矣此亦混誤。

各家輯白沙言行錄附目

欽定四庫提要卷九十五存目白沙遺言纂要十卷張訥撰是編採白

沙文集中語仿南軒傳道粹言例分爲十類以闡新會

本旨

魏南海志

何維柏傳

著陳子言行錄

阮通志

藝文

白沙言行

錄十附錄

二卷未見見明志 按 疑此即何公言行錄

陳子至言

十卷 湛若水撰

未見

江門正脈

明龐一夔撰未見見廣府志 按一夔嘉靖四十三年舉人南海龐弼唐先生

嵩長子弼唐甘

泉陽明弟子

唐伯元傳

著白沙文編

俱阮志

岡州遺橐

六卷

黃孚字容伯號鳴鶴弱冠補諸生究心理

學專慕白沙數館其鄉萬曆初以恩貢授昌化訓導遷

福建德化教諭告老歸卒年七十三著白沙遺事

卷一

按前明專載先生遺事及傳於世者甚罕鳴鶴名不

甚著概計生後於先生者僅五六十年其得諸故老

之傳聞與記載者必多

榕


也甚惜此書之久佚也

榕

也又後於先生者三百四十餘年茲僅從吉光殘燼之餘摺遺於百一又不幸生於寒門下里往往顧影一燈馳心萬卷徒勞夢寐寄慨於屋梁也嗚呼

姻弟方庭植石琴參


胞弟阮非齡紫蒲校



白沙齋考終

白沙門人考

新會後學阮榕齡竹潭



例引

一賈公英維

監修新會志有白沙弟子傳然多率略

榕按廣

東新語云新會白沙弟子一百餘六人以伍雲為首此

所引者疑黃公

淳

萬歷新會志今考賈志實以伍雲為

首人數亦符今黃志久佚故以賈志為據

一陳解元夫遇

所輯者

榕

家藏本原曰白沙陳子門人今考

阮通志則曰陳遇夫白沙弟子補編細核其文與

榕藏

本正同但改陳子爲白沙亦間有增汰一二者此稍異耳豈後人翻刻之而易其名耶今榕此考引之若但曰陳子門人不類書名故增一錄字曰門人錄

一門人錄多從各志錄出今以林光傳考之實全錄黃公

佐通志而稍易三五字遂沒原書之名他傳類此此取

稗癩習今是考所引皆著原書之名無可證者姑從原錄或原書有舛漏不得不引之者增刪數字加一叅字以別之蓋放呂子伯恭大事紀從某書修之例

一門人錄云少陳子幾歲多據賈志弟子傳錄入恐未可

盡信今以首傳伍雲考之已大繆況其他乎夫伍光宇
行狀明載本集猶不能考又況其他乎史記所載孔子
弟子少孔子幾歲後人按之時事常多繆舛蓋撫拾遺
聞相距久遠其錯迕也固宜先生門人非得家狀墓志
諸根本之文未易參證此考本擬刪去幾歲云云以其
或有所本亦可資考證姑原之以俟後之君子再參定
之

一門人錄暨各志頗多簡略舛漏是考引先生所贈門人
詩有二例一採其佳者一雖未盡工特存之以爲引證

者又如趙員外鳴善無故實則補之梁文康公史志已詳則略之

一 是考略以郡縣之大小分先後以新會殿之且類同姓者歸一處又訂其沿革如賀黃門在前明泛屬遼東今則分隸義州之類又科第年次悉改用數目不用干支謹遵明史舊例蓋欲其易考也

一 著述家於傳中稱名稱字各有體例謹按 欽定四庫提要僅於周程張朱四賢稱子餘俱稱名按此則國史與各志稱名宜也今考吾粵郡縣各志於先生多不稱名

而曰白沙意蓋欲尊先生而實非體例也此與交甫門人錄全稱陳子體例固殊今阮通志引門人傳或曰陳子或曰白沙或稱名皆据各原書採入其例不得不然若爲榕所敬述者則均稱先生白沙集曰本集悉如年譜例

一賈志及門人錄阮通志所載弟子人數多少參錯今隨其原目仍列於後俾有考云三書之外有榕所採入者加補字以別之

一是考於史志外採及家乘墓志行狀金石文謹倣宋李

公燾續通鑑李公心傳繫年要錄之例按家乘雖若一家

私言然其年月遺事實多補遺正誤者如於梁氏家乘

得子長之逸詩於天河譚譜證先生之動念皆孝冲鶴

族譜之潘見龍及榕潭溪家譜載李世卿會三至白沙

皆是也鵲冠子云中流失船一壺千金其是之謂乎

諸書門人傳目次榕按以下賈陳阮三書悉從原目次序

新會縣志卷十知新會縣事渤海賈維英

白沙弟子

伍雲 鍾淑 林棟 賀欽

何宇新	林敬	李孔修	黃元	李祥	周京	陳邕	麥岐	謝文信
姜麟	易彬	黃佐	何宗濂	梁儲	周正	劉宗信	李鴻	林光
梁貞	范規	羅冕	陳冕	陳庸	鄧球	易元	李承箕	楊敷
林琰	龔日高	袁暉	容珪	張詡	黃在	周鎬	陳魁	張瑛

崔楫 梁景孚 梁景行 譚以賢

譚以良 周儉 黃壽 謝祐

馬廣生 蕭立 黃昇 林紹光

李九淵 趙思仁 黃鶴年 馬龍

陳紹裘 容貫 容欽 胡旦

瑜 璠 胡岳 易龍

李由 李方 李同 吳嚮

余善 黃澤 陳護 林時嘉

潘漢 葉先 鄧德昌 林驄

湛若水

黃忠

黃昊

李亨

黎潛

蕭倫

陳東淵

林高

湯霽

趙善鳴

張天祥

陳謙

曾確

黃子賢

陳瑞

黃球

陸輦

黃彥

關中

康沛

鄧珙

張希載

梁大廈

林漳

施用

區越

戴球

戴恩

戴澤

戴參

戴昭

戴輯

戴弁

白沙陳子門人卷四

族後學遇夫交甫纂輯

賀欽

林光

何廷矩

陳庸

梁儲

李祥

李承箕

張詡

鄒智

姜麟

張鏌

何宇新

楊敷

李孔修

林體英

陳聰

謝祐

容貫

陳護

陳茂烈

湛若水

康沛

伍雲

鍾淑

林棟

李九淵

易元

周鎬

周京

容珪

弟珽球

黃昊

陳冕 龔日高 梁貞 鄧德昌

鄧球 羅冕 崔楫 梁文冠

梁景行 梁景孚 林時嘉 趙善鳴

曾確 區越 陳魁 黃在

黃佐 麥岐 李鴻 黃壽

黃球 陳紹裘 譚以良 湯雷

陳肅 李翰 陸之 范規

陳暕 劉璫 何宗濂 黃澤

潘漢 馬龍 林琰 陳東淵

張天祥

黎潛

蕭倫

林樟

梁大廈

易彬

謝德明

馬國馨

潘辰

林廷瓛

陳昊元

張璧光

梁奎

楊璵

李亨

鄧琪

張希載

戴球

子恩澤參及昆弟昭輯弁等

何澗

林高

陳瑞

易龍

周正

黃彥

關中

施用

黃元

趙思仁

尹鳳

李瑜

鄧翹

廣東通志

卷二百七十二

兩廣總督儀徵阮

元監修

廣州列傳七

按以下六十九人列陳先生獻章傳後

林光

陳猷

陳庸

梁儲

張詡

周京

黃佐

林紹光

梁奎

譚以賢

譚以良

梁文冠

子景行景孚

湛若水

陳昊元

陳護

黃澤

李翰

區越

梁貞

趙善鳴

張璧光

易龍

伍雲

李孔修

何廷矩

容貫

容珪

球珽彥禮彥昭彥潛彥貞彥史

易元

林時嘉

敬琰

林時矩

馬廣生

子國馨姪貞

湯

雷兄弟雲

陸之

黃子賢

馮載

袁

暉

陳冕

黃球

子子正

黎潛

蕭

倫

趙思仁

林暕

李瑜

陳

魁

李輔

尹鳳

謝祐

陳

瑞

張希載

鄧翹

琪

陳謙

按以下七人散見各府志今補入

鄧

球

韶州

林廷獻

高州

何宇新

曾

確

俱惠州

余

善

林

巖

潮州

鄧崇德

肇慶

白沙門人考

新會後學阮榕齡竹潭編

目次

按補入者加補字別之

賀

欽

盛京

陳

肅

江蘇

張

鎮

浙江

姜

麟

潘

辰

蘇

章

江西

楊

敷

劉

啟

李承箕

湖北

朱伯驥

朱

玘

湖南

林體英

福建

陳茂烈

陳

聰

鄒

智

四川

甘思忠

廣西

陳

庸

南海

謝

佑

李祥

黎潛

羅冕

潘漢

崔楫

范規

馬龍

馮載

鄺珙

吳嚮

張詡

以下番禹

何澣

何廷矩

陳昊元

陳護

林高

張天祥

容貫

葉先

李文

屈羣力

梁儲

以下順德

梁文冠

子景行景孚

梁奎

梁貞

黃澤

趙善鳴

胡旦弟曼 蕭倫 蕭立

鄧德昌 鄧翹 鄧珙

張希載 康沛 李瑜

李孔修 林光以下東莞 林時嘉

林時矩 林揆 林敬

袁暉子金蟾 陳順補疑 劉香山

湛若水以下增城 劉燾 陳陳

陳東淵 尹鳳 陳三以下

陸之 林樟新寧 李清以下

白少月人考

楊憲臣

鄧崇德 高要

馮殷 開平

施用 以下
鶴山

易元

易鏞

易彬

易才

易贊

易龍

易允

梁玠 以下
新興

李傑

何宇新 以下
博羅

曾確

龔日高 以下
潮州

楊璵

余善

林巖

趙日新

鄧球 樂昌

林廷瓏 吳川

伍雲 以下
新會

容珪 弟
廷璿

容璘 弟
球
族人
欽

鍾淑

陳容

陳魁

陳瑞

陳紹裘

陳謙

陳邕

潘松森

關中

黃佐

黃在

黃元

黃彥

黃壽

黃球

黃昊

黃子賢

黃忠

黃鶴年

梁衛

梁潛

梁大廈

湯靄

張璧光

張不已

張拱

周鎬

周京

周正

周儉

周端

區越

林紹光

林棟存疑

譚以賢弟以良

譚有蓮

譚綬

李昇

李翰

李九淵

李鴻

馬國馨

馬貞

趙思仁

宋容重

戴球子恩
澤參

戴昭

戴輯

戴弁

戴敬

謝慈昱

謝文信

謝君章

鄧谷隱

鄧澹樂

陸輦

麥

岐

聶元會

阮繕宗

附錄

缺姓名
縣名者

吳嚮

璠

瑜

李由

李方

李同

徐潘二生

顧勉齋

歐陽回

附

南海三峯記

羅倫

或疑先生門人間有影附者

榕

曰固或有之然愚於

採掇之餘毫不敢假借且以理籌之今下里孝廉進

士稍有令譽者設帳半生門徒尙有千百況當是時

先生以道德傾動天下海內聞風而願拜門下者當

時不知凡幾

按潘氏南海志白沙起當時來學者至傾天下

但人或凡庸書

闕有間故不見之詩文耳然其遺佚者固亦眾矣是

故有實爲弟子而湮沒者有實本朋儕而混入者今

考各志傳中如云以白沙講學或云從白沙問學此

或賓朋相見講論之常耳未必盡受門生之業咸署

弟子之名者也蓋名實是非須核其真乃可傳信於

後世若徒以此爲夸耀則所見者隘矣殊非聖賢篤

實之道故愚於可疑者雖名公巨卿有鴻名偉略著
於史冊者僅加存疑二字亦闕如之義也道光二十
二年六月榕齡謹書

五ノ目

五

白沙門人考

新會後學阮榕齡竹潭編

盛京

賀欽字克恭先世浙江定海人以戎籍隸遼東今為義州人少讀近思錄有得登成化二年進士官給事中因亢旱以言官曠職召災自劾及見陳子於邸遂辭官執弟子禮歸構小齋參陳遇夫門人錄刻白沙像於室而禮之陸稼書年譜引理學宗傳出告反面有大事必白張詡白沙行狀隨事體認宏治改元用閣臣薦起為陝西參議檄未至而母死乃上疏辭薦陳獻章

學術醇正稱為大賢宜以非常之禮起之或俾參大政或

任經筵以養君德

榕按先生得克恭書詩一封初展制中書萬里遼天見起居傷心入夜思賢母

老眼當年識鳳雛卽此時也

正德四年劉瑾括遼東田東人聚眾劫掠

相戒曰毋驚賀黃門欽聞之急諭禍福以身任之亂遂定

欽學不務博專讀四書六經小學期於反躬實踐謂學不

必求之高遠在主敬以收放心而已

明史儒林傳

於家庭里閤

教以吉凶遵家禮由是鄉人興於行誼

門人錄

正德庚午十

二月卒年七十四

明儒學案

天啓初諡恭定

明詩綜

欽學出白沙

先生之門與門人論侃侃白沙曰得毋鋒鋷太露乎須令

深沈和平

按此語詳本集與賀黃門書

於是作書室於後圃書深沈和

平四字以自警

人譜類記

門人於衢路失儀先生曰為學須躬

行須謹隱微小小禮儀尚守不得更說甚躬行於顯處尚

如此則隱微可知矣

醫問先生言行錄

欽之學出於獻章然獻章

之學主靜悟欽之學期於反身實踐能補其師之所偏故

集中所錄言行皆平易真樸非高談性命者比而諸疏亦

通達治理確然可見諸施行在講學中獨為篤實純正文

章雖多信筆而仁義之言藹然可見固不必以工拙論也

欽定四庫

醫問集提要

子謔志向類欽陳子與欽書曰一日千里其

子謔志向類欽

二

在諮耶

門人錄

訂按本集與賀克恭書云比歲得賢郎書誤甚慰有子如此足矣三十年妄意古人

之學眾說交騰如水底撈月恨不及與克恭論之今自謂稍有見處得其門而入一日千里其在茲耶按此茲字原是先生自謂今門人錄列此書於諮傳下改作諮誤也 又按明史與 欽定四庫提要及西河集賀欽傳俱云檄未至母死門人錄云以母老力辭似誤 又按本集與克恭書曰心地要寬平識見要超卓規模要濶遠踐履要篤實是先生嘗以篤實誨之者 而克恭克承師訓耳提要云云蓋偶誤也

江蘇

陳肅上海人官順天治中少陳子六歲成化初讀書國子

監見陳子師事之

門人錄

浙江

張鏐字聲遠鄞人成化二十二年進士籍錦衣衛家京師

少陳子十七歲議論慷慨陳子稱之門人錄

姜麟字仁夫蘭谿人成化二十三年進士以使事使貴州

迂道如白沙時宏治十年十月按本集祭先妣文仁夫之來實在宏治十年十月

後今補此七字師事陳子留八日而別出謂人曰吾閱人多矣未

有如先生者至京師有問之者稱為活孟子參門人錄

潘辰字時用景寧人少孤隨從父家京師以文學名宏治

六年詔舉山林材德之隱者府尹唐恂舉辰吏部以辰生

長京師寢之恂復奏給事王綸夏昂交薦乃授翰林待詔

久之掌典籍事預修會典成進五經博士正德中劉瑾摘

會典小疵降典籍俄還故官擢編修居九年超太常少卿

致仕歸卒特賜祭葬辰居官勤慎典制誥時有以幣酬者

堅卻之士大夫重其學行稱南屏先生自天順後始漸拘

資格布衣無得入館閣者而宏治間辰獨以才望得之一

時詫異數焉明史附陳濟傳博極羣書為文力追秦漢直內閣二

十七年誥敕多出其手動遵繩墨不以非義自汙浙江通志引處

州志本集與張聲遠書時用孑然客帝京忍寒餓二十年為母

家不去誠亦可憫按此書寄於宏治口口年聲遠未領鄉薦以前故有秋試捷否之問時用忍餓

之與西涯李學士書 去秋得時用一書深慰鄙懷他人愛我不

慨 如時用先生諒能悉之張進士行附此按此書寄於宏治

師 按梁公儲鬱洲集正德十二年詔敕官疏云編修潘

時 辰今年過七十累疏求退擬陞秩以酬其勞云云是

在正德十二三年也

江西 補 蘇章字文簡號雲厓餘干人成化乙未進士官至延平

知府初章官兵部主事時因星變事劾妖僧繼曉方士李

孜省謫姚安通判因哀其所作故以滇南稿為名祭胡敬

齋文一首附錄一卷則其行實及題跋與人祀鄉賢文卷

也章少問學於陳獻章之門嘗出胡居仁於獄與吳與弼

為師友蓋亦刻意講學者

欽定四庫道南稿提要按雲厓從游本集及各書缺載

補

楊敷字榮夫永豐人操執不羣初事羅倫充然有得後

過白沙與陳子唱和畱數月而返以貢為福建永安訓導

尋歸日以二先生之道自樂著癡菴集門人錄

按本集有夢楊敷道定山事五律云夢語者為誰湖西夢

見之聊寬野老意未了定山癡又贈劉進夫還永豐兼

寄羅養明楊榮夫七絕又元旦懷楊榮夫夫敷二字互用

又寄羅養明一首玉臺次楊敷韻一首投壺一首楊敷別後二首

以上七首或次韻或相連是知楊敷字榮夫江西永豐

人此所懷贈詩卽同一人無疑矣考張嗣廣府志儒楊

憲臣初名敷清遠人以兄沒襲清遠衛指揮從學陳獻

章白沙重之贈詩云笑倚長松咏晚臺三三兩兩共無

懷人間紫府千回夢我共黃雲一路來鹿洞當年尋李

渤鵝湖今日想東萊將軍夜半還能飲欲引東溟入酒

杯又別後有懷春湖云按此二詩卽本集贈別楊敷詩

當作於宏治四年廣州志以敷爲清遠人考阮通志關

引 大清一統志云清遠衛在治東洪武二十二年建

又建置 洪武二十二年指揮李英是前明清遠衛曾設指

揮於此矣蓋楊原永豐人曾為永安訓導後因兄沒襲

兄職為指揮清遠疑後入籍也 考阮通志列傳及宦績缺其名 又按

先生於成化十八年十月過永豐有寄楊榮夫 七絕 則是

年榮數尙未入廣也

補 劉啟號鳳巢泰和人 劉公名魁 按魁啟子嘗弼棺以諫世宗事詳明史本

傳 吉之泰和人薦節判州牧所到皆有惠政嘗受學陽明

厥考鳳巢公亦從吾黨白沙先生遊令永福擢守賓州祀

名宦蓋其家學有自云 黃佐揭陽鈞齋橋記郝通志 劉啟雲南太和人

正德七年永福知縣罷府倉之運免虛耗之征民困以蘇

猺獠出沒嚴立條伍撫諭之卒不敢為亂擢賓州知州廣西

通志引文載按明史地理志江西太和縣元太和州洪

武二年正月改泰和縣按劉公原吉安府泰和人非雲南

大理府之太和廣西通志鳳巢稿六卷劉啟著明史藝

文志按四庫書

載目缺

附本集題太和劉氏雲津書院雲津杏何許試向卷中

錄尋不覩六經教空餘百代心嵩陽思識面白鹿尙遺

音家有鴛鴦譜

何須更問針

湖北

李承箕字世卿嘉魚人兄承芳大理評事

門人

叔父

按譜原作

伯父誤今從

本集訂正

田副都御史

氏姓譜

從兄承勛

明史李承勛傳字立卿父田

按原錄概以兄名之今補從字

兵部尚書諡康惠承箕成化二十二年舉

人一試禮部遂歸奉母宏治元年來從陳子遊少陳子二

十歲陳子築楚雲臺居之

參門人錄

日與談論古今獨無一語

及道久之承箕有所悟辭歸楚寶及歸贈詩十二章既歸不

仕築釣魚臺於黃公山下學者稱大厓先生

門人錄

與兄承

芳稱嘉魚二李

明史儒林傳

乙丑卒年五十四

明儒學案

按

年是少於先生二十四歲門人錄云少陳子二十歲不知何據

為人寡言笑終日端坐為

詩文下筆立就工草書人爭傳之

萬姓統譜按今白沙田心里額是世卿書

撰大厓集二十卷

欽定四庫
提要存目

按楚寶附案語曰承箕師事白沙曰與縱談今古無一語及道此白沙之學純非空談性命者比也 又賈志

流寓承箕挈其子姪從白沙遊最久此誤也考世卿來白

沙凡二次不及二年詳年譜云子姪從遊本集缺載亦疑

誤也 又阮通志流寓吳廷舉延李承箕修順德志藝文云

李承箕修順德志在宏治庚辰按宏治無庚辰庚辰乃丙辰之誤李之來正在

是年也

補朱伯驥字千里通山人成化十九年舉人任廣州推官

儉於自奉破衣疏食人皆謂其苦於束縛驥嘗謂僚吏曰

居官不儉則用必匱匱則謀所以補遂漸恣肆不可復問

官之守廉必自儉始嘉謀錄尤精聽斷兩造咸服從白沙陳

獻章遊浩然自得遂棄官歸粵大記俱阮通志

按郝阮志職官俱作諸伯驥通山人宏治二年任廣州推

官朱諸二字必有一誤 又阮志古蹟張詡撰彭烈女墓

表朱君伯驥修其墓又湖北通志選舉朱伯驥通城人阮按

志與嘉謀錄作通山人未知孰是亦作朱疑阮志沿郝志誤作諸也

湖南

訪白沙與語兩月比歸亦能激昂自進不知其後何如也

此學寥寥世間無人整頓得起士習日見頽靡甚可憂也

門人錄 按以與胡書考之
林君之來當在成化六年

陳聰莆田人學於陳子歸贈詩曰緼袍不妨學道辟穀可

以求仙相府胡為慢士紙田自有豐年門人錄本集與陳聰秋

風雨見莆陽子阜帽青筇去復回眼底流年三十許腳根

行路幾千來未知世事真能忘初得家書不肯開若問江

門何所見兩厓春雨長青苔按此書疑作於成化二十三年

陳茂烈字時周莆田人年十八作省克錄謂顏之克已曾

之日省學之法也宏治八年進士奉使廣東受業陳獻章
之門獻章語以主靜之學退而與張詡論難作靜思錄尋
授吉安府推官考績過淮寒無絮衣凍幾殆入爲監察御
史袍服樸陋乘一疲馬人望而敬之以母老乞按門人錄
有乞字今
補入終養供母之外不辦一帷治畦汲水親自操作太守聞
其勞進二卒助之三日遣還吏部以其貧祿以清江教諭
不受又奏給月米上書言臣素貧食本儉薄古人行傭負
米皆以爲親臣之貧固未至是而母鞠臣艱苦今年八十
有六來日無多臣欲自盡心力尙恐不及上煩官帑心竊

未安奏上不允母卒茂烈亦卒

明史儒林傳

陳子與書曰時周

平生履歷之艱與老朽同而又過之求之古人如徐節孝

者真百鍊金孝子也

門人錄

茂烈為諸生時韓文問莆田人

物於林俊俊曰與時周語沈疴頓去其為所重如此

明史

四川

存疑

鄒智字汝愚合州人年十二能文家貧讀書

明史

居龍泉

菴遣愁集

焚木葉繼晷者三年成化二十二年鄉試第一

明史

郡人聚觀於馬上口占云龍泉菴裏苦書生偶竊三巴第

一名世上許多難了事郡人何用太相驚

遣愁集聰慧類

智慷慨

負奇明史孝宗嗣位抗章劾宦豎請黜萬安劉吉尹直而用

王竑王恕彭韶郝通志帝得疏頷之無何安直相繼斥而吉

任如故會劉概獄起吉使其黨魏璋入智名遂下詔獄身

親三木僅屬喘息明史擬極刑刑部尙書彭韶不判案得免

門人賴王端毅何文肅徐文靖諸公力持之其獄中詩云

人到白頭終是盡事垂青史定誰真夢中不識身猶繫又

逐東風入紫宸辭朝云雲韶聲轉拜彤墀轉覺嬋媛按楚詞哀

鄧云心嬋媛而傷懷兮不自持罪欽定四庫提要列朝詩集俱作嬋媛尤佳明詩綜作心驚今校正

大故應誅兩觀網疎猶得竄三危盡披肝膽知何日望見

衣裳只此時但願太平無一事孤臣萬死更何悲

明詩 諫

石城吏目明史抵任兩月職事修舉總督秦紘檄至省城修

書郝志聞陳獻章講道新會往受業自是學益粹明史寓壯哉

亭按亭在新會城大西門內順德尹吳廷舉迎之新會賈志流寓

建亭奉智名曰謫仙順德志流寓廣府志古蹟謫仙汝

愚道吾廣有司留館坡山雙槐歲鈔按坡陳子荅汝愚

陽江道中詩云遺我數篇風格別思君一夜鬢毛疎門人錄

宏治四年十月卒年二十六明史按郝賈二志俱云智與

集亦不云又泊鄒厓在順德馬寧鄒智嘗泊此有寄
智為門人 吳廷舉詩後人遂名其厓廣府志古蹟

廣西

補甘思忠字秉直蒼梧人續廣事類賦注性至孝母卒廬墓三年

聞陳獻章講學往從遊都御史林廷選薦授藤縣丞清一

統志按阮通志職官正德五年林廷選任總督

南海

陳庸字秉常孝友力行好古敦樸成化十年舉人聞江門之學往師之與張詡李孔修交詡初見獻章庸為介紹或詢詡為人獻章曰余知庸庸知詡何問焉庸潛心理奧羅倫莊景少許可遇庸輒嘆賞踰五十親友強之仕釋褐補

荆門同知涖任五日不能隨時俛仰拂衣歸隱居三十年

城市斷跡督學王宏請見竟謝不往阮通志引郭棐通志友人謝佑

卒罄囊助葬病革沐浴設陳獻章像焚香再拜而逝年八

十六其徒多以科第顯倫文敘最著南海志著東峯語錄未見

東峯詩文一卷存阮通羅倫南海志三峯記靚秀如靜妹遠之

可愛近之不可狎者東峯也東峯在魁山之上陳君秉常

有之按記詳此卷後本集贈陳秉常遠色霽初景清風振遙林子來入

我室弄我花間琴正聲一何長幽思亦已深願畱一千載

贈子瑤池音

謝葵山名祐字天錫廣府庠生

按門人錄廣府志俱云南海人郭棐粵大記增城人

棄去從遊白沙先生自林南川外惟葵山獨得其指曾從石翁遊古勞葵根山石翁詩曰手拍崑崙歌沈寥虹橋月下拜相邀謝生卜築葵根宅纔到葵根怕路遙天錫遂結廬栽茗爲生安貧樂道糟糠不壓腹布襪不掩脛甘泉子詩曰短襪度元冬其貧如此生甲寅六月初八日終丙寅九月二十日一子宗濂被人謀絕初甘泉子不肯會試者將十二三年矣天錫勸之駕乃因母命赴禮闈辱上第天錫病遺詩四首中有曰生從何處來化從何處去化化與

生生便見真元處甘泉子奉使安南爲正德八年十二月

親往葬之葵山至嘉靖癸丑十月甘泉子致南京兵部尙

書事已十四年矣遣守墓古真福天祐代奠之天祐者少

服侍白沙先生七十以上不忘舊也甘泉子旣龕神位與

陳清江按名護詳番禺志同祀於白雲尙友堂侍食於師側按白雲山

有尊師祠塑白沙像見嘉靖二十九年甘泉新創白雲書院記詳嶺海名勝今甘泉集不載蓋二君皆

無後也甘泉文集逸士謝葵山先生墓碣銘與李子長稱二高士阮通志本

集寄謝天錫不了從兼病與貧小廬峯裏白頭新問誰肯我同

精舍垂老思君是故人世事轉頭渾學夢烟花過眼可憐

春幾時來伴江門釣閒與諸孫講舊聞

按鶴山志地理邑庠蔡之柎再三至其地三日夜徧訪祐墓不可得蓋一望皆種茶樹而墓已湮沒久矣

李祥字元善南海人成化十四年進士官至貴州布政少

陳子二十三歲門人雅有清操一介不苟取為白沙先生

高弟南海志循吏附梁廷振傳

黎潛南海人陳子與黎蕭按名倫順德人二生書曰某以衰疾執

喪氣息奄奄賓客知舊往來記一忘十獨於潛也倫也思

之不置二生之思我可知矣思之深言之切老朽何以荅

二生之拳拳送以詩曰白髮孤燈坐青春二妙來若無天

地量爭得聖胚胎至樂終難說真知不著猜濛濛烟雨裏

歸思若為裁

門人錄

羅冕字服周南海人晚年嘗館白沙陳子居喪與書曰比

侍奉吉慶徒以老朽旦夕往來於心憂之深言之切有如

吾服周者乎

門人錄

本集

次韻羅冕

高笠短蓑吾不疑白頭真

結兩生知夜深自弄江門笛驚起前灣白鷺飛

送羅服周解館

看花肯續春來約莫待黃鸝辭碧梢

潘漢南海人國學生

門人錄

本集

九日小廬山示諸友

草屋肯畱潘

上舍玉臺還對古如來

贈潘上舍漢

泛花棧小潘郎醉

五羊擊

壤聲高葉子歌

南海葉宏 俱自注 按二詩疑在宏治元二年間

疑附本集

與潘徐二

生書

去冬得二生書半月置牀頭日一展展時一發嘆後

生所急者何後生所畏者何轉瞬便三十四十不自激

昂自鞭策將來伎倆又似拙者模樣耳奈何奈何蕭先

生書報潘生近聘岳家甥女可喜

云云 按潘徐原缺其名故附疑於此

崔楫字希說南海人能詩陳子與書曰來喻不忘在學幸

甚進退未決不立背水陣終難勝敵希說勉之歲月固不

待人也

門人錄

本集

與崔楫書

不意先府君傾逝想孝履如宜

按前漢地理志伯益能儀百物注儀與宜同

棄禮從俗壤名教事賢者不為願

更推廣此心於一切事不令放倒名教道之藩籬不守其中未有能獨存者也願希說勉之

范規字能用南海人陳子有贈能用詩

門人錄

本集

東圃詩序

南海范規從子遊嘗聞規之父東圃翁樸茂於人無怨惡

與范規書

定山先生偶得風痺之疾欲求養生之術非能用

莫能盡之以此相託倘蒙金諾乞至商量切望

馬龍字文祥南海人郡諸生

按本集陳君墓志郡諸生馬龍今補入

嘗從羅

倫學陳子有贈馬龍如湖西奠一峯先生云而師羅一峯

幸視我弟兄又有悼馬龍詩與序

參門人錄

本集

與張廷實書

文

祥兄弟繼逝甚可憫也存者季弟諸姪能不墜其家業否
文祥始從湖西遊頗見意趣後爲仕進累心遂失其故步
至不得一第而死是亦命也

馬肇文惠油酒
并示哭一峯詩

報一峯舒剛蓋有古人風一詞亦到君親地何處無天覆

馬龍

悼馬龍

道南詩卷出湖西恨失當年馬上攜高枕何

如一峯好夕陽回首萬山低

按末二句卽以一峯借鑑惜其以仕進累心也語意高妙

按舒剛肇文皆與龍名義相應疑其別字
以上羅崔潘徐范馬六人各志俱缺名

馮載字克任號埜庄初名祥南海人弱冠補邑庠廉憲薛
公器之委幣使於白沙慨然有求道之志遂棄舉業講心

性之學秋試期迫薛諭以進引意不顧遂畱受業比歸白沙贈詩稱之自是語言寡默學問精詣湛甘泉稱為能隱居以求其志者謹孝祀敬父兄禮恭言確以嚴教子以義睦族雖擬之陳太邱可也子教徽同領正德庚午鄉試徽官按察僉事曾孫良棟乙酉鄉薦敦重有大器阮通志引補鄺珙遊白沙之門苦心篤學年十四遊於庠白沙最期許之嘗病白沙以詩問曰鄺生肺病今何如獻歲初驚得手書我有丹方欲傳與小藜牀上半跣跌南海潘志本集與梁貞戒鄺珙之覆轍念老朽之狂言按書云覆轍未詳何事

吳嚮 人

番禺

張詡字廷實

按本集與廷實書云張君席珍足下疑一字席珍也

號東所

門人

南海

籍番禺人瓚之子

南海潘志

居羊城

阮通志古蹟看竹亭在郡城詩書街左通政參議張

居

莆田彭韶見其少作詩美之曰嶺南孤鳳也

黃佐通志成

化十年舉人受業陳獻章不與計偕者十年制府檄赴春

官

番禺志

二十年舉進士觀政吏部稽勲司

從本集送廷實序補

疏乞

歸養疾歸總督兩廣屠鏞俾有司促之仕遂北上

郭志

授戶

部主事尋丁憂歸隱居二十餘年

按廷實於宏治三年夏聞父喪歸至十四年僅

十一年而已云
巡按御史黃鎧
按南番志及郝阮志職官俱作黃鎧
大清一統志

作賈疏詔學問優長操履端慎杜門養高不干時事部下

有司促駕詔以疾辭不起正德中御史程材王良前後疏

詔少從陳獻章學為嶺南學者所宗師友淵源踐履純篤

可大用部書再下詔再辭繼而吏部屢薦不報正德七年

巡按御史周謨八年高公韶俱疏詔學有體用有旨起用

焦竑獻徵錄九年召為南京通政司左參議明史檄下先具疏辭

遂抱疾赴南畿獻徵錄按以上四書俱本阮通志一謁孝陵即告歸獻章

謂其學以自然為宗以忘己為大以無欲為至卒年六十

明史儒林傳

少陳子二十七歲嘗語湛民澤曰廷實近多長進

但憂其甚銳耳

門人錄 按以門人錄少陳子二十七歲考之是即卒於正德九年矣撰東

所集二十三卷南海雜咏十卷

欽定四庫提要存目

附錄

東所先生授戶部主事復謝病歸

按起為主事以父憂歸非謝病歸也

關所居為小西湖閉戶天游佐為諸生時

按阮志黃佐正德五年解

元是佐見東所時乃在正德五年以前也

嘗奉郡侯命往徵文獲旅見焉時

傳聞前星已耀先生獨向佐謂曰昔張子厚聞皇子生

便喜見餓葶食便不美子素穎悟試言其由佐對曰橫渠

學在西銘德性所發實能踐之是心也樂以天下憂以

天下先生欣然曰得之矣自是佐乃知聖學必自其性情始及鄉試後罹先考難遂不復見先生會以薦起卽上疏辭歸遂考終於家先生天資峭直人有不韙輒斥之或以爲過於剛當道詣廬致禮未嘗報謁或以爲過於靜接見親賓嚴威儼恪語少涉私不復與言或以爲過於高然嘗讀羅一峯剛峯記而見其不墮於柔讀章楓山與徐方伯書而見其不謁公府觀陳剩夫心學圖而見其不忘敬畏誦莊定山直沽詩而見其隱居復出四子者皆賢傑也先生之行實兼之當白沙倡道東南

先生首往從游或又以爲吟風弄月尋樂於黃雲紫水
之間非知先生者也先是三峯高公韶爲侍御巡吾廣
首訪白沙爲立祠置田供祭與先生最厚其再起則三
峯之薦也佐不佞嘗侍先生默自得師界有言焉不敢

辭也

黃佐東所文集序
阮通志藝文

何澹字宗濂

番禺志

番禺沙灣人成化二十年來學

參門人錄陳

獻章嘗曰吾門如宗濂者不可多得也

番禺志

本集

何宗濂書

來推許太過
復以是詩

何地可攀文獻駕平生願執菊坡鞭

按門人錄分何

澹何宗濂
爲兩人誤

何廷矩

番禺志 按廷矩謗師賣友當從甘泉之言不當復置弟子之列事詳叢考字跋

陳昊元字乾善大嶺人

番禺志

受學陳獻章宏治五年舉人

官陸川教諭正德三年進士知青田縣一意高蹈留心濂

洛之學廷臣交薦以科道召辭歸

阮通志引 番禺舊志

弟昊賢昊

賢子其具俱舉人兄弟父子雖仕而安於恬退俱早歸化

白沙之教也

番禺志

陳護字宗湯以學行稱事父兄最恭謹宏治五年舉人為

賓州教授擢清江知縣後祀賓州清江名宦

番禺志

少陳子

三十六歲

門人錄

嘉靖二十九年湛若水奉謝祐與護神位

同配享於白雲山白沙祠以二人皆無後也南海名勝及湛若水謝葵

山墓 本集荅陳宗湯書 得宗湯書作字太奇老眼不識服周

讀之告我耳

林高字伯喬少從白沙學得聞性命之旨宏治八年解元

官知縣有循聲番禺志按阮志選舉有傳列傳無

張天祥字國卿番禺人陳子有荅張天祥七律門人錄

容貫字一之番禺人門人錄 陳獻章至貫宅有敝衣寒露肘

破屋早知秋家業憑觚翰廚烟管去畱之句鄉里至今傳

之番禺志 本集贈一之歸番禺序 容生卓錫無地從予遊者十有

少月八

七

一載未嘗對人作皺眉狀入京見勢利烜赫輒不樂語人曰古之仕者將以行其志耳徒食人祿而不知恥吾不能

以一日居貫之志可謂篤矣

按一之跋先生莊節婦墓碑云古岡容貫識蓋一之原籍

新會荷塘家番禺者

也亦見荷塘家譜

葉先番禺人

賈志白沙弟子傳

補

李文字彥博一字鼇峯波羅正心街人時陳獻章倡道

學文慕之乃與湛若水至江門訪之因築西臺請陳獻章

講學宏治十七年舉於鄉試禮部得乙榜例應官不就業

太學嘉靖間判泉州清介自守以直忤時隱西臺不出

番禺

志

附西臺在鹿步極扶胥之勝過客登臨多錄畱題別駕李文卜築於此番禹志古蹟

補屈羣力按廣東新語作羣策字子仁號博翁沙亭人少從陳獻章

游晚築來薰書院講學獻章嘗過其家書背處從他冷笑

眼前任我清狂贈之時湛若水在翰林勸之出羣力謝之

以詩郡有司三舉鄉賓皆辭子青野亦高尚嘗結社於水

門鄉東接虎門獻章題云鑿開魚鳥忘情地展盡江湖極

目天番禺志按鑿開二句乃宋宋元憲序許昌西湖詩詳蔡條西清詩話著交翠軒集未見

阮通志藝文

順德

梁儲字叔厚號鬱洲原號厚齋倫以訓撰梁初字藏用據

集詩注補順德石碇人按鬱洲稿嘉靖三年三月祭許世昌文

讀若景泰二年生其明年立縣治參訂其先出宋丞相克家

之後有司庫公者始遷南雄珠璣巷某公者又遷南海縣

之石碇行狀為諸生時提學胡榮選有異質者門人受業陳

獻章明史儲與焉成化十四年會元授編修門人二十三年

充會試同考官黃志五月丁內艱繼丁外艱宏治四年進侍

講改洗馬五年主考順天十一年五月冊封安南餽遺一

無所視十三年復命行狀久之遷翰林學士明史十四年又主

試順天十六年三月黃志同修會典成遷少詹拜吏部右侍

郎明史充册封魯藩黃志正德改元轉左遷尙書兼學士行狀三

年主會試黃志劉瑾謫會典小疵坐降侍郎孝宗實錄成復

尙書尋加太子少保明史瑾憾不已九月黃志調南京吏部瑾

誅以吏部尙書兼文淵閣大學士明史本傳尋晉太保武英殿

明史宰輔表十六年四月帝王年表上入繼大統有定策功親迎乘

輿於藩邸李時撰墓志銘五月致仕加左柱國宰輔表嘗降敕褒之

有曰張九齡之忠盡而不究其用崔與之之風概而不久

於朝黃志嘉靖六年丁亥楊一清在內閣參宰輔表上命撰敕召

少月八号

用而訃音至矣阮通志引黃志三月二十五日卒按郝志編年作七年九月誤

壽七十七行狀贈太師諡文康諭祭九壇己丑葬番禺大觀

山楊一清撰神道碑著鬱洲遺稿十卷是集儲子次挹所編後其

孫攷官中書舍人從內閣錄其奏疏補入儲歷事三朝當

武宗机隍時乃能嶽嶽懷方彌縫匡救集中奏疏如武宗

自封鎮國公則上疏力阻許給秦王關中牧地則草敕為

危言以動聽事遂寢又力請回鑾疏至八九上無非倦

倦忠愛之忱雖辭乏華腴而義存規諫亦可云古之遺直

矣胡維霖墨池浪語乃引楊慎之言謂明通紀一書乃儲

弟梁億撰故以不草威武大將軍敕歸之儲其實寫威武
敕者儲也內閣有敕書稿簿綴撰文者姓名何可誣也云云
其說獨異然稿簿果存不應終明之世無一人見而言之
明史本傳亦無明文置之不論可也欽定四庫提要

附錄

宸濠未反時多內交士夫凡所餽遺皆有籍記濠誅

後餽籍惟厚齋梁公晉溪王公

按名瓊

無受餽跡世人猶

指此疵二公厚齋自入仕至歸老負郭不增寸土家無

餘財嘗見一匠人何云公歸日議建先祠計匠直日需

八金匠何六往日未有給也盍少需八往不能給祠竟

不克建

按此何匠一段當有譌文

公在位日王御史溱請典刑公田

給事中賦請沒公之貲代天下輸租之半上御極言官

劾公假宸濠兵衛公不辯曰余只致仕去已矣久之知

與宸濠衛兵者實石齋楊公

按名廷和

當制正德九年三月

十五日也舊制凡閣下當制擬旨人親署銜著筆迹焉

故不得誣移之他公惟引罪連三上疏乞致仕無片言

自辨然後知公之大也難能也已足法也已

鬱洲集附霍翰梁厚

齋公傳

又附白沙集有示藏用七律十首詩注藏用梁文康初字

先生門人又查鬱洲集與行狀俱未說從學白沙此本

係顧迂客重修必有所本且初字藏用別本亦不多見

觀此詩先生傾倒於文康亦至矣五山志林按先生代容珪作丁知縣

行狀并張子白沙行狀俱云梁儲先生門人羅偶未考全集并明史故有是疑也又按藏用與儲名相應又

東莞門人袁暉亦字藏用

梁文冠字華卿鼎新人順德志隱逸最先從陳獻章游因率其

二子景行景孚學焉阮通志引粵大記予聞石翁陳子之學始乎

靜終於自然先生首與李伯溫兄弟從之翁館先生於家

訓其諸孫按本集有戲贈館賓梁文冠原注云嘗館白沙翁居碧玉樓嘗與先生

極論名理知其大有得也乃號先生曰見玉先生與李世

卿吳獻臣厚善石翁贈詩曰得雨花畦潤隨風鳥韻長公

來詩不少排日兩三章不嗜酒武人強引一杯酌之病兩

月而差少號鶴山晚居古谷種梅號古谷洹詞梁古谷先生墓志銘著

鶴山集未見阮通志藝文景行字宗烈宏治二年舉人知崇明

多善政門人錄棄晉江令返壺山吳公疏薦於朝嘉靖初起

為鎮江同知大學士楊一清其族子畱者干官府害里人

宗烈獨治之鞭其奴改王府按順德志作壽王府長史洹詞三仕集附見吳尚書

廷舉傳楊廷和假子殺人論死楊一清時寓鎮江為請減一

等罪不聽

大清一統志

湛若水見白沙景行為之介紹若水曰

白沙不作功名聲利往往而是宗烈超然世外未老而死

豈天不欲白沙之緒延哉

順德志

著壺山集十卷

未見阮通志藝文

景孚字宗正陳子有和景孚遊山詩

門人錄

景孚聘妻獻

章助穀三十斛

順德志

梁奎字文燦大良人弱冠補諸生從陳白沙遊沈毅醇謹

白沙雅重之居家以孝友聞趙督學扁其堂曰愛日宏治

二年舉人通判袁州闔郡稱其廉平中丞部使者交移檄

勞之值桃源洞賊數十萬薄城武將悉皆怯伏奎獨拔劍

研案誓曰不與此賊俱生遂上馬率眾出戰大敗之俘獲

甚眾益轉戰深入矢竭援絕遂遇害賊亦大創遁去不敢

復向袁州郡人謂微奎以死拒之則城不保矣事聞特旨

晉秩二級祀名宦蔭子世衡八品官

參順德志

梁貞字惟正

據本集補

南海人父贅室桂洲因家順德少遊

郡庠師事陳獻章篤志向學

參順德志

居父喪哀毀踰禮服除

不入寢所

廣州志儒林傳

宏治二年舉人陳子奠貞文云館中之

士求如惟正者守一而沒蓋亦希矣

門人錄

黃澤字曰雨

按阮志字若雨

順德石碇人宏治五年解元六年進

士陳子有聞澤發解詩門人澤性豪舉博學工詩善真草

書初計偕同舉人何欽按阮志欽番禺人澤同榜舉人官教諭病疫僮僕盡

死澤獨負欽至省治踰旬而愈人義之順德志

趙善鳴字元默廣東詩粹順德碧江人謝山存稿每誦陳子詩輒向

慕宏治十二年拜門下十四年舉人仕至南京戶部員外

郎門人雲南曲靖知府詩粹性豪舉博學工詩善真草書順德

志為世珍寶稱丹山先生西樵遊覽記著朱鳥洞集未見阮

甘泉集別後與趙元默言懷桃李默不言流鶯語春風語默各有

性此理誰能窮羈勒不由人聖人有天工豈無神化術能

使蛇爲龍

西雲梅花盛開
用元默西雲韻

梅花清太極雪月與通靈老

樹從心折春花就手迎

附錄

趙善鳴字元默與同年湛元

明俱出白沙門前因元明識其人甲午以戶部員外公

差過豫章出許司徒函谷所刻辨論爲惠始得盡見一

時賢俊論學之說

豫章漫鈔 按明史七卿表嘉靖
十三年甲午許讚爲戶部尚書

胡旦

賈志弟
子傳

字達明

補

號養蒙順德白藤人南海籍歲貢

性純篤與弟曼同胎生俱遊白沙之門有次馬默齋送白

沙先生應召詩曼字子纓號養源皆以文行高尚爲時所

稱

胡氏
家乘

蕭倫

詳南海黎潛傳

蕭立

賈志弟子傳

鄧德昌字順之水藤人

從南海潘志金石補德水藤人非南海鹽步之水藤

按順之順

貢生官應天訓導

門人錄

居西樵築鐵泉精舍讀書其中湛

若水極相推重晚年以其學授傅明應稱賁齋先生

西樵遊覽

記

讀書鹿洞復授史惺堂桂芳桂芳番陽人

按原錄誤作番禺人今改

正

官兩浙鹽運使得白沙之傳

參門人錄

附錄

宏治己未秋予與張傅之鄧順之趙景鳳

按景鳳疑丹山初字

約遊西樵而五羊李子長者聞之偕李天秩先候予鄧

氏未及面賦詩而去

甘泉集遊西樵記

南海倫以諒遊鐵泉精舍贈鄧順之詩我

愛鐵泉子迂疎不作家尊空方乞酒鼎沸旋沽茶囊貯
 春山藥樓深石徑花時攜九節杖天外挂名霞遠志
 樓在鐵泉精舍中嘉靖間按白璜西江志吳與粥傳
 鄧德昌建俱西樵遊覽記案語云甘泉東所惺堂受
 業於白沙之門按此語誤也蓋白志見明儒學案惺堂
 與東所附於白沙條下故遂誤以為門人耳此猶周蕙
 薛敬之皆薛河東再傳三傳門人故學案俱附於河東
 條下同一例也又按本集有與鄧勝之書未詳邑里
 豈即順之附望沙臺鄧德昌治甘學書刻在西樵望沙
 崑從耶錄臺南石壁德昌水藤人潘南海志金石
 按望沙者望白沙也猶欽定四庫提要惺堂文集史
 汪提舉之懷沙亭也桂芳字景實號惺堂嘉靖癸
 丑進士其語錄稱陳獻章未分無極源頭在誰書先天
 樣子來碧玉樓中閒隱几十千川遶又山迴之句謂數
 十年不似今夕了悟其宗旨可想

鄧翹字孟材順德龍江人善墨竹以正德歲貢教諭浮梁

陳子有荅翹送晚菊詩門人錄

鄧珙

賈志弟子傳 按阮通志案語以明新會志弟子傳有鄧珙無鄧翹順德志有鄧翹無鄧珙疑珙即翹榕

以為非也各志缺漏者多矣庸獨二人哉

張希載字博之號柏山順德龍山人宏治五年同鄧珙從

游陳子誨之曰君子之心常存恐懼於善未遷過未改恐

生懈怠於靜曰惺惺於動曰惺惺恐生冥醉湛若水曰昔

遊白沙惟柏山學有端緒正德間以貢生教諭攸縣參門人錄

性和靄而不肯詭隨士薰其德不嚴自化湖南附錄居西

樵東所相山諸人往來於大科烟霞雲谷間迭主講席西樵遊覽記 玉泉涓涓流恍如仙籟弄道人掬泉飲

日少月八

三

驚起蛟龍夢

柏山張希載

右刻在西樵噴玉岫張

希載白沙弟子詩無年月順德志稱柏山與湛甘泉處

西樵霍文敏樵雲出岫送柏山序稱柏山衝雲出樵甘

泉子送之南海潘志金石張在瑗字遠度順德人希

載元孫有祖風學宗白沙足跡半天下鼎革後不出

有緣樹山房集侍兒青郎香奴均能詩粵東詩海

康沛順德人

按順德志龍江龍山甘竹俱有康姓沛疑亦龍江康僉事麟之族

陳子喜康

沛至詩曰三年念遊侶奄至廬江曲睨皖枝上鶯相呼入

幽谷平生真淡意至老方恥獨沛之言曰先生之教也文

章性道因人而傳未嘗言易亦不語難沛遊門下十有四

年教我靜坐靜而匪禪日用之間要見鳶魚寂然之中天

機常動如洪鐘在縣不叩而鳴未嘗或息此乃先生之

教之全也

門人錄

李璠字伯温鼎新人年二十進邑庠補廩從學白沙篤志有為改過不吝雖淡泊自甘而志切濟人白沙推重之特以吳康齋所書雪竹贊贈之與湛甘泉友善同處上游庄凡十年年八十二卒甘泉臨墓致祭有輓詩藏於家大司

農張泰少司成周賢宣各有表銘刻於石

順德志

附按

詞梁古谷墓志云李伯温兄弟從石翁游考賈志弟子傳有李由李方李同三人俱缺爵里不知何人為伯温也

李孔修字子長號抱真子僑寓廣州高第街

順德志隱逸
按順德奈

語山錫純跋嚴大昌過花基訪李子長故居詩後云志稱
子長僑寓廣州幾忘其為順邑之大良人矣邑城東南曰
花基李氏多聚族於此謁其祠子長主在焉按今順德
古粉村亦有李子長祠白沙本集云偕順德李子長遊李
村出大清一統大明高士抱真李子長先生之墓
志云南海人誤

通議大夫詹事府詹事翰林院學士南海霍韜渭厓撰
鄉進士南海陳中誠元白書丹 禮部儒士番禺甘學

於槃題篆 甘學曰世道日下勢利交征挾寸能片長者罔
弗投合於時黜智守分篤志尙友於古者無幾抱真李子
孔修子長少從白沙遊飄然鶴思不伍於世破廬薄產蔬
食不繼未嘗作皺眉狀作詩寫字不履律於前自爲一家

或觀眺山水歸而圖之見者爭愛而酬之曰李子長畫云
平居管寧帽朱子深衣入夜不違近二十年足不越城闕
惟攻周易城中兒童婦女皆稱曰子長先生云閒出廬戶
遠近環視以爲奇物今年病卒無子學又曰惟孔修有古
之林逋魏野种放孺子雲卿之風誠皇明一代之高士於
是憲使李先生子庸少參王先生崇教聞學之言皆高李
子之風遺賢之經治之葬謹案李孔修子長行履世人稱
述多過其實今摭其可傳信者如左李子長有庶母父歿
母改適民家誣訟子長沒奪之產縣官繫鞫之子長無言

抑迫之輸供

按鈔本有供字南海志及西樵遊覽記俱脫去

操筆供曰母告委是

情真縣官疑之爲之覆鞫得其情乃知其賢禮敬之世人

由是請子長曰癡漢云子長少年輸糧於縣官縣官

按南海志

脫去縣官二字

異其容止詢姓名不荅惟一拱手縣官叱

今據西樵記補

曰何物百姓乃爾拱手耶呵之退又再拱手縣官怒答之

五竟無言以出白沙先生知之戲之詩曰如何又兩手剛

被長官答蓋實錄也子長少遊白沙之門白沙先生抗節

振世之志子長獨得真傳若東所張詡葵山謝佑皆於師

門無玷云是故子長之詩曰月明海上開尊酒花影船頭

海釣蓑白沙先生亟稱之曰後二十年恐子長

有子長字

按鈔本及西樵記俱

南海志缺

無此句云謝佑之詩曰活水引龍歸後洞古松

樓鶴上高枝志嘉遯也又曰看花得意流連舞坐竹隨陰

次第移言自得也

按鶴山志葵山詩集今無傳此是葵山歸山詩其起結云春風春雨入山時便

借清流浣舊衣蹤跡往來無捉摸此中疑有白雲知

東所之詩曰人才似寶真堪惜

宇宙如家合要扶全仁之量也孔修於東所葵山為久要

云又曰白沙流風之遠東所葵山子長不失其真云或問

於陳秉常庸曰子長廢人有諸秉常曰如子長誠廢則顏

子誠愚蓋秉常於子長同師白沙故相知信如此君子以

白沙明

三

為知言云後學霍韜不能加片言惟為之銘曰嗚呼子長

去矣子長逝矣子長後世於何望古風子長古節子長逝

矣子長後世於何臧古貌子長古心子長逝矣子長後世

於何彷彿按廣東文獻作仿嘉靖十年十一月十一日按碑原作十一月南海志

石按阮通志所引順德志郭志李孔修傳皆刪改霍氏

此表者榕慮後世不究其原故破傳志體例全錄之道

光二十年春子仲弟莊齡持鈔本霍公子長墓碑歸潭溪

云古粉重建子長祠友人某請為祠碑子疑鈔本有譌文

是年十月八日適與方君石琴梁君樸山游西樵得謁李

子長墓墓在翠林中故碑未殘泐茲因取南海志與鈔

本校訂各有譌異乃悟此一鈔本與一游覽皆奇緣也

本集次韻李子江門之水流千里玉臺之山多白雲此山

若解畱人住此水應須與客分雲谷丈人終不老舞雩童子又成羣去時若問來時路尋樂齋前對此君

送子長還五羊

津頭看水坐成癡天地閒人我卻知此日江山初見子向來風韻更因誰春波浩蕩舟難繫曉樹啼鶯枕欲敲江上

明朝空引望白雲何處久支頤

俱與張廷實書

雲谷老人李孔

修非吾廷實吾安知吾郡有二賢哉得手書喜而不寐雲谷已老將不可得見獨孔修妙年如廷實所稱非俛首當世之人也萬一他日往來之便庶幾接其緒論以信吾廷實能善取友也 子長病小愈曾見之否子長食黃柏不

死且以黃柏為有功諸君為子長憂黃柏也九月十三日

按子長與廷實俱居羊城故書問子長必於廷實此書疑在成化二十二年子長在館已半

月梁貢士告行奉此按宏治二年春廷實入都是年秋先生門人梁景行梁貞梁奎皆領鄉薦

因其入都故告之子長懷集之行恐未免內顧之憂能照之否

與崔楫書子長落水羅漢吾輩皆旋渦佛耶何故無一人救

之送子長往懷集取道謁張梧州五絕二寄子長仙首按此行在宏治五六年詳年譜五古

城李子長髮短不及寸家有覓粟兒時無郭元振題李

畫一絕青山影裏人家少綠樹陰中石徑微偶出洞門回

首望白雲何處有柴扉附錄白沙字李子長畫皆粵東之

所貴也

廣東新語

金竹集

題李子長先生騎驢圖真蹟

傳神問為誰亦復向何之應是白

沙路獨尋黃葉時低頭斜點點輕策下遲遲感激導先在

將思窮相追

自注東坡譬用劣筆作字如窮相驢

賞心方一笑滿眼足悲辛

畫主印文在詩家筆跡真

自注畫為伍重駒家藏上有高望公陳元孝題詩

無非

前日友誰是此時人堅久不如紙悲哉七尺身 石緣詩

鈔

香山茂才陳官題抱真子自題小影

抱得天真樂可尋春光澹蕩墨痕深

還將有象徵無象想見先生太古心

附港若水祭李抱真文

維嘉靖二十六年歲次丁未二月十五日丁酉友人前南京兵部尚書湛某謹

白少明人考

三

以庶羞果酒之奠昭告於故友李抱真之靈曰嗟乎抱真少游江門互四十年人曰學聖笑而不言嗟乎抱真溟滓自居美質天成不降其志不辱其身不慕富貴不厭賤貧上漏下濕歌聲徹鄰不離城市氣凌烟雲混迹塵世行希古人詩畫寄傲梅雪精神時出別調林逋其倫託體雲路峩峩高墳敬奠一杯表此平生尚饗甘泉文集按張子白沙行狀成化辛丑見我先生於白沙先生之識子長實由於張子先生與張子諸書可考也考子長之來遊白沙大抵在宏治元年是則子長之從遊僅十餘年而已而甘泉云互四十年與行狀及白沙集迥異若自子長從遊之年計至子長之卒四十四年矣又按阮通志職官按察李中嘉靖十年任參議王洙嘉靖九年凡二年是子長卒於嘉靖十年故李王二公爲之治葬無疑也又廣東新語云子長年九十餘卒按此則子長當生於宣德初與先生年相若今考先生與廷實書云獨子長妙年又云定山豈可輒寄以詩子長後生當存謙退云云當宏治初稱爲後生妙年况霍表又兩言少從白沙遊是子長卒於嘉靖十年年僅七十而已廣語所云類多無據故所載與甘

泉從遊之年俱未考

本集故有此誤也

陳交甫門人錄子長畫之失傳無論已乃詩句流傳亦竟
無一語今市坊偽刻鄙俚謬為子長詩此不待辨至生平
亦無可考流俗誣云以事詣縣拱手無言為所笞致有癡
巖之目此種無稽真是可恨異日續修粵志當改正此傳
毋令英豪受誣地下也 按陳解元僻處海隅故於霍表
及子長真詩未能遍考故有是言 又嘉慶間順德羅君
學鵬錄市坊所售子長貧居百咏刊入廣東文獻以為子
長真詩鄙俚殊甚誠有如交甫所云者即知其真猶當選
錄况未必真耶其中句如眼中怪奇事都讓他人做
出來等閑更唱無腔曲醉臥門前亂草堆竟似詩中無賴
子如此類層見疊出羅君凡例乃曰子長百咏約道德為
詩不纖不腐理確情真此等品題誤人殊甚且子長善畫
有霍表可按胡為百咏中無一字言及畫者羅君此
刻殊非闕疑之道當亟刪之毋令嗤大雅於千秋
附子長 順德文學李孔 扶病涉江還上嶺寄情飛躍有

詩

修春日遊西樵

扶病涉江還上嶺寄情飛躍有

少月人考

三

高深翠濛烟樹微通路紅亂花枝正滿林禪語本無生處

像聖功流出靜中心暮春全好風壇在明月堪來屬杖尋

嶺海 遊西 名勝 樵

奇花不盡留春久宿雨纔收月色新閣外凌

雲高去鳥山中問道遠邀人

廣東 臥愚 詩粹 亭

帶雨尋公到日

西野塘風景對君迷便安亭下供吟咏且愛花陰得杖藜

樂地焉知無洞府淡心我亦任招提百年意緒癡迷在也

未乾坤放眼低

廣東文獻三集 按 亭在大良詳諸友考

成化丁未豸南公

自北歸遂堅志不仕友人李子長贈詩云華陽昔日誇

宏景少室當年羨李公山腹霧深藏錦豹潭心春暖臥驪

龍數金漈統封侯重三尺侏儒寵澤隆蘆月渚烟能子北

一竿誰識紫溪翁

古岡梁氏家乘 宏治元年以後

按此詩當作於 梁公詳門人考

送 湛

甘泉 迎侍

大孝古來兒傍母一官今日母趨兒八千里路波濤

險飯是胡麻亦可悲

按此詩以甘泉傳考 之當作於正德元年

咏龍 眼

封皮釀

蜜水晶寒入口香生露未乾本與荔枝同一味當時何不

進長安

雜詩

竹屋三間隱薜蘿紅塵絕少白雲多客嫌巷

陋慳來駕燕為門低嬾結窩年老漸休題鳳字更深猶放

飯牛歌人間雪月風花景休問狂夫占幾何

子長詩多不 留稿故流傳

甚少 俱五朝詩選 按此首即貧居百咏之第三十九 最穩雅者蓋黃氏從他書販稗而出不然既見百咏何以

云流傳甚少也

題老女橋

四百年來事可尋石橋遺跡古猶今秋宵

惟有龍江月照見當年老女心

西樵遊覽志

按老女橋在龍江龍山交界湛若水

有宋貞女吳妙靜墓表見甘泉集順德志龍山志

王中秘文集有與李伊令書云吾鄉李子長先生醇謹端

慤聞其亦有妻每食必舉案齊眉

按原本缺齊眉二字不可通今補入

酷肖

伯鸞之為人吾因輯其詩歌以繼五噫

按中秘所輯者今罕傳

雷更

愛子長當家無事時天子三年一舉士之賢者皆得試之

有司坐大門左諸生頭伏足緣行被髮纓冠聽黜子長年

少奮然曰朝廷至大士至小至以不肖相視耶即棄硯去

後有司聞其賢乃於貢院旁築擲硯亭

按擲硯亭或有築亭事疑虛傳俟考

今伊令子長曾孫也行端慤有祖風時天步艱難已弃儒

冠不仕僕去年春交伊令因懷子長約遊黃山三十六峯

結茅其上

天尺

曰吾鄉皆傳子長先生無妻今閱中祕書

乃有伊令聞孫其非無後人可知又曰子長嘗從白沙先

生講學得無欲之旨操行廉潔人不可得而衣食之布政

使朱英

按明史阮通志朱英前為廣東右參議後為總督未嘗為廣東布政為參議時子長尚未生此或彭

謂之

餉米二十餘石固辭不獲乃悉舉所有瓶盎盤匱之

屬才容一二石許餘則不受遇空輒畫貓賣之毛骨如生

鼠見驚走其山水翎毛亦精絕人皆寶重然皆不肯多畫

平居人希見其面間出擇地乃蹈遇雨輒拱手徐行人曰

先生何不趨曰前路豈無雨耶人皆笑之晚於道深造年

九十餘無疾卒今西樵祭社以子長配為社師云

五山志林按

先生寄子長云家有覓粟兒可證其有子矣然霍表又云無子蓋有子而天也中祕所交伊令者別支入繼耳又榕昔寓大良諗諸李友人雲山雲山云今亦無嗣矣是伊令之後又絕矣

抱真先生李子長墓在雲路峯前霍文敏公為設祭田以

附祀於社樵人祭社每尸祝焉有像在社學山中童子入

學必先謁之水旱厲疫禱之輒應嘗有奸民夜斬墳木一

子長墓詩九原容我尋高士三疾如公是古民處
士謹成王失貴先生墳在社長存西樵遊覽記

東莞

林光字緝熙東莞人爲諸生讀吳澄論學諸書感悟建得

趣亭讀書其中

阮通志引黃志

成化元年舉人

阮志選舉

五年會試拜

陳子於神樂觀從歸江門曰吾得師矣已而築室欖山往

來問學者二十年

按緝熙於成化五年從歸江門十五年丁外艱適十年矣先生有林彥愈墓志

可考此云二十年誤

丁外艱服闋母強之出二十年會試中乙榜授

平湖教諭勉學者反身修行士習丕變二十二年主考福

建宏治二年主考湖廣五年同考順天試陞兗州教諭黃志

丁內艱起復嚴州府教授門人錄陞國子監博士三載乞致

仕不允陞襄府長史致仕竟日危坐手不釋卷陳子曰從

吾遊得此道而能踐履者惟緝熙耳湛若水亦曰白沙夫

子崛起南方得其門者南川一人而已少陳子十三歲黃志

白沙之門見道清澈尤以林先生光為最光所上白沙書

得力過於甘泉廣東新語年八十一卒黃志著南川集十卷存阮通志

文子時衷嘉靖七年鄉薦仕鎮南知府有廉惠聲阮志引東莞志

林時嘉字子逢光族子嘗從光遊白沙門自律甚嚴入邑

庠規行矩步不習流俗提學魏校嘗選為西隅社學師初

聘妻李未娶而瞽母欲改聘時嘉堅執不可竟娶之相敬

終其身不衰時高其義

阮通志引
粵大記

本集

紫菊吟寄
林時嘉

懷哉

種花人杳在江一曲遺我盎中金南牕伴幽獨

送林
時嘉南

川夢裏舊青湖何處青燈一榻孤畱取幽禽守花月隔林

還與盡情呼

林時矩東莞人

本集注云
先生門人

本集

與時
矩書

禪家初看亦甚可

喜然實儻侗與吾儒似同而異毫釐間便分霄壤此古人

所以擇之貴精也

與張廷
實書

時矩語道而遺事秉常論事

而不及道時矩如師也過秉常如商也不及胥失之矣按此

書作於成化十八年與林友書時矩可與共話吾兄但降心氣受之則

有益按時矩疑亦光姪輩

林投或曰光族字秉之光之族阮通志諸生據本集補本集悼林投七律二首

扶胥早寄坐中身晚入鬢宮忽四春又聞道平湖歸漸近

相逢空有淚沾巾按此詩意是秉之進庠四年而卒卒之歲當在成化二十二年時光為平湖教

論也寄袁暉歲首詩緘寄早梅路旁先倩秉之開而今兩

眼西風淚誰解傳聲到夜臺按本集林彥愈墓志生二子明光弟也又伍氏族譜序林

光謂其弟投云是

投或光從弟也

林敬字子翼東莞人

阮通志

本集

寄袁暉林敬

頗憶江湖林子

翼小齋畱飯更袁暉

按以上四人東莞志缺載

袁暉字藏用十歲喪父時往墓下號泣家貧業香櫃以養

母夜則讀書陳獻章過訪大稱許焉暉遂遊於其門其學

務力行不事章句新會令丁積見之歎曰不意布衣貧窶

卓立如是獻章嘗曰林緝熙稱袁暉決非泛泛者伍光宇

從余遊余甚愛之亦以其不泛泛也伍光宇死鄉曲未有

如光宇者暉其光宇之儔與後辭歸終身不求仕以孝友

仁讓教鄉閭時俗為變年七十三卒

東莞志本集七絕擬於精舍旁結小菴

以處

袁暉

按東莞志始稱袁暉者林光也稱光字從遊今光字死

者先生稱伍光字也原是兩人考黃通志林光少陳子

十三歲年八十一卒是光卒於正德十六年卒在先生

之後廣府志儒林傳改云昔光從余遊今光死云云誤

甚附錄袁金蟾陳白沙門人袁暉仲子少好學仙終身

錄不娶獨坐臥一室中髮結成毬生平不盥洗嘗

宗白沙詩有夜深山色靜明月滿西川之句

年八十四卒後有人見之增城山中廣府志

疑補 順字致和東莞人阮通志名儒陳獻章高弟石阡天

順四年進士成化十一年建儲賜一品服使朝鮮凡輿馬

金繒聲伎之奉一切靡卻三韓君臣駭異為築卻金亭未

幾陞江西左參政以誑誤阮志引十九年知石阡知府石

阡黃志

黃志

阮志引

十九年知石阡知府

石阡

石

石

府志其地僻陋至則謹斥堠開屯田廣儲蓄流散日復士人素不知學自開郡來無貢舉乃集儒生親爲講授數載而擢科者數人宏治六年陞山西右參政八年陞福建右布政尋轉江西左布政按撫交章特薦王恕在吏部亦疏引之內閣邱濬劉健皆欲薦順順辭甚力其生平邃學問持大體用公帑一毫不妄費在江西積金數千將易簣聞人言可私爲歸計者卽戒妻子曰若私此金吾目必不瞑寧歸而餓死也乃悉歸於公卒年六十四著石阡志十卷阮志引黃

巽川集十六卷末附張元正所作墓志賈宏所作

墓表各為一卷

欽定四庫提要按賈字疑費字之誤

寶安雜詠一卷皇華

集二卷

存既通志藝文按巽川為先生弟子僅見石阡志各書未載

補疑陳猷字公遠東莞人少即厲志動循矩矱領成化戊子

鄉薦讀書太學僑居神樂觀猷從講學終日澄心靜坐充

然有得

廣府志

補劉拭字君範香山縣人有篤行樂推解嘗及白沙先生

門與李子長楊淑廉友善有劉楊唱和集築室馬頭山吟

嘯自適編輯族譜鄉里稱賢卒年九十三

香山志耆壽引劉氏家乘

增城

湛若水字元明

初名露字民澤避始祖諱改為雨後定今名其先莆田人元有諱露者為德慶路總

管府治中卜居甘泉都沙貝村

先是成化二年丙戌中星明越之分野先

生適以是年十月十三日巳時生

參羅洪先甘泉墓表

兩耳旁各有

黑子左七類北斗右六類南斗年十四始入小學十六學

為文遊府庠撫臺視學教官肅諸生以跪迎先生執不可

宏治五年壬子秋闈中式甲寅二月往學江門

參洪垣甘泉墓志銘

陳子稱之曰民澤遠到器也日用隨處體認天理著此一

鞭何患不到古人佳處

按日用以下二十字見本集與民澤書

書與李承箕

曰楚雲臺自湛雨來始放膽居之冷焰迸出雲臺之上晚

景得渠真有益

門人錄

十二年己未贈江門釣臺詩云皇王

帝伯終歸盡雪月風花未了吟莫道金針不傳與江門風

月釣臺深

按本集江門釣臺與民澤七絕三首

曰江門釣臺病夫衣鉢也茲

以付民澤將來有無窮之祝庚申白沙沒為之服衰甲子

僉憲徐君紘勸駕

按阮通志引黃志於勸駕之下云過南

年矣甘泉集有祭定山文曰癸丑謁先生於定山此語可證南京又誤作南昌故刪之

乃入南京國

子監祭酒章懋試醉面盎背論奇之

黃志

十八年會試學士

張元正楊廷和為考官撫其卷曰非白沙之徒不能為此

置第二授編修時王守仁在吏部

按俞璘陽明先生年譜宏治十八年先生三十

四歲是時為兵部主事湛若水為庶常一見定交共以倡明道學為專門人始進明史王守仁傳始授刑部主事後補兵部至此湛傳又作吏部誤也 講學與若水相應和明史儒林傳 正德七年

壬申墓志出使冊封安南國王餽金卻不受贈詩有白沙門

下更何人之句黃志按明史安南國傳正德七年明十

年丁母憂廬於墓側墓志三年明產瑞瓜九實相連人以為

孝感所致粵大記十二年服闋墓志築西樵精舍士子來學者

明史日給錢米開禮舍必齋三日黃志先令習禮然後聽講嘉

靖元年壬寅陞侍講三年陞南京祭酒七年陞南京吏部

侍郎八年轉禮部侍郎十年轉吏部侍郎十二年陞南京

禮部尚書十五年南京吏部尚書十八年南京兵部尚書

置新泉三山二庄田講學於新泉書院江都縣西有甘泉

山立甘泉書院由是書院遍於天南獻徵錄南京俗尚侈靡

為定喪葬之制頒行之明史禁火葬毀淫祠獻徵錄十九年庚

子疏請致仕墓志年七十五取道錢塘遊武夷構精舍於羅

浮朱明洞建書院青霞谷李默撰傳二十三年九月登祝融峯

十一月朔作白沙先生新祠祝文甘泉集嶽遊紀建白沙書院置

田五頃復取白雲山為白沙祠自其祖江以來田連阡陌

世為土豪若水盡增田宅歲入數千而性好食宿肉沙飯

居漂搖危樓營建歲無虛日人皆異之黃志年九十按廣東新語作

九十二三遊南嶽甘泉集未載俟考猶為南嶽之遊過江西安福鄒守益守

仁弟子也戒其同志曰甘泉先生來吾輩當憲老而不乞

言慎毋輕有所論辨明史三十九年甘泉集庚申四月念二日

戊時一星如斗其光燭天聲如雷舉城皆驚殞於文院按黃

通志有大星隕於廣州河南卒於所居小禺洞即終於正寢墓志年九十五墓志按廣語

云卒年九十六皇華紀闔城奔哭者以萬計墓表訃聞賜祭

葬黃志隆慶初贈太子少保粵大諡文簡大清撰甘泉文

集三十二卷欽定四庫提要長子東之次子東

白少門人考

之按墓志長子東之原作東西之東次東之作東帖之東二字最易混故阮志引粵大記混稱今考甘泉集別白

之蔭知府三涑之生遺腹子恭先墓志最賢生八子敏學競

爽盛德之後必昌云粵大記明興白沙起當時來學者至傾

天下甘泉擴其緒而大之南海潘志雜錄相從士三千九百餘人

墓志其門人最著者有永豐李懷德安何遷婺源洪垣歸安

唐樞明史呂柟蔣信赫通志按明儒學案涇野呂修撰在

遊處講學耳非弟子也又學案云常德蔣僉憲兩次從遊皆在甘泉遊南嶽時時王守仁倡道東

南若水與之竝駕四方名士翕然宗之賈志弟子傳

附錄甘泉翁官至上卿服食約素推所有以給家人弟子

小宗大宗有義田有合食廣東新語相從士三千九百餘於

其鄉有甘泉獨岡蓮洞館穀增城龍門有明誠龍潭館穀於羊城有

天關小禹白雲上塘蒲澗館穀於西樵有大科雲谷天階館穀羅浮有朱明清霞

天華館穀南都有新泉同人惠化館穀溧陽有張公洞甘泉館穀揚州

有城外行窩甘泉山館穀池州有九華山中館穀徽州有福山館

穀武夷有六曲仙掌一曲王湛會講館穀先生以興學養賢為己任

所至咸有精舍贍田以館穀來學故所造士皆有得於

先生之學以淑其身以惠諸人羅洪先甘泉墓表孟氏以得天

下英才教育為樂如先生者可得其樂也已吾人為孔

自少月人等

四三

孟之徒貴而有位者當以先生為法

廣東新語

劉瓛字宗信增城人

門人錄

太學生

本集劉氏祠堂記

本集

雨後示劉

宗信林時嘉五絕二首

送

陳陳

按阮志引粵大記作林陳日旁从東西之東誤

字子覺增城仙村人少倜儻

讀書南海廟大書於門曰白浪起時浪花拍天山骨折呼

吸雷風黑雲去後雲芽拂渚海懷開吐吞日月御史見而

奇之欲召見陳請士相見禮御史重其才竟禮之御史後

謁白沙語及陳歎曰斯人諸葛儔也陳子憶舊遊南海祠

懷陳陳詩云子覺饒英氣攜書話此官清詞無厲鬼大水

有真龍過客愧諸葛論詩病長公往來三十載美惡迸成

空門人

按陳暕林棟姓名字形相似故本集及通志門

人錄皆相混

碧玉樓本卷九

悼林棟

从日从東西之東

云一日之

雅亦為哀鍾淑相隨入夜臺

按淑新會人詳下

此生未了男兒

事也向扶胥打坐來扶胥打坐即此增城陳暕字子覺

寓南海廟事

按先生有扶胥口借浴日亭韻詩是扶胥即南海廟之證

又考暕

日部九畫

從東帖之東

明也與陳暕字子覺覺與暕名義相應日旁从

東西之東字典無之蓋寫刻者微誤耳是陳暕暕字音

簡字子覺增城人林棟

棟梁之棟

蓋即陳暕之誤決知其同

一人者以其同用扶胥事也又先生詩云辭賓子覺剛
卽謂陳暕寓南海廟辭御史事也

陳東淵增城仙村人

門人錄

本集

處士陳君墓志銘

郡諸生馬龍

爲其友陳東淵乞銘其祖處士忍菴之墓處士孫東淵承
其父永榮君之命來謁白沙館之小廬山精舍自冬徂春

按事見宏治元年年譜

戀戀不忍別予遊厓山請執杖屨以從東淵

旣朝夕待我側略無一言及於銘予益重之處士於予初
無一臂之交予之銘以一馬生之言猶未也豈不曰東淵
在白沙館能謹子弟之職事先生於厥祖有光耶

尹鳳字舜儀增城人性孝友連喪二親泣血六年腰經不

去身遇所生日不御酒肉閉門悲思輒逾日阮志引行古增城志

道有古人風與湛若水同遊陳子門築萬竹臺於九龍巖

按巖在西樵相與講學屢賓於鄉卒年八十二門人錄湛若水表

其墓增城志按墓表甘泉集缺附錄竹石元來不必分竹精神是石

精神若教萬竹論封爵可配當年萬石君甘泉集萬竹尹先生為人孝謹

有似萬石君建故詩表之

三水

陳冕字子文三水白泥人生員雅負氣節陳子甚重之參補

本集并 門人錄 本集 至陳冕 家五律 贈陳冕 七古 次韻 陳冕 西遊笠頂是青

天每愛前村酒處眠 秋雨閉門人不見 依稀猶記下江年

按先生於成化十八年往梧州經白泥至 陳冕家疑卽此時日下江者自梧州回也 陳冕 墓銘 伯道有

子劉蕢登科責報於天 所得幾何邁邁子文 蹈此高墳我

銘爲子顯於千春 按本集城隍廟記宏治癸丑冬郡 守命生員陳冕來徵記疑同一人

陸之三水清塘人 陸宣弟 按肇慶志宣天 順六年舉人 澄心理學嘗應

弟子試已入選 督學欲易名爲宜之 曰君子已孤不更名

辭不願充歸從陳子遊 陳子雅重之 門人錄 阮志云本 高要籍嘉靖五年始

割置 三水

新寧

林樟字挺之新寧人

按原隸新會舉文章人人物傳缺載

新寧志選雲南蒙化

府經歷陳子有送樟入京七絕參門人錄

清遠

補李輔字芝松清遠人陳獻章高弟品甚高一時臺省咸

重之

廣府志儒林傳

是時陳獻章倡道東南從遊者最盛皆樂恬

退故門人李輔子長多以隱終

番禺志張詡傳附

著芝松詩集

未見

阮通志藝文

按芝松贈先生赴召詩見成化十八

年年譜又按阮通志李輔傳案語云白沙集有贈李司訓詩按是五律清遠志選舉稱李輔為正德十年歲貢任浦城訓導榕考此詩題是當先生時已為訓導若清

白少明人考

異

遠志選舉之李輔其歲貢在正德十年時先生卒已十五年矣阮志以為即白沙集之李司訓即白沙門人前後矛盾蓋白沙集之贈李司訓別是一人或正德二字乃成化宏治等字之誤均未可知

補楊憲臣初名敷清遠人以兄沒襲清遠衛指揮從學陳

獻章

廣府志 辨 詳江西條

高要

補鄧崇德字子修由鄉舉

按肇慶志正德十一年舉人

授沙縣知縣俗

狡詐難治崇德作十事諭民嘗決疑獄活一家死罪者三

民稱神明未幾卒百姓如哭其私

高要志

嘗游陳獻章門卒

私諡古廉先生

阮通志引 高要舊志

開平

補馮殷字質夫開平人宏治二年鄉薦游白沙之門究心
濂洛得其大旨嘗與李江羅素讀書薛公巖

肇慶志引
舊府志

鶴山

施用字以政竹萌人遺腹子也少嗜學太母惜之則甕其
燈候太母寢乃默誦嘗游白沙先生門宏治五年舉人知
太平縣著廉能聲有兄弟爭訟者賦詩示之感泣而去以
不得郡守意議左遷百姓遮畱泣別家蕭條猶好施友人
林捷之貧月給資糧既卒猶餽不絕卒年七十五第五子

應岳拔貢

鶴山志

易元字德元號南峯玉橋人

鶴山志

為郡學生有文名嘗與

陳庸容珽謁羅倫於永豐倫贈三峯記

參賈志弟子傳

風骨嶮

巖氣度軒豁如神人異僧使人望而敬者南峯也易君德

元有之

羅倫南海三峯記

補易鏞字用之

按先生與易贊書亦作庸庸用也故字用之庸鏞古通詩曰鏞鼓有教是也

玉

橋人少從白沙游慕古學以禮自守不屑治家產邑令徐

乾請赴賓筵謝以詩曠情逸致山川自娛年六十卒

鶴山志

易彬字公學玉橋人與弟才游白沙門

易氏族譜

本集

易彬計至

乞書
銘旌

羣賢半逐春雲散
老淚還隨暮雨飛

附錄
梁儲與易
公學書久

不奉誨言李長源回曾致一書亮達左右春來起居何
如具慶下惟讀書全有多福儲居此託庇無恙惟元氣
未充精力未覺強健故自此日加保護以為後圖人事
苦煩莫得如願亦不敢怠忘也餘無可為吾兄道者企
以時為師門珍重丁大尹名積字彥誠贛州寧都人蓋
欲勵清操而愛民者數以新會事之宜理見問儲曰余
無所知識無己其惟得人咨訪乎友人易公學清和有
識倘得而商確之當有以稱盛意者但恐其不易致耳
丁曰當不忘公言瀕行遂求書道意僅具說如此惟吾
兄裁之不具公學兄執事辱知梁儲再拜鶴山志按
丁梁二公成化十四年進士同年此書當作於十四五
年丁公初任新會時似當錄附新會名宦丁公傳下一
以資考鏡一以
存公臣佚事

補
易才彬弟與兄彬游白沙之門

易氏
族譜

補 易贊字翼之別字菊主玉橋人白沙先生門人女適白

沙孫貢生晚白沙有畱菊主飲酒詩題菊主詩卷文一篇

鶴山志雜記 按詩見補遺文詳宏治十二年年譜

易龍字體乾按阮志云新會人今隸新寧誤坡山人博學強記性端潔歲

貢為郴州訓導其教人必先明義利嚴課程而徐講古禮

以維之州人郎中何孟春曰吾黨弟子不知根本工夫未

仕而行已治家可觀君之教也艱歸喪祭盡禮率其族建

祠堂作家訓立宗子以統祭祀常曰宗子不能修身庶子

不敬宗子皆為不孝服闋補汀州府訓導按門人錄作江州誤從子

逵登科年少事之最謹新會王志 按鶴山志龍一字宜

區越皆有贈汀州

廣文易宜秋詩

補易允字秉信號隱求坡山人庠生易氏族譜

本集書易隱求銘旌

後感作七絕 三首之一 半雨半晴鶯亂啼溪邊丈人還杖藜不見舊

時遊走伴白頭衝雨更衝泥 荅易隱 求書

新興

補梁玠新興人由貢入太學授衡州府訓導陞永福教授

未至任卒性孝友早遊白沙先生門冠昏悉從家禮居喪

不事浮屠捐俸置田遺石鼓書院還家橐無餘貲肇慶志 引新興

志

補李元傑新興人性樸實父直舉人按肇府志選舉舊志

入今屬鶴山按鶴山志西園人誤作戊午科既喪按喪下當有元傑二字今補入元傑服闋慕

白沙先生往請作墓志按墓志本集缺載遂師事焉先生嘉其誠

號之曰習隱平生口不道虛言足不履公門壽八十二知

縣胡堯時旌曰處士肇慶志

博羅

何宇新字子完博羅人性至孝父潛早卒每忌日輒泣不食母卒水漿不入口者七日獨居中門外不盥櫛不爐扇

旣通志引
戴璟通志

母死貧不能葬鄉人感其行爭賻之發引致奠
至七十餘筵遇積雨不止及輜車屈道隨在輒晴雨若爲
迂避者旣葬縛草廬墓側夜有虎蹲其門宇新曰罪惡之
人孤哀萬死盍早食我穴壁窺之二虎也旦去夜輒至每
浹旬則易二新者猶瓜代然宇新忽得疾鄉人舁歸其家
在城虎亦尾之去疾愈還墓則虎又來家畜黃犬三五日
輒候墓所宇新有所需卽書紙繫其頸家人見之具備繫
還有旨旌其門後宇新第鄉貢入南監蘇人錢士宏與之
友善見其近體衣尙結衰絞帶牢不可解以示終身之喪

云宇新嘗求李西涯諸名公為作廬墓詩白沙封其卷題

詩有直憑天地閉秋冬之句惜其自暴也雙槐歲鈔嘗遊陳獻

章之門獻章書卓行二字并遺詩曰遶舍烏成陣終年虎

臥門山梅初並蒂冬竹又生孫耿耿天公識明明國典存

千秋何孝子不愧史官言宏治二年舉人仕至宗人府經

歷請告展省墓卒於家阮志引附總督阮元撰贈監察

君五世祖宇新明舉人旌表孝子君以次子南鈺貴

阮志冢墓按本集有與光祿何子完書不知署正

抑典簿也又按本集何孝子廬墓詩卷七律春夏誰開

發育功直憑天地閉秋冬本無惜其自暴之意歲鈔恐

誤會詩意又阮志引歲鈔亦多倒錯故檢歲鈔移補

之又考子完來從學當在成化二十一年詳年譜

曾確字子魯博羅人宏治十七年舉人正德間知尤溪俗

佞鬼確毀淫祠黜浮屠建義倉十七所寇犯境擒其渠率

福建通志陸湖州府通判致仕以薦為南京刑部主事卒年八

十嘗受學白沙

博羅志俱阮通志

仕工部員外郎陳子贈確還博

羅詩風袂飄飄過五羊五仙遮道問行藏廬山莫道無分

付領得春風古桂香

門人錄

潮州

龔日高字志明潮州人陳子有曉枕示湛雨龔日高詩

門人錄

錄

楊璵字景瑞海陽人師事陳子與王守仁善正德三年進士授監察御史彈劾不避權貴按江南全活冤獄百餘人

病歸族有規鄉有約化行於鄉潮久苦堤隄具奏建築潮

人賴之入祀鄉賢海揭二邑皆有專祠參門人錄按阮志缺傳選舉表云

潮陽人揭陽學

補余善潮陽人師事白沙賈志弟子傳由歲貢為橫州訓導母

老乞歸家居倡明四禮邑中號道學先生附父余真傳阮通志引潮陽

志
附鶴山志易準字淑衡坡山人邑令羅僑敦請為都

錄老書云前治丁大尹鄉賢則有陳白沙相行四禮

民淳俗化本集撰丁知縣行狀云民窮於侈且僭侯

為申明洪武禮制參之文公冠婚喪祭之儀使民有所

據守每鄉擇老成者主之 按此四禮能
行亦富教之一助贅此以志存羊之慨云

補 林巖揭陽人今隸澄海嘗從白沙講道江門居家有禮恤孤

周貧積善行義不替父風附父林希蔭傳阮通志引黃志

補 趙日新潮陽人宏治五年舉人羅城教諭成化五年舉

人趙相子阮通志選舉本集與趙日新久不見生一日得生手書

如語予館中不知其在羅城也去白沙幾年味生之言欲
再見白沙而不可得甚矣生不忘白沙也憂病之餘泯泯
默默無可為他人言者念生忠信之人可與共學然問之
者甚切告之者無序生雖有求於我其何補於日用乎賓

陽陳掌教可人也。可一通之餘不具。

贈趙日新還潮州

考德每

勞依講席臨流親為瀉椒漿。

按日新本門人各書俱缺載

樂昌

鄧球字俊圭號東川樂昌人父容

按阮志選舉誤作子容蓋倒錯

死難諡

忠毅兄瑗舉人官僉事

從阮志補兄云碧玉三年空枕塊是詩作宏

按先生慰鄧俊圭喪

治十年時先生亦丁艱也

球成化十年舉人從陳子遊贈詩云忠臣有

子堪傳後古道無人僅見君李世卿還楚陳子擬邀球共

遊衡山不果少陳子二十二歲

參門人錄

方伯吳公東湖

按阮志職

官正德十年至十二年吳廷舉為左右布政司

稱以冰雪肝腸及卒

補

吳公建祠

祀之

阮通志引
樂昌志

吳川

林廷獻字公器吳川人受業白沙宏治三年進士令永嘉

遷建昌同知以廉明著未幾以兩艱去尋補蘇州同知

參黃

志禁絕陋例大蘇民困

郝通志

生平篤志理學功名富貴淡

如也

高州志俱阮通志云由永嘉知縣陞蘇州同知勤敏有才奉身廉約甫

三載以憂去與黃志異

與黃志異

新會

存疑伍雲南山人

本集

伍光字行狀

君諱雲字光字自少軒整

三月十八日

三

有志於世人有善好之若出諸己己所欲爲必欲強人爲之垂四十始交於予南山之南有大江君以意爲釣艇置琴一張置供具其中題曰光風艇遇皓魄當空水天一色君乘艇獨釣或設茗招予君賦詩予亦扣舷而歌不知天壤之大也君以夙疾未除其爲學也不能無日暮之憂便杜門危坐竟日別於白沙築草廬三間號尋樂齋自成化庚寅冬至明年首夏凡四閱月無日不在尋樂始與家人約云吾不可去白沙吾其齋戒有事於家廟吾疾作須扶吾乃歸小健吾當返愼無以家事累我學主力行前此惟務

意氣勝人至是痛自懲艾嘗勵聲曰雲不自樹立不如死
君篤於事死之禮月旦十五日君以夜半起衣冠拱立祠
下以俟尊卑男女咸來無敢不虔辛卯秋爲祠語人曰吾
息奄奄惟是祖考所棲未有定處吾雖存一日不敢怠語
未畢痰出不絕卒前數夕焚香燭招予與訣云雲薄命負先生
數日遂卒年四十七實辛卯十月十八日也無子以兄裕子秉
中爲後云

按先生作光字行狀在成化七年先生年四十
四伍子卒於是年年四十七是長於先生三歲

賈王二志俱云少於先生七歲誤也先生懷亡友光字
云先生英骨葬蓬萊以先生稱之本在朋儕之列況長
於先生也且考先生於諸門人曷嘗以先生稱之或伍
子以師禮事先生所謂有道德者不問其年而先生退

讓自謙此可以理推也昔蔡西山先生以師禮事朱子朱子與之語驚曰此吾老友也不當在弟子之列廣東新語云甘泉講學天關時有簡翁年百又三歲來執弟子禮甘泉弗受延翁南向謂翁所養純一吾當師之是伍子之於先生也不必弟子不必不弟子也

容珪字彥禮號到軒荷塘人父恪

詳諸友考

命珪與弟璵璿璣

俱從遊白沙年五十五卒白沙輓珪詩曰四雛一母乳

按珪

璵璿璣皆母阮氏出故云見先生容處士墓志

衍衍東山岑二雛羽翼長一去無

遺音母衰二雛小中夜哀莫任感此骨肉別悄然傷我心

蕭蕭暮色起脈脈春江深百年會有盡淚下雍門琴

按此輓珪

詩第一首

又曰容氏多兄弟西良此白眉

第三首

又有祭彥禮文

珽字彥昭號兩峯成化十一年夏白沙命珽與陳庸易
元謁羅倫於永豐爲五古贈別曰遠行會離索四顧仍低
迷羨子意氣豪別我無一悽至永豐倫贈三峯記曰蹠踞
廣博意氣端重如頽玉者兩峯也兩峯在東良彥昭有之
年四十一卒白沙有奠彥昭文 璿字彥潛號清軒白沙
與珽書某小恙不足慮旦夕耿耿正爲璿耳無何璿卒有
奠彥潛文感彥潛卒詩七律 二首 璣字彥貞號半溪 彥禮
率諸弟同在館下彥昭彥禮彥貞彥潛相繼卒感作云水
光山色兩依然不見當年載酒船老我交遊疎後進君家

兄弟散朝烟兩峯脚蹟今安在

自注兩峯嘗謁一峯定山

彦禮碑詩久

未鐫

自注某欲為彦禮墓志未刻

莫道江門空識我千秋遺話及璣璿

容璘字彦文號虛白父慎

詳諸友考

白沙有與彦文書荅彦文

見訪詩

球字彥輝號北溪珪從弟白沙有北溪容球來訪

七律二首

有

云看君迴出諸容右問我何如十載前

俱容氏家譜及本集

容欽

賈志弟子傳

按欽未詳疑亦珪族也

按一門昆從

從遊見於先生詩文者以容家為最今以拘於篇幅不

能多錄阮通志但沿門人錄諸書於諸

容多混且畧今據容氏家譜分列之

鍾淑陳獻章嘗曰所居之旁伍雲鍾淑陳曠此其人皆可

以共遊

新會林志

悼陳詩云一日之雅亦為哀鍾淑相隨入夜

臺

門人錄

按潭墜族譜鍾玠字廷重號宜勉生景泰六年四月初

十日終正德六年年五十七從遊白沙先生先生曰伍

雲鍾淑其人可以共遊後曹郡長辟為都埠長

按郝阮通志職

官宦績俱云曹瑒正德三年知廣州巡行七邑徵鴨埠以充軍餉

林侯造廬勸駕固辭

弗就又云嘉慶六年宋知縣准入忠孝祠

榕

按鍾譜以

淑即玠考先生悼陳詩云鍾淑相隨入夜臺是淑亡

在先生之前明矣今按白沙集與鍾譜淑與玠分明兩

人新會林志誤據草志混爲一人以未嘗考鍾譜之故
鍾譜以淑卽玠又以未考白沙集之故

補陳容正統三年舉人長沙教諭附見小岡梁氏家乘梁

下從頁今敬避 廟諱改作容 按陳名上從馬

舉之年計之是時先生年才十一是先生約少於容二

十許年矣

陳魁事陳子最久賈志弟 子傳本集與舊生 陳魁書生仰給於鉛槧

瓶無贏粟以畜其妻子年幾六十益以疾病困以盜劫士

一窮至是哉昨望見生如東田老人稍就之疲頓與石翁

異者幾希

陳瑞字德貞豪邁不羈善寫山水成化中有名藝圃授直
仁智殿錦衣衛鎮撫師事白沙力於學嘗以非其罪望名
縲縶白沙救釋之後於逆旅樓中客有議白沙之學者遂

力辨之大呼墜樓折肱其篤信如此阮通志引本集與陳

德貞聞近被繫郡獄計今當道多明察想不加害於無罪

之人且安心順命善調攝為禱

陳紹裘字仲治外海人宏治八年舉人仕浙江布政司都

事陳子有寄仲治金臺詩門人錄

陳謙按先生復李世卿書昨陳伯謙過白沙疑伯謙即謙字也張詡曰先生精神嘗與

神明通居外海陳謙宅有異人來見云

阮通志引弟子傳按此事見何家

本白沙集張子撰先生行狀碧玉樓本缺按新會林志古蹟白雲書樓在石頭雲廈里明宏治間陳伯謙建伯謙號白雲有李世卿碑記陳獻章撰楹帖云半畝宮成堪老白雲居士一瓢酒熟時來紫府神仙疑即在外海有異人來見同一事但與石頭異地耳豈伯謙初家陳氏子孫拓此碑碑高二尺八寸題曰陳氏承先裕後堂記未署宏治庚申九月壬戌李承箕書書法亦傲白沙

陳邕字君敬

賈志弟子傳

潘松森字季亨潮連坦邊人性孝友從陳獻章遊少獻章五歲事之如父病革獻章親送之歸及沒親臨哭之

新會草志

本集

代簡潘季亨

四野狼烟一夕消歸裝已度白雲橋江門

忽值攜琴使寄語閒來話寂寥

誄潘季亨詩序

季亨之交於子

十六載意篤而業不光一旦棄我而死不塞望矣吾所以

不能不為之慟而追憾於平日也嗚呼季亨尚能聞此言

否季亨死有子才五歲四女皆幼揭而委之一寡妻是可

哀也詩曰毅卿希大雖傾謝此外寧無二子真一傍江山

埋汝骨幾回天地哭吾人其生癸丑卒於成化庚寅六月

年三十八屬續之秋適林緝熙來白沙覽予詩而哀故亦

同作

附林光詩西席頻年畱老眼北邙何日遂深期平生未浪垂雙淚惜汝還能賦此詩一死合畱終不死

他時料理及今時野烟殘照
離離在誰把從前與論思
明年某月日葬某所馬廣生

請勒諸石為墓銘

按賈志弟子傳以季亨為姓李門人錄因之俱誤又按先生與緝熙詩并序

今并存墓上考潘氏家譜今潮連潘氏近千人季亨所出者十之九自明以來至今登科者亦皆季亨公出云

關中字時中談雅人官岳州沅江訓導

參關氏家譜門人錄 宏治十

八年貢生少遊白沙之門凡持身教人一以端嚴為宗由

湖廣宜章訓導至按察副使

肇慶志 按肇志以為開平人或其祖籍也

黃佐字希顏工詩文成化十九年舉人官廣西太平府推

官陳子有贈希顏春試詩

五律

黃在字子察成化二十二年舉人官蓬州學正陳子有喜

黃在登科詩七絕俱參門人錄

黃元字克仁

按元當是字克仁詳宏治八年年譜

宏治五年舉人陳獻章門

人龍巖知縣改江南武德經歷

新會王志選舉

黃彥杜阮人正德五年舉人宜黃知縣陳獻章門人

新會王志

選舉

黃壽字叔仁陳子感事示叔仁詩親老需甘輒家貧乏困

倉賣文應不免為恨故難忘揮俗黃生激辭賓子覺剛爾

曹雖得罪無媿在門牆

門人錄按子覺陳陳字詳上增城

黃球字元海邑城人徙白沙陂頭以就學子子正字梅所

俱從學子正性仁厚年九十卒

參門人錄

黃昊一作昊

字公覆陳子示昊詩云高明之至無物不覆反

求諸身櫛柄在手

按賈志分黃昊黃昊為兩人誤昊古昊字

黃子賢水南人以孝致甘露之祥潔行好吟無媿陳子之

門

黃忠字景臣

黃鶴年字一彭

俱賈志弟子傳

紫泥人邑庠

採訪册

本集

同周文都宿黃

鶴年宅

看山從我不齋糧聞說葳蕤滿道旁草閣塘邊邀飲

罷青燈同宿有周郎

補梁衛字國鎮一字豸南小岡人成化二十二年舉人明

年南旋遂堅志不仕同門李孔修贈詩云蘆月渚烟能子

北一竿誰識紫溪翁梁氏家乘本集送梁國鎮蓋有藏器人我病

原非果徘徊思遠道欲往悲足跛梁生千里駒東西無不

可飛轡入長安垂楊春婀娜

補梁潛字永崎小岡人貢生穎悟博學與戴敬陳容同受

學白沙一日誦程明道詩富貴不淫貧賤樂男兒到老是

英雄句嘆曰大丈夫當如是矣容致仕歸語潛曰以子之

才乃不赴考何也答曰斯道也使得抱真信如漆雕此是

真祿奚以名爲遂絕意科舉號橋東釣者

梁氏家譜

梁大廈邦冲人

瀧水梁氏世譜

宏治十一年舉人官豐城教諭嘗

言先生經世之心始終欲行作聖之功垂老不息但修下
學之常誰覺上達之力廈與教中所見者飲水曲肱之樂
温厲恭安之容自然語默之教宛然孔子之風若夫規圓
矩方而有光風霽月之趣天挺人豪而詣渾然天成之區
初非一長之詣是又先生之餘門人錄
湯霽北到人與兄雲弟霓皆從陳獻章遊霽字民悅號九
山嘗延獻章至其鄉八仙井山中從學與湛若水友善年

七十尚以詩寄區越自悔進德之遲正德末與若水改葬

獻章若水因畱霽家為霽兄弟置田百畝而去

參新會賈志

甘泉集

贈湯子九山還古岡

聖人訓三益直諒與多聞子友九山子

何詎非其倫同業因伯氏識君弱冠前古心稱古服言動

夙馴馴亦同江門遊亦釣楚臺春子昨歸沙堤訪我鐵江

濱今秋攜公孫

自注陳畚即白沙先生孫

按

來浴新泉雲何以養其直

絲毫了不存何以養其諒心口無間然何以養多聞蓄德

歸淵泉行矣各努力相約朱明天

附錄霽與若水同處西樵廣朗洞樂堯庄

霍翰贈詩次甘泉韻

云云西樵遊覽記

張璧光字純卿凌涌人嘗從陳獻章遊宏治十七年舉人
母黃氏年至九十二每食必親供自少至老無怠容初知
慈谿俗多溺女璧光立保甲嚴禁之所活甚眾再知懷集
歸年八十一卒

新會
王志

補張不已水南人庠生父友梅與白沙先生友善命不已

從學先生有不已赴秋闈七絕先生卒建白沙祠置祭田

諸事多不已經理之

張氏
家乘

補張拱字子材中樂塘溪人少時業舉屢弗售遂謝去折
節力學以白沙賢而師事之生成化二十二年終隆慶四

年壽八十七

門人馮萬經撰子材墓志銘 按此志子材生成化二十二年是當先生卒之年子材年

才十五耳疑十許歲卽從遊矣此碑羅孝廉芳攜以視榕者惜其事蹟稍畧耳

周鎬字文邦麻園人陳子嘗與鎬爲雲潭之遊作雲潭記

及卒悼以詩曰何人擺脫浮生事得似周郎易簣時

門人錄

本集

悼周鎬

一雙玉樹出東溟豈意先隨曉露傾三十六

年惟一女老夫垂淚寫銘旌里巷三年六七墳老年無淚

哭交親數聲願借遼陽鶴喚醒人間未死人

周京字文都鎬弟幼孤事母兄以孝聞成化十三年舉人

以母老藏修十餘年築曝日臺習靜其上

參新會王志

從學白

沙先生先生三贈文都詩云小住江門五十年按京成化十三年鄉

舉先生時年適五十今本集作四十四字誤阮志作五是也隔坡相應荷相憐窗開四

面客通刺酒覆三杯月到船身上紫袍知有相畫中碧眼

亦真傳明朝庾嶺高回首萬里晴波正接天據本集正德三

年銓應天府通判廉明公慎吏畏民懷擢治中未聞命卒

子必誠白沙有贈童子久住侍父入京七律後登正德十

一年鄉試仕至衡府長史參新會王志按本集有過東

絕久住必
誠乳名

周正字天統宏治十四年舉人順天通判寶坻教諭門人錄

周儉字用中

賈志弟子傳

本集

與周用中兄弟書

補周端麻園人白沙門人

周氏世譜

區越字文廣潮連人八歲喪母哀慕切至事繼母以孝聞

從遊白沙宏治十八年進士知嘉善縣陞主事郎中歷知

建寧皆以廉慎稱丁艱服闋補寧國府前府喜峻法故人

人罪越悉為申理嘗夜寢覺寒太重亟索衣出脫荷枷者

日罪止小懲倘凍死其若之何遷浙江副使江西參政分

守湖東平積年逋寇以老致仕

新會王志著西屏集六卷

文

本集

慈母石為門人區越作

慈孝相感激天機謝人力誰來石

白沙門人考

卷

下歌見母不見石

林紹光字一榮沙岡人少從陳獻章遊博通羣籍得獻章律呂之學成化間舉明經邑御史鄧文憲少貧資而訓之士出其門者甚眾皆有白沙之風督學林廷玉雅重之今

稱學行志古之士必曰林一榮祀鄉賢新會王志 按王

化七年歲貢江南泰興訓導考列傳作林紹光學校鄉

賢條云庠生林紹光 又按甘泉集正德丙子新會縣

重修子城記諸生林紹光等進日云云榕考正德丙子

距成化七年已四十許年矣未知是同一人否今沙岡

僅林姓無湯姓 豈昔有今無耶

存疑 林棟 本集作棟 詳增城

譚以賢字希聖瑤步涌人陳獻章門人立志行己不媿古

人貢生會同訓導嘗註陳子律詩按阮通志藝文三卷原注未見陳子九

日下廬山示詩云瘦藤扶上小廬山東望何州覲面難衰

鬢插花秋意思浩歌揮琖酒波瀾山中雲氣方迷晝草際

蟲聲漸逼寒知我倚松長嘯罷江門水月正宜觀賈志著玉

峯集二卷佚阮通志藝文以良字士直以賢弟宏治二年舉

人定省溫清有古人風以親老不赴春官遊陳獻章門學

先主敬行敦本實凡邑中孝子節婦亟為表之當時同門

李世卿顧勉齋李子長湛民澤咸推重之新會王志及卒

白沙奠之曰於乎士直遽至於此耶天不與之年與之才

將誰咎耶彼碌碌者老而無聞又何貴於年耶據本集奠譚士直文

著玉樓稿二卷未見阮通志藝文

補譚有蓮天河禮村人從白沙先生遊嘗為白沙孫田擇

昏見白沙集為人樸誠好學先生嘗書楹帖於其祖祠曰

千秋俎豆將誠地書未畢先生得家書報母病遂輟筆去

此可以見先生之孝矣譚氏族譜

譚綬庠生遊白沙之門壽九十三新會王志耆壽

補李昇字廣輝阮通志選舉石步人陳獻章門人成化元年舉

人不仕

新會王
志選舉

訂誤

陳獻章送李昇之京詩歌聲誰放曉
江干萬里舟航眼界寬短棹已隨烟

浦外此溪遙接白雲端行藏手上惟三尺名利場中總

一官夾徑鶯花春未老為君傳送到平安鶴山志雜記

又鶴山志選舉李昇古蠶人宏治十四年舉人石埭

知縣按既云宏治十四年舉人時先生已沒焉有送

之京事考新會王志李昇石步人是此詩送石步之

李昇非古蠶之李昇鶴山志誤也此詩本集缺載

李翰字文卿潮連人宏治五年舉人六年會試副榜第一

官懷集上海教諭轉國子監學錄陞山西道御史未任卒

少陳子三十五歲陳肅謂操心律行風韻瀟灑似吾白沙

夫子云

參門
人錄

李九淵字深之

門人
錄

本集

寄李
九淵

嗟我與君同甲子鏡中

誰讓長霜毛

間李深之病

竹林花埭酒旗風秋賞春遊事事

同伏枕六旬猶未起相思紅日滿簾櫳

弔李九淵

夜臺無起

日春草自流年

李鴻字從正陳子有尋梅飲李鴻宅五律

參門人錄

馬國馨潮連人父默齋國馨童子時受知於陳子

門人錄

本集

飲馬氏園贈童子馬國馨七絕二首

馬貞字伯幹馨從弟

門人錄

本集

與馬貞書

貞父不幸蚤世貞

卒成立貞有母也又云伯幹病至此當為一場大休置

甘泉墓銘

按

甘泉貞別號

補趙思仁字壽卿號厓山三江人祖安郡王必迎勤王厓

山思仁樂善好施嘗遊白沙之門

趙氏家譜

本集

與廷實書

頃者

東山劉先生至厓山慨然欲表慈元之義又不欲干諸有

司乃有里後進趙壽卿願出二百千可謂義舉

與馬元真書

壽卿助建丁明府祠又舍田十二畝

補宋容重字子敬潮連社邊人成化二十二年舉人賀縣

知縣白沙門人

宋氏族譜

戴球字汝強號息齋長子恩次子澤俱庠生三子參字君

惠俱陳子門人陳子弔球詩開元一日雅來往到如今若

問斯文契湘江恨未深

門人錄 按本集有戴惠書惠即參也

戴昭庠生

戴輯

戴弁

字仲儼 俱賈志弟子傳

陳獻章門人由陽

春學歲貢為山東禹城教諭

新會王志選舉

補戴敬白沙門人

梁氏族譜梁潛傳附按諸戴俱天臺人

謝慈昱字德明號半江城西沙堤人陳子半江十咏為謝

德明賦與張廷實書謝德明居邑之南郭疇昔有桓温少

年之習嘉其勇於改革閉戶不出與俗交者四年矣鄉曲

往還忠於門下者也半江十咏示接引意求東所為作一

跋

參門人錄 按先生云忠於門下當是門人草志云先生之友

謝文信字伯倚曾讓田於叔

賈志弟子傳 按本集有謝伯倚得孫送薑酒詩云七十

一年雲水中半江老隱舊知儂一杯引滿為君喜伯倚今朝又作翁伯倚或半江兒姪與

補謝君章丹竈人白沙門人

採訪冊

補鄧谷隱

鄧澹樂

新會林志

二人缺名俱新昌人二號皆從

遊白沙時白沙所贈

參鄧氏世譜

補陸輦陳獻章門人江西萃鄉縣丞

新會王志選舉

麥岐字秀夫

門人錄

本集

秀夫於城南小渚中結茅居之容一之馬伯幹取酒共醉桃花

下各賦詩為樂秀夫謂子同作附其韻十首

我夢桃花何處尋水清蘋白一籬

金美人家住紅雲島欲往從之江水深

補 聶元會字時嘉號淇波荷塘人聶氏家譜陶魯第五女婿世烈

錄宋端儀三附錄何維柏改廣公墓志 本集創白沙祠碑白沙先生門人

補 阮繕宗字世緒號雪島潭岡人容琴月壻與內兄弟容

璘球輩從游白沙先生之門阮氏族譜篤好古道白沙是師有

前哲風番禺通政司李鸞雪島祭田碑

附闕姓名及縣錄名者列後 璠按名璠者疑即順德李璠詳上 李由

李方 李同俱賈志弟子傳 徐潘二生本集與徐潘二書按以生稱之似皆門人

考南海門人有潘漢補顧勉齋按王新會志譚以良傳

已見上 徐生未詳 齋咸推重焉按 勉齋疑即顧勉菴

按先生之門名臣廉吏隱逸篤實之士固多又有孝子
十二人曰何宇新陳茂烈甘思忠湛若水梁貞袁暉尹
鳳黃子賢周京區越張璧光譚以良忠烈
一人曰梁奎鳴呼德化之感孚者遠矣哉

附 南海三峯記 鶴山志易元傳

南海之濱有三峯焉蟠踞廣博意氣端重如蘋玉者兩峯
也風骨巉巖氣度軒豁如神人異僧使人望而敬者南峯
也娟好靚秀如素女靜姝遠之可愛近而不可狎者東峯
也煙銷霞斂風清日明薰溶和暢萬景嫵媚眺此一段佳
氣則精爽飛動神情怡悅及夫雲霧歛起雷電晦明則神
沒鬼出駭目驚心倏忽萬狀此三峯之所同也兩峯在東

良容君彥昭有之南峯在玉臺之西

按易君鶴山玉橋人地在新會縣東北西

字誤易君德元有之東峯在魁山之上陳君秉常有之三峯

之外在番禺者何氏有矩峯在東莞者林氏有熙峯三峯

齊之白雲九曜石鼓大奚諸山皆俛伏其下不敢抗視五

峯脈脊皆發崑崙

按皆字下疑漏發崑崙三字今補入

崑崙在白沙南

按崑崙在

白沙西稍北六十里記云在白沙南尤誤

世傳潁川公甫白龍所宮天下文明

則見南海諸山崑崙最高蒙泉潤澤可被千里屯雲膚寸

可雨天下與羅浮相望羣峯列岫層巒曼巘凡出崑崙者

皆磊落奇詭特異眾觀雖跨州越邑橫河絕海而端嚴環

抱尊面崑崙如弟子之服先師無違背者武夷之西雲谷

之東

按朱子文集卷八十三跋劉叔通詩卷自署雲谷晦菴老人此類甚多

蔡氏有九峯胡

氏有五峯誠二山之偉觀此五峯者不亦重白沙崑崙之
偉觀乎客有好奇者曰子知南海之崑崙矣知西海之崑
崙乎吾能言之其大蟠天地其高蔽日月闔風之苑元圃
之墟宮天帝而館神人其入中國者北紀則嵩華恆岱南
紀則岷峨衡廬小天下塊三山杯五湖皆崑崙之支脈爲
之也子欲盡天下之大觀吾與子其偕往三峯主人同應
曰善吾將由南海之崑崙泝西海之崑崙矣遂杖劍長歌

浩然向往

成化十一年乙未七月後二日永豐羅倫書

訂誤

何維柏

欽定四庫提要

卷一百七十七

天山存稿

何維柏撰

維柏嘗從陳獻

章游

榕

按何公創白沙祠碑云得私淑而終身服膺此碑

後署萬曆十二年自稱後學計是年距先生之卒已

八十四年矣粵大記云何端恪卒年七十七是先生

卒後而端恪乃生明矣阮通志亦引提要此語皆偶

誤也

阮志何維柏傳嘉靖十年舉於鄉不第復入西樵日讀白沙集發明白沙宗旨後編陳子言行

錄

周瑛

欽定四庫提要

卷一百一十一

翠渠摘稿

周瑛撰

張詡作陳獻章

行狀稱瑛為獻章門人其八世孫成跋力辨其非以二人

之集考之蓋始合而終睽者詡與成之說皆各執一偏明

史儒林傳亦稱瑛與獻章友獻章之學主於靜瑛不然之

謂學當以居敬為主

明史儒林傳周瑛字梁石莆田人成化五年進士知廣德州以善政聞歷

白少明人考

平

官布政使尤屬清節與陳獻章友善獻章主靜瑛謂當以
居敬為主明儒學案翠渠與白沙醫間為友明詩綜
周瑛咏古送白沙歸南海云東都事矯激西晉尚清虛一
時意自適社稷隨邱墟譬彼門戶開轉運由其樞大勢一
傾倒力救將何如君子閱世多立說
慎其初擇中而守固孔氏有遺書

本集與邱蘇州書承諭翠渠守廣德有聲因記曩歲周侯贈

賀克恭詩云黃門仙客歸遼左少室山人憶嶺南我亦

塵埃難久住木蘭溪上浣青衫周侯後以進士畱京以

書來番禺僕次韻戲之按此次韻詩本集缺本集卷十有次荅周太守瑛七絕二首其

韻異其時亦異未及寄去周侯尋守廣德而竊喜周侯之有為

又與邱書梁石克恭皆平生所深望便中聲意為感與林

春官書

閣下以六品居部官天下共責望周先生為廣德

得人口心稍稍前此邱蘇州書來亦謂如此可賀可賀

往者京師與廣德步月閒談異日或出或處必相料理

今因記木蘭溪上浣青衫之句不覺呵呵遂成拙詩梁

石終為廣德州木蘭溪上水空流詩中往昔三人共海

上如今兩鳥囚給事

按謂賀黃門

易為清靜退山人

按先生自謂

真脫羅網愁如何阜蓋不歸去應為蒼生未肯休以為

使廣德見之當發一笑

又與林蒙菴書

梁石時可之憂在己

者而亦為人

按蒙菴名雍時為禮部主事故曰春官蘇州府志邱霽字時雍鄱陽人成化入年

以刑部主事任十一年罷去按賀欽成化二年進士周瑛成化五年進士先生所贈賀黃門仙客之作與廣德步月事此成化二年五年間先生皆在京也按略考以上諸詩文則始合終睽之說似非且以先生稱之乃謂為門人益非矣

潘見龍

鶴山志地理潘見龍字翔甫號檜峯順德沖鶴人為白沙弟

子萬歷間廣東提學張邦翼採其詩入嶺南文獻墓在雲

堆村後茶山 沖鶴潘氏族譜九世見龍字翔甫號檜峯義

官生正德三年戊辰四月初四日戌時墓在新會茶山按今隸鶴

山按潘譜詳明如此是先生卒後七八年而檜峯乃生則非弟子明矣

歐陽回


篁莊歐陽氏族譜 回白沙門人自號溪南釣叟 篁莊
遺稿歐陽建著贈溪南七絕溪南老大興何如散誕琴書
樂海涯多病幾時堪策馬風花吟徧始還家 篁濱子傳
歐陽希周撰溪南者白沙弟子隱處篁溪之南無仕進志
嗜酒耽詩識高今古而若愚行敦孝友而不羈謂篁濱子
曰松而死何如櫟之生子聰明太露又好直言吾懼匠人
其斧斤爾矣

歐陽小韓孝廉贈篁莊遺稿一帙內載溪南爲白沙門

人因晤小韓詢其事跡復出歐陽氏族譜篁濱子傳相
質證余得其詳編入白沙門人考之末夫發潛闡幽吾
先兄志也安盡爲搜羅以繼兄志哉 戊午孟秋莊齡誌

白沙門人考終

胞弟阮非齡紫蒲校字



胡文敬公年譜序

顧端文與子書云吳康齋胡敬齋兩先生只是布衣却成了大儒連科目亦無用處識得此意一生真受用也至哉言乎吾誠慕兩先生既爲康齋年譜今又爲敬齋年譜敬齋文集余子積編輯草略併其行狀墓誌亦不附載行事不能詳攷生平力學躬行嚴毅清苦與其師康齋無異故爲麗澤堂學約序謂海內道明德尊足爲師表者康齋先生一人而已確守師訓可想師若弟窮居閭淡不求聞達而澤物覺民之念流行充溢大易所言不易乎世不成乎名邈世無悶不見是而無悶厯厯於兩先生見之婁克貞陳白沙皆受業康齋亦皆有所立然接師門正軌者終推敬齋焉光緒丁丑七月朔

江右新城楊希閔鐵備書

胡文敬公年譜引用書目

本集 明刻 正誼堂刻 乾隆間餘干刻

明史

理學宗傳

明儒學案

江西通志

胡文敬公年譜

江右新城楊希閔鐵備編

明宣宗宣德九年甲寅公生

公姓胡名居仁字叔心號敬齋饒州餘干人始祖檢閱公

泰州人隨宋高宗南渡居進賢之歸仁鄉後徙臨川白珩

六世祖斗南公徙餘干鄒店九世祖日新公徙梅溪本集移居

記 父子儀讀書教授鄉里號竹友先生母王氏兄弟二

人長居安次即公也參本集先君墓誌

十年乙卯二歲

英宗正統元年丙辰三歲

二年丁巳四歲

月之文入三

三年戊午五歲

四年己未六歲

五年庚申七歲

七歲受學於家塾言動類成人塾師異之

理學宗傳

六年辛酉八歲

七年壬戌九歲

八年癸亥十歲

九年甲子十一歲

十年乙丑十二歲

十一年丙寅十三歲

十二年丁卯十四歲

十三年戊辰十五歲

十四年己巳十六歲

代宗景泰元年庚午十七歲

二年辛未十八歲

三年壬申十九歲

是年從于世衡先生準受春秋學本集與于先生書

四年癸酉二十歲

五年甲戌二十一歲

是年讀小學有感於是往受教於臨川吳先生之門乃知古聖賢之學以存心窮理為要躬行實踐為本故德益進身益修治平之道固有諸已是以進而行之足以致君澤

民退而明道亦可以傳於後世豈記譎詞章智謀功利之

可同日語哉

本集與于先生書

弱冠奮志聖賢之學從吳先生

游後遂絕意科舉築室於梅溪山中事親講學之外不干

人事

明儒學案

六年乙亥二十二歲

七年丙子二十三歲

是年從吳康齋先生往閩

見本集莫克貞書閣記

英宗天順元年丁丑二十四歲

二年戊寅二十五歲

三年己卯二十六歲

四年庚辰二十七歲

五年辛巳二十八歲

六年壬午二十九歲

是年三月吳先生至公里題其居曰禮吾書舍

本集與邑宰書

七年癸未三十歲

八年甲申三十一歲

公有麗澤堂學約序云方今海內之士學明德尊足為師表者康齋先生一人而已愚往復從游數載彷彿有以得其依歸但相去遠不獲常親炙恐離羣獨學終無以成德也於是乃與同志構麗澤堂相與肄業其中蓋本易兌傳君子以朋友講習之義也凡學於此者謹德行明義理持其志敏其功期底於成庶乎麗澤之益為無窮矣

本集

閱案公與邑宰書云壬午吳先生賜題禮吾書舍因其地而寓號焉今歲同類漸衆屋狹難容舍後有空間麥地五六餘畝可作學基復有義士某等願舍田換易以成其事某學雖疏寡敢不竭盡心思推廣師說以爲多士之倡而作興之任實在於賢侯云云則知此堂之作當在此一二年

憲宗成化元年乙酉三十二歲

公有移居記云年十二三隨親居安仁之大原今二十載矣終以其山川偏逼無以託子孫於悠久近得梅溪南五六里有地曰福壽墩墩屹立于地數仞兩溪交流於下墩之西寬曠數里四山遠聳中有高爽之地數畝可卜居焉

至於平疇可供耕種山林可供樵爨長岡可牧溪水可漁
固足以爲理生要務逮夫暇日或縱步於平道或登覽於
高峰或盥濯於清流又足以暢素懷而遂幽志於是與兄
居安請親命而遷家焉乙酉冬移屋數間覆檐以茅墁壁
以泥周屋以土爲塹而雜植竹木於上蓋取其功之易成
而不費亦予貧賤之所樂也

本集

二年丙戌三十三歲

是年二月丁父憂 執親之喪水漿不入口柴毀骨立非
杖不能起三年不入寢室動依古禮

參史傳及學案

喪葬之儀

悉依古典不苟卜兆爲鄉里鵬鳥所阨不得已而訟之墨
衰以入公門識者知其爲特立獨行之士而不識者咸非

笑之

張吉居業錄要語序

三年丁亥三十四歲

是年二月葬父於梅溪下

四年戊子三十五歲

是年丁母憂

先是父服闋後僉事潮陽李公

李名齡

延主

白鹿書院講席甫定規約會丁母憂歸

續白鹿洞學規六則

一正趨向以立其志

書曰惟狂克念作聖惟聖罔念作狂人求多聞時惟建事

學於古訓乃有獲事不師古以克永世匪說攸聞 孔子

曰吾十有五而志於學 子曰志於道據於德依於仁游

於藝 子曰古之學爲己今之學爲人 子以四教文行
忠信 顏子曰舜何人也予何人也有爲者亦若是 成
矚曰彼丈夫也我丈夫也吾何畏彼哉 公明儀曰文王
我師也周公豈欺我哉 孟子道性善言必稱堯舜 又
曰人皆可以爲堯舜 孟子曰乃所願則學孔子也 周
子曰聖希天賢希聖士希賢伊尹顏淵大賢也伊尹恥其
君不爲堯舜一夫不得其所若撻於市顏淵不遷怒不貳
過志伊尹之所志學顏淵之所學過則聖及則賢不及則
亦不失於令名 聖人之道入乎耳存乎心蘊之爲德行
行之爲事業彼以文辭而已者陋矣 程子曰天下第一
等事不可讓與別人做程子自十五六遂厭科舉之學慨

然有求道之志 古人惟務修德而已有德者必有言韓
退之因學爲文而求其所至是倒學了 言學便以道爲
志言人便以聖人爲志 呂氏稱程子窮學聖人而未至
不欲一善成名 橫渠先生曰二程自十四五脫然優學
聖人 橫渠張子語學者曰孰能少置意科舉相從入堯
舜之域關中學者翕然從之多告以知禮成性變化氣質
學者必如聖人而後已 尹氏曰吾學聖人者也聖人所
言吾當言之聖人所行吾當行之故力排異端以扶正道
陳忠肅公曰幼學之士先要分別人品上下何者是聖
賢所爲之事何者是下愚所爲之事向善背惡去彼取此
此幼學所當先也 朱子曰爲學須思所以超凡入聖如

昨日爲鄉人今日便要爲聖人須竦拔後方始有進。今日克念卽可爲聖明日罔念卽爲狂矣。古之學者始乎爲士終乎爲聖人。爲學先須立志志旣立然後學問可次第着力立志不定終不濟事。世之志利欲者與志理義者自不干事志利欲便是趨禽獸之徑志理義便是正路鄉里。熹於科舉自幼便見得輕。今人不去講義理只去學詩文已落第二等。學莫先於立志志道則心存於正而無他。聖人教人無非講明義理以修身然後推以及人非徒欲其務記覽爲詞章以釣聲名取利祿而已也。此道理與生俱來今人棄了都不理會浮生浪死甚可惜。南軒張先生曰學者當以立志爲先不爲異端惑

不爲文采眩不爲功利汨庶幾可以言讀書矣

愚謂聖人設教無非因人固有之理而品節之使由是而學焉則德無不明身無不修矣今之學者有氣高者則馳騫於空無玄妙之域明敏者類以該博爲尙科名爲心又其下者不過終於詩句浮詞以媚世取容而已未嘗知有聖賢之學也夫聖賢之學得之於己可以成善治美風俗興教化三代可復也或者以爲聖人之道高遠難至非後學之所敢及殊不知有生之類其性本同但聖人不爲物欲所昏耳今學者誠能存養省察使本心常明物欲不行則天性自全聖人可學而至矣聖人豈隱其易者反使人由於艱難阻絕之域哉又有以爲道學固美但非世俗所

尙不利行耳殊不知日用之間無非此道之流行近自灑掃應對事親接物之間推而至於仁民愛物無所用而不周無所施而不利特由教養無方人不自察耳居仁不揆愚陋竊有志於斯焉於是不敢自私將欲與有志之士講明而踐行之故爲此規以告同類必先開發此志然後進於有爲也至於用力之方條列於左云

二主誠敬以存其心

易曰忠信所以進德也修辭立誠所以居業也 閑邪存其誠 孔子曰主忠信 言忠信行篤敬 居處恭執事敬與人忠雖之夷狄不可棄也 出門如見大賓使民如承大祭 曲禮曰毋不敬儼若思安定辭安民哉 足容

重手容恭目容端口容止聲容靜頭容直氣容肅立容德
色容莊 坐如尸立如齋 莊敬日強安肆日偷 丹書
曰敬勝怠者吉怠勝敬者滅 孟子曰仁人心也 學問
之道無他求其放心而已矣 程子曰若不能涵養卽是
說話 聖賢千言萬語只是欲人將已放之心約之使反
復入身來自能尋向上去下學而上達也 古之人耳之
於樂目之於禮左右起居盤盂几杖有銘有戒動息皆有
所養今皆廢壞獨有理義之養心耳但此涵養久自熟矣
敬以直內是涵養意 呂與叔患思慮之多不能驅除程
子曰此正如破屋禦寇東面一人來未逐得西面一人又
至矣左右前後驅逐不暇蓋其四面空疎盜故易入無緣

作得主蓋中有主則外患不能入自然無事 居處恭執
事敬與人忠是徹上徹下語聖人元無二語 學者當守
此心不可急迫當栽培深厚涵泳於其間然後可以自得
但急迫求之只是私己終不足以達道 思無邪毋不敬
此二句循而行之安得有差有差者皆由不敬不正也
入道莫如敬未有致知而不在敬者 今人心主不定視
心如寇讐而不可制不是事累心乃是心累事 孔子言
仁只說出門如見大賓使民如承大祭看其氣象便須心
廣體胖動容周旋自然中禮唯慎獨便是守之之法君子
修己以敬以安百姓篤恭而天下平惟上下一於恭敬則
天地自位萬物自育氣無不和四靈何有不至此體信達

順之道聰明睿智皆由此出以此祀天饗帝 人道唯在
忠信不誠無物且出入無時莫知其鄉者人心也苟無忠
信豈復有物乎 心要在腔子裏 學者患思慮紛亂不
能甯靜此則天下之公病學者只要立箇心此上頭儘有
商量閑邪則誠自存不是外面提一箇誠將來存著今人
外面役役爲不善於不善中尋箇善來存著如此則豈有
入善之理故孟子言性善皆由內出只爲誠便存閑邪更
著甚工夫但惟是動容貌整思慮則自然生敬敬只是主
一也主一則旣不之東又不之西如是則只是中旣不之
此又不之彼如是只是內存此則自然天理明學者須是
將敬以直內涵養此意直內是本 閑邪則固一矣主二

則不消言閑邪有以一爲難見不可下工夫如何一者無
他只整齊嚴肅則心便一一則自無非僻之干此意但涵
養久之則天理自然明 敬則自虛靜但不可把虛靜喚
作敬 學者先務固在心志然有謂欲屏去聞見知慮則
是絕聖棄智有欲屏去思慮患其紛亂則是坐禪入定如
明鑑在此萬物畢照是鑑之常難爲使之不照人心不能
不交感萬物難爲使之不思慮若欲免此惟是心有主如
何爲主敬而已矣有主則虛虛謂外邪不能入無主則實
實謂物來奪之大凡人心不可二用用於一事則他事更
不能入矣事之爲主尙無思慮紛擾之患况主於敬又焉
有此患乎所謂敬主一之謂敬所謂一無適之謂一且欲

涵泳主一之義不一則二三矣至於不敢欺不敢慢尚不
愧於屋漏皆是敬之事 嚴威儼格非敬之事但致敬自
此入 朱子曰敬者聖學所以成始而成終者也爲小學
者不由乎此固無以涵養本原而謹乎灑掃應對進退之
節與夫六藝之教爲大學者不由乎此亦無以開發聰明
進德修業而致乎明德新民之功也 聖賢之學徹頭徹
尾只是一敬字致知不以敬則昏惑紛擾無以察義理之
歸躬行不以敬則怠惰放肆無以致義理之實 或問敬
字當不得小學朱子曰看來小學却當不得敬敬已自包
得小學敬是徹上徹下工夫雖做到聖賢田地也放下這
敬不得 持其志則氣自清明 學者當提醒此心使如

日之方升則羣邪自息 纔主一便覺意思卓然精明
人一時間外面整肅便一時醒一時放寬了便昏怠也
敬者一心之主宰萬事之本根古人於小學中已自把捉
成了故於大學無所不可今人既無小學之功卻當以敬
爲本 妄誕欺詐爲不誠怠惰放肆爲不敬 范氏曰一
心之微衆欲攻之其所存者嗚呼幾希君子存誠克念克
敬天君泰然百體從令 兩山真先生曰敬則萬善俱立
怠則萬善俱廢

愚聞人之一心萬理咸備蓋其虛靈之體得之於天所以
主乎吾之一身宰制天下之事者孰有大於此者乎孰有
貴於此者乎然放而不存日以昏昧至大至貴之物反流

於卑污苟賤之域而不自知矣然所以放者由於物欲牽引舊習纏繞故雜慮紛紜不能休息而無時在腔子之內也惟能主乎誠敬則本心全體卽此而存外邪客慮無自入矣蓋真實無妄之謂誠主一無適之謂敬二者旣立則天理安有不明人欲何從而生哉但其功夫效驗周徧精切非一言所能形容是以類集聖賢所言誠敬之道共爲一篇庶乎可以體驗而有得焉愚以爲今之學者但當盡己之心毋使有一毫之虛妄齋莊嚴肅毋使有一毫之情弛則所謂真實無妄主一無適者自可至矣由是以窮理修身由是以齊家治國亦何所不可何所不能哉程子所謂聰明睿智皆由此出信不欺我矣

三博窮事理以盡致知之方

程子曰涵養須用敬進學則在致知凡一物必有一理須是窮致其理窮理亦多端或讀書講明道義或論古今人物別其是非或應接事物處其當否皆窮理也窮理者非謂必窮盡天下萬物之理又非謂止窮得一理便到但積累多後自然見去自一身之中以至萬事萬物之理會得多自當脫然有覺悟處格物非欲盡窮天下之物但於一物窮盡其他可以類推至於言孝則當求其所以爲孝者如何若一事上窮不得且別窮一事或先其易者或先其難者各隨人淺深譬如千蹊萬徑皆可以適國但得一道而入則可以通其餘矣萬物各具一理萬物共出

一原此所以可推而無不通也。或問觀物察己者豈因見物而反求諸己乎程子曰不必然也物我一理纔明彼卽曉此此合內外之道也語其大天地之高厚語其小至一物之所以然皆學者所宜致思也自然則先求之四端可乎曰求之性情固切於身然一草一木亦皆有理不可不察。致知之要當知至善之所在如父止於慈子止於孝之類若不務此而徒欲泛然以觀萬物之理則吾恐其如大軍之遊騎出太遠而無所歸也格物莫若察之於身其得之尤切。延平李先生曰凡遇一事卽當且就此事反復推尋以究其理待此一事融釋脫落然後循序少進而別窮一事如此既久積累之多胸中自當有灑然處。

朱子曰讀書是格物一事致知之方或者考之事爲之著
或察之念慮之微或求之文字之中或索之講論之際使
於身心性情之德人倫日用之常以至天地鬼神之變鳥
獸草木之宜自其一物之中莫不有以見其所當然而不
容已與其所以然而不可易者必其表裏精粗無所不盡
而又益推其類以通之至於一日脫然而貫通焉則於天
下之物皆有以究其義理精微之所極而吾之聰明睿智
亦皆有以極其心之本體而無不盡矣 盈天地之間皆
物也以其至切而近者言之則心之爲物實主於身其體
則有仁義禮智之性其用則有慤隱羞惡恭敬是非之情
渾然在中隨感而應各有攸主而不可亂也次而及於身

之所具則有口鼻耳目四肢之用又次而及於身之所接則有君臣父子夫婦長幼朋友之常是皆有所當然之則自不容已所謂理也外而至於人則人之理不異於己也遠而至於物則物之理不異於人也極其大則天地之運古今之變不能外也盡於小則一塵之微一息之頃不能遺也

愚謂大學之教以致知爲先蓋能推致吾之知識使無不盡則本心洞然萬變畢照由此而之焉則意誠心正而身修天下國家可得而治矣但其用力之方則在於卽物推求以究其理方爲的實若汎然從事於言語訓詁之末則講說雖勤文辭雖麗乃程子所謂翫物喪志之學徒槃精

神於身心無纖毫之益其遇事變亦茫然不知理之所在
顛倒錯繆殆有甚焉尙望其能成已成物而無誤乎然亦
無以他求爲也今學者誠能讀聖賢之書反復尋究以求
其理亦可以得致知之大端矣更於日用之間窮其何爲
是何爲非事事求其至善物物尋其當然則致知之功莫
切於此如此旣久則知益明理益精矣

四審察幾微以爲應事之要

易曰幾者動之微吉凶之先見者也 知幾其神乎 詩

曰潛雖伏矣亦孔之昭 中庸曰故君子內省不疚無惡
於志君子之所不可及者其惟人之所不見乎 子思曰
莫見乎隱莫顯乎微故君子慎其獨也 周子曰誠無爲

幾善惡 朱子曰欲動未動之間便有善惡正學者用心
理會 天理人欲幾微之間 天理人欲之分只爭些子
故周子只管說幾字 幾微之間善者便是天理惡者便
是人欲纔覺如此便存其善去其惡可也

愚謂人生日用之間起居動息以至設施措置不能不與
物接故不能無事然所以爲事之理固已具於性分之內
也若厭其煩擾欲絕而去之則陷於老佛之空寂若不察
其理之當然以機變爲足以應事則流於儀秦申商智謀
之末爲小人之歸矣然事物之間雖曰無非天理所在苟
失於省察則不覺陷於人欲之私雖或悔悟亦無及矣故
必於事物初接本心萌動之際謹察精辨孰爲天理孰爲

人欲使善惡是非公私義利判然於前然後從其善而去其惡如此既久則理義益精自無過與不及之差矣
五克治力行以盡成己之道

易曰君子終日乾乾夕惕若 天行健君子以自強不息

書曰直而溫寬而栗剛而無虐簡而無傲 顏淵問克

己復禮之目子曰非禮勿視非禮勿聽非禮勿言非禮勿

動 程子曰學問之道無他也知其善則速改以從善而

己 人能克己則仰不愧俯不忤其樂可知有息則餒矣

伊川問謝顯道相別半年做得甚工夫對曰只去箇矜

字 矯輕警惰 朱子曰窮理以致其知反躬以踐其實

此間講說時少踐履時多事事都要我自去理會 凡

是私己不是天理者便克將去行之久則善與自家爲一
爲一則得之在我未能行則善自善我自我 人於道理
不能行只是在我之道理有未盡耳不當咎其不可行當
反而求盡其道

愚聞人之有生便有所以爲人之理是皆天之所賦非人
力之所爲也雖聖人不過盡爲人之理而已孟子所謂踐
形是非聖人於此身之外別有所以爲聖人之理也今所
以不能如聖人之從容中道者是氣質有偏物欲有蔽故
必克治其氣質之偏物欲之蔽使所行無過不及之差然
後可以盡此身之理以成乎己也苟或知而不行則前所
窮之理無所安頓徒費講學之功無以爲己有豈不重可

惜乎今學於此者務必實體此理而力行以終之以脫乎俗學之陋其力行之方聖賢方冊已詳姑舉大端於此以示同志

六推己及物以廣成物之功

愚聞子朱子曰天之明命有生之所同得非有我之得私也是以君子之心廓然大公其視天下無一物而非吾心之所當愛無一事而非吾職之所當爲雖或在匹夫之賤所以堯舜其君堯舜其民者未嘗不在吾之分內也竊謂學者須要有如此心胸則規模廣大私吝之心自消推而行之豈有一民不被其澤一物不得其所哉此儒者之學必至於參天地贊化育然後爲功利之全也聖賢開示後

學心切如此顧乃背其名教偏狹淺陋成一己之功名苟一家之富貴使明德新民之大道正君善俗之大業不行於世嗚呼惜哉有志之士尙當勉力於此以進復先王之治

白鹿洞講義

古之學者必以修身爲本修身之道必以窮理爲先理明身修則推之天下國家無不順治今諸君在洞者務必用功於此虛心一意絕其雜慮而於聖賢之書熟讀精思明辯反之於身而力行之又於日用之間凡一事一物必精察其理一動一靜必實踐其跡則所學在我而於酌應之際以天下之理處天下之事必沛然矣又何古人之不可

學哉且諸君以爲今人之性與古人之性同乎異乎今人之心與古人之心同乎異乎苟異矣不敢強諸君若吾之心吾之性不異於古人又何古人之不可學哉諸君其勉之務使今日白鹿洞卽昔日之白鹿洞今日之學卽文公昔日之學今日之道卽文公昔日之道不惟能盡乎吾身所賦之理而於國家崇建人文之盛典諸名公作興之盛意庶不負焉諸君勉之哉

閱案續規以六則爲大綱條引經書先儒之言爲註選言精簡非融洽通貫不能不可視爲鈔掇語也科舉之學興有三病平日從事兔園冊子者則儒先書直未入目得此以引其新機亦一藥也若平日襍博以詩文自

上田...
豪者則視此等語以爲老生常談反卑之無甚高論此
病比前一類人更難醫所謂自暴者也其或醉心於功
名富貴雖不以此等語爲非然以爲非吾生切要之圖
姑憇置之此病亦不易醫所謂自棄者也又有一種人
在前三者之外偏好說儒先話色取仁而行違外面是
一無病人却內面病有百種秦越人亦難恃其洞見垣
一方也嗟乎此文敬所以兩聘主講白鹿卒亦無所成
就而歸豈非此輩之衆乎

五年己丑三十六歲

六年庚寅三十七歲

是年母服闋

七年辛卯三十八歲

公有復于先生書云伏聞先生力學不已廉謹自守爲國
爲民之心久而益切敬仰敬仰竊以爲上之於民尊臨撫
育有父子之義故賢君憂勤惻怛所以愛民如子者非出
於強爲也彼其視民漠然而無干者亦以爲利欲所汨失
其天地之心且如康誥言如保赤子一句人誰不讀實能
體此者寡焉如此讀書雖讀萬卷何益若上之憂民真如
慈母之憂赤子則凡以安其生防其逸新其德者無所不
用其至矣然非得賢才講究條畫亦無以盡施設之方也
故古之爲政者以修身爲本愛民爲重求賢爲急又蒙教
翰言居仁於父母之喪葬能盡禮拜讀之餘愈慙愈懼自

念學力疏淺操存不密違理甚多過後悔悟追回不及自
今以後再欲改過庶全人道以求無辱於親不知果能如
何末云康齋先生前年十月捐館不審知否

閱案此書未定何年玩父母喪葬盡禮及康齋先生捐
館等語知當在此一二年

八年壬辰三十九歲

九年癸巳四十歲

十年甲午四十一歲

十一年乙未四十二歲

十二年丙申四十三歲

十三年丁酉四十四歲

十四年戊戌四十五歲

十五年己亥四十六歲

公有與曩消書云居仁自丙戌年喪父戊子年喪母至辛卯年後疾病纏綿八年方愈故血氣早衰不能精進今又喪妻無一好況但此道理無處不在雖居憂患苟能存心察理亦無非進學之地今未能然所以可愧也

本集

閱案公自辛卯至戊戌患病八年大概在家講學喪妻不定何年玩語氣總在己亥之間

十六年庚子四十七歲

是年祁參政鍾憲副莊僉憲等聘主白鹿書院講事正月二十六日起行正月初三日到院與上三憲書云居仁

學墮才疏何足以副委任夫天下之事得人則興不得人
則廢今欲興復文公數百年之絕學以倡明於當時非得
四方英明豪傑之士相與講論切磋琢於其間曷足以及此
伏望廣行推訪有才氣英明志向高遠及純篤溫厚者訪
得其人命有司以禮敦送入院則士氣必振海內風動豪
傑英偉之才必不遠千里而至作興之道無過於此者若
夫凡下之才汲汲於奔競者不必招致也謹薦所知數人
伏望禮請到院幸甚 又一書云士習頹靡已久必得第
一等人才倡率庶使中人之才皆可激勵而進若汎取凡
庸之才非惟不能率教必將怠惰放肆反道敗德有玷名
教必矣又云若成就人才既多將來必爲世用其澤豈有

窮哉向薦陳剛不知曾去請否伏望命下本縣遣使禮請
入院訓迪幸甚 又一書云居仁恭承嘉命靡不盡心竭
力期以成功不幸舊疾復作蓋因廬山風高弱體不堪恐
病日深是以於六月初二日回家醫治又慮有荒院教伏
望擇請道隆德備者爲之師則後學有宗居仁雖抱疾在
家亦無憂慮 答陳大中 卽陳剛字云白鹿洞事在上者不知
擇人多是奔競勢利之徒教不可施內中又任小人行事
故辭疾而歸世道窮極如此奈何 寄邱時雍云蒙示以
有教無類不可有所擇此先生之盛心居仁所當佩服然
其以慕道之心而來者固當歡然樂得其人豈論其類哉
若其心本非慕道只因見土司作興爲利祿而來者教之

以善則不聽導之以德則不從成羣作隊習爲怠惰放肆
之行見利則爭閭義不服壞文公之教反玷上司作興之
盛心若此者尊兄將何以處之乎外人聞此必將誼起謗
議又將何以自解乎是以居仁益憂益懼恐教無所施也
夫謹其始尙恐不能保其終況不謹其始能保其終乎居
仁蓋不欲爲拙工改廢繩墨開聖學門庭以來豪傑之士
若汨於舉業但招得一等凡才英邁超卓之人肯至乎如
此則文章尙不能得其上者况道德乎其必自壞其德業
况能成就人之德業乎若崇道德舉英才振士氣則四方
豪傑必將漸至遲以數年人才輩出又何患教之不興乎
欲望時雍條具此意以達於諸公扶持名教高明之本心

故以此爲請

以上本集

貫道橋記

延賓館記

皆白鹿洞作

十七年辛丑四十八歲

是年三月游浙西湖有游西湖記

本集

十八年壬寅四十九歲

十九年癸卯五十歲

是年番陽余子積

祐

來從學時年十九公以女妻之後登

宏治二年進士至吏部右侍郎

吏傳

二十年甲辰五十一歲

是年二月十二日公卒子一崇修萬曆十三年從祀孔廟

追謚文敬 其學以主忠信爲先以求放心爲要操而勿

失莫大乎敬因以敬名其齋端莊凝重對妻子如嚴賓語

治世則曰惟王道能使萬物各得其所所著有居業錄蓋

取修辭立誠之義與羅倫張元禎友善數會於弋陽龜峰

嘗言陳獻章學近禪又痛儒者撰述繁蕪謂朱子註參同

契陰符經皆不作可也閻修自守布衣終其身人以為薛

瑄之後粹然一出於正參史傳公言治法寓兵未復且先

行屯田賓興不行且先薦舉井田之法當以田為母區畫

有定數以人為子增減以受之設官之法正官命於朝廷

僚屬大者薦聞小者自辟皆非迂儒所能言後有王者所

當取法也明儒學案

閱案明史及學案皆言與羅倫張元禎友善為會於弋

陽之龜峯餘干之應天寺又講學貴溪桐源書院然皆

不繫年月莫定何時今節集中與羅一峰張東白論學
之書彙錄一二於後以徵講學之概

公與羅一峰書云伏聞先生作易經集說不知尊意所在
願附一本見教易之爲書始於伏羲成於文王周公備於
孔子而明於程朱所以然者因風氣不同世變不一太古
之時世質民純只用卦畫以示吉凶而開物成務利用厚
生辭不繫可也至文王周公之時則世故漸多情僞百出
德不可不正辭不可不繫故曰易之興也其於中古乎作
易者其有憂患乎然須知文王周公所憂患者何事至孔
子當周末王教不明世道益下其所憂者又非文王周公
之比故十翼之作不得已也與拭淚而作春秋同意至孟

子以後諸儒妄以己意穿鑿溺象數而不知求理循流而不知源遂失聖人之意程子憂且懼矣故作傳文然後體用一源顯微無間而易大明矣朱子又推本伏羲文王立卦繫辭之本義使古今一貫片息於易之未善更作本義也愚意易之書具於未畫之前明於既畫之後因世變風移而有詳略所謂隨時變易以從道是也義易者太古之易也周易者中古之易也孔易者末世垂教之易也程易者今世當用之易也本義者推原古易以及今也姑撮其大要其餘詳細尙圖面質 又一書云竊疑朱子門人親炙朱子日久尙未甚失然訓解漸繁實體之功少矣再傳則流於口語遂失其真 又云日用間工夫最怕做得不

眞二則怕間斷近見語類中有做主敬存心工夫不得其
要遂入於禪學者又有不知主敬存心廣覽博記遂成博
雜無以貫通乎體用之妙者又有恃其才氣剛大自謂能
任道力行不知聖賢操存省察之要終爲一節之士者又
有氣質溫厚恬淡自能涵養工夫不知戒謹恐懼之實者
又有工夫間斷卒無成德者又有兼好詩文遂爲所迷造
道不純者大抵要傳聖賢須實有聖賢工夫稍有所偏便
爲全體之害故不眞者多害道間斷者無成功未知是否
本集

又與張東白書云居仁欲修春秋集傳此志已久惜學力
未至不敢下筆夫春秋仲尼用意最深者當時羣聖制作

已備然皆當代事聖人固已述之爲後世法若春秋則亂世之事聖人是其所當是非其所當非裁酌損益爲百王之中制萬事之程準先儒發明宗旨雖多惟程子以爲經世之大典乃約而盡諸儒之傳亦惟程子發明精切有力如胡氏雖議論發越然義理切當不及程傳多矣況未免張大穿鑿之病乎居仁欲取程傳爲正芻取諸儒之言以附翼之仿詩經集傳先訓文義敘事跡然後用胡傳及先儒言之精切者以發明聖人之意要使王道燦然可舉而行也先儒謂聖人心事難知聖人心事天理也謂聖人行事難知聖人行事王道也理精道明豈有不知春秋哉愚以先知春秋莫如孟子後知春秋莫如程子謹以愚見質

於高明 又一書云聖道之大害有二功利異端也愚意
莫先自治躬率學者去了許多好高妙病痛日將四書反
復熟究程朱之書切己體察使吾身心義理有以洞貫大
本然後方能指其病而正之此內修而外攘之道高明以
爲如何聞一峯廣大剛健無驕吝之私樂與人爲善欲賴
共扶此道但不知窮理工夫如何所欲言者甚多略述數
端具陳別紙

閱案觀與羅張書言易言春秋皆精卓論學亦篤實有

繩準

又與夏憲副

案夏名寅
字正夫

云古者學校所繫甚重凡圖家之

事無不出於學者非惟舉用賢才出於學雖行兵出師亦

受成於學也蓋以政由教出治以道明故士之所學者無非修身致治之道上之所行者無非學校所窮之理也自漢魏以下學校之教不遠訓註記誦爲業未嘗卽物以窮天下之理故無修身致治之具上之所用者非得乎明德致治之人如蕭曹房杜等號稱賢相然亦以其智謀才力之長其於天下之事不過補其罅漏修其缺壞豈能事事物物盡其當然之則使生民各得其所乎程子謂其未嘗以道治天下不過以法把持是也至宋之時安定胡先生能知乎此故立經義齋治事齋以教學者凡治民治兵水利算數無不講究其後關洛諸公繼出故格物窮理之學修身治世之道煥然如出三代之上居仁質雖愚弱竊有

感焉每欲學之而未能也向因家貧饑旱窮究水利編集成篇特以卑下未能推行痛念鄉鄰貧困無以爲生謹此上呈雖曰救時之急亦所以示學者使知卽事窮理不專爲紙筆無用之學也

閱案錄此以見敬齋求實用之一端

明陝西道監察御史李及泉

願

疏請從祀孔庭略云餘干故

儒胡居仁質本深潛學由積累其進修以力行爲實地其要領以主敬爲持循慕道安貧日尋孔顏之樂窮經講學深得濂洛之傳燕處而存省益嚴飭躬而細微必謹其他如孝友之實行歷履之大致今愚夫小子皆能述之所謂躬行君子斯道先覺也當時本省副使夏寅往問時政得其水利十條

命有司行之百姓至今稱便提學僉事李齡聘主鹿洞立講學約規後學守之與朱子教條並傳其平居著述有易傳春秋傳今頗散佚次存於世者有居業錄有粹言有文集其間議論廣大精微高明平實莫非羽翼六經發揮斯道其有功於聖門非淺鮮已也故先臣楊廉集國朝理學諸臣首簡所序獨辭瑄胡居仁近副都御史鄭世威因議從祀亦云宋儒自周程張朱而下我朝理學辭瑄胡居仁皆傳得其宗聖學正裔此皆歷歷可考者伏乞皇上敕下禮部廣集羣議如臣言不謬將胡居仁從祀孔廟以所著居業錄粹言行儒臣纂修編於性理大全之後列於黌宮云云

明楊畏軒廉居業錄序云其言精確簡當讀書錄之外所見

惟此耳廉聞敬齋嚴毅清苦力行可畏其議論實出涵養體
驗所得非攷索探討致然

國朝蔡文勤公

世遠

曰敬齋先生一布衣耳巋然獨立蔚爲

一代儒宗遂至從祀廟庭享食百代人可不自奮哉攷其生
平以求放心爲要以居敬窮理爲宗其研極天人剖析理欲
不遺餘力而剛大之氣發見於語言行事之間觀其圭白鹿
洞之教毅然以斯道自任與白沙同游康齋之門至譏其凌
虛駕空僿侗自大羅一峰張東白皆當時鉅公往復論辨無
所屈攘斥佛老痛抑功利毫無假借使其立朝則伊川經筵
之疏橫渠召對之言斷可爲敬齋信之也

